

Teol









PATRIS  
F. CAROLI LANTERII  
GENVENSIS

Ordinis Minorum Regularis obser. Prouincię Terrę Labo-  
ris, Sacrę Theologię Lectoris Iubilati, & Ex-Ministri.  
Totius Ordinis iam Diffinitoris Generalis, ac  
in Romana Curia Generalis Commissa-  
rij; Et ad pręsens Discreti perpetui;  
Nec non Sancti Officij Romę  
Qualificatoris.



TRACTATUS

De Iustitia originali, & de Primorum  
Parentum productione in statu  
Innocentię.

ILLVSTRISS. ET REVERENDISS. D.

DOMINO HIERONYMO  
CASANATO

Vtriusque Signaturę Referendario, & Sanctę Romanę  
Vniuersalis Inquisitionis Assessori Dignissimo  
atque Doctissimo.

*Comprato quello  
Agosto 1675  
fr. L. 1. 5. 0. 0.  
cm*



Romę, Typis Michaelis Herculis. 1672.

Superiorum permisso.

PARTIS

FRANCISCA

GENE

...

...

...

...

...

...

...

TRACTATUS

...

...

...

...

DOMINION

CASANOVA

...

...

...

...

...

...

# DOMINOHIERONYMO CASANATO

Vtriusque Signaturæ Referendario, & Sanctæ Romanæ  
Vniuersalis Inquisitionis Assessori Dignissimo  
atque Doctissimo.



Vm huic meo codici de Innocentiæ statu  
vltimâ. admouerem manum, de Mecenâ-  
te condigno operi, cui illud consecrarem,  
non diù erat deliberandum, *Illustr. Domi-  
ne.* Quandoquidē non fato, quodam, sed  
meo maximè voto, tua illibata in limine  
se se obtulerit innocentia, & eximia sapientia obuiauerit: quæ  
æquè tecum creuere a cunis, ac maioribus māturescunt an-  
nis: Ita enim has pretiosas adeptus es gemmas, vt vltra in te  
magis vigeat æqui rerum humanarum ambigant arbitri.  
Non obscure hoc testantur illi tui conciuēs, qui a puero te  
perspicuè conspexerunt, natura spectabilem, ornatum mori-  
bus, incessu grauem, illecebrarum osorē maximum, celestiū  
amatorem integerrimū. Ita vt de te dicere nō verear, quod si-  
cut rosa inter spinas tribulosque, non sicca est, exanguis, aut  
marcida, sed vegeta viget, ac floret, suauitumens succo, ac  
odore fragrans optimo; sic tuæ vitæ integritas inter liumina-  
nas varietates fluidasq; delitias, pietatem spirat, suauitatē oler,  
honestatē sapit, ac caduca quæque despiciens, ibi tua fixa sē-  
per respiciant corda, vbi vera sunt gaudia, Nec minus vereor  
de te illud Ausonij. proferre: *Cuius vnquam egressus aus-*



*picacior ; aut incestus modestior , aut habitudo corporis cohibitior ,  
aut familiaris habitus condecencior .*

Hic ingenuus animi tui candor, & innocua morum venustas amplissimum ad omnem sapientiam pandit adiutium , ut potè , quæ pro aptissimo suæ maiestatis folio, tuam beneuolam elegerit animam. Nec aliud profectò in vllò rerum euentu amare videris nisi vnam sapientiam , cui à primis tenerisque annis te totum tota propensione deuouisti. Tu equidem ipse , qui in humanioribus litteris tantum fecisti profectum, ut admirandum magis, quam commendandum genium ingeniumque demonstrares. In Philosophicis coætaneos plurimos nouisti inferiores; superiorem neminem. In Theologicis talem laudem merebaris, ut de Cassenate in Diuum quendam Aquinatem transformari conspiciaris. Vtriusque etiam iurisprudentiæ ita sedulam nauasti operam, ut sacrarum litterarum studium non omitteres. Et quauis non rarò negotiorum mole o brutus, non his tamen adeo relaxas animum, quin opportunum suffureris tempus; quo sacris litteris, vel Sanctorum Patrum, & Doctorum sententijs seriò vacare valeas. Quamuis equidem aliæ principes sat superque in te dominantur virtutes, totum istum præclaræ mentis effectum, ipsi soli sapientiæ indubiè debes; quæ in te illud aperte promeretur Encomium, quo apud Tullium cõmendatur; *Vita dux, virtutis indagatrix, expulatrixque vitiorum*, nec mius in te viget, quod eidem ab Arnobio tribuitur. Nempe *purgare animas, atque ab omni puras vitiostrate præstare*. Præterea aureo sapientiæ dono, & hoc nullum reticendum sæculis tibi euenit beneficium, ut qui te apprimè gubernare noueris, & alios optime regere comperiaris: nam si inoffenso pede illud Tullij, pereurrat, *Fortior est, qui se,*  
*quam*

*quam qui fortissima vincit mentis.* Iustissimus tu omnium ore  
predicaberis, qui iusticiam in te primitus exercueris. Hinc ap-  
ud pie memorię Innocentium X. intimi Cubicularij honore  
laudabiliter functus, hinc Sabinorum Pręses, hinc Fabriani,  
Camerini, & Anconę Gubernator constitutus, non licenter  
non segniter ad voluptates magistratus tuos retulisti, sed  
noscere prouincias, nosci subditis, experiri peritos, sequi  
optimus; nihil appetere ad iactantiam, nihil ab formidinem  
recusare, simulque benignus, & seuerus, grauis, & intentus  
agere. Nec minus commemorandum quod Militenfis insula  
Te inquisitorem, & Delegatum Apostolicum per quinquen-  
nium fermę, libenter viderit, & illibenter amiserit. Cur in  
Vrbem Pręduci officium ponentis S. Consultę, ac votantis  
vtriusque Signaturę cõmissum fuit, quod vtrumque tam exi-  
mię fideliterque exercueris, vt dignus planę iudicareris, qui  
eiusdem Signaturę Auditorum per biennium ageres. Paulo  
post non tantum in Secretarium S. Congregationis de Propa-  
ganda fide electus, iterumque confirmatus fueris, verum etiã  
Sacro Cardinalium Collegio Conclauis, te Urbisq; Leoninę re-  
gendę moderandęq; non semel pręfectus. His alijsque officijs  
egregię à te administratis, quam bene dignitatem Assessoris  
S. Officij qua modo fungeris, promerueris, nemo est qui am-  
bigit.

Quamquã verò tot nominibus huius Codices mei tibi ven-  
dices dedicationem, nullo tamen titulo proprius ad te spe-  
ctare videntur, quam propter excelsum tuum animum, ac  
planę heroicum, ita erga huiusmodi litteras effectum, vt  
hoc erumposo sęculo totus ad excitanda, & sustentanda litte-  
rariorum ingenia natus esse videaris. Taceo reliquas tuas  
vir-

virtutes, quibus mortalitatis huius limites transcendens in  
hominum memoria te immortalem semper conseruabunt.  
Accipe itaq; *Illustrissime Domine*, opusculum tibi hoc meum,  
si vlli debitum, & quod in eo incultum obscurumque for-  
tasse irrepperit, id nominis tui splendor, & consumata erudi-  
tio, vti perficiat ac illustret, obnixè, animatusque aueo; me-  
que solito quo cepisti fauore prosequere.

**Illustris. & Reuerendis. Dominationis Vestrae.**

**Deuotissimus Seruus**

**Frater Carolus Lanterius a Genua.**

**Licen-**



# Licentia Ordinis .

FR. FRANCISCVS MARIA RHINI DE POLITIO  
totius Ordinis Fratrum Minorum Sèraphici P.N.S. Fran-  
cisci Minister Generalis & Seruus. Dilecto nobis in Chri-  
sto R.P.F. Carolò Lanterio à Genua Lectori Iubilato , iam  
Diffinitori Generali, & in Romana Curia Com. Generali,  
nec non Prouinciæ nostræ Reg. obser. Terræ laboris Ex-  
Ministro Prouinciali, ac S. Officij Qualificatori .

Salutem in Domino sempiternam .

**C**um quoddam opus a te compositum, cuius Titulus est, *Tra-*  
*ctatus de Iustitia originali, & productione primorum Parentum*  
*pro statu Innocentiæ*; a duobus nostræ Religionis Sacræ Theo-  
logiæ Lectoribus Iubilatis, quibus commissimus, reuisum, &  
approbarum fuerit, iuxta Apostolicas, Nostriq; Ordinis Cõstitu-  
tiones, Tenore præsentium cum Salutis Obedientiæ merito,  
quatenus seruatis seruandis, Typis mādare possis, facultatē tibi  
facimus, & impertimur . Vale; sisque nostri in tuis præcibus  
memor . Datum Romæ ex Aracoeli Die 12. Octobris 1672 .

Fr. Franciscus Maria Rhini de Politio  
Minister Generalis .

Loco ✠ Sigilli

De mandato suæ Reuerendiss. Paternitatis .


Fr. Pius a Placentia  
Ordinis Secret.  
Appro-

## Approbatio Operis.

**N**Os subscripti Theologi Ordinis Minorum Almaz Prouinciz Romanæ, ex Reuerendissimi Patris Fr. Francisci Mariæ Rhini à Polirio totius nostri Seraphici Ordinis Ministri Generalis mandato vidimus, ac attentè legimus eruditissimum Librum, cui titulus est. *Tractatus de Iustitia originali, & Productione primorum Parentum pro statu innocentiz, ab A.R.P. F. Carolo Lanterio a Genua eiusdem Instituti Sac. Theol. Lectore Iubilato, iam Diffinitore Generali, & in Romana Curia Commissario Generali, nec non Prouinciæ Terræ Laboris bis Ex-Ministro Prouinciali concinne compositum, & elaboratum*, in quo non solum Orthodoxæ Religioni, ac Christianis moribus repugnans nil reperimus, sed multa sanè inuenimus, quæ tale Mysterium mirè elucidant clarificant, hinc dignissimum reputamus, vt publicæ luci mandetur, atque Typis edatur. Datum in nostro isto Conuentu S. Mariæ de Araceli die 10. Septembris 1672.


*F. Claudius de Como Min. Prou.  
& Lector Iubilatus.*

*Fr. Hieronymus de Velitris  
Ex Custos Prouin. & Lector Iubilatus.*




Imprimatur, si videbitur Reuerendiss. P. Magistro Sac. Apost. Pal.

*I de Ang. Archiep. Urb. Vicefg.*



*Imprimatur.*

Fr. Hyacinthus Libelli Mag. Sac. Pal. Apost.





# INDEX

Disputationum, Difficultatum Propositionum, &c.  
quæ in hoc opere continentur.

*Primus numerus paginam, secundus columnam designat.*

## DISPUTATIO I.

De natura, & quidditate Iustitię originalis. p. 1.

- |   |                    |       |
|---|--------------------|-------|
| <b>D</b> ocumentum. I. <i>Quid intelligamus per iustitiam originalem.</i>   | <i>ibid. c. 1.</i> | 8.2   |
| Documentum II. <i>Non sunt idem status innocentie, &amp; iustitia originalis differunt, ut includens &amp; inclusum</i>                     | <i>3. c. 1.</i>    | 24.1  |
| <b>Documentum III.</b>  |                    | 25.1  |
| Propositio I. <i>Iustitia originalis distinguitur realiter a gratia sanctificante.</i>  | <i>5. 1.</i>       | 26.1. |
| Adducuntur alie rationes in favorem nostrę Propositionis docētis distinctionem realem inter gratiam sanctificantem, & iustitiam originalem. | <i>6. 2.</i>       |       |
| Propositio II. <i>Docens, quomodo posteri acceperunt iustitiam originalem.</i>  |                    | 31.2. |
| Propositio III. <i>Primus parens meruit Iustitiam originalem.</i>   | <i>24. 1.</i>      |       |
| Monitum.  |                    | 31.2. |
| Propositio IV. <i>Tale meritum non fuit de condigno sed de congruo.</i>   | <i>ibidem.</i>     | 31.2. |
| Propositio V. <i>Adam perdidit nobis habitum iustitię originalis, &amp; sanctitatem actualem, non verò sanctitatem habituales.</i>          | <i>pag.</i>        | 31.2. |
| Adam utramque amisit postoris innocentiam habituales parulis, originalem videlicet istam & actualem adultis.                                |                    | 39.2. |
| Documentum.   |                    | 45.2. |

## DISPUTATIO II.

De essenria peccati originalis iustitię originali oppositi, & generali illius transfusione in posteros Adę. p. 60.

- |  |               |
|--|---------------|
| <b>P</b> ropositio I. <i>Catholica sententia est esse aliquod peccatum originale in nobis.</i> | <i>62. 1.</i> |
| Probatur eadem veritas ex novo   |               |

- Testament-ibi. c.2.  
 Probatur nostra Propositio ex 172-  
 dictione Ecclesiastica. 64.1  
 Probatur etiam propositio nostra  
 ex definitione Ecclesie ibid.  
 Propositio II. Proponuntur, & sol-  
 nuntur argumenta aduersario-  
 ibidem. c.2  
 Propositio III. Peccatum origi-  
 nale est verè, & propriè pecca-  
 tum. 66.1.  
 Propositio IV. Proponitur alter  
 modus explicandi rationem vo-  
 luntarij in peccato originali.  
 pag. 73.2.  
 Propositio V. Proponuntur, &  
 soluuntur argumenta probantia,  
 peccatum originale non habere  
 veram, & propriam rationem  
 peccati. 76. 2.  
 Propositio VI. Respondetur ad  
 argumenta. 78.1.  
 Propositio VII. Subsequuntur, &  
 soluuntur alia argumenta idem  
 probantia 81.1.  
 Difficultas. Virum sit necessaria  
 connexio inter originale pecca-  
 tum, & actuale. 84. 1.  
 Propositio VIII. Pueri merè pas-  
 sine se habuerunt in contractione  
 peccati originalis. 92.1  
 Propositio IX. Originalis peccati  
 transfusio ex Adam in posteros  
 eius necessariò reuocanda est ad  
 aliquam eorundem posterorum  
 continentiam in in ipso. 98.1  
 Difficultas, An sicut solum Adam  
 peccatum est causa principalis  
 transfusionis peccati originalis,  
 ita etiam sola generatio, & pro-  
 pagatio ex ipso sit instrumenta-  
 lis causa eiusdem transfusionis,  
 sola (inquam) per exclusionem  
 generationis, & propagationis  
 ex Eva. 103.1  
 Propositio X. Discurritur: Virū,  
 & quando originale peccatum  
 sit voluntarium. 121.1  
 Monitum. ibid  
 Monitum. 123.1

## DISPUTATIO III.

De compossibilitate peccati venialis in Adamo  
 in statu innocentie. p. 133.

- D**ocumentum I. Docens quo-  
 modò peccatum mortale, &  
 veniale adinuicem distinguan-  
 tur, & comparentur. ibid. c.2.  
 Documentum II. Docens. An pec-  
 catum mortale, & veniale di-  
 stinguantur ex natura rei.  
 pag. 134.2.  
 De-

Documentum III. In quo differant peccatum mortale, & veniale.

137.2.

Conclusio.

140.1

Documentum IV. Inquirens, quare Deus aliquod præcipiat, ut necessarium ad vitam æternam, & ad amicitiam cum ipso conservandam; & aliquod solum, ut utile. p.

143.2.

Documentum V. Inquirens, An peccatum mortale, & veniale differant genere.

148.1

Documentum VI. Inquirens, Vtrum ex pluribus venialibus possit fieri unum peccatum mortale.

150.1

Notantur non nonnulla de consensu voluntatis requisito, vel sufficienti ad peccatum.

152.2.

Documentum I. Præter intellectus advertentiam circa malitiã obiecti, ad peccatum requiritur consensus voluntatis.

ibid.

Documentum II. Sicut ad peccatum veniale sufficit imperfecta intellectus advertentia, ita etiam sufficit imperfectus consensus voluntatis.

ibidem

Documentum III. Ad peccatum mortale requiritur plenus, & perfectus consensus voluntatis, sicut & perfecta advertentia intellectus.

ibid.

Monitum. Voluntas in tentationibus peccati mortalis septem modis

dis se habere potest.

153.1

Monitum. Quando quis dubitat an peccaverit mortaliter, ex eo quod dubitat, an perfectè consenserit tentationi, plenè, vel semiplenè adverteret intellectus malitiam rei, ad dignoscendam; an consensus fuerit perfectus, & plena advertentia, & per consequens, an peccatum sit mortale.

pag.

154.2.

Difficultas. An quando voluntas negligit reprimere, vel non conatur reprimere delectationem, & motus pranos appetitus, sed habet displicentiam eorum (efficacem quidem ut voluntas illis non consentiat) inefficacem autem, & insufficientem ad tollendam ipsam delectationem motus, peccet ne moraliter.

156.1.

Difficultas. An voluntas peccet mortaliter, quando non consentit delectationi, vel motibus in sensualitate existentibus, & provenientibus ex causa, vel utili, vel peccaminosa tantum venialiter, & elicit hunc actum positivum, nolo impedire hanc delectationem, vel hos motus.

pag.

158.2

Difficultas. Vtrum peccet mortaliter, qui de mala re sibi per apprehensionem proposita delectatur sine intentione exequendi opus.

pag.

160.1

**Difficultas.** Vndenam dyndicari potest, an delectatio morosa sit de ipsa substantia rei mala, vel de modo exquisito, aut de cognitione rei, vel talis modi. v.g. an quis delectetur de ipsa copu- carnali cogitata, & actu genera- tionis secundum se, vel de modo, aut cognitione speculatiua illo- rum. 163.2.

**Difficultas.** Vndenam colligi po- test, quod delectatio oriatur ex affectu ad rem cogitatam, vel ex affectu ad modum ipsius ex- quisitum, aut eiusdem rei, vel modi cognitionem. 164.1.

**Difficultas.** Est ne peccatum mor- tale delectari de actibus morta- libus, sed excusatis a culpa ra- tione somni, vel ebrietatis, vel ebrietatis, vel amentie, aut ignorantia; ut si quis delectetur de fornicatione realiter ha- bita in somno, aut de fornica- ne, quam commisit cum aliena muliere putans, esse suam, aut de esu carnis die Veneris, vel fractione ieiunij contingenter per ignorantiam, aut obliuionem inuincibilem. 165.1.

**Difficultas.** An Coniux in absen- tia coniugis, se oblectans imagi- naria copula peccet mortaliter. pag. 167.2.

**Difficultas.** An voluntas peccet mortaliter, quando executioni

operis mortaliter mali consensit sub huiusmodi conditione, hoc facerem si mihi liceret, si non esset peccatum, si non esset con- tra virtutem, vel sub alia hu- iusmodi conditione. ibidem

Corollarium I. 169.1

Corollarium II. ibid.

Corollarium III. ibi. 2.

Corollarium IV. ibid.

Corollarium V. 170.1

**Difficultas.** An iactantia, vellaris de peccato sit peccatum mortale ibid, c.2.

Corollaria. 171.1

Notantur nonnulla de materia par- uitate, ratione cuius peccatum ex suo genere mortale transit in veniale. ibi. c.2

**Documentum I.** Ratione leuitatis sue paruitatis materia peccati ex suo genere mortale potest fieri veniale. 172.1

**Regula duplex adducitur, ut di- scerni possit, num materia pec- cati, siue praecepti sit grauis, si- ue leuis, siue parua.** ibi. c.2

**Prima Regula** ibi.

**Secunda Regula** 173.1

**Corollaria** ibid. c.2

**Documentum II.** Plures materia parua possunt ita coalescere, ut constituent unam materiam grauem, sufficientem ad peccatum mortale. 174.2

**Documentum II.** Si plures mat- ria

ria parua, vel earum effectus moraliter uniantur in unum, ita ut moraliter censeantur una materia, vel unus effectus, sufficiunt ad mortale 175.c.2.

Corollaria. I. II. III. & IV. p. 176. c. 1. & 2. & p. 177. c. 1.

De modis, quibus peccatum, quod ex se aliàs esset veniale, fit mortale. 178.1.

Documentum I. Peccatum, quod ex se aliàs esset veniale, non fit mortale per novum preceptum superioris prohibentis illud. ibi.

Documentum II. Peccatum veniale prae ratione frequentianon potest fieri mortale, ac proinde si primum peccatum est veniale, & nullissimum, & ultimum erit tantum peccatum veniale. ibid. 2

Documentum III. Peccatum, quod aliàs esset veniale, nequit fieri mortale ex dignitate, aut sanctitate ipsius peccatis. 179.1.

Difficultas. An peccatum ex se veniale, possit fieri mortale ratione contemptus ad iuncti, qui contemptus sit causâ committendi peccati venialis, quod contingit, cum quis per peccatum veniale violas aliquod preceptum, quia preceptum est, siue quia ipsi precepto, aut superiori precipienti subijci non vult ibidem col. 2.

Difficultas. Qua ratione opus tantum malum venialiter, vel ex se indifferens, id est nec malum, nec bonum, sit peccatum mortale ratione scandali. 181.1

Difficultas. An fœmina conspectui viri se offerens, à quo se turpiter amare novenis, peccet mortaliter peccato scandali, etiã si non intendat prouocare eum ad amorem. 184.2.

Difficultas. Quandomam sit mortale peccatum exhibiri alteri re indifferenter, vel ministerium, aut obsequium indifferens, quo ille absurdus est ad peccandum mortaliter. 185.1

Corollarium. I. 186.c.1. II. p. 188.c.2. III. ibid. IV. p. 189.c.1. V. ibid. VI. ibid. c.2. VII. p. 190.c.1. VIII. ibid. IX. p. 159.c.1. X. ibi. c.2. XI. p. 192.c.1. XII. ibi. c.2. XIII. p. 193.c.1. XIV. ibid. X. V. ibi. c.1.

Difficultas. Quandomam opus ex se veniale, aut indifferens trãseat in peccatum mortale ratione periculi peccandi mortaliter. 194.1.

Notantur nonnulla de ignorantia, & inaduerentia, siue obliuione, quatenus excusare possunt actionem humanã a culpa. ibi. c.2.

Difficultas. An ignorantia, & inaduerentia, vel obliuio innuncibilis, siue iuris, siue facti excuset

*excuset omnino a culpa actum, ex-*  
*ius est causa, siue qui non fieret*  
*illa ignorantia ablata. 197.2*  
**Difficultas.** *Quando ignorantia,*  
*& inaduerentia, vel obliuio, si-*  
*ue iuris, siue facti reputetur*  
*inuincibilis, et adeo a peccato*  
*excuset. 199.1.*  
**Corollarium I.** *ibid. c.2. II. & III.*  
*p.200.c.1. IV. & V. ibid. c. 2.*  
*VI. p.201. c. 1. VII. & VIII.*  
*ibi. c.2. IX. p. 202. c. 1. X. ibid.*  
*c.2.*  
**Menitum.** 203.1.  
**Corollarium I.** *p.204.c.2. IV. p.205*  
*c.1.*  
**Difficultas.** *Quid dicendum sit*  
*de prænisiis blasphemijs, & in-*  
*iurijs secuturis, ex ebrietate*  
*pag. 206.2.*  
**Corollarium.** 207.2  
**Notantur nonnulla de metu graui**  
*damni, & de eiusdem excusatio-*  
*ne a transgressione praeceptorū.*  
*pag. 208.2.*  
**Difficultas.** *An lex, vel praeceptū*  
*humanum, cuius obseruantia,*  
*per accidens coniungitur cum*  
*periculo mortis, obliget in tali ca-*  
*su, & cum illo periculo mortis.*  
*pag. 209.2.*  
**Corollarium I.** *p.210.c.1. & II. &*  
*III. ibid. c.2. IV. p.211.c.1.*  
**Notantur aliqua de nonnullis alijs**  
*excusantibus a peccato, vel ab*  
*obligatione seruandi praecepta*

*ibidem. c.2*  
**D. fficultas.** *An impotentia im-*  
*plendi totum praeceptum excuset*  
*etiam ab obligatione implendi*  
*partem. ibidem*  
**Documentum.** *Quando praeceptum*  
*est de re moraliter diuisibili,*  
*tum, qui non potest facere totū,*  
*quo censeatur integrè moraliter*  
*implere praeceptum, nec tenetur*  
*ad partem. 212.2.*  
**Corollarium I.** *II. & III. p.213.c.1*  
*IV. ibidem c.2*  
**Documentum II** *Quando prae-*  
*ceptū est de re moraliter diuisibi-*  
*li nimirū in plures partes, quarū*  
*singula in morali, & communi*  
*aestimatione sunt plures res inte-*  
*gra, tunc si pars praecepta, quam*  
*quis potest implere, sit certa, ad*  
*eam implendam tenetur, v. g. si*  
*defectu Breuiarij non possit quis*  
*recitare totum officium tum te-*  
*netur ad recitandam quamcun-*  
*que horam, quam possit recitare*  
*pag. 214.c.2*  
**Documentum III.** *Si quis non pos-*  
*sit implere totum praeceptum de*  
*re moraliter diuisibili, sed tan-*  
*tum eius partem, qua non sit*  
*certa, tunc seruanda est sub-*  
*sequens Regula. 215.1*  
**Difficultas.** *Quid si quis possit*  
*implere partem aequalem prae-*  
*cepti diuisibilis, non autem maio-*  
*rem. ibidem. c.2.*  
**Dis-**



**Difficultas.** Qua ratione infantia, amentia, et infidelitas excusent à peccato, siue ab obligatione implendi praecepta, vel legem Ecclesiasticam. 216.1

**Documentum I.** Infantes, & pueri ante rationis usum nulla lege divina, vel humana obligari possunt. ibid.

**Documentum II.** Amentes pro eo tempore, quo sunt amentes, excusantur a transgressione praeceptorum ibi. c.2.

**Documentum III.** Infideles, & Cathecumeni nullius Ecclesia legibus tenentur, sed tantum praeceptis, & legibus naturalibus. ibidem.

**Corollarium I.** & II. p. 217. c. 1. III. ibid. c. 2. IV. & V. p. 218. c. 1. VI. ibid. c. 2..

**Difficultas.** An esse extra locum proprii domicilij, ipsum peregrinum, vel hospitem excuset a legibus, & consuetudinibus proprii domicilij, vel illius loci, in quo peregrinus, vel hospes reperitur. pag. 218.2

**Documentum I.** Quando quis diuertit ad aliquem locum animo mutandi domicilium, & in illo commorandi; postea non tenetur proprijs, & peculiaribus legibus proprii domicilij, quod reliquit, sed tantum posterioris. pag. 219.1.

**Documentum II.** Vagi, qui nulli habent certam, vel fixam sedem, sed hinc inde vagantur, tenentur omnino legibus, & consuetudinibus solius loci, in quo etiam obiter reperiuntur. ibidem. c.2.

**Documentum III.** Quando quis est extra proprium domicilium, et transit per aliquem locum, in sunt eadem leges, siue consuetudines. quae sunt in loco proprii domicilij, ille tenetur servare leges illas, siue consuetudines. pag. 220. c. 1.

**Documentum IV.** Pergrini, cessante scandalo non tenentur peculiaribus legibus, vel consuetudinibus loci proprii, vel domicilij, quando nimirum ipsi sunt extra locum proprii domicilij. ibidem. c.2

**Corollarium I.** p. 221. c. 1. II. III. & IV. ibidem. c. 2. V. p. 222 c. 1. VI. & VII. p. 223. c. 1.

**Difficultas.** An excusetur, qui data opera de uno loco, ubi aliqua lex, vel consuetudo obligat ad ieiunium. v. g. vel ad missam, vel ad aliquid aliud, transit ad alium locum, ubi non est talis lex, vel consuetudo, transsit (inquam) ut fugiat onus talis legis, vel consuetudinis, ut non teneatur ieiunare, vel audire missam. 223.2

Do-

**Documentum.** Quando alie sunt leges, aut consuetudines in proprio tenitorio, alie in loco, ad quem peregrini diuertantur, siue per modum transitus, siue per modum hospitii ad breue tempus non tenetur (cessante scandalo) seruare leges, aut consuetudines que obligant in loco transitus, aut hospitij, dum in eo morantur. 224.1

**Corollarium I. & II.** p. 226. c. 1.

**Difficultas.** Quid dicendum sit, si quis habitet equaliter in duplici Parochia, in qua utraque sint diuersa leges, vel consuetudines. ibi. c. 2

**Difficultas.** que mora in loco hospitij reddat peregrinum, vel hospitem habitatorem, ita ut legibus, vel consuetudinibus eiusdem loci teneatur. 227.1

**Notantur nonnulla de actione, vel intentione requisita ad implenda precepta.** 227.2

**Documentum.** Ad implendum preceptum siue diuinum, siue naturale requiritur actio humana, qua quis volens efficiat id, quod preceptum iniungit ibidem

**Corollarium: I. & II.** p. 227. c. 1. III. IV. & V. ibid. c. 2. VI. & VII. p. 229. c. 1.

**Difficultas.** Ru quando quis facit aliquod opus cum expressa voluntate, & intentione non sa-

tisfaciendi precepto per illud opus, adhuc verè satisfaciat. v.g. si quis ex deuotione in die festo missam audiat, & expressè intendat non satisfacere obligationi per huiusmodi missam, an verimpleteat preceptum. 230.2.

**Difficultas.** Qua ratione peccet implens preceptum cum intentione illi non satisfaciendi. 231.2

**Corollarium. I. & II.** p. c. 1. III. ibid. c. 2.

**Notantur aliqua de nonnullis aliis pertinentibus ad impletionem preceptorum,** 233.1.

**Difficultas.** An precepto satisfieri, possit per actum, qui sit peccatū; v.g. an precepto de ieiunio possit satisfieri ieiunando obuiam gloriā, vel ob alium malū finem. ibi.

**Corollarium I. & II.** ibi. c. 2.

**Difficultas.** An unico actu satisfieri possit diuersis preceptis. pag. 234.1.

**Difficultas.** An quando alicui absolute imponitur aliquid. v.g. ieiunium in penitentia sacramentali; tunc per ieiunium aliā debitum voto, aut precepto possit ille satisfacere penitentia sacramentali. ibid. c. 2.

**Difficultas.** An quando omittitur opus duplici precepto iniunctum, sit duplex peccatum. 235.1.

**Difficultas.** An, & qua ratione eodem tempore possit quis diuersis



*sis actibus satisfacere. diuersis. ibi.*

*Difficultas. Qua ratione peccet, qui absque necessitate, & magna utilitate admittit impedimentū, quo praeceptum implere non potest.*

*Corollarium I. & II. ibid. c. 2. III. 238. c. 1.*

*Propositio I. Adam potuit primò*

*peccare venialiter. ibidem.*

*Propositio II. Proponuntur modi-ua Aduersariorum. 242. 2*

*Propositio III. Peccatum veniale potest reperiri cum solo peccato originali. 246. 1.*

*Propositio IV. Declaratur perfectio status innocentie. 249. 1*

*Monitum. 259. 1*

*Monitum. 264. 2*

## DISPUTATIO IV.

De viribus hominis in statu innocentie . p. 274.

**D**ocumentum. *Varij sunt homines status. 275. 2*

*Propositio I. Vires humane si fierent in puris naturalibus perspicaciores essent, quam post peccatū. pag. 276. 2.*

*Difficultas. Vtrum pueri in statu innocentie habuissent in primo animationis momento usam rationis. 285. 1*

*Propositio II. Docens, in quo differat status iustitie originalis a statu gratie gratum facientis. pag. 287. 1.*

*Propositio III. Adamus in innocentia habuit à Creatore plenitudinem scientie naturalis, quā potuit cognoscere omnes cognitiones naturales tam speculativas,*

*quam practicas. 292. 2*

*Propositio IV. Adamus in innocentia accepit a Deo habitum fidei, & per illam cognouit multa fidei mysteria, & opera. 293 col. 1.*

*Propositio V. Homo in statu innocentie eguit generali gratia auxiliante, non vero speciali ad cognoscendum omnes veritates speculativas, & practicas, etiam supernaturales. 294. 1.*

*Propositio VI. Homo in statu innocentie eguit generali gratia auxiliante, non vero speciali ad cognoscendum omnes veritates speculativas, & practicas, etiam supernaturales. 294. 1.*

*Propositio VII. Homo in pura natura*

*sura constitutus viribus prop-  
 rys posset acquirere veritates  
 naturales rerum, qua applica-  
 rentur suo intellectui. ibid. c. 2.  
 Intellectus in pura natura erraret  
 & falleretur sine Dei protectione  
 specialibus relictus. 296.1.  
 Propositio VIII. Homo in statu  
 naturalis non potest verita-  
 tes omnes naturales speculativas*

*cognoscere. ibid. c. 2  
 Propositio IX. Homo potest quā-  
 libet veritatem naturalem divi-  
 sine cognoscere sine speciali Dei  
 auxilio. 297.2  
 Propositio X. Homo in natura la-  
 psa potest aliquas veritates pra-  
 cticas suis viribus cognoscere.  
 pag. 300.1.*

## DISPUTATIO V.

De productione primorum Parentum. p. 310.

**P**ropositio I. Adam fuit im-  
 mediatè productus à Deo ex  
 quadam mixtura terra, & a-  
 qua. ibi. c. 1.  
 Propositio II. Congruum erat, ex  
 aliqua parte viri mulierem fie-  
 ri. 311.2  
 Difficultas. Quomodo corpus Eva  
 ex una sola costa formatum fue-  
 rit. 313.1.  
 Propositio III. Probabilius est, cor-  
 pus Eva fuisse factum ex costa.  
 Ada tanquam ex subiecto tran-  
 smutationis, quàm ex ea fuisse  
 productum per transubstantia-  
 tionem. 313.2  
 Propositio IV. Adam fuit produ-  
 ctus extra Paradisum. pag. 315  
 col. 2  
 De loco, & situ Paradisi. pag. 317

*columna. 1  
 De quantitate, scilicet latitudine,  
 & longitudine Paradisi, & quā-  
 re illum tam magnificum condi-  
 dit Deus. 318.2.  
 Dubium. Quare Paradisum tam  
 magnificum condidit Deus, qui  
 non debebas esse humano usui,  
 nisi per brevissimum tempus.  
 pag. 319.1.  
 Difficultas curiosa. Cum Paradi-  
 sus sit corporeus, magnū quid  
 videtur nullo tempore ab ullo  
 fuisse inuentum. ibi. 2  
 Propositio V. De Dominio homi-  
 nis in statu innocentia pag. 320.  
 col. 2  
 Propositio VI. In statu innocentia  
 forent tentationes externa. 226.  
 col. 1.*

Petes . An fuerit verò serpens, qui  
primus Parentes tentavit . 329  
col. 2.

Petes . Cuius esum pomi Deus in-  
terdixit. 332.2

Propositio VII. In statu innocen-  
tia fuisset generatio cum coitu  
cum sensuali delectatione . 333.  
col. 2.

Propositio VIII. Soli illi, qui nūc

sunt electi, & predestinati, in  
statu innocentia fuissent nati, &  
nullo modo reprobī damnandi .  
pag. 334.

Propositio IX. Primiparentes ha-  
buerunt species infusas rerum  
naturalium in uniuersali, sem  
quoad earum essentias, & quid-  
ditates genericas, atque specificas  
338.col. 1

## DISPUTATIO VI.

De creatura merè materiali. p. 342.

**D**iscutitur de materia cali.  
pag. 345.

Documentum I. Calum com-  
positum est ex partibus inte-  
grantibus. ibidem

Documentum II. Calum est du-  
pliciter compositum. ibi

Documentum III. Calum potest  
esse simplex simplicitate materia  
& forma. ibi.

Documentum IV. Cælum sua cō.  
stat materia. 347

Documentum V. Calorū materia  
est eadem specie cum materia  
rerum sublunarium. 348.1

Documentum VI. Non est im-  
probabile simpliciter, materiam  
Cali differre specie a materia  
sublunarium. 349.2.

De forma Cali. 358.1

Documentum I. Cælum quodli-

bet forma, physica, & na-  
turali constat, qua substantia  
lis, & de numero non viuentiū  
est. ibi. 2.

Documentum II. Calum non est  
animatum. 360.2

Documentum III. Quamuis incer-  
tum sit, quæ propria sit Cali for-  
ma; tamen ea non potest esse  
alterius naturæ à formis physi-  
cis. 362.1

De Pluralitate Cælorum pag. 363.  
col. 1.

Documentum I. Non est unum  
tantum Calum, sed plures ibi-  
dem.

Documentum II. Undecim sunt  
Cæli, quorum decem sunt physi-  
fica considerationis undecim est  
Dei, atque Beatorum sedes est-  
que Theologicæ considerationis.  
b 2 pag.

- pag. 364.2  
**Documentum III.** Celi distinguuntur à se specie. 365.1  
**De Ordine, quo sunt dispositi Celi.** 366.1  
**Documentum I.** Proponitur ordo Calorum. ibi. c.2.  
**Documentum II.** Non est recipienda Platonis sententia volentis, Solem immediatè sequi Lunam, ita ut Mercurius, & Venus sint Sole superiores p. 367. col. 2.  
**De Celi figura.** 368.2  
**Documentum I.** Calum est circulare, & spherica figura, tam in parte connexa, quam in parte concava. 369.1  
**Documentum II.** Dupliciter apprehenditur, Calos esse circulares. ib. c.2  
**De differentiis situs, & positionis in Calo.** 370.2  
**Documentum I.** Propriè loquendo, nulla sunt in Calo situs, et positionis differentia. 371.1  
**Documentum II.** Per denominationem extrinsecam. & impropriè loquendo sunt in Calo situs, & positiones omnes differentia. ibidem c.2.  
**De Densitate, & Duritie Calorum.** pag. 372.2.  
**Documentum I.** Celi omnes sunt densi, & duri. 373.1  
**Documentum II.** Nec densissimi, nec durissimi sunt Celi, nec omni ex parte aqualiter densi, aut duri ibi. 2  
**De grauitate, leuitate, & visibilitate Celi.** 374.1.  
**Documentum I.** Celi neque sunt graues, neque lenes ibidem col. 2.  
**Documentum II.** Celi non sunt visibiles, nulloque afficiuntur colore, aut secundum totum, aut secundum, & aliquas partes. pag. 375. c.1.  
**De Celi actione in hac inferiora.** pag. 376.1  
**Documentum I.** Celi agunt in omnia sublunaria, aut directè, aut indirectè, nec nõ in fieri, & factò esse simul, vel saltem in fieri. ibi. 2  
**Documentum II.** Calum agit in hac inferiora propria sua substantia, luce cum calore eam comitante, motu, & quibusdam occultis virtutibus, et proprietatibus. p. 377. c.1.  
**De motu Calorum.** 368.2.  
**Documentum I.** Celi sunt, qui mouentur, eodemque non alio motu mouentur stella tam fixe, quam errantes. ibidem  
**Documentum II.** Omnes Celi mouentur diuerso mouentur, qui proprius est primi mobilis, & ab ipso alijs communicatur. p. 379.2  
**Documentum III.** Motus diurnus, & obliquus nec sunt tibi inuicem

1. contrarij, nec naturales, nec  
violenti Caelo cuiusque. p. 381.  
col. 1.

Documentum IV. Caeli nec à se  
ipsis mouentur, nec immediate  
à Deo. 282.1.

Documentum V. Mouent intelli-  
gentia Caelos, & cuiuslibet Caelo  
una addita est in intelligentia ibi-  
dem. 282.2.

Documentum VI. Nullum concē-  
rum, nullumque sonum efficiunt  
Caeli ex varia circumitione va-  
rioque motu. 387.1

De circulis caelestibus representatis  
in sphaera materiali ibid. c.2

Documentum I. Decem sunt in  
Caelis circuli, qui in maiores, &  
minores aequè distantes, & obli-  
quos, mobiles, & immobiles di-  
uiduntur. 388.1

Documentum II. Materialis spha-  
ra est instrumentum astrologum  
representans caelestes circulos. ibi-  
dem. c.2

De aequatore, 390.2.

Documentum I. Aequator defini-  
tur. ibi.

Documentum II. Multiplex est  
officium, atque manus aequato-  
ris. ibi. 2.

De Zodiaco. 393.1

Documentum I. Zodiacus est circu-  
lus maior obliquus, diuidens Cae-  
lum in duas aequales partes, ita  
in Caelo positus, ut una pars sit

septentrionalissima australis, solius  
habens latitudinem, estque via  
qua gradiuntur Planeta. ibidem  
col. 2

Documentum II. Diuiditur Zo-  
diacus secundum longitudinem,  
& latitudinem, quae longitudo  
trecentos sexaginta gradus ha-  
bet, latitudo duodecim. p. 394.  
col. 2.

De coluris. 395.2.

Documentum I. Colurus est figu-  
ra semicircularis. 396.1.

Documentum II. Coluri omnes  
habent proprietates, & quilibet  
eorum habet suas proprias. ibi-  
dem.

De Meridiano. 397.1

Documentum I. Meridianus mul-  
tiplex est, suntque ad minus duo-  
decim meridiani, & ad summum  
esse debent centum, & octoginta  
ibidem.

Documentum II. Multa sunt me-  
ridiani circuli proprietates. 398  
col. 1

De Horizonte. ibi. c.2.

Documentum I. Horizon diui-  
ditur in rectum, & obliquum,  
in rationabilem, seu materiale,  
& visibilem, seu apparentem.  
quorum quilibet suam habet pec-  
culiarem definitionem. ibidem  
col. 2

Documentum II. Horizontis pro-  
prietates sunt, quae sequuntur  
tur

- tur . pag 400.1  
De quatuor minoribus circulis. ibi.  
cel. 2.  
Documentum I. Duo tropici minores sunt circuli, quorum hoc est munus, ad illos cum Sol pervenerit, stare, & retrocadere nihil eggitur, unde & hac habent nomina. 400.2  
Documentum II. Circuli polares, quorum alter Arcticus, alter Antarcticus appellatur, hoc solum munus habent in Cælo, ut notent polos Zodiaci, qui sunt diversi a polis mundi, à quibus distant viginti tribus gradibus cum demidio, quantum scilicet circuli polares distant ab utroque polo, pag. 401.1.  
De Cælo Empyreo. ibid.  
Documentum I. Præter omnes cælos mobiles admittendum est aliud Cælum immobile, materia constans, & forma eiusdem generis, sed distincta specie ab alijs cælis. 402.1  
Documentum II. Cælum Empyreum agit in hoc inferiora, non quidem per motum, sed tantum ex propria substantia, & ex innatis qualitatibus. 403.1.  
Documentum III. Extra vel supra Cælum Empyreum non datur aliquod spatium, seu imaginarium, infinita, aut finita extensionis ibi. c. 2.
- De primo mobili. 404.1  
Documentum I. Primum mobile est Cælum, quod rapidissimo, & æquabili motu ab ortu in occasum infra viginti quatuor horas supra polos mundi movetur circumducens omnes alios Cælos. ibidem col. 2  
De Cælo Chrysellino. 406.2.  
Documentum I. Cælum Chrysellinum, quod & aquaneum appellatur, utrumque nomen sortitur per metaphoram, seu translationem. ibi.  
Documentum II. Cælum Chrysellinum omnes habet circulos, atque polos eodem prorsus ordine, eademque dispositione, quam in primo mobili deprehendimus. 407 col. 1  
De firmamento. ibid.  
Documentum I. Naturæ firmamenti, seu stelliferi Cæli ipsum firmamenti nomen indicat, ibidem.  
Documentum II. Habet hoc cælum omnes circulos, suosque polos similes circulis, & polis Chrysellini cæli 408.2  
De stellis existentibus in firmamento. ibi.  
Documentum I. Stelle omnes fixæ in Cælo stellifero sunt. 409 col. 1.  
Documentum II. Stelle omnes firmamenti scintillant, suntque glo-



*globosa, & spherica figura.* 410  
col. 2

Documentum III. Omnes stella  
in firmamento existentes aspectu,  
& effectu notabiles sunt tantum  
mille viginti dua. quas Astro-  
logi summo artificio redegerunt  
ad viginti octo imagines. 411.  
col. 2.

Documentum IV. Stella in firma-  
mento existentes habent longitu-  
dinem, latitudinem, & declina-  
tionem. 413.1.

De Stellis, signis, & imaginibus  
Zodiaci. 412.1

Documentum I. Firmamentum  
habet Zodiacum sex signis natu-  
ralibus, seu physicis, & duode-  
cim signis absolute nuncupatis il-  
lustrem, & conspicuum rusticanti-  
bus, & fulgentibus stellis, ibi-  
dem.

Documentum II. Explicat nomina  
duodecim signis imposita eorum  
figuras, & proprietates. 414.  
col. 1.

Documentum III. Esse in signo  
aliquo dicitur aliquid quatuor  
modis. 416.1.

Documentum IV. Signa Zodiaci  
appellantur Domus, Detrimenta,  
Exaltationes, & Casus Plane-  
tarum propter sympathiam, qua  
inter aliqua signa, & Planetas  
reperitur. 417.1.

De ortu occasu signorum Zodiaci,

aliarumque stellarum. ibidem.  
col. 2.

Documentum I. Ita ortus, & oc-  
casus stellis convenit; ut inde  
aliqua dicantur perpetua appa-  
ritionis, alia perpetua occultatio-  
nis, alia vero ortus. & occasus  
participes nunc appareant, nunc  
occultentur. 418.1

Documentum II. Ortus est duplex  
sicut & occasus, nempe Poeti-  
cus, & Astrologicus. pag. 419.

Documentum III. Possunt stella  
firmamenti quadruplici via de-  
prehendi ut illas in Caelo viden-  
tes nomina illarum sciant. 420.  
col. 1

De Galaxia, seu lacteo circulo ibi.  
col. 2

Documentum I. Circulus lacteus  
est unicus in solo firmamento  
existens. ibid.

Documentum II. Est Galaxia,  
vel congeries minimarum stella-  
rum, vel pars firmamenti me-  
diocriis densitatis, qua suscipiens  
radios solares, illosque aliquo pa-  
cto retinens albescit, lucet, splen-  
det. 421.2

De his omnibus, quae communia  
sunt omnibus Planetis. pag. 422  
col. 2

Documentum I. Quilibet Plane-  
ta suum habet calum ex pluri-  
bus orbibus compactum, quorum alij  
concentrici, alij excentrici sunt  
& in

Et in illis duo sunt puncta, quorum unum appellatur Aux, aliud verò oppositum Angis 423. col. 2.

Documentum II. Sole excepto, qui cunctis Planeta habet in orbe deferente Epicyclum. 424. 2.

Documentum III. Non eodem motu mouentur orbes, ex quibus conflatur unum Planeta Caelum, & unusque Planeta Epicyclus diuerso motu mouetur. p. 425. 2.

Documentum IV. Varios habent polos Planeta, diuersos, & distinctos à polis mundi, seu primi mobilis, hinc varios aspectus admittunt. 426. 2.

Documentum V. Si cum Sole comparentur alij Planetae, nouas subeunt rationes, nouaqua acquirunt nomina. 427. 2.

De tribus Planetis superioribus, & Venere. 428. 1.

Documentum I. Quilibet horum quatuor Planetarum habet suum Caelum ex tribus orbibus compactum, & in orbe medio est Epicyclus cum Planeta. ibid.

Documentum II. Differunt maxime in motu hi quatuor Planeta si tarditatem, & velocitatem spectes. ibi. 2.

De Sole. 429. 1.

Documentum I. Sol est sydus, ex parte calis constans, & luce. ibi.

Documentum II. Lumen est qualitas, & species intentionalis emissiva a luce. ibi. c. 2.

Documentum III. Lumen est duplex, scilicet primum, et secundarium, cui opponitur umbra, & tenebra. 430. 2.

Documentum IV. Umbra est duplex, scilicet recta, & versa, et ex varietate Umbrae rectae, Geographi varia imponunt hominibus nomina. 431. 1.

Documentum V. Sol quia est quantitate molis maior reliquis sideribus, maior quoque quantitate virtutis, cuius quasi innumerae sunt effectus, quos praecipue suo calore suaque luce efficit ibi. 2.

De orbibus, caeloque Solis. 432. col. 2.

Documentum I. Habet Sol suum calum ex tribus orbibus compositum simile per omnia calis, & orbibus trium Planetarum superiorum, excepto Epicyclo solo quo Sol caret. 433. 1.

Documentum II. Excentricitas orbium Solis causa est, ut Sol plures dies in peragrandis signis septentrionalibus, quam in signis australibus impendat ibi. col. 2.

De motu diurno caeli Solis. p. 434.

Documentum I. Raptu primi mobilis mouetur Sol, non secus ac



ac omnes alij cali ibidem. c.2.

Documentum II. Altitudo Solis  
est eleuatio illius supra nostrū  
Horizontem. ibid.

Documentum III. Horas perfici-  
cit Sol motu diurno, quarum  
alia equales, alia inaequales.  
pag. 435.2.

Documentum IV. Sol motu diur-  
no dies facit naturales, & ar-  
tificiales. 436.1.

De proprio Solis motu. 437.1

Documentum I. Proprius solis  
est motus, quo ab occasum re-  
dicens totum percurrit Zodiacū  
sub Ecliptica linea sēper manens,  
ab aequatore versus utrumque  
tropicum declinans. 437.1

Documentum II. Annum facit  
Sol suo motu proprio qui prop-  
erea debet esse trecentorum sexa-  
ginta quinque dierum, & ho-  
rarum quinque. 437.1

Documentum III. Habet annus  
apud diuersos varium princi-  
pium, partes habet in duplici  
differentia, quarum alia dicuntur  
mensēs, alia verò distincta tē-  
pora appellantur. 439.1.

Documentum. IV. Anni solares  
quidam sunt climaterici, qui-  
dam periodiaci. 440.2

De Mercurio Planeta. 441.1

Documentum I. Quinque orbi-  
bus constat caelum Mercurij ibi-  
dem.

Documentum II. Prater motus,  
qui à superioribus caelis commu-  
nicatur, Mercurius habet pe-  
culi arcem motum eundem cum  
Sole. 442.1

De Luna. ibi.c.2

Documentum I. Luna est pars  
densior sui Epicycli ex radiata  
Solis lumine; sunt Luna partes  
aliqua rationes, quae non lucent,  
& maculae appellantur. ibidem

Documentum II. Caelum Luna  
quatuor orbitis constat, quo-  
rum tres interiores similes om-  
nino sunt tribus orbibus Plane-  
tarum superiorum; quartus qui  
exterior est, alios inuoluens, est  
concentricus mundo secundum  
utramque superficiem. 443.1

Documentum III. Duo sunt pra-  
cipui motus Luna, scilicet se-  
cundum longitudinem, & lati-  
tudinem Zodiaci. ibi.c.2

Documentum IV. Non semper  
Luna videtur subito post coniū-  
ctionem cum Sole. 345.2

De Eclipsi Solis, & Lunae ibi. c.2.

Documentum I. Luna Eclipsis est  
privatio luminis solaris, quo  
privatur Luna ex interpositio-  
ne terrae inter Solem, & Lunam  
ibidem.

Documentum II. Eclipsis Solis est  
prohibitio radiorum solarium, ne  
ad nos perueniant, Sole existen-  
te in nostro hemisphario. 446.2.

De terra Globo terrestri, & map-  
pa Geografica. 447.1

Documentum I. Terra ambitus  
est septem millium, & ducentarum  
leucarum, aut circiter. ibi. 448.2.

Documentum II. Prima totius  
terras, & ambitus illius divisio  
est in quinque Zonas. 448.1.

Doc. III. Terra dividitur secunda  
divisione secundum longitudinem,  
& latitudinem, ut sit longitudo,  
quæ ab Oriente sumitur, distan-  
tia loci alicuius ab ortu à colum-  
nis Herculis, seu insulis forsu-  
natis, latitudo sit distantia lo-  
ci a parte terre supposita æqua-  
tori versus utrumque polum. pag. 449.1

Documentum IV. Terra dividitur  
tertia divisione per parallelos, &  
climata. 450.1

Documentum V. Ultima terra  
divisa est in Europam, Asiam,  
Africam, & Americam. ibidem  
2.

De creatione rerum materialium &  
corporalium. 450.2.

Propositio I. Sensus verborum  
Moysis est, Deum creasse, &  
ex nihilo fecisse ante omnem diem  
terram coopertam aquis, & Cæ-  
lum tantum Empyreum Angelis  
plenum. 451.1.

Propositio II. Deus non nisi per  
intervalla, seu successionem tem-

poris condidit cælum Empyreum  
& terram coopertam aquis, cuius-  
etiam alias res per tres dies na-  
turales, 453.1.

Propositio III. Lux, quæ primo  
creatur die, alia non est quàm  
Solis, sed valde remissa, & de-  
bilis. 456.2

Propositio IV. Firmamentum,  
quod secundo die factum fuisse  
dicitur, sunt omnes, & Soli or-  
bes a cælo Luna usque ad dici-  
mam sphaeram inclusivè. 458.2

Propositio V. Aquæ universam ter-  
ram opprimentes, collectæ sunt  
tertio die, & reductæ in congruū  
locum, ut reliqua terra pars pro-  
duceret, non actinè, sed passivè  
tantum, omnes plantarum, &  
arborum species cum fructibus  
suis. 460.1.

Propositio VI. Non solum Sol, sed  
etiam Luna, reliquæque sidera  
dicuntur facta quarto die. 463.  
colum. 1.

Propositio VII. Ex aquis in unū  
collectis, tanquam ex parte ma-  
teriali quinto die produxit Deus  
reptilia, volatilia, atque pisces  
pag. 465.1.

Propositio VIII. Ex terra facta  
fuisse sexto die animalia, quæ  
in superficie terra vivunt, atque  
in eius visceribus, nec non forma-  
tum fuisse hominis corpus, cui  
Deus indidit animam rationa-  
lem,

lem docet abundè Moyses ibi. c. 2.  
**Propositio IX.** Ex laza producta-  
 ne viriusque creatura tam in-  
 corporea, quàm corporea, dici-  
 sur Deus quiescente. Hinc Moy-  
 ses. Igitur perfecti sunt cali, &  
 terra, & omnis ornatus eorum.  
 Complevisque Deus die septimo

opus suum, quod fecerat, & re-  
 quiesuit die septimo ab uniuerso  
 opere, quod pararat, & bene-  
 dixit diei septimo, & sanctifica-  
 uit illum, quia in ipso cessauerat  
 aa omni opere suo, quod creauit.  
 pag. 467.1.



# I N D E X

## Dubitationum orbiter incidentium .

### Ex Disputatione Prima .

- 1 **A**N de potentia Dei absoluta possit dari aliquis habitus , vel habituum multitudo in potentis sensitiuis valens, non permittere eas prorumpere in actus inordinatos. pag. 2. c. 1.
- 2 Quomodo intelligi possit , Ada posteros nondum existentes immediate in se ipse accepisse institiam. 11.2
- 3 Quomodo voluntatis excitatio, qua formaliter fit per eius actum. primo primum potest esse actus adeo necessarius , ut sit incapax cuiusvis moralisatis. 55.2

### Ex Disputatione II.

- 1 Quomodo voluntas atriū alienum in fit voluntati aliena per intrinsecam ne, an verò per extrinsecam denominationem. 68.2.
- 2 Quomodo voluntarium alienum, respectu cuius merè passivè se habet voluntas aliena sit sufficiens ad impunitatem carentia, vel iustitie originalis persona, vel actualis rectitudinis actui debita. ibidem.
- 3 An tanta sit connexio, & mutuitas peccati originalis cum actuali : & è conuerso , ut possit se ponant , & perempta se perimant. pag. 90.2.
- 4 An posteri Ada in instanti animationis relationes rationis mysticorum membrorum, seu pupillorum id ipsum fundent. 97.1.
- 5 An posteri Ada contrabant originale peccatum , ut naturalis , & physica , an verò , ut moralis, & mystica , an denique ut utriusque filiationis fundant relationes ad ipsum. 100.2.
- 6 Cur David dicens; Et in peccatis concepit me mater mea : conce-

conceptionis tantum materno, & non etiam paterno generationis  
memin erit. 107.2.

7 Dum dicitur, quod per generationem communicatur peccatum  
originale, de quanam generatione intelligendum est, actiuane,  
parentum, an vero de passiva filij geniti, de generatione, ut est  
actio, an vero ut est passio. 111.1

## Ex Disputatione III.

1 **V**ndenam dignoscatur, quodnam sit preceptum sub morta-  
li, & quidnam sub veniali. 143.1

2 An peccatum mortale, & veniale uniuersimodum conveniant sub ratione  
peccati, ut sic. 144.2.

3 Quare Scotus dicit peccatum veniale esse contra consilium, cum  
reuera sit contra aliquam legem. 147.2.

4 An posens, & sciens se posse reprimere delectationem, & motus  
in sensualitate ex causa honesta, vel utili, qua sit tantum pec-  
catum veniale, teneatur ad reprimendum &c. 156.2

5 An prabens scandalum, ex quo sequitur furum, teneatur ad re-  
stitutionem damni, si scandalizatus non possit restituere furum.  
pag. 183.2.

6 An dubitando de malo alterius usu, excusetur ministrans, vel  
exhibens res indifferentes, nulla alia causa concurrente. 188.1.

7 An famuli constantes Dominum euntem ad duellum, vel merc-  
tricem, ne forte interficiatur, mortaliter peccent, 191.2

8 An innuicibiliter ignorans, actum internum esse peccatum, co-  
gnoscens tamen actum externum ab illo procedentem esse pec-  
catum, excusetur a peccato. 198.1.

9 Si quis habeat aliquam notitiam, vel dubium, aut scrupulum  
circa malitiam obiecti ignoratam, aut non consideratam, qualis  
diligentia debeat adhibere ad vincendam illam ignorantiam, siue  
iuris, siue facti, ut censeatur manere innuicibilis. pagina. .

203. c.2.

10 An excuset a peccato ignorantia, qua vinci nequit, dum in  
actum prodit, & potuit antea vinci. 205.2.

11 An fornicatio praevisa secutura, ex somno, vel ebrietate im-  
pute-

121 *putetur culpa* 206.1.  
122 *Quid sentiendum sit de pollutione prænisa ante ebrietatem, vel in ebrietate.* 207.2

123 *An peccata prænisa, ut secutura in somno, vel ebrietate, sine peccato in se, vel in sua causa.* ibi. c. 1.

124 *An tempore interdicti possint pueri assistere diuinis, si dubium sit, an peruenierint ad usum rationis.* 217.2.

125 *An qui ex sua Parochia, vel territorij, ubi est festum, manet illius diei agreditur ad alium locum, ubi non est festum, teneatur eodem die missam audire.* 222.1

126 *An sicut ad precepti impletionem requiritur intentio exequendi precepti in iunctum, ita etiam requiratur intentio satisfaciendi precepto per tale opus.* 229.2.

127 *An dispositio, qua Angeli se disposuerunt ad gratiam sanctificantem illis communicandam in subsequenti morula, habuerit rationem meriti de congruo; an vero de condigno.* pagina. c. 1.

128 *An Beatissima Virgo aliquid pro alijs meruerit de condigno.* 269.1

#### Ex Disputatione IV.

1 *AN Adam in statu innocentia habuerit fidem Christi, ut authoris summa gratia sunt recepta.* 293.2

#### Ex Disputatione V.

1 *AN Adam plures habuerit costas, quam nos habemus.* 312.1

2 *Cur Deus non ex alia parte Adæ, sed ex eius costa Enam formauerit, & cur ex dormiente.* 313.1.

3 *Cur Deus permisit Angelo generalem licentiam tenendi.* pag. 318. c. 2.

4 *Cur Eua serpentis voce non fuerit perterrita.* 331.2.

#### Ex Disputatione VI.

1 *Quare Calum sit isa dictum.* 343.1.

2 *Qua censura damnanda sit Antiquorum sententia dicentium,* c. 2.



- cælos esse animatos.* 361.1
- 3 *Quoniam ex loco intelligentia suum moneat Cælum.* 383.2.
- 4 *Quomodo Astrologi diuinare poterint, quam in parte Cæli  
sint polus Arcticus, & Antarcticus.* 406.1.
- 5 *Quare in sana pagina Luna dicatur luminare magnum, cum sit  
minima inter omnes planetas.* 443.1.
- 6 *Quomodo ex aqua fluida solidi pisces sint &c.* 465.1.
- 7 *In quo numero, & quantitate fuerint producta animalia condita  
sexta die.* 466.1.



1	1.224	1.224	1.224
2	1.224	1.224	1.224
3	1.224	1.224	1.224
4	1.224	1.224	1.224
5	1.224	1.224	1.224
6	1.224	1.224	1.224
7	1.224	1.224	1.224
8	1.224	1.224	1.224
9	1.224	1.224	1.224
10	1.224	1.224	1.224
11	1.224	1.224	1.224
12	1.224	1.224	1.224
13	1.224	1.224	1.224
14	1.224	1.224	1.224
15	1.224	1.224	1.224
16	1.224	1.224	1.224
17	1.224	1.224	1.224
18	1.224	1.224	1.224
19	1.224	1.224	1.224
20	1.224	1.224	1.224
21	1.224	1.224	1.224
22	1.224	1.224	1.224
23	1.224	1.224	1.224
24	1.224	1.224	1.224
25	1.224	1.224	1.224
26	1.224	1.224	1.224
27	1.224	1.224	1.224
28	1.224	1.224	1.224
29	1.224	1.224	1.224
30	1.224	1.224	1.224
31	1.224	1.224	1.224
32	1.224	1.224	1.224
33	1.224	1.224	1.224
34	1.224	1.224	1.224
35	1.224	1.224	1.224
36	1.224	1.224	1.224
37	1.224	1.224	1.224
38	1.224	1.224	1.224
39	1.224	1.224	1.224
40	1.224	1.224	1.224
41	1.224	1.224	1.224
42	1.224	1.224	1.224
43	1.224	1.224	1.224
44	1.224	1.224	1.224
45	1.224	1.224	1.224
46	1.224	1.224	1.224
47	1.224	1.224	1.224
48	1.224	1.224	1.224
49	1.224	1.224	1.224
50	1.224	1.224	1.224
51	1.224	1.224	1.224
52	1.224	1.224	1.224
53	1.224	1.224	1.224
54	1.224	1.224	1.224
55	1.224	1.224	1.224
56	1.224	1.224	1.224
57	1.224	1.224	1.224
58	1.224	1.224	1.224
59	1.224	1.224	1.224
60	1.224	1.224	1.224
61	1.224	1.224	1.224
62	1.224	1.224	1.224
63	1.224	1.224	1.224
64	1.224	1.224	1.224
65	1.224	1.224	1.224
66	1.224	1.224	1.224
67	1.224	1.224	1.224
68	1.224	1.224	1.224
69	1.224	1.224	1.224
70	1.224	1.224	1.224
71	1.224	1.224	1.224
72	1.224	1.224	1.224
73	1.224	1.224	1.224
74	1.224	1.224	1.224
75	1.224	1.224	1.224
76	1.224	1.224	1.224
77	1.224	1.224	1.224
78	1.224	1.224	1.224
79	1.224	1.224	1.224
80	1.224	1.224	1.224
81	1.224	1.224	1.224
82	1.224	1.224	1.224
83	1.224	1.224	1.224
84	1.224	1.224	1.224
85	1.224	1.224	1.224
86	1.224</		





# DISPUTATIO PRIMA DE NATURA,

## Et quidditate Iustitiæ originalis.



VAE pertinent ad hanc Disputationem, dābimus declarata, beneficio aliquarum Propositionum: Præmittimus tamen nonnulla Documenta. Incipiamus à primo.

### DOCUMENTVM I.

*Quid intelligamus per Iustitiam originalem?*

**H**abitus Iustitiæ originalis consistit in armonia habituum existentium non solum in potentijs spiritualibus, sed etiā in sensitiuis, vt habet Scotus in 2. dist. 29. §. *Foret dici*, vers. *sed non quid*, & vers. *quod si dicatur* &c.

Si perseverasset status innocentiae, hi forent effectus. Primo, rectificatio voluntatis; ita vt sine difficultate foret con-

formis voluntati Diuinæ. Secundo, conformitas ad voluntatem rectam; ita vt appetitus villo modo resisteret imperio voluntatis, nec imaginatio iudicio rationis. Tertiò, potentiae executivæ sine vlla lassitudine obedirent rationi, nec esset grauedo aut fragilitas; non quia non posset mori: sed quia posset non mori, nec ab intrinseco, nec ab ex intrinseco contingeret infirmitas, vel læsio; haberet quippe homo humores in debita proportionem, & per esum ligni vitæ facile restauraret, quod per actiones internas contrarias perderet, donec tandem Deus eum in Paradisum transferret; non fuisset tamen tunc simpliciter incorruptibilis, vel immortalis, vt probat Scotus in 2. dist. 29. difficultant Doctores; an omnes isti effectus causarentur à Iustitia originali. Mihi verius non posse naturaliter causari tales effectus à Iustitia

stitia originali propter repugnantiam appetitus sensitui ad voluntatem in ordine ad sua delectabilia, & fragilitatem corporis, ac inclinationis voluntatis ad condelectandum appetitui; de quo videatur Scotus in 2. dist. 29.

Petes, an de potentia Dei absoluta possit dari aliquis habitus, vel aliqua multitudo habituum existens in potentijs sensituijs, quæ ita valeat supra istas potentias; ut non permittat eas prorumpere in actus inordinatos. Respondeo negatiue: Primò, quia actus inordinati, & subiti insurgunt proposito & præsentato obiecto conueniente à potentia naturaliter propensa in illud: sed nullus est possibilis habitus, qui impediat præsentationem, & conuenientiam obiecti, atque naturalem inclinationem potentia in illud; ergo nullus est possibilis habitus, qui impediat motum inordinatum & subitum. Secundò, quia obiectum existens & applicatum appetitui mouet appetitum naturaliter inclinatum in illud, nisi à potentia superiori per actualem motionem contineatur, in officio; sed nullus habitus potest

impedire motionem potentia in obiectum sibi conueniens. Tertiò, quia nullus habitus est, perfectior gratia, seu charitate, & alijs supernaturalibus: sed gratia & charitas, ac alij ipsam comitantes, non possunt habere vim reprimendi inordinatos motus appetitus; ergo nec alius habitus naturalis, aut supernaturalis potest habere istam vim. An possit fieri humana caro impeccabilis per naturam, quæ videlicet non inclinet nisi in bonum? Ratio dubitandi est, quia nequit fieri rationalis anima impeccabilis per naturam; ergo nec caro humana. Consequentia patet à fortiori, vel saltem à simili. Antecedens probat fuisse Scotus in 2. dist. 23. quæst. vnica. In contrarium, tamen est, quia de facto producit habitus, qui non inclinat nisi in bonum; ergo bene etiam fieri potest caro humana, quæ non inclinet nisi in bonum. Consequentia patet à simili:

Antecedens etiam patet  
de habitu moraliter  
bono, & Theologico.

\*\*\*

## DOCUMENTVM II.

*Non sunt idem status innocentia ;  
& Iustitia originalis ; dis-  
ferunt ut includens ,  
& inclusum .*

**S**Tatus itaque innocentie sta-  
re nequit sine statu Iustitie  
originalis , non tamen e contra :  
bene potest dari Iustitia origina-  
lis sine statu innocentie . Hoc  
conuinci potest ex quadam sup-  
positione , dando quod in instan-  
ti , in quo Adam transgressus fuit  
preceptum de non comedendo  
fructu illi vetito , status in-  
nocentie amissus fuit , remansit-  
que solus status nature lapsae ;  
tunc sic : demus quod Adam  
perseuerauit in obseruantia pre-  
cepti , a qua dependebat status  
innocentie conseruatio vsque  
dum natus fuit Abel ; & postea  
comedit Adamus de ligno pro-  
hibito , tunc amissus fuit sta-  
tus innocentie : & tamen Abel  
non amisisset Iustitiam origina-  
lem ; ergo formaliter Iustitia  
originalis non est , quo constitui-  
tur status innocentie . Sit tale  
argumentum : Adam in aliquo  
signo reali consensit interitis o-  
peri peccaminoso antequam il-

lud exerceret , & tamen vsque  
quo exercuit opus comedendi ,  
non amisit Iustitiam originalem ,  
licet supponatur amissa gratia ,  
cum internè consenserit in trans-  
gressionem externam precepti ;  
ergo in Adamo durante Iustitia  
originali , non perseuerabat in-  
nocentie status . Vnde errant  
plures in hoc puncto , iudicando  
idem esse Iustitiam originalem ,  
& statum Iustitie originalis ; val-  
de enim sunt distincta , nam sta-  
tus Iustitie originalis , seu inno-  
centie (quæ sunt sinonima) con-  
sistit in hoc quod ex exigentia  
status debetur infundi Iustitia  
originalis ; at verò Iustitia origi-  
nalis est quoddam donum su-  
pernaturale , ut ait Scotus in 2.  
dist. 29. quæst. 1. §. *Potest dici* , vers.  
*ex hoc* , num. 4. Iam ergo pater  
distinctio status innocentie , seu  
Iustitie originalis ab ipsa Iustitia  
originali : ille enim formaliter  
consistit non in quatuor bonis ,  
quæ huic conueniebant , ut su-  
prà notauimus ; nam illi potius  
sunt effectus talis status si dura-  
set , quàm constitutiuum eius ;  
siquidem ait Scotus in 2. dist. 2.  
quæst. 1. §. *Dico ad questionem* ,  
vers. *secundo modo* , num. 3. Quod  
dam primam tentationem vicif-  
set Adam , ipse & posteri eius

confirmati essent, vt nec venialiter possent peccare; videatur *vers. sed fuisse ne?* legatur ergo Scotus, & res clara habebitur.

## DOCUMENTVM III.

**E**T si Iustitia originalis sit donum supernaturale, vt substat & probat Scotus in 2. dist. 29. quæst. vnica; quia tamen non est principium merendi, vt Scotus ipse docet ibidem, computatur inter perfectiones naturales; non autem naturales: quasi verò necessariò consequatur naturam eorum, quibus exhibentur, vel quod viribus naturæ valeant obtineri, sed naturales; tùm quia dicuntur congruere toti naturæ seu speciei; tùm quia exhibentur in ipsa productione omnium & singulorum indiuiduorum talis naturæ, seu speciei. Hanc doctrinam habet in terminis Scotus in 2. dist. 3. quæst. 9. §. *Ad questionem &c.* vbi examinans; an species essentiam Diuinam representans distinctè, quam asserit præstitam fuisse omnibus, & singulis Angelis in primo instanti creationis ipsorum dici debeat naturalis, hæc habet formalia verba; *Et istam talem speciem re-*

*presentantem essentiam Diuinam intellectui Angelico, non videtur inconueniens ponere intellectui Angelico inditam esse à principio; ita quòd licet ipsa non sit naturalis intellectui hoc modo, quòd iste intellectus possit ex naturalibus suis eam acquirere, nec etiam quòd possit eam habere ex actione alicuius obiecti finiti mouentis, nisi essentia Diuina tantum, quæ nihil aliud à se causat naturali causatione; tamen sicut perfectiones datæ Angelo in sua prima creatione, licet non necessariò sequantur naturam eius, dicerentur naturales, distinguendo contra merè supernaturales, scilicet gratia, & gloria; ita ista perfectio datæ intellectui Angelico, quæ essentia Diuina esset ei præsens distinctè, licet abstractinè potest dici naturalis, & ad cognitionem naturalem Angeli pertinere: ita quòd quidquid cognoscit Angelus de Deo virtute huius speciei, aliquo modo cognoscit naturaliter, & aliquo modo non naturaliter; naturaliter in quantum ista non est principium actus gratuiti, nec gloriosi; non naturaliter in quantum ad istam non posset pertinere ex naturalibus, nec aliqua actione naturali &c.*

Originalis igitur Iustitia, & si donum sit supernaturale; quia nihilominus non est principium me-

merendi, connumeranda erit inter perfectiones naturales. His positis, descendamus ad Propositiones; & earum prima sit.

## PROPOSITIO I.

*Iustitia originalis distinguitur realiter à gratia sanctificante.*

**P**ROBATUR, quoniam aliàs peccatum originale non esset priuatio Iustitiæ originalis, sed gratiæ sanctificantis; vel esset carentia simul vtriusque, & originalis Iustitiæ, & gratiæ sanctificantis, quod nullus huc usque nec Patrum, nec Scholasticorum asseruit, aut insinauit. Sola originalis Iustitia debita est posteris Adam, & per consequens cum sola originalis Iustitiæ carentia concipiuntur; & hinc fit, vt Scotus in 2. dist. 32. quæst. 4. sub lit. F. dixerit debitum habendi Iustitiam originalem commutari nobis in susceptione Baptismatis in debitum habendi gratiam sanctificantem. Ex quo manifestè colligitur, quòd ante susceptionem Baptismatis non aliud reperitur debitum in posteris Adam, quàm debitum habendi Iustitiam originalem; &

per consequens non alia tunc reperitur in illis carentia, quàm solius originalis Iustitiæ: debitum verò habendi, & retinendi gratiā sanctificantem, hinc fit ab ipso in instanti susceptionis Baptismatis; nec potest reperiri in baptizato carentia gratiæ sanctificantis; nisi postquàm peruenit ad vsum rationis, & per lethalem culpam tunc amiserit illam.

Hanc doctrinam non obscure tradidisse videtur Tridentinum sess. 6. cap. 7. vbi in calce habet hæc formalia verba: *Itaque veram & Christianam Iustitiam accipientes eam, seu primam solum pro illa, quam Adam sua inobedientia sibi, & nobis perdidit, per Iesum Christum illis donatam candidam, & immaculatam; inbentur statim renati conseruare, vt eam perferant ante Tribunal Domini nostri Iesu Christi, & habeant vitam æternam &c.*

In quibus verbis si expandatur illa, quibus dicitur: *inbentur statim renati, eam conseruare*; manifestè apparebit iussum, seu præceptum habendi, & conseruandi gratiam sanctificantem incipere in renatis statim, hoc est in ipso puncto regenerationis per Baptismum; ergo ante susceptionem Baptismatis non habent

præ-

præceptum habendi, & retinendi gratiam sanctificantem, ergo ante Baptismum non habent debitum habendi, & conseruandam, ergo ante susceptionem Baptismatis non habent carentiam gratiæ sanctificantis, ergo ante Baptismum non aliam habent carentiam nisi solius originalis Iustitiæ, ergo per sanctitatem (quam nobis perdidit Adam) non intelligit Concilium gratiæ sanctificantis habitum. Hinc colligitur Iustitiam originalem distingui realiter à gratia sanctificante.

Nostram item probat assertionem, quòd in communi tùm Patrum, tùm Scholasticorum sententia; si Adam transgressus fuisset aliquod aliud præceptum ab illo, quo prohibitus fuit ipsi eius ligni, quod erat in medio Paradisi, sibi soli tunc: ne utiquàm tamen amisisset nobis originalem Iustitiam; cuius ratio à priori indè liquefcit, quia in eo casu non ut constitutus morale, caput propagandorum ex ipso, virtualiter videlicet moraliter illorum continens voluntates in sua, nec per consequens ut publica: sed omninò ut priuata, persona præuicatus fuisset, pactum siquidem inter Deum, &

Adam initum non aliud, quàm obseruationem præcepti de non comedendo ligno scientiæ boni & mali; veluti conditionem pro exhibenda posteris eius originalis Iustitia, necessariò ab Adam adimplenda. Quo in casu, ut euidenter liquefcit, minimè perdidisset nobis Adam originalem Iustitiam, & si ob impossibilitatem peccati cum gratia sanctificante, ipsam gratiam sanctificantem perdidisset; ergo si perseuerante Iustitia originali perdidisset Adam gratiam sanctificantem, omnium oculis fit palam inter gratiam sanctificantem, & Iustitiam originalem dari distinctionem realem.

*Adducuntur alia rationes in fauorem nostre Propositionis docentis distinctionem realem inter gratiam sanctificantem, & Iustitiam originalem.*

**I**ustitia originalis, ait Suarez tom. 2. in 3. parte disput. 4. sess. 6. Assorius 1. Institutionum moralium lib. 3. cap. 32. quæst. 2. & 3. Vasquez tom. 1. in primam secundæ disp. 132. cap. 7. claudit, gratiam gratum facientem, virtutes intellectus & voluntatis supernaturales, & naturales, habitus,



bitus , etiam bonos appetitus , auxilia adiuuantia , & specialem Dei custodiam extrinsecam , vel assistentiam , & prouidentiam , ad impediendam omnem causam motus inordinati perturbantis rationem ; quia gratia continens ista omnia bona , extrinsecè , & intrinsecè , componit hominem in ordine ad finem naturalem , & supernaturalem . Hinc vult , quod Iustitia originalis sit ipsissima gratia supernaturalis .

Sed consulant sibi ipsis , qui hanc sententiam de indistinctione reali originalis Iustitiæ à gratia gratum faciente defendunt , quo nacto possint absolutè sustinere eam de mente D. Thomæ , qui licèt doceat esse longè probabilius Adamum fuisse , quàm nō fuisse productum in gratia : aliquam nihilominus tribuit probabilitatem sententiæ negatiuæ , atque adeò erit etiam de mente ipsius originalem Iustitiam realiter fuisse seiunctam à gratia gratum faciente in Adamo ; & per consequens immeritò defenditur absolutè de mente Angelici Doctoris originalem Iustitiam , & gratiam gratum facientem realiter indistingui à se inuicem in statu innocentie .

Legatur Scotus in 2. dist. 29.

quæst. 1. vbi postquàm S. *Potest dici* , ventilauit ; an Iustitia originalis fuerit donum supernaturale , vel naturale dumtaxat : S. *Ad quæstionem dico* , indicat distingui realiter à gratia gratum faciente . Cum Scoto sunt *Allenis* 2. part. quæst. 9. memb. 1. art. 1. S. *Bonaventura* 2. dist. 19. art. 2. quæst. 1. & 2. *Durandus* 2. dist. 20. quæst. 5. in corpore ; & ad primum : *Gabriel* dist. 30. qu. 1. *Maiores* quæst. 2. *Marsilius* qu. 18. art. 1. corolar. 1. post tertiam conclusionem . Ex modernis hanc distinctionem realem defendunt *Corduba* in suo *Quæstionario* q. 46. *Faber* 3. dist. 3. disp. 11. cap. 4. & 5.

Hanc realem distinctionem videtur innuere *Tridentinum* sess. 5. de peccato originali , can. 2. & 3. vbi definit primum Parentem Adam iustitiam & sanctitatem per peccatum amisisse ; ergo Concilium aliquid indicat esse iustitiam , quod non est sanctitas . Argumentum hoc vigorem habet contra docentes Concilium intellexisse per ly , sanctitatem gratiam sanctificantem ; nullius ergo roboris esset in nostra sententia docente Conciliū per ly sanctitatem , solum intellexisse sanctitatem actualem , est ergo



ergo argumentum fundatum contra aduersarios in principijs aduersariorum. Accedat altera probatio: peccante Eua ante Adamum, Iustitiam originalem non perdidit; licet perdidit gratiam iustificantem. Iustitiam quippe originalem Eua non perdidit, nec amisit vsque ad instans, in quo Adamo peccante destructa fuit pro tota prosperitate; vt tangit Gueuara in Matthæum tom. 2. obseruat. 15. sess. 5. §. 4. num. 39. fol. 203. col. 1. videatur noster Parer Fœlix cap. 11. de peccatis, difficultate 6. vbi probat, quomodo Eua peccante, & non Adamo, filij non contraherent originale peccatū; & consequenter Iustitia originalis, quæ adhuc conseruabatur, ratione status, perseuerabat in muliere prima: & tamen in instanti, in quo Eua peccauit, gratiam iustificantem amisit, nam hæc incompatibilis erat cum peccato mortali, quale erat illud, quod Eua commisit edendo de ligno vetito ante Adamum; ergo gratia sanctificans, & Iustitia originalis realiter differunt.

Probatur realis hæc distinctio in Scoticis principijs, asserentibus actum interiorem peccami-

nosum fore distinctum peccatum ab actu exteriori. Sit tale argumentum: Adam in aliquo signo reali consensit interius operi peccaminoso, antequam illud exerceret; & tamen vsque dum exercuit opus comedendi, non amisit Iustitiam originalem: licet supponatur amissa gratia, cum internè consensit in transgressionem externam præcepti; ergo Iustitia originalis, & gratia sanctificans differunt realiter.

## PROPOSITIO II.

*Docens quomodo posterī acceperunt Iustitiam originalem in Adamo.*

**M**Onemus, quod posterī nulla ratione virtualiter continebantur in Adamo, quantum ad rationem contrahendi debitum Iustitiæ originalis; scilicet non ideò posterī contrahunt debitum habendi Iustitiam originalem, quia pro ipsis acceperit eam Adam: vel (quod idem est) quia posterī acceperint eam in ipso, quoniam vt acutè satis probat Scotus in 2. dist. 32. qu. 2. lit. C, ratio debiti tam ex parte doni, quod debetur, quam

ex terminis ipsis; cum nil aliud excogitari possit; ad quod reuocari valeat donum vt debitum, & voluntas vt debitor. Non apparet igitur, quomodo originalis Iustitia habeat in posteris rationem doni debitoris; & quomodo ipsorum voluntas sit eiusdem doni debitor; nisi datio, & exhibitio talis doni immediatè respexerit, & facta fuerit posteris ipsis: doni enim exhibitio importat formaliter habitudinem ad illum, cui tribuitur; vt patet; sicut è contrà receptio doni importat ex formali conceptu habitudinem ad illum, qui donat. Si posterius accepissent Iustitiā in Adamo; scilicet si Adam accepisset eam pro ipsis; ita vt ipsi non acceperint eam immediatè à Deo; sed in tantum dicantur accepisse, in quantum solus Adam velut constitutus à Deo morale caput seu tutor vel fideiussor ipsorum, actu suo pro se, & pro posteris acceperit eam; tunc posterius non immediatè, sed mediatè tantum accepissent à Deo Iustitiam originalem; & consequenter non immediatè, sed mediatè tantum contraxissent debitum habendi Iustitiam originalem; & consequenter non immediatè, sed mediatè tantum habe-

rent peccatum originale: scilicet dicerentur constituti peccatores, non per proprium, sed per alienum peccatum Adami; quia sicut debitum habendi Iustitiam esset alienum, quia mediatum, ita similiter earentia Iustitiæ in posteris esset aliena; quia mediatè, scilicet quia fundata in fundamento materiali mediatè videtur.

Nec valet, si dicatur quod Deus non quomocumque dederit posterius Iustitiam Adamo, sed ordine ad ipsos posterius, scilicet reipsa exhibendam posteris, si stetit Adam: & quod consequenter, quod quantumvis dicamus posterius accepisse Iustitiam in Adam, vel Adam actu suo accepisse illam pro ipsis; inde tamen non esse colligendum, quod posterius non contraxerint in seipsis verum & personale debitum habendi Iustitiam.

Nihil (inquam) valet hoc, quia & si gratis demus posterius contrahere verum personale, & proprium debitum habendi Iustitiam; nunquam tamen ex prædicto modo explicandi colligi posset in posteris verum, proprium ac personale debitum, immediatum, habendi Iustitiam; quod est id, quod euidenter definitur à Concilio Tridentino,

evidenter, quia si sint decem homines, qui vel suadeant vel precipiant Antonio homicidium, perpetrandum; tunc & si decem per Antonium, vel mediante Antonio occidant Franciscum, phisicè: moraliter tamen loquendo seipsis immediatè occidunt Franciscum, & per consequens licèt vnica, & mediata sit in omnibus occisio phisica scilicet, licet per accidens denominentur occisores phisicè, quia per mediatam & alienam occisionem, omninò tamen per se, & immediatè denominantur occisores moraliter, quia per singulas, & proprias occisiones ducentes originem ex suasionibus, vel iustificationibus eorum.

In casu tamen nostrò si negauerimus posteris proprias acceptiones proprietatum iustitiarum, dixerimusque ipsos merè passiuè se habuisse quantum ad immediatas acceptiones, solo Adamo: videlicet accipiente pro ipsis Iustitiam; omninò tunc tolleretur de medio omnis radix, & origo ponendi in posteris immediatam proprietatem debiti habendi Iustitiam. Nec saluari posset per recursum ad virtutalem continentiam voluntatum, posterorum in voluntate Adami,

quia estò quòd possibilis sit talis continentia per imperium superioris agentis; possibilis (inquam) quæ inducat imputabilitatem ad meritum, & demeritum, & non solum ad lucrum & poenam; tunc nunquàm formaliter, & explicite, sed solum virtualiter, & implicite posterì acciperent Iustitiam; scilicet non singuli singulis actionibus, sed solum vnica, communi, & indistincta actione acciperent illum; & consequenter vnicum, & indistinctum esset in ipsis debitum habendi iustitiam, & consequenter vnicum, & indistinctum esset in illis originale peccatum, quod est hæreticum.

At inquires, immediatæ, & formales illæ acceptiones singulorum sunt penitus intelligibiles: quis enim vnquàm capiet posteros non adhuc existentes in rerum naturas, immediatè seipsis accepisse Iustitiam?

Ad hanc instantiam, quæ prima facie videtur difficilis, respondetur; quòd non dicimus posteros Adami ità immediatè seipsis, & formaliter accepisse Iustitiam, vt reipsà, & de facto acceperint eam: talis enim acceptio necessariò supponit accipientium existentiam, sicut sup-

posuit illam in Adamo, sed ea tantum ratione dicimus posteros seipsis immediate, & formaliter accepisse Iustitiam; quia non virtualiter in alio, vel mediante actu alterius per omnimodam videlicet exclusionem propriarum acceptionum. Posterorum igitur acceptiones dicuntur immediate, proprie & formaliter tales per solam exclusionem medij, & continentiae virtualis: dicuntur tamen virtualiter tales, quia posteri reipsa, & consequenter non acceperunt Iustitiam; sicut nec Deus reipsa, & consequenter exhibuit illam. Sed quia Deus dedit eam illis voluntate antecedente, & in preparatione animi; ita etiam posteri correspondente voluntate, & in preparatione animi acceperunt Iustitiam: non ita tamen in preparatione animi, quasi verò reipsa dispossuerint accipere illam; quia talis animi preparatio, & suppositio supponit actualem existentiam praeprantium & disponentium se; sed eam tantum in preparatione animi acceperunt, ut facta à Deo Iustitiae oblatione, Adamo, & posteris futuris: illa eiusdem Iustitiae donatio, quatenus formaliter donatio, vir-

tutem habuit obligandi posteros eodem pacto, quo obligauit Adamum; quia (ut acutè inquit Scotus) fuit omnino eiusdem rationis ex parte Dei in ordine ad Adam, & posteros, quia fuit vna simpliciter datio ex parte Dei, terminatiuè tantum, & extrinsecè diuersa. Ex vi igitur illius vnius, & informis donationis Iustitiae; ita voluntates posterorum remanserunt debitrices habendi Iustitiam, quemadmodum remansit voluntas Adam: non enim minus obligat, & inducit debitum donum reipsa, quantum est ex parte donantis exhibendum; quantumuis postea aliunde de facto non detur, quam donum reipsa exhibitum; & reipsa acceptum. Si filij Adam extitissent, quando Deus obtulit Iustitiae donum, utique tunc accepissent illud intentionaliter, & in preparatione animi, non autem executiuè sicut Adam; executiuè etiam accepissent ipsi, si non peccaret Adam de facto nunc nec executiuè, nec intentionaliter acceperunt, quia talis acceptio supponit actualem existentiam; acceperunt tamen illud utroque modo, sed moraliter tantum, quia iuxta prudentem estimationem

consensendi sunt, ac si accepissent illud.

Illâ igitur obligatio Iustitiæ, vel potest considerari in ordine ad Adam, vel in ordine ad filios existentes, dato ex hypothesi quod habuisset aliquos filios ante obligationem Iustitiæ; vel tertio considerari potest, in ordine ad posteros futuros. Si primò modo spectatur Adam, non moraliter sed physicè; & reipsâ non solum intentionaliter, sed executivè accepit illam. Si verò secundo modo consideratur, tunc data illâ hypothesi existentes filij non accepissent illam executivè, sed intentionaliter; quia Deus nunquàm de facto dedisset illis eam, nisi post devictam ab Adam tentationem; sicut nec etiam dedisset eam posteris, nisi quia præcessisset victoria eiusdem tentationis non solum in Adam, sed etiam in posteris existentibus iuxta probabilitatem Scoti: sed si data illâ hypothesi Adam succubuisset tentationi, tunc Deus non dedisset Iustitiâ existentibus filiis, unde factum fuisset; quod existentes illi filij intentionaliter tantum accepissent Iustitiâ, accepissent etiam illam executivè, sed moraliter dumtaxat; moraliter

inquam, quia supposita ex parte Dei animi præparatione ad reipsâ exhibendam illis eam, si ex parte Adami adimpleta fuisset expressa in pacto inito cum ipso conditio victoriæ tentationis; iuxta prudentis æstimationem consensendi fuissent quantum ad inductum, & acquisitum debitum habendi Iustitiâ originalem, ac si de facto, & executivè accepissent eam. Si demum tertio modo spectatur futuri posteris nullo modo reipsâ nec executivè, nec intentionaliter acceperunt eam ut patet; eam tantum utroque modo acceperunt moraliter loquendo, iuxta prædictam explicationem secundi membri.

Ex dictis colligitur primò, quod posterorum acceptiones Iustitiarum à Deo in Adam; nullatenus nec executivè, nec intentionaliter debent dici physicè tales, benè tamen moraliter tales utroque modo. Undè idem est posteros accepisse Iustitiâ à Deo in Adam, ac posteros iuxta prudentem æstimationem, & rectum æquitatis dictamen, iure fore consensendos; veluti si physicè & reipsâ utroque modo accepissent eam,

Secundò colligitur omnino illud



illud idem dicendum esse de amissionibus, quod dictum est de acceptionibus Iustitiarum, ut patet: nam non aliter posterius amiserunt, quam acceperint Iustitiam in Adamo.

Tertiò colligitur, quòd quantumvis dictum sit posteros immediatè accepisse Iustitiam à Deo; cum hoc tamen verum est etiam, quòd acceperint eam in Adam, sed ea lege, ut illa præpositio (in) non dicat in Adam rationem medij: quasi verò mediante ipsius acceptione imputata à nobis, acceperimus nos Iustitiam à Deo, vel quod idem est, quasi non nos immediatè; sed ipse tantum nomine nostro acceperit illam pro nobis. Videas Scotum in 2. dist. 2. quæst. unica sub lit. C. ubi concludit posteros nec physicè, nec moraliter accepisse per Adam Iustitiam, sed immediatè à Deo. Nec dicas ratione virtualis continentia voluntatum posterorum in voluntate Adami, quasi verò posterorum voluntates ex Divinæ voluntatis imperio in unam voluntatem translatæ, & in unum moraliter cum ipsa conclusæ, vel unum moraliter cum ipsa effectæ; simul cum Adam acceperint Iustitiam, voluntate ipsius

accipiente eam, & simul cum ipso amiserint, voluntate ipsius amittente Iustitiam: nam præterquam quòd iam impughnata est huiusmodi sententia, ex eo insuper patet esse falsam; quia cum talis translatio, & confluxus voluntatum in unam voluntatem Adami nulla ratione fieret, nec fieri posset eo pacto, quo ex solo proprio imperio voluntates præcipientium, vel suadentium homicidium transferantur, & confluant in unam voluntatem perpétrantis homicidium in effectum: non esset igitur nisi translatio, & confluxus moralis dumtaxat, ea videlicet moralitate, qua ex imperio & auctoritate Principis dicuntur, & censentur translatæ voluntates pupillorum in unam voluntatem Tutoris; sed hæc moralis translatio non dicit adunationem, & confluxum voluntatum seipsis intendentium id, quod voluntas (inquam, confluit) intendit, sed dicit earum adunationem factam ex solo extrinseco imperio alienæ voluntatis, & per consequens dicit earum unitatem & adunationem in unam per æstimationem dumtaxat: voluntates enim translatæ ut sic æstimantur, & censentur illæ,

vna voluntas, in quam translata fuere, scilicet omnis actio, quæ fieret ab illa voluntate, in quam facta fuisset translatio, æstimaretur & censeretur veluti propria voluntatum translatarum; quia iuste supposita dicta translatione imputaretur ipsis actio illius vnius voluntatis, actio inquam, quæ pertinet ad ea, quorum intuitu facta fuisset translatio: verum talis actio esset omnino mediata, & extrinseca voluntatibus translatis, quia ipsæ nihil omnino seipsis vel physicè, nec moraliter haberent commune cum voluntate, in quam facta esset translatio; ergo mediata tantum dicerentur operari per imputatam illam actionem alienæ voluntatis, scilicet in nostra subiecta materia posterius Adami dici debent accepisse Iustitiam, in ipso, quia mediante eius acceptione imputata acceperunt illam in Adam. Id ipsum dicendum est de pupillis respectu Tutoris, præterea Adami acceptio Iustitiæ quatenus æstimata posterorum, vel quatenus ipsi imputata non est peculiaris, & propria unicuique posterorum, ita ut in singulis singulæ sint, & concipiantur acceptiones, sed eadem perseverans omnino in-

distincta numericè est, quæ sit unicuique propria per æstimationem, & imputationem dumtaxat.

Sed si dicta doctrina subsisteret, penitus tunc euerteretur id, quod Tridentinum decrevit de peccati originalis proprietate in singulis posteris: Concilium enim decrevit originale peccatum inesse proprium unicuique posterorum, proprium inquam proprietate simpliciter excludente videlicet, communitatem omnem; originale namque peccatum ita debet esse proprium vni, ut nulla ratione sit commune alteri. Huius oppositum omnino docet prædicta sententia, quia ponit in peccato originali proprietatem secundum quid, & communitatem simpliciter: asserit enim, sicut defendit Catherinus, peccatum originale in Petro nil aliud esse, quam transgressionem Adami Petro imputatam, & applicatam; & nihil aliud esse in Ioanne nisi eandem transgressionem applicatam, & imputatam Ioanni, & sic de cæteris posteris.

Patet ergo, quomodo ponat communitatem simpliciter in originali peccato; quia numericam indistinctionem ipsius, & quo-



quomodò ponat in eo proprietatem, & distinctionem secundum quid, quia proprietatem, & distinctionem, quæ ducit originem è diuersitate imputationum ad diuersos posteros: ex quibus tamen imputationibus, vel ex qua iterata, & replicata imputabilitate nihil aliud ponitur in transgressione Adami, nisi multiplex respectus rationum, ex eo etiam auerteret, vel saltem minueret atque attenuaret dicta sententia peccati originalis proprietatem intentam à Concilio; quia vt deductum est suprà, ponit posteros accipere, & amittere Iustitiam in Adam mediata, & per consequens ponere debet mediatum debitum habendi Iustitiam, & mediatam carentiam ipsius: immò ex tali mediatione necessariò confiteri debet præimpugnatam communitatem, vt patet, & facili negotio deduci potest.

Sed inquires, quòd & si verum sit prædictam sententiam saluare in peccato originali communitatem simpliciter materialiter; falsum est tamen, quòd saluet eam formaliter loquendo; scilicet, licèt ponat materiale peccati originalis esse omninò indistinctum numericè, & per con-

sequens simpliciter commune, singulis posteris: asserit tamen formale eiusdem peccati multiplicari ad multiplicationem indiuiduorum, & ex vi replicatæ imputationis fieri vniciq; proprium proprietate simpliciter, qua hæc Adami transgressio formaliter spectata, scilicet concepta & imputata reduplicatiuè; ita est propria huic indiuiduo, vt nulla penitus, ratione quatenus imputata velut inuoluens respectum imputationis passiuæ, communis sit alteri indiuiduo. Proprietas igitur, quam ponit prædicta sententia, est proprietas simpliciter in peccato originali formaliter concepto: communitas tamen, quam asserit, licet materialiter loquendo sit cõmunitas simpliciter, est omninò tamen extra formalem rationem originalis peccati; & per consequens nil penitus varians, vel minuens proprietatem à Concilio intentam, quæ debet esse peccati originalis formaliter, nò autem materialiter concepti.

In primis hæc data responsio supponit transgressionem Adami esse materiale peccati originalis, formale verò illud esse respectu imputationis passiuæ: quod tamen nescio, an verum

fit

fit de mente illorum, qui defendunt dictam sententiam: nam posset esse dubium, an de mente ipsorum originale peccatum importet utrumque formaliter; an verò transgressionem materialiter, & imputationem formaliter: sed gratis concessio quòd ita sit, arguo nihilominus contra ipsam tali pacto.

Originale peccatum est commune posteris, secundum materiale; ergo debet esse commune ipsis etiam, secundum formale illius. Consequentia probatur, quia materiale & formale fundatum in ipso, necessariò concomitantur sese, scilicet ubicumque reperitur fundamentum seu materiale, ibi necessariò reperiri debet formale actu fundatum; & existens in ipso; ergò ubicumque reperitur transgressio fundans imputationem factam Petro, ibi necessariò reperiri debet ipsa imputatio passiva, & per consequens sicut transgressio materialiter reperitur in omnibus, ita etiam reperiretur in omnibus formaliter concepta: quia necessariò ferret secum, vel haberet secum transgressio materialis (ubicumque reperiretur) omnes respectus fundatos in ipsa; & per consequens formale peccati origi-

nalis ita esset omnibus commune; quòd peccatum unius esset peccatum omnibus commune, quod etiam dicendum esset de peccatis singulorum in ordine ad omnes.

Sed dices, quòd argumentum concluderet, si transgressio materialiter sumpta inhæsiuè reperiretur in posteris: sed quia reperitur in illis per extrinsecam, solam imputationem, indè fit ut argumentum nihil concludat; non enim sequitur, quòd ubicumque reperitur materiale extrinsecum, ibi etiam reperiri debeat formale fundatum in ipso: licèt autem verum sit, quòd omnes respectus imputationum passivarum sint simul cum ipso materiali fundante, falsum est tamen, quòd sint simul cum ipso in ordine ad quoscunque posteros; respectus igitur passivæ imputationis Petri simul est cum suo materiali fundante, non est tamen simul cum ipso in ordine ad Ioannem.

Contra responsionem hanc arguitur tali pacto: ubicumque reperitur materiale inhærens, ibi reperitur formale fundatum in ipso; ergò ubicumque reperitur materiale extrinsecum, ibi debet etiam reperiri formale fun-

datum in ipso, ergo &c. Consequentia probatur, quia non ex alio capite formale fundatum in materiali inherente reperitur, ubicunque fuerit idem materiale inherens, nisi quia fundatur in illo: sed eodem pacto formale materialis extrinseci fundatur in ipso; ergo eodem pacto formale materialis extrinseci reperitur ubicunque fuerit, ipsum, quo formale materialis inherens reperitur ibi, ubi aderit illud.

Hoc argumentum demonstrat euidenter, si proportionaliter loquamur de concursu & concomitantia vtriusque formalis cum suo proprio materiali, scilicet quod sicut ad alicuius materialis inherentiam, seu inexistentialiam sequitur euidenter quodlibet fundatum in ipso reperiri intrinsecè & formaliter ubicunque quomodolibet extiterit dictum materiale; ita correspondentem seu proportionaliter, suo modo extrinsecè videlicet formale materialis extrinseci reperiri debet ubicunque quomodolibet reperietur idem materiale.

Id quod intendit prima ratio contra primam responsionem, nil aliud est nisi concludere, quod simpliciter necessariò ens fundatum ex eo quod fundatum

reperiri debet ubicunque, quomodolibet reperietur proprium fundamentum illius; certum est enim, quod si fundamentum non reperietur alicubi per intrinsecam denominationem, quod nec etiam reperietur ibi ut sic ens fundatum in ipso. Illud igitur erit certissimum, quod sicut ens fundatum quatenus fundatum simpliciter necessariò reperiri debet, ubi aderit proprium eius fundamentum, ita etiam non alio pacto reperietur ibi, quam insit, vel adsit ibidem proprium fundamentum ipsius. Unde fit, ut cum transgressio Adami reperitur in Petro extrinsecè tantum; quia per extrinsecam imputationem, simili modo passiva imputatio reperiri debeat in eadem transgressione imputata, Ioanni, Francisco &c. & per consequens sicut albedo fundat diuersas similitudines ad diuersas alias albedines, si per impossibile inesset pluribus subiectis, vel per possibile inexistere saltem eidem, necessariò intrinsecè inhereret, vel saltem intrinsecè adesset omnibus, & singulis illis subiectis vnà simul cum omnibus, quas fundaret relationes similitudinum, ut patet: & confirmari potest exemplo

plo corporis, veletiam eiusdem albedinis si per potentiam Diuinam existeret pluribus in locis; ità similiter Adami transgressio per extrinsecam imputationem, inexisteret posteris Adami, necessariò inexisteret omnibus & singulis posteris simili, & correspondenti modo cum omnibus, quas fundaret passiuas imputationes ad ipsum: non enim poterit assignari ratio, cur magis materiale inhærens pluribus ducat secum (vt ita dicam) ea, quæ fundat, & communicet illa omnibus, & singulis subiectis, quibus inhæret quàm materiale assistens, vel inexisteret ferat secum ea, quæ fundat, & applicet illa vniuersis, & singulis indiuiduis, quibus assistit, vel quomodolibet inexisteret; si vtrumque materiale conueniat in ratione fundandi ea, quæ fundat, & sit adæquata ratio, cur materiale inhærens ducat secum, & communicet sua fundata subiectis, quibus inhærens sit illa dumtaxat, quod fundat sua fundata.

Breuius igitur ex ratione fundandi in materiali colligitur euidenter communicatio fundatorum in ipsis omnibus, quibus quomodolibet inest; & ex diuerso modo inexisterendi ipsius

colligitur diuersa fundatorum communicatio illis, quibus diuersimodè inexisteret: quantum igitur ex eo quòd Adami transgressio extrinsecè inexisteret posteris eius, colligatur passiuas imputationes fundatas in ea eodem pacto simul inexisteret omnibus, & singulis posteris Adami; nulla tamen ratione poterit inde deduci negatio existentie simpliciter.

Respondebis, estò quòd, passiuæ imputatio facta Petro ex eo, quòd fundata in eadem transgressione imputata Ioanni, reperitur etiam in Ioanne, nunquàm tamen reperiretur in ipso Ioanne nisi per accidens tantùm. Probatur, quia in tantùm reperitur in eo, in quantum fundatur in illa eadem numero Adami transgressione, quæ imputatur vtrique, vt satis compertum est: sed patet, quòd talis fundatio accidit imputationi factæ Petro; quatenus tali, vt loquendo clarescit; ergo omninò accidit eidem imputationi factæ Petro quatenus tali reduplicatiuè, quod ex vi eiusdem foundationis reperitur in Ioanne & alijs. Imputatio igitur facta Petro quatenus facta Petro reduplicatiuè, in ipso solo reperitur per se,

quia per actum imputantis voluntatis & intendentis imputationem; in Ioanne verò, & in cæteris indiuiduis non aliter reperitur, nisi quia fundata in vna, & eadem numero transgressione, quæ perseverante eadem identitate imputatur reliquis posteris Adamis, & per consequens imputatio facta Petro, quatenus talis, vel per accidens, vel ad summum concomitanter reperiri debet in alijs indiuiduis.

Nec refert, quòd Adami transgressio etiam in Ioanne reperitur per actum voluntatis imputantis, quia voluntas imputans talem transgressionem Ioanni omninò diuerso titulo ab eo, quo imputauit eam Petro, imputat eandem Ioanni; & per consequens omninò accedit imputationi factæ Ioanni quatenus tali, quòd eadem Adami transgressio fuerit imputata Petro, & alijs. Vndè colligitur, quòd licet passua imputatio facta Petro per actum voluntatis imputantis, & intendentis imputationem, habeat in Petro veram rationem, originalis peccati; eadem verò imputatio ex vi suæ foundationis in eodem materiali imputato per accidens, vel concomitanter re-

perta in Ioanne, nullatenus habet rationem originalis peccati in ipso.

Contra datam responsionem nihil videtur superasse replicandum, nisi tantum illud, quod cum non ita per accidens in genere causæ formalis imputatio facta Petro reperitur in Ioanne, sicut in genere causæ efficientis Musica reperitur in ædificatore, vt patere videtur; igitur consequenter quòd aliquo pacto per se, & pertinenter debeat denominare Ioannem; ergo aliquo pacto per se debet denominare illum peccatorem, quia eadem imputatio vt in Petro denominat ipsum peccatorem; ergo similiter &c.

Ad hanc instantiam facilis est responsio, negando imputationem factam Petro reperiri aliquo pacto per se in Ioanne, quantum ad rationem denominandi ipsum peccatorem. Ratio est, quia cum talis ratio denominandi conueniat sibi per actum voluntatis imputantis, & intendentis imputationem; quantum igitur reperitur eadem numero etiam in Ioanne, quia tamè reperitur in ipso solum physicè ex vi suæ foundationis in eodem numero materiali, non au-

tem

tem moraliter per actum voluntatis imputantis, & intendē-  
tis imputationem: nusquam igitur denominabit Ioannem peccatorem, quantumvis verum sit, quod ex existentia simpliciter, quam in ipso &c. denominet illum sub alia ratione, quam sub ratione peccatoris.

Notandum est tamen, quod de mente Catherini, Adami transgressio non solum habet rationem materialis in peccato originali, sed est ipsum peccatum originale in nobis: ipse namque sustinet peccatum originale debere esse voluntarium, & consistere per consequens in aliqua voluntatis actione, quæ cum nulla ratione excogitari possit in posteris contrahentibus; necessariò igitur recurrendum est ad transgressionem Adami, & licet eius transgressio quatenus eius non habeat plenam, & adæquatam rationem originalis in posteris, si tamen habeat adiunctam imputationem, completur in ratione peccati originalis. Ex quibus colligitur responsionem, qua dictum est Adami transgressionem esse materiale dumtaxat originalis peccati, supponere falsum de mente Catherini, & aliorum defendentium di-

dictam sententiam; & per consequens de mente Catherini dicendum est non solum id, quod est purum materiale in peccato originali, sed aliquid integrans formale ipsius esse commune omnibus, & singulis posteris, quod est aperte contra Concilium.

Sed estò quod asserat Catherinus Adami transgressionem habere rationem puri materialis dumtaxat in peccato originali, adhuc eius sententia esset contra Concilium: nam quando Concilium definit peccatum originale inesse cuique proprium, certum est quod accipit, & loquitur de ipso in suo conceptu proprio adæquato, & integro; quatenus videlicet includit omne in id, quod est simpliciter necessarium ad existentiam eius, sicut est materiale, & formale ipsius: non enim habuit Concilium (quemadmodum nec habere potuit) intentionem distinguendi vnum ab alio, etiam dato quod materiale originalis peccati esset Adami transgressio, quod est falsissimum; proprietas igitur (quam fatetur Concilium in originali peccato) non solum à formali sed à materiali insuper excludit omnem com-



munitatem in posteris, nisi velimus dicere, quòd Concilium loquendo de peccato originali, & quantum ad proprietatē eius in singulis posteris, & quantum ad alias rationes eius sciunxerit à formali peccati originalis id, quod est simpliciter necessarium ad existentiam ipsius.

Ex dictis iam concludendum est, quòd quando dicimus posteros accepisse Iustitiam in Adam, præpositionem (in) nec importare in Adam rationem medij, nec rationem virtualis continentiae; sed solum conditionem quandam, vel causam sine qua non. Sed inquires: Concilium asserit Adamum perdidisse Iustitiam sibi, & nobis, ergo falsum est, quòd nos ea lege amiserimus eam, vt singuli in singulis immediatis amissionibus amiserimus illam. Consequentia in eo patet euidenter, quia Concilium in eo decreto de peccato originali asserit Adamum amississe Iustitiam sibi, & nobis; nunquam tamen nè leuiter quidem indicat, quòd nos etiam nobis ipsis amiserimus Iustitiam.

Ad hanc instantiam, quæ prima fronte videtur difficilis, respondetur; intentionem Conci-

lij in eo decreto can. 2. eam fuisse dumtaxat, vt definiret contra Pelagianos & alios hæreticos falsum omninò esse dogma ipsorum; Adam videlicet transgressionem nihil mali culpæ communicasse, & refusisse posteris: & indè est, quòd inquit anathemate feriendos esse, qui asserunt Adæ præuaricationem sibi soli, & non eius propagini nocuisse; & acceptam à Deo sanctitatem, & Iustitiam, quam perdidit, sibi soli, & etiam non nobis perdidisse. Quibus verbis & si decernat aduersus hæreticos transgressionem Adami refusisse in posteros non solum malum poenæ, sed etiam malum culpæ, quod erat principale intentum Concilij: ijs tamen definit, quod ità solus ipse amiserit Iustitiam; vt nullatenus immediatè posteri amiserint eā. Non alia igitur de causa Concilium videtur attribuire soli Adamo amissionem Iustitiæ pro se & pro nobis, nisi quia intendebat concludere contra hæreticos: Adami videlicet transgressionem non solum induxisse in posteros mortem corporis, sed etiam animæ. Immò ideo induxisse corporis mortem, & alias poenas, quia per se primo



induxit peccatum, quod est mors animæ: licet igitur Concilium asserat vnum; non tamen negat aliud.

Et quàmuis in decreto de peccato originali, formaliter non asserat posteros amisisse Iustitiam in Adam; æquivalentibus tamen verbis fatetur illud in assumpto testimonio Apostoli Romanorum 5. *In quo omnes peccaverunt*, quod testimonium necessariò intelligi debet non solum de actuali contractione peccati: sed antecederet de amissione Iustitiæ in ipso, ut patet.

Expressis etiam verbis sess. 6. cap. 1. fatetur veritatem; quam intendimus, inquiens: *Cum omnes homines in prævaricatione Adam innocentiam perdidissent &c.* En igitur quando in hoc alio loco, ubi non intendebat definire contra Pelagianos transgressionem Adami nocuisse simul ipsi ac propagini, & refusisse in posteros animæ, & corporis mortem; sed tantum declarare humani generis lapsum, impotentiam arbitrij, & gratiæ necessitatem ad resurgendum, meminit, ac exprimit, quòd etiam posteri perdididerint innocentiam in prævaricatione Adam.

Sed dices Concilium non as-

serere in dicto testimonio posteros simpliciter perdidisse, sed perdidisse in prævaricatione Adam, unde non leuiter indicare videtur, quòd ideò posteri perdidere Iustitiam, quia Adam perdidit eam.

Ad hoc respondetur, quòd si ly ideò, importat in prævaricatione Adam rationem anteuerentis causæ demeritoriæ, vera est propositio; sed omninò falsa est, si importat rationem causæ adæquatæ concludentis, videlicet immediatas prævaricationes & amissiones in posteris. Certum est enim, quòd nos amisimus innocentiam in prævaricatione Adam, quia fuit causa demeritoria nostræ prævaricationis, sed non amisimus illam in eius prævaricatione eo sensu; ut solus Adam immediatè, nos verò mediatè, media videlicet eius prævaricatione amiserimus eam.

Hic nota, quòd & si Adæ prævaricatio fuerit causa demeritoria nostræ prævaricationis, eius tamen acceptio Iustitiæ non fuit causa meritoria; cur nos acceperimus eam, ut optimè declarat Scotus in 2. dist. 20. quæst. vñica sub lit. C. & in responsione ad penultimum principale.

Con-

Confidera, an fimilis ratio fit de acceptione, & donatione; fcilicet confidera, an fi acceptio Adæ non fuit caufa motiua, cur Deus donauerit nobis Iuftitiam, quod nec fuerit caufa motiua, cur faltem nos acceperimus eam.

### PROPOSITIO III.

*Primus Parens meruit Iuftitiam originalem.*

**R**atio dubitandi pro parte negatiua eft, quia fuit ipfi præftita in primo instanti fui efse, feu fuit ipfi comproducta; ergo non habuit tunc quomodò mereri potuerit eam. Antecedens patet, quia dicitur in facro eloquio: *Creauit Deus hominem rectum*. Confequentia patet: etenim comproductum ponitur in illo eodem instanti, in quo ponitur principalius productum; ergo ponitur in efse, quando principalius productum cœpit prorumpere in actum.

Contra tamen eft, quia optimè potuit Adam liberum actum producere in eo instanti, in quo præftita fuit ipfi originalis Iuftitia; ergo habuit, vndè mereri potuerit originalem Iuftitiam, ergo meruit illam. Prima con-

fequentia patet, nec non etiam fecunda; quia nulla poteft assignari ratio, cur de facto non meruerit illam, fi habuit vndè proximè potuerit. Antecedens probatur: Adam in instanti productionis habuit proximam, & expeditam potentiam vtendi ratione, & voluntate; ergo habuit vndè tunc producere potuit liberum actum, ergo habuit vnde mereri originalem Iuftitiam. Confequentia patet: antecedens etiam patet; quia in omnium sententia primus Parens fuit à Deo productus cum expedita & immediata facultate vtendi ratione, & quàmuis dicta facultas & actualis vfus rationis concurrerit cum Adam in instanti productionis eius: Adam nihilominus fecundum efse primum ipsius spectatus naturaliter præcessit feipsum proximè, & immediatè vti potentem ratione. Et quantumuis etiam originalis Iuftitia fuerit ipfi comproducta; id tamen fuit, faluo femper naturalis prioritatis, ac pofteritatis ordine, inter actum primum; & secundum.

Præterea non videtur fatis probabile, priùs Deum præstitisse Adamo Iuftitiam originalem, quam iniunxerit ipfi præceptum

ceptum de non comedendo de fructu ligni, quod erat in medio Paradisi; quia supposito ipsum habuisse in primo instanti suæ productionis perfectum, & expeditum vsum rationis, non apparet cur Deus noluerit iniungere illi tunc memoratum præceptum; ergo de facto iniunxit illud ipsi tunc, ergo iniunxit illud ipsi proximè, & immediatè potenti vtilitatione, ergo iniunxit illud ipsi proximè, & immediate mereri potenti originalem Iustitiam.

### MONITVM.

**N**ON puto tamen, quod initumfà Deo cum Adamo pactum ità rigorosè usurpetur, vt reuerà pactum iniuisse cum Adam, & velut expetiuisse, & expectasse in pactum cum eo ineundum ipsius consensum; non minùs ac si duo extiterint inter sese contrahentes, mutuè, faciendo, contractum præstandum à se inuicem, expetentes, & expectantes consensum: huiusmodi namque pacti usurpatione, & absurda foret, & impossibilis. item in hac subiecta materia.

Absurditas inde manifestè de-

ducitur, quia supremi, & absolutissimi Domini (quemadmodum Deus est) leges, decreta, ac præcepta ex eo; quòd talis Domini sunt, ab eoque dimanant, intrinsecam retinent vim, nec non proprium sortiuntur effectum: atque adeò absurdum esset asserere ipsa assequi illa, huncque sortiri dependenter ex subditorum consensu; tolleretur enim de medio omnimoda independentia, quam huiusmodi Legislator habet in subditis.

Impossibilitas inde colligitur, quia pactum vt sic ineundum simpliciter necessariò anteuertere debet id, cuius gratia innititur; quia semper pactum vt sic, respicit rem non positam, sed ponendam in esse: atqui implicat pactum, vt sic explicatum, præcessisse id, cuius gratia dicitur fuisse initum; ergo implicat asserere fuisse initum vt sic. Minor patet, quia id cuius gratia dicitur fuisse initum vt sic, est Iustitia originalis danda ex vi talis pacti Adamo, & posteris eius; si Diuinum ipse seruasset præceptum, vel ei, & posteris eius auferenda, si transgressus fuisset illud: quæ tamen originalis Iustitia vt concreata Adamo, nedum subsecuta non est pactum

D inter

inter Deum & Adam de ipsa  
ineundum ut sic ; verum omni-  
nò præcessit illud , quia pactum  
ut sic ineundum simpliciter ne-  
cessariò supponere debet utrius-  
que partis paciscentis existen-  
tiam , aliàs non apparet quomo-  
dò præstare posset eidem pacto,  
ut sic ineundo consensum : sed in  
illo eodem instanti , quo Adam  
exitit , coexitit ipsi originalis  
Iustitia ; ergò omninò originalis  
Iustitia , de qua iniri debuisset  
pactum inter Deum & Adam ,  
præcessit in Adam idem pactum  
ut sic ineundum .

Hinc manifestè colligitur , etiā  
posteror Adam meruisse in ipso  
illam merente originalem Ius-  
titiam , sicut in ipso eam deme-  
rente demeruerunt illam . Si de-  
fenderetur Adamum fuisse pro-  
ductum in puris naturalibus , si-  
cut probabiliter tenet Scotus de  
Angelis ; facilis esset aditus ad  
defendendum , quòd meruerit  
Iustitiam originalem .

#### MONITVM.

**P**otest etiam probabiliter in  
doctrina Scoti defendi op-  
positum , de merito , quippe sub-  
tilis Doctor in 2. dist. 20. quæst.  
vnica ; mouens , & soluens dif-

ficultatem , hæc habet formalia  
verba : Sed habuisset nè filius  
illam per Patrem , vel per me-  
rita Patris , aut Parentum ? *Dico*  
*quòd non : quòd enim congruit tot*  
*natura non datur uni indiuiduo*  
*mediante alio , vel per meritum il-*  
*lius ; sed singulis indiuiduis singula*  
*fuisse appositae Iustitiae originales,*  
*&c.* Hæc Scotus .

Nota , quòd si præmium ca-  
dere potest sub meritis , longè  
gloriosius est consequi illud in-  
tuitu meritorum , quam indepen-  
denter ab illis , ut Scotus docet  
in 3. dist. 18. quæst. vnica , sub lit.  
F. §. *Ad primum &c.* & expressè  
etiam in 2. dist. 5. quæst. vnica ,  
sub lit. L.

#### PROPOSITIO IV.

*Tale meritum non fuit de condigno ,  
sed de congruo .*

**S**Vpposita probabili sententia  
Scoti in 2. dist. 5. quæst. 2. sub  
lit. N. primos Parentes creatos in  
puris naturalibus , præstitumque  
ipsis supernaturale auxilium ,  
quo immediatè sese tunc dispo-  
suerunt ad sanctificantem grā-  
tiam communicandam illis , &  
Angelis in subsequenti morula  
posset fieri difficultas ; an ea di-  
spo-

spofitia habuerit rationem meriti de congruo, an verò de condigno. Quod habuerit rationem meriti de congruo, indè probatur; quia supponitur elicitæ sine gratia gratum faciente, à qua dimanat & refunditur in actum omnis condignitas.

Contrà tamen est, quia tunc nulla intercederet differentia inter meritum, quo homo peccator contritus meretur gratiam sanctificantem, & ipsum hominem in puris naturalibus creatum; qui per præstitum sibi tunc speciale auxilium, disposuit se ad eiusdem inhærentis gratiæ receptionem. Hoc tamen videtur omninò falsum, nam sicut latissima est differentia per habitudinem ad Deum inter hominem peccatorem attritum, & ipsum hominem in præmisso statu productum & constitutum; ita etiam latissima debet esse inter ipsos differentia in ratione merendi gratiam sanctificantem. Antecedens patet manifestè, quia homo attritus, vt præcisè, & formaliter talis, ante videlicet sanctificantis gratiæ infusionem in ipso spectatus, est Deo inimicus: & indè fit, vt de congruo dumtaxat sanctificantem gratiā mereatur, de congruo inquam,

quia quantumvis suam habeat attritionem, semper gratia sanctificans indebita est ipsi titulo iustitiæ, licet debita sit ipsi titulo fidelitatis, Diuinæ videlicet promissionis, qua misericorditer dumtaxat voluit Deus certiores reddere peccatores; quòd si Diuino adiuti auxilio sufficienter de proprijs ipsorum peccatis attererentur, protinùs sanctificantem infunderet ipsis gratiam.

Homo verò in suis naturalibus creatus gratum facientem dumtaxat gratiam excludentibus, includentibus nihilominus nedùm pura, ac nuda ipsius naturalia; verùm etiam illa omnia gratuita, seu gratis data, quæ perfectio naturalis Angelicæ vel humanæ rectitudinis statui debentur; inter quæ connumerari potest originalis Iustitia, quæ debita fuit homini in statu naturæ integræ, seu in statu innocentie posito; & æquiualens etiam habitus integritati naturæ, vel innocentie, seu primæ, naturalique Angelorum rectitudini debitus.

Veritatem hanc non obscure Diuina Scriptura expressit de homine producto ac constituto in statu innocentie, dum dixit: *Ab initio fecit Deus hominem re-*

*Etum &c.* rectitudine importan-  
te integritatem dumtaxat natu-  
ræ, verum etiam concursum, &  
concomitantiam reliquorū om-  
nium gratis datorum ad natura-  
lem illius status perfectionem,  
attinentium.

Hoc ipsum à fortiori asseren-  
dum est, de nobiliori natura An-  
gelica; quod videlicet ab initio  
produxit illam Deus rectam,  
vtraque præmissa rectitudine.  
Angelus igitur in huiusmodi sta-  
tus perfectione conceptus, & si  
non sit adhuc filius Regni; non  
est tamen filius perditionis, sicut  
dono attritus ante infusionem,  
gratiæ spectatus. Est etiam in  
eo statu Angelus (negatiue sal-  
tem) amicus Deique gratus, im-  
mò (saluo semper meliori iudi-  
cio) dici potest, quod virtute  
illius doni sibi in sui creatione  
præstiti, æquivalentis originalis  
Iustitiæ, & perfectio illius po-  
tentiæ subdantis imperio Diui-  
næ voluntatis, sit Angelus ali-  
quo pacto positiue gratus, & a-  
micus Deo, nedum vt Auctori  
naturæ (quia vt sic est ipsi adæ-  
quatè amicus, ac gratus) verum  
etiam vt Auctori gratiæ; quoniā  
primæuam huiusmodi Iustitiam  
communiter asseritur à Schola-  
sticis esse donum supernaturale.

Nec valet, si dicas, quod cum  
id nequeant præstare fides, &  
spes, quæ sunt habitus longè su-  
pernaturaliores, quàm sit origi-  
nalis Iustitia longè minùs id præ-  
stare poterit ipsa Iustitia. Conse-  
quentia patet, sicut & antece-  
dens; quia perficiunt, & ordi-  
nant habentem ad Deum finem  
supernaturalem, & supernatura-  
liter attingendum, & rigorosè  
propterea ipsæ supremam perfici-  
unt animæ portionem, vt docet  
Scotus in 3. dist. 26. quæst. vni-  
ca sub lit. G.

Non valet, inquam, si hoc di-  
cis; quia qui per peccatum  
mortale amittit gratiam sanctifi-  
cantem, sit statim filius perditio-  
nis, & positiue Deo inimicus;  
ac per consequens fides, & spes  
(non concurrente cum eis cha-  
ritate) non habent, vnde sibi ipsis  
reddant aliquo pacto subiectum,  
in quo sunt, Deo amicum gratui-  
tumque.

Oppositum tamen secundum  
aliquam rationem videtur dicen-  
dum de Angelo, secundum su-  
perius dicta: nam & si primæua  
illa Iustitia, & rectitudo non sit  
forma rigorosè supernaturalis;  
sed secundum aliquam dumtaxat  
rationem sit talis; vt de An-  
gelica specie distinctè repræsen-  
tan-



tante Diuinam essentiam inquit Scotus in 2. dist. 3. quæst. 9. sub lit. D. existens nihilominus in subiecto non inimico & ingrato, immò naturaliter benè viro gratoque, & insuper immediatè disposito ad receptionem gratiæ sanctificantis facit cum eo compositum sic Deo dilectum; vt gratiam sanctificantem in secunda morula, vel in subsequenti instanti ei communicandam, meritò altioris ordinis quàm sit meritum merè, ac purè de congruo assequatur.

Non est, cur reuocari possit in dubium præmissorum meritorum merita, meriti videlicet de congruo, quo peccator perfectè attritus, sanctificantem obtinet gratiam & meriti, quo Angelus cum ea dumtaxat rectitudinis excellentia creatus, quæ perfectionis status innocentiae Angelorum debetur, sanctificantem gratiam mox post primum creationis instans ipsi exhibendam assequitur. Præfatus enim discursus manifestiùs probat posterius hoc Angelicum meritum, maximoperè præstare merito peccatoris attriti.

His tamen non obstantibus non est explicatu difficile, in quo propriè, & formaliter consistat

ipforum diuersitas: nam quàmuis memoratum Angelicum meritum, longè nobilius sit, quàm meritum peccatoris attriti; quia tamen non ponitur processisse à voluntate informata charitate; nullatenus igitur ipsi tribui potest ratio meriti de condigno; ergo non excedit sphaeram meriti de congruo. Consequentia patet, quia meritum in communi prima sui diuisione adæquatè diuiditur in meritum de condigno, & meritum de congruo; cum non detur, nec excogitatum sit adhuc aliud meritum ab utroque præmissis distinctum; ergo non apparet in quo prædeclaratum Angeli meritum, nobilitate præest merito peccatoris attriti, si formalis ratio vtriusque spectetur: cum ambo vnius eiusdemque speciei specialissimè sint, non enim facilis erit negotij distinctionem effingere specierum in meritis de congruo; cum non appareat, vnde desumi possit specificarum eius differentiarum diuersitas: nam si recurrimus ad eos, qui merentur, aut ad illos de quibus non aliud indè in actus meritorum de congruo reperiemus, quàm vel habitudinem, vel extrinsecarum denominationum diuersitatem; sem-



semper tamen inuariata manente, & perseuerante intrinseca ratione meriti de congruo, quæ in eo formaliter consistit, vt condecenciæ dumtaxat ponat in ipso debitum respectu præmij exhibendi, penes quam condecenciam specificè distinguitur à merito de condigno, cui ex Iustitia correspondet, & debetur præmium: & si enim utrumque meritum importet ad præmium, debitum tamē quod ad illud trahit secum meritum de congruo, secundum quid dicitur; debitum verò quod ad præmij redditionem inuoluit meritum de condigno, simpliciter est.

Sed quod merito de condigno ex Iustitia debeat præmium non ex eo prouenit, quod debeat illi ex lege; quia tunc etiam deberetur ex Iustitia merito de congruo peccatoris attriti: cum infinites ferè expresse rit Deus in sacra Scriptura legem præmissionis de admittendo, & iustificando peccatorem, sufficienter attritum; sed prouenit ex eo, quod ex liberali Dei donatione constituitur homo iustus verè proprietarius, & Dominus suorum actuum. Vndè fit, vt is qui opus efficit de condigno meritorum vitæ æternæ,

aliquid de bonis proprijs tribuat Deo, cuius intuitu e contrà ex Iustitia tenetur Deus retribuere illi vt mercedem & coronam, vitam æternam: iuxta illud ad Thimotheum 4. *Bonum certamen certavi, cursum consumaui, fidem seruaui; in reliquo reposita est mihi corona Iustitia, quam reddet mihi iustus Iudex.* Iustitiam hanc, dominium ac proprietatem, quam secum trahit, & inuoluit meritum de condigno disertis verbis ex epistola Cœlestini l. cap. 12. docet Concilium Tridentinum, sess. 6. cap. 16. vbi ita inquit: *Cuius tanta est erga omnes homines bonitas, ut eorum velis esse merita, quæ sunt ipsius dona.* Clariùs id ipsum definit can. 32. dominium, ac proprietatem huiusmodi excludens meritum de congruo, excludit etiam præmij retributionem ex Iustitia.

Verum cur meritum de condigno includat, meritum verò de congruo excludat memoratum dominium; ea in promptu poterit esse ratio, quia videlicet homo iustus ex vi gratiæ sanctificantis, nedum admittitur ad Dei amicitiam: verum etiam ad eius hæreditatem, cohæreditatem autem Christi, & per consequens tribuitur ipsi eiusdem hære-

hereditatis dominiū, & proprietas; quia hæres verè Dominus, & proprietarius est paternorum bonorum. Contrà verò accidit homini peccatori, qui quantumvis sit attritus, nunquàm ante sanctificantis gratiæ infusionem intelligitur admissus ad amicitiam, & hæreditatem Diuinam; & per consequens tunc nullum intelligitur assecutus dominiū, & proprietatem priorum ætuum: & per consequens non exhibet tunc Deo actum, qui sit proprium eius meritum; ergo non exhibet Deo tunc aliquid, quod sit ipsi ratio merendi ex Iustitia, ergo nec etiam quod sit ei ratio merendi de condigno gratiam sanctificantem. Iustus demùm operatur, vt amicus, & viuum Christi Domini membrū; peccator verò attritus antecederet ad sanctificantis gratiæ infusionem operatur, vt inimicus, & vt mortuum

Christi Domini  
membrū.

\*\*\*

## PROPOSITIO V.

*Adam perdidit vobis habitum Iustitiæ originalis, & Sanctitatem actualem; non verò Sanctitatem habitua-*  
*lem.*

**E**A tamen lege, & ratione hoc intellectum volumus, vt infantulis omnibus habituali, adultis verò actualem insuper amiserit Iustitiam; atque, adeò sicut omnes naturaliter ab Adam propagati, cum habitualis Iustitiæ carentia concipiuntur, ità similiter omnes adulti quantumvis Sancti (Virgine Deipara dumtaxat excepta) antequàm vltimum vitæ diem claudant, actualem amittere debent Iustitiam non ex vi transfusionis, sicut amittitur originalis: sed per liberam aliquam actionem, intercedentibus adhuc duobus alijs diffidijs inter amissionem habitualis in paruulis, & amissionē actualis Iustitiæ in adultis.

Primum est, quòd non sicut paruuli contrahunt in primo conceptionis instanti originale peccatum, sic etiam adulti committunt actuale in primo instanti vsus rationis; cum sufficiat, vt an-

te instans mortis prolabantur in illud. Secundum est, quod amissio habitualis Iustitiæ in omnibus posteris Adam, læthalis est: amissio verò actualis Iustitiæ non semper, nam etiam si quis nunquam peccet mortaliter; committat tamen vnicum veniale, illicò tunc amittat actualem Iustitiam. Infallibilis hæc actualis amissio Iustitiæ in adultis demeritoriè suam in adultis ducit originem ex peccato Adami; sicut ex eodem peccato, velut ex proprio demerito suam in paruulis ducit originem habitualis Iustitiæ infallibilis amissio. Hæc ratio dicta sit, saluo semper meliori iudicio, & vt maximè submittendo me & eam correctioni Sanctæ Romanæ Ecclesiæ.

Quòd infallibilitas amissionis Iustitiæ actualis reuocanda sit in prauaricationem Adami, vt in propriam causam deriuatoriam; quemadmodum reuocatur in ipsam infallibilitas amissionis Iustitiæ originalis, non obscurè deducitur ex differentia inter hominem purum, & hominem lapsum intercedente quantum ad rationem seu modum amittendi eam: nam homo lapsus adeò infallibiliter amittit actualem Iustitiam, vt si statim post

primum instans vsus rationis esset sibi moriendum, in primo instanti vsus rationis actuale aliquod committeret peccatum; quod tamen neutiquàm dicendum est de homine in puris naturalibus existente, quia si negetur de ipso, nihil indè sequitur contra Conciliorum decreta, quibus definitur omnem adultum, quantumuis Sanctum, cadere quandoque in peccatum: sicut manifestè esset contra eadem Conciliorum decreta, si quis diceret adultum aliquem ex hac vita migrasse omninò actualiter innocentem; quia nunquam iste talis humiliter, & reuerenter, ac veraciter protulisset ea Dominicæ orationis verba: *Dimitte nobis debita nostra &c.* Cuius oppositum definitur in Melenitano, Arausicano & Tridentino. Antecedens in quo dicitur, quòd nihil sequitur contra præmissorum Conciliorum decreta, si asseratur hominem purum reipsà recedere posse à vita cum actuali innocentia, probatur tali pacto; quia si aliud indè inferretur contra memoratam Conciliorum definitionem, maximè esset id, quod ex decessu puri hominis è vita cum actuali innocentia inferre decessus lapsi hominis è

vita cum actuali innocentia ; sed neutiquam id inde inferretur ; ergo penitus ex eo capite sequeretur contra præmissorum Conciliorum decreta . Maior patet à sufficienti partium enumeratione : minor etiam patet ; quia ferè omnes Scholastici fatentur posse hominem nedum purum , verum etiam lapsum è solis naturalibus suis , & cum sola communissima influentia efficere aliqua opera moraliter bona , quarum initium contingere posset in primo instanti vsus rationis , & immediatè post sequi mors illius hominis puri : quia si potest cum sola communi influentia , & in solis naturalibus operari bonum , nulla apparet ratio , cur non posset efficere illud in primo instanti discretionis eius , quando nullum penitus adesset extrinsecum impedimentum ipsum impediens à rectè operando ; quia nulla est posita lex à Deo , vel decretum denegandi huic puro homini propter præcedens in eo peccatum . Tum quia aliàs non esset homo constitutus in puris naturalibus : tum quia supponitur , quod rectè operetur in primo instanti vsus rationis , quam primariam rectam rationem nullatenus anteuertere potest actio

peccaminosa .

Confirmatur ex eo , quòd Tridentinum sess.6. can.23. definit, videlicet : *Hominem sine speciali Dei privilegio non posse vitare in tota vita sua omnia peccata etià venialia &c.* In quibus verbis illud omninò aduertendum occurrit ; quòd Concilium usurpat & accipit hic privilegium , secundum propriam , & rigorosam rationem privilegij , vt alicuius videlicet legis positæ importat dispensationem , quæ fit vel per eiusdem legis reuocationem , vel per illius declarationem . Quo fit , vt si reipsa Deus privilegium hoc præstaret alicui , sicut de facto ( vt Concilium ibidem declarat ) præstitit illud Deiparæ Virgini , necessario dicendum est Deum vel reuocasse , vel declarasse respectu Virginis Deiparæ communem aliquam legem , reliquos alios homines attingentem : sed huiusmodi lex non potest esse alia , nisi quam Deus tulit , quòd si Adam peccaret non solum sibi , sed & omnibus ab ipso naturaliter propagandis perderet innocentiam , quæ habitualement simul , & actualement amplecteretur Iustitiam ; ergo eo ipso quo Deus communicauit Deiparæ Virgini

memoratum priuilegium, dispensauit cum ea super legem prædictam, ergo ceteri omnes (quibus non est communicatum tale priuilegium) comprehenduntur sub illa, ergo dicta lege supposita amissio actualis innocentiae necessariam habet connexionem cum demerito primi Parentis; ergo cunctis alijs à Virgine Deipara iuste denegatur specialissimū illud auxilium, quo vitari possent omnia peccata etiam venialia, ergo omnes alijs à Deipara Virgine prolapsi sunt, vel prolabantur in actuale peccatum, ergo omnes alijs à Deipara Virgine actualem amittunt innocentiam.

Potest hæc ratio breuius, & formalius disponi hoc pacto: posse vitare omnia peccata etiam venialia ex priuilegio Dei speciali efficitur; ergo fit ex dispensatione aliqua supra legem ab ipso positam: sed hæc lex non potest esse alia, nisi ea quam tulit & indixit Adamo, ipsum videlicet & sibi, & posteris suis amissurū innocentiam, si iniunctum transgrederetur præceptum; ergo hæc Dei lege præsupposita amissio actualis innocentiae necessariam habet connexionem cum demerito primi Parentis, ergo intuitu

demeriti primi Parentis omnes alijs à Virgine Deipara amittunt innocentiam. Primum antecedens est Concilij Tridentini, vbi supra: consequentia patet ex ipsa ratione specialis priuilegij; minor patet à sufficienti partium enumeratione. Consequentiae patent ex terminis; ergo &c.

Ex hac ratione, & doctrina facile liquefcit nostrum Andream de Vega Virum alioqui doctissimum longè à veritate abiisse; dum dixit, Concilium intellexisse per speciale priuilegium, speciale auxilium. Quis enim credere potest nulla penitus urgente ratione æquiuocare; & confundere voluisse speciale priuilegium cum speciali auxilio, quando dimissis specialis priuilegij terminis, statim ac facillimè obuiam illi fuissent alijs æque familiares, specialis videlicet auxilijs; eo vel maximè quia in præcedente can. 22. specialis auxiliij vocabulo vitur, & significatione dicens: si quis dixerit iustificatus, vel sine speciali auxilio Dei in accepta Iustitia perseuerare posse, vel cum eo non posse; anathema sit.

Hic tamen aduertendum est, quòd dum asserimus speciale pri-

privilegium , non inficiamur necessitatem auxilij specialis ad vitanda omnia peccata ; nam nedum homo in statu naturæ destitutæ , verùm etiam in statu naturæ institutæ indiguisset auxilio speciali ad vitanda omnia peccata , & efficienda omnia opera virtutum , vt communis omnium Scholasticorum sententia fert . Quod auxilium complectebatur habituale originalis Iustitiæ donum , & specialis providentiæ influxum : Libentissimè igitur confitemur ad actualis innocentie positionem necessarium esse , & specialis privilegij , ac specialis auxilij concursum .

Quòd contendimus contra nostrum Andream de Vegha , est immeritò ipsum confundisse , speciale Dei privilegium , cum speciali ipsius auxilio , & longè maius immeritò abstulisse de medio hoc Dei privilegium : nam ipso ablato tollitur etiam illa lex , cuius esse debet vel reuocatio , vel declaratio ; quod tamen est manifestè falsum , quia cum huiusmodi privilegium non aliam respiciat legem , vel reuocandam , aut declarandam , quàm illam qua Deus Decreuit : quòd si Adam observaret præceptum sibi à Deo iunctum , sibi & po-

steris suis conservaret innocentiam ; sed si transgrediretur illud , & sibi , & posteris amitteret illam . Ad ablationem igitur istius privilegij , cuius Conciliū meminit vbi suprà ; consequenter tollitur de medio hæc lex , quæ communiter à Scholasticis transfusionis lex nominari consuevit , vel pactum cum Adamo initur , quæ lex vel pactum si tolleretur , non apparet , quo pacto saluari posset id , quod inquit Apostolus : omnes videlicet posterius eius , peccavisse in Adam .

Nec negato hoc privilegio effugiet Vegha illud inconueniēs , quod per eius negationem totis viribus effugere contendit ibidem , lapsos videlicet homines necessitati ad peccandum aliquando ; si esset aliqua lex à Deo statuta , negandi videlicet illud speciale , quod necessarium est ad vitanda omnia peccata . Tunc siquidem sicut aliquando negandum esset huiusmodi auxilium , ità etiam aliquando destituti hoc auxilio necessariò laberentur in peccatum ( ne inquam hoc negato privilegio , præmissum effugit inconueniens ) tum quia , specialissimum illud auxilium per speciale privilegium ad au-



res ipsius importatum, & si prestitum sit vni dumtaxat Virgini Deiparæ, vt Tridentina Synodus docet, cæteris alijs hominibus denegatur; quia vt suprà visum est, omnes Patres in illud conspirant, vt nullus sit hominum, etiam si quauis sanctitate præfulgeat, qui toto tempore vitæ suæ actualem innocentiam conseruet. Idipsum etiam definitum est in Concilio Mileuitano & Arausicano, & Concilium Tridentinum sess. 6. cap. 11. inquit: *Licet enim in hac mortali vita quantumvis Sancti & iusti, in leuia saltem & quotidiana, que etiam venialia dicuntur peccata, quandoque cadant; non propterea desinunt esse iusti, nam iustorum illa vox est & humilis, & verax: Dimitte nobis debita nostra &c.* ergo omnes illi, quibus denegatur, necessariò peccarent aliquando. Tum quia nulla penitus assignari potest ratio, cur reipsà specialissimum illud auxilium præstitum sit Virgini Deiparæ, & denegetur reliquis hominibus; nisi quia supposita communi aliqua lege, qua denegatur alijs, ex speciali tantum priuilegio concessum est Virgini Deiparæ. Quo fit, vt necessariò asserenda sit communis aliqua lex, qua sta-

tutum sit nullum adultum, nisi ex speciali priuilegio fuerit cum aliquo supra illa dispensatum, decedere ex hac vita cum actuali innocentia.

Dicam nihilominus, in quo mihi videtur egregiè deceptus Andreas de Vegha: in eo videlicet quòd putauerit alios asseruisse Deum veluti absolutè, nullo videlicet habito respectu ad Adam, & posteros eius memoratam legem tulisse, quod est plusquàm euidenter falsum. In omnium siquidem sententia, certissimum est, & veritas ipsa Catholica docet hanc Deum legem statuisse, ipsamque Adamo promulgasse; vel (vt communiori Scholasticorum, aliorumque Doctorum loquendi modo vtar) hoc Deum iniuisse patrum cum Adamo, videlicet: Si iniunctum tibi præceptum de non comedendo lignum scientie boni, & mali seruabis, tibi tuisque posteris acceptam innocentiam seruabis. Si verò transgressus fueris illud, tibi, tuisque posteris acceptam innocentiam amittes. Ea igitur lex & conditionata fuit, connexionem videlicet habens cum libera primi hominis obseruatione pro præmio retribuendo, vel transgressione

fione præcepti pro pœna infligenda, & non minùs bonum, quàm malum Adami, eiusque posterorum respiciens; vt propterea exhibitis illis omnibus necessarijs ad rectè operandum, & conseruandam per consequens acceptam à Deo innocentiam, in manu ipsius Adami positum fuit bonum & malum: bonum, ex libera obseruatione præcepti; malum verò, ex libera transgressione illius.

Posita igitur à Deo lex illa, etiamsi statuta & lata fuerit omninò independenter à libero Adami consensu (sicut multum probabile tenendum est) vel ex hoc etiam honestissima fuit, quia per eam veluti vtriquè fortunæ; ea tamen lege subdebatur Adam, vt huiusmodi subiectio acceptis priùs à Deo omnibus necessariò requisitis ad originalis innocentie conseruationem, libertati subderetur ipse in rectè vel inordinatè operandum: & quia auersus à Deo, & conuersus ad creaturam transgredi maluit, quàm seruare præceptum impositum; indè factum fuit, vt liberè sibi & eius posteris amiserit à Deo acceptam innocentiam.

Hinc sequitur, nec absolutè

nec immediatè Deum denegare adultis posteris Adam speciale auxilium illud, quod necessarium fuisset illis ad retinendam actualem innocentiam: sed omninò conditionatè, posita videlicet in esse priùs conditione, libero videlicet demerito præuaricationis Adæ; omnino etiam mediatè præeunte videlicet, & mediatè eodem Adami demerito. Neutiquàm igitur actualis innocentie amissio dici potest in adultis posteris Adam absolutè infallibilis, & necessaria, si denegatio memorati auxilij non est ex aliquo absoluto Dei decreto; sed conditionato dumtaxat, idest ex decreto, & lege cum prædicta conditione connexionem claudente, & ex ipsius positione vim suam, suamque executionem habente.

Si doctrina Andreæ de Vegha sublisteret, nedum in amissione primæue innocentie actualis; verum etiam & in subsequenti- bus actibus peccaminosis, passim dicerentur absolutè necessitari ad peccandum. Quia quandoque Deus in pœna præcedentis peccati, denegat peccatori auxilium efficax ad vitandum, aliud peccatum: nullatenus dici potest lex inferens necessita-

tem

tem tollentem rationem meriti, vel demeriti ab actibus humanis illa; quæ ut suum sortiatur effectum in præmiando, vel puniendo supponit, & connotat tanquàm necessariam conditionem, liberam humani arbitrij actionem.

Quo fit, ut denegatio efficacis auxilij ad vincendam grauem tentationem occurrentem, si in pœnam sit præcedentis peccati; neutiquàm eam pōnit in actu peccaminoso necessitatem, quæ tollat ab eo rationem demeriti: quia in potestate sua fuit, dum in gratia existeret, benè uti auxilio: quod infallibiliter tunc præstabitur ipsi à Deo; cum non appareat, cur homini iusto (in quo non supponitur, nec supponi potest mortale demeritum) denegat Deus necessaria auxilia ad vincendam grauem tentationem occurrentem, & licèt denegato huiusmodi auxilio, sequatur lapsus in peccatum; ea tamen infallibilitas, & necessitas non est infallibilitas absoluta tollens de medio rationem demeriti ab actu peccaminoso, sed conditionata dumtaxat; seu infallibilitas, & necessitas non consequentis, quæ aufert necessariam libertatem ad

merendum, sed consequentiæ, quæ nullatenus præiudicat eidem libertati, quàm actus peccaminosus, ut formaliter talis includit.

Ex dictis patet Andreæ de Vegha fuisse deceptum in eo, quod conceperit legem illam, quam impugnat, legem fuisse absolutam ex absoluto Dei beneplacito procedentē omni penitus eliminata ex parte humani arbitrij conditione; vel si aliquā subintellexit cum illa conditionem, trepidabit timore, ubi nullus penitus aderat timor. Si carentia originalis Iustitiæ in paruulis, & amissio actualis innocentie in adultis nullam inuolueret connexionem cum libera primi hominis actione: sed reperiretur Iustitiæ carentia in illis, & amissio innocentie in istis, ex absoluto dumtaxat Diuinæ voluntatis decreto; quo pacto illis carentia, & istis amissio posset ad demeritum imputari? Quæ ratione posset Deus exigere à nobis innocentiam, nisi esset debita nobis; & quomodò esse posset debita nobis, nisi accepissemus eam à Deo: & quo pacto accipere potuissemus illā à Deo, nisi Deus ipse liberè ac liberaliter exhibuisset nobis ipsā?

Dono

Dono igitur dedit illam Deus Adamo, & in Adamo posteris eius. Accepit enim Adamus, & Adamo accipiente, etiam posterius ut moraliter contenti in ipso acceperunt eam in illo; & Adamo illam amittente, etiam posterius amiserunt in ipso. Ex eo igitur, quod Deus dedit illam Adam, & in Adamo posteris ipsius; & ex eo insuper, quod Adamus eam accepit, & posterius in ipso, & Adam, ac posterius contraxerunt debitum habendi originalem Iustitiam, quod debitum fuit materiale actualis in Adam, & originalis Iustitiæ in posteris, ut Scotus docet in 2. dist. 32. in responsione ad tertium principale primæ quæstionis sub lit. A.

Et quamvis ex Scoto & datio, & acceptio concurrant ad constituendum in nobis hoc debitum; magis tamen reuocat illud ad donationem, quàm ad acceptionem, ut patet ex ipso in 2. dist. 32. quæst. 2. parum sub lit. D. Facile poterunt hæc & alia, quæ ibidem docet Scotus sub lit. C. obuia fieri Andreæ de Vegha, & videre per consequens præfatam legem à Deo statutam non fuisse absolutam; sed omnino conditionatam, & per mo-

dum pacti cum Adamo initi prolatam. Hac facta, & absoluta, aduersus Andreæ De Vegha digressionem, regrediamur nunc ad iterum probandum, quod.

*Adam utramque amiserit posteris innocentiam, habitualement parvulis, originalem videlicet Iustitiam, & actualem adultis.*

**V**eritas hæc non obscure colligitur ex Tridentino sess. 5. in decreto de peccato originali canon. 2. ubi definit Adamum perdidisse sibi, & nobis Sanctitatem & Iustitiam, quam à Deo acceperat. Tunc sic, Tridentinum asserit Adamum perdidisse sibi, & nobis Sanctitatem, & Iustitiam; ergo nedum perdidit nobis habitualement, verum etiam & actualem innocentiam, & Iustitiam: consequentia patet, quia nomine sanctitatis & Iustitiæ exprimere voluit, & exprimit utramque innocentiam, & Iustitiam.

Nec dicas Sanctitatem, & Iustitiam esse hic nomina synonyma, tum quia nulla penitus apparet ratio, cur Tridentinum uti voluerit his nominibus synonymis; tum quia ratio dicat omnino fuisse in re tam seri-

abstinendum à nominibus synonimis, idest ab inutili eiusdem rei per diuersa nomina repetitione.

Nec etiam dicendum est Tridentinum intellexisse per sanctitatem habitum sanctificantis gratiæ, & per Iustitiam donum originalis Iustitiæ: nam & si verum sit originale Iustitiam significari per alterutrum istorum tantum, quod per sanctitatem non intelligat Concilium gratiam sanctificantem conuincitur ex rationibus, quibus suprà probauimus per sanctitatem non intelligi gratiam sanctificantem, seu sanctitatem habitualement.

Cōfirmatur præmissus discursus ex eodem Concilio sess. 6. cap. 1. vbi vnico innocentie nomine comprehendit sanctitatem & Iustitiam, quam sess. 5. can. 2. definit Adam nobis perdidisse, dicens: *Primum declarat Sancta Synodus ad iustificationis doctrinam, probè & sincerè intelligendam oportere, ut unusquisque agnoscat, & fateatur; quod cum omnes homines in prauaricatione Ada innocentiam perdidissent &c.* Igitur idē est de mente Concilij nos perdidisse sanctitatem Adam, & Iustitiam ac perdidisse in ipso innocentiam; patet, quia idem est

de mente Concilij sanctitas & Iustitia, quam in Adam amisimus, & innocentia quam in ipso perdidimus; ergo idem & nos perdidisse in Adam sanctitatem, & Iustitiam, ac perdidisse in illo continuationem illius rectitudinis, & Iustitiæ tūc habitualis, tūc etiam actualis, quam habuissemus in statu innocentie. Consequentia hæc patet ex formali ipsius innocentie significatione, quæ continuationem fundamentaliter dicit illius sanctitatis, rectitudinis, & Iustitiæ, in qua persona innocens reperitur; formaliter verò negationem importat interruptionis eiusdem sanctitatis, rectitudinis, & Iustitiæ; penes hoc enim propriè, vt communis Scholasticorū sententia fert, innocentia à potentia distinguitur, quod illa negationem: hæc verò affirmationem interruptionis inuoluit; innocentie igitur statum, hoc est continuationem rectitudinis, in qua tunc constituti fuisset, amisimus in Adam: statum inquam innocentie habitualis omnes, & singuli non peruenientes ad vsum rationis; statum verò innocentie actualis, etiam omnes, & singuli adulti.

Hinc aduertendum est, quòd hu-

huiusmodi status innocentiae nedum includit memoratam rectitudinis continuationem; verum etiam & infallibilitatem continuationis, quia ex eo quod Scotus in 2. dist. 20. quaest. 2. docet non alios videlicet homines futuros in statu innocentiae, nisi praedestinos: sequitur manifestè quod si Adam primam superasset tentationem, ita ut omnes posterius primam vicissent tentationem, aliis nati non fuissent nisi soli, quia nunc sunt electi; nisi dicere velimus, quod qui cecidissent, resurrexissent per poenitentiam, & quod per consequens tunc institutum fuisset instrumentum aliquod mortuorum, quod non videtur perfectioni illius status satis consonum, & per consequens sicut si Adam primam vicisset tentationem, confirmatus fuisset in gratia; ita & eius posterius primam vincentes tentationem, statim confirmati fuissent in gratia. Iuxta igitur hanc Scoti sententiam Adamus nedum amisit nobis innocentiam, sed confirmationem insuper & perseverantiam in illa.

Confirmatur iterum idem discursus ex eodem Tridentino sess. 6. cap. 7. ubi solo nomine Iustitiae comprehendit Sanctitatem,

& Iustitiam, quam sess. 5. can. 2. asserit Adam nobis perdidisse. Et licet Concilium explicitè loquatur ibi de Iustitia, quae datur suscipientibus Sacramentum Baptismatis: loquitur tamen de ea, quae quatenus data renatis loco illius, quam sibi, & nobis perdidit Adam; ergo loquitur de ea ut similitudinem habente cum illa, quam sibi & nobis perdidit Adam. Similitudinem (inquam) in ijs, quae formalem ipsarum rationem non varient; ergo loquitur de ea, ut repraesentante illam in hoc, quod si Iustitia quam accipiunt, qui sacro fonte Baptismatis mundantur, habitualement, & actualem simul importare debet innocentiam: ita etiam actualem, & habitualement importare debet eam, quam sibi, & nobis amisit Adam. Prima consequentia patet; quia si nullam haberent inter se similitudinem, non appareret quo pacto Iustitia Baptismatis daretur renatis loco illius Iustitiae, quam sibi & nobis perdidit Adam. Secunda consequentia etiam patet, quia ex eo quod Iustitia Baptismatis significet, seu repraesentet Iustitiam, quam amisimus in Adam, quantum ad hoc, quod sit actualis,



vel habitualis, aut vtrumque non variat rationes formales ipsarum: sed baptismalis Iustitiæ in adultis suscipientibus Baptismum dicit simul vtramque Iustitiam, & habitualementem, & actualementem; ergo etiam Iustitia, quam in Adam amisimus, vtramque importat innocentiam habitualementem, & actualementem. Consequentia patet per declaratam similitudinis rationem, quam illa fundat ad istam. Minor subsumpta non erit probatu difficilis, si aduerterimus quòd manifestè Concilium in citato loco sess. 6. cap. 7. loquitur de Iustitia, quam in susceptione Baptismi accipiunt adulti, vt euidenter ex eadem sessione cap. 5. vbi Concilium hæc habet formalia verba. *Declarat præterea ipsius iustificationis exordium in adultis per Christum Iesum, præueniente gratia sumendum esse.* Et prosequitur ibi doctrinam de ipsorum vocatione & conuersione, libera assertionem, & cooperationem; & cap. 6. ad longum de libera eorundem dispositione ad gratiam iustificationis, & in ipso cap. 7. inquit: *Hanc fidem ante Baptismi Sacramentum ex Apostolorum traditione, Cathecumeni ab Ecclesia petunt, cum petunt fidem, vitam æternam*

*prestandam &c.* Tunc sic: Adulti vtramque accipiunt in susceptione Baptismatis Iustitiam habitualementem, & actualementem; ergo baptismalis Iustitia in adultis suscipientibus Baptisma, vtramque simul importat Iustitiam habitualementem, & actualementem. Consequentia patet, antecedens probatur; sed antequàm probetur, operæ pretium erit referre hic verba Concilij ex cap. 7. videlicet: *Itaque veram & Christianam iustitiam accipientes eam, seu primam stolam pro illa, quam Adam sua inobedientia sibi, & nobis perdidit, per Christum Iesum illis donatam; candidam & immaculatam inbentur statim renati conseruare, vt eam perferant ante Tribunal Domini nostri Iesu Christi, & habeant vitam æternam, &c.*

Duo in hisce verbis pro clariori præmissi antecedentis probatione, sese nobis offerunt notanda. Primum est, quòd quàmuis Concilium loquatur hic de habituali iustitia, quam adulti accipiunt in susceptione Baptismatis, vt manifestè colligitur tùm ex participio (accipientes) tùm ex nominibus (primam stolam) tùm etiam ex adiectiuis (candidam & immaculatam) quæ omnia in hærentem significant habitum;

bitum; nihilominus de actuali etiam iustitia loquitur: adultus enim ritè ac rectè suscipiens Baptismum, nedum habitualiter; verum & actualiter efficitur iustus.

Pro cuius clariori intelligentia notandum est secundum, quod iustificatio ex parte solius subiecti, idest adulti Baptismum susipientis duo necessariò dicit in ipso: alterum in genere causæ materialis, alterum verò in genere causæ formalis; vel potius alterum vt præuiam dispositionem ad iustificationem ipsam, alterum autem vt perfectionem eiusdem. Dispositio non est quid simplex; sed multiplex quoddam ex nonnullis adulti diuersæ rationis actibus constitutum. Perfectio item est quid multiplex, ex diuersis etiam rationibus entis integratum: earum quæ ad dispositionis constitutionem concurrunt Trident. sess. 6. enumerat; quæ verò perfectionem absoluunt, sequenti capitulo declarat.

Priora, quæ dispositionem concernunt, sunt post excitandi, & adiuuandi gratiæ auxilium in adultis; fidei videlicet conceptio ex auditu, libera motio in Deum, libera item assensio diuinitus re-

uelatis & promissis, Diuinæ iustitiæ timorem propter peccatum ad Dei misericordiam considerandam, conuersio in spem fiduciamque propitiationem à Deo obtinendam, eiusdem Dei tanquam totius fontis dilectio, peccatorum odium, ac detestatio, suscipiendi Baptismum, nouam vitam inchoandi, ac Diuina demum mandata seruandi propositum.

Posteriora verò, quæ ad iustificationis perfectionem attinent, sunt peccatorum remissio, satisfactio, & renouatio interioris hominis per voluntariam susceptionem gratiæ & donorum, &c.

Ex his nunc manifestè liquescit, quod quàmuis Christiana iustitia, quam adulti in susceptione Baptismi accipiunt ex principali sui significato formalem importet iustificationis perfectionem; remissionem scilicet peccatorum, interioris hominis sanctificationem, & renouationem per voluntariam susceptionem gratiæ & donorum: in suo tamen adæquato & extenso conceptu spectata, memoratam etiam ex Tridentino depromptam dispositionem enumeratorum actuum multipliciter integram necessariò includit; quia necessariò vt ex

Tridentini doctrina obscure colligitur, necessariam habet in adulto suscipiente Baptismum eiusmodi cum dispositione iustificationem, ad quam est.

His præmissis facili negotio probatur nunc minor superius subsumpta tali pacto: Christiana iustitia, vti de ea loquitur Tridentinum vbi suprâ, vtramque importat & habituales, & actuales iustitiam; ergo adultus homo vtramque accipit in susceptione Baptismatis, iustitiam habituales, & actuales. Antecedens & consequentia patent ex dictis: nec te moueat participium illud (accipientes) quo Tridentinum vtitur dicens: *Itaque veram & Christianam iustitiam accipientes, &c.* quod passionem dumtaxat præferre, & solius per consequens habitualis gratiæ seu iustitiæ, quæ propriè recipi dicitur, inductionem significare videtur: nam præterquàm quod ex propria ipsarum significatione non paruum intercedit inter verbum accipere, & verbum recipere diffidium; cum hoc solam videatur dicere passiuitatem, illud verò econtrâ vel solam importare actiuitatem, vel si passiuitatem aliquam includit, nunquàm tamen poterit ab om-

ni actiuitate absolui, Tridentinum etiam eodem cap. 7. vsum nomine susceptionis, quæ ad receptionis magis quàm acceptionis nomen accedat, nedum tribuit ipsi actiuitatem; verùm etiam & libertatem, dum inquit: *Hanc dispositionem, seu præparationem iustificatio ipsa consequitur; quæ non est sola peccatorum remissio, sed sanctificatio, & renouatio interioris hominis per voluntariam susceptionem gratiæ & donorum, &c.* En quàm diserte Concilium tribuat susceptioni gratiæ, & donorum in iustificatione adulti in Baptismo libertatem, diem asserit illam esse voluntariam; quæ tamen libertas necessariò in actiuitate radicitur. Quid illo, & participatio ipsi (recipiens) actiuitatem, ac libertatem tribuit Tridentinum sess. 6. cap. 11. dum ait: *Declarans præterea ipsius iustificationis exordium in adultis à Dei per Christum Iesum præueniente gratia sumendum esse, hoc est ab eius vocatione, qua nullis eorum existentibus meritis vocantur, ut qui per peccata à Deo auersi erant per eius excitationem, atque adiunantem gratiam ad conuertendum se ad suam ipsorum iustificationem eidem gratia liberè assentiendo, & cooperando disponantur;*

*is à ut tangente Deo cor hominis per Spiritus Sancti illuminationem, nec homo ipse nihil omninò agat inspirationem illam recipiens, quippè qui illam, & abijcere potest, nec tamen sine gratia Dei mouere se ad iustitiam coram illo libera sua voluntate posset.*

Si verba illa expendas; *Is à ut tangente Deo cor hominis per Spiritus Sancti illuminationem, nec homo ipse nihil omninò agat inspirationem illam recipiens, &c.* Statim tibi elucescit Concilium tribuere homini recipienti Spiritus Sancti inspirationem, actiuitatem in eandem inspirationem. Et si expendas, quæ immediatè sequuntur, videlicet: *Quippè qui illam, & abijcere potest, nec tamen sine gratia Dei mouere se ad Iustitiam coram illo libera sua voluntate posset; &c.* Statim etiam occurret tibi Concilium Tridentinum eidem homini recipienti Spiritus Sancti inspirationem libertatem.

Dices, quomodò potest dari libertas, vbi nulla est actiuitas; & quomodò excogitari actiuitas, vbi est sola passiuitas? Recipere, vt formaliter recipere est, nil aliud penitus importat quàm pati; ergo nulla penitus excogitari actiuitas, & multò minùs

libertas in homine Spiritus Sancti inspirationem recipiente potest. Pro exacta ad præmissam instantiam responsione, sit.

## DOCUMENTVM.

**Q**Uamuis variæ sint Scholasticorum sententiæ circa modum, quo ponitur in se prima Spiritus Sancti illuminationis in intellectu humano; cum alij dicant produci in ipso à solo Deo, merè passiuè se habente intellectu: à qua sententia non abhorrent Scotistæ, qui Præceptoris doctrinæ inherentes in 2. distinct. 9. quæst. 1. & 2. per totum, sustinent actum vitalem, produci posse in potentia vitali à solo principio extrinseco, nedum increato; sed etiam creato: alij verò quodd à Deo, & à potentia intellectiua, eo tamen hinc indè intercedente dissidio, vt sit à Deo omninò intellectiuam potentiam præueniente, & illuminationem incipiente; à potentia verò vt Diuinæ actioni, & cooperationi coagente, & cooperante.

Omninò nihilominus amplectenda est secunda hæc explicata sententia, tanquàm ea, quæ magis consentanea est præmissæ

doctrinæ Concilij tribuentis homini à Deo per Spiritus Sancti illuminationem, præuento respectu receptæ illuminationis actiuitatem. Et quàmuis Tridentinum sess. 6. cap. 5. declararet, & poceat præuenientem gratiam vocationis dari peccatoribus à Deo vocatis, nullis eorum existentibus meritis: hæc tamen meritorum exclusio longè omnino diuersa est ab actiuitatis exclusione, optimè siquidem huic Concilij doctrinæ cohæret, quòd peccator Diuina vocationis, gratia præuentus omnia penitus excludat a se merita respectu illius, & quòd non omnem excludat actiuitatem; quia actiuitas hæc, quam ea lege, & ratione ponimus subordinatam actiuitati, & influentiæ primi efficientis, vt nullo modo erumpat, & erumpere possit in ordine, nisi prius prioritate à quo, non autem in quo erumpat in ordine suo primum efficiens: nullatenus præiudicat illi præueniendi rationi, quàm vocationis ratio primò prima formaliter inuoluit; quia semper illæsa, & inuiolata perseuerat in ea præuentio, si peccatoris hominis actiuitas, & vt in actionem erumpitura, & erumpens omnino ab ipsa præuenitur.

Maximum tamen inferret illi præiudicium quæuis vmbra meritorum in peccatore vocando existens, quia tunc nec gratia illa esset gratia, si ex meritis; nec diceretur præuenire peccatorem, sed præueniri potius ab ipsius meritis mouentibus.

Aduertendum est etiam, quòd potentia vitalis est productiua, actus vitalis; est receptiua illius, & formaliter operatiua per illum. Istorum ordo in potentia, vitali ex ipsa ordinatorum ratione liquefcit, nequit enim intelligi potentia recipiens actum, nisi præintelligatur produciens illum; & nequit intelligi operans per illum, hoc est vitaliter tendens per eum in obiectum, & percipiens illud, nisi præintelligatur recipiens actum productum. Et quàmuis productio, receptio, & operatio in vno & eodem instanti temporis contingant; necessariò tamen admitendus est inter ipsas, ordo naturæ.

Exercet potentia vitalis vitalitatem in productione actus, in receptione actus producti, & in operatione per actum productum, ac receptum; sed non exercet in omnibus actiuitatem, quia & si propriè exerceat eam

in productione actus, & quodammodo in operatione per actum; nullatenus tamen exercet illam in receptione actus, quia quævis potentia receptiua, vt receptiua formaliter secundum se totam passiva est: dixi quodammodo in operatione per actum, quia & si operatio seu vitalis tendentia in obiectum, & perceptio obiecti per actum possit dici negatiue actio; ex eo quod tendere in obiectum, & præcipere obiectum nullatenus est pati, cum nulla penitus exco- gitari possit in tali tendentia ad obiectum, & perceptio obiecti formæ absolutæ receptio, quæ passio sit: non potest tamen dici positiue & formaliter actio, tum quia huiusmodi tendentia nil aliud propriè est, nisi unio potentia cum obiecto per actum, quæ unio fundamentaliter tamen spectata, est ipsa eiusdem obiecti perceptio; tum etiam quia de mente Scoti, & secundum veritatem operatio, siue actus operatiuus non effectus realis productiuius est: productiuius tamen est effectus intentionalis, intelligibilis videlicet speciei sui ipsius, vel sensibilis, si actus fuerit à potentia sensitua productus; & inde fit, vt noster

Pater Franciscus de Mayronis in 1. distinct. 17. quæst. 3. artic. 2. defenderit habitum non produci ex actibus, siue præcedentes, siue subsequentes sint illum.

Distinctio potentia in producentem, recipientem, & operantem non minùs competit potentia appetitiua, quam cognitiua; & hoc siue appetitiua, & cognitiua intellectiua, siue sensitiua sint. Sed nec cognitiua, nec appetitiua dicitur cognoscere, & appetere obiectum quatenus productiua, vel receptiua est actus; sed quatenus actus formaliter tendit in obiectum, vni- tur obiecto, percipitque obiectum. Et licet Aristoteles dicat, quod intelligere est quoddam pati, explicari debet præsuppositiue, non formaliter, quia receptio actus præsupponitur in potentia operantis per actum: formaliter verò loquendo nil aliud est, quàm intellectum habere in se formaliter actum, qui est sibi formalis ratio; cur tendat in obiectum, vniatur obiecto, & percipiat obiectum, sicut parietem esse album, nil aliud est quàm parietem habere in se formaliter albedinem.

Aduertendum est vlteriùs, quod



quòd & si intellectiua, & volitiua potentia peccatoris hominis à Deo vocati, in eo omninò conueniant; vt à Diuinæ vocationis gratia excitante præueniri debeant, differunt nihilominùs in modo, secundum quem præueniri dicuntur. Suprà explicatus est modus, quo peccatoris hominis intellectiua potentia præueniatur à Deo; non est ergo, cur nunc debeat iterùm hic explicari, explicandus igitur erit modus dumtaxat, quo subsequens fit voluntatis præuentio.

Supposita igitur essentiali potentiae volitiuae ab intellectiua, dependentia in operando, saltem quantum ad obiecti propositionem, & præcedentiam; necessariò dicendum est, præuentionem eius ab intellectiua potentiae prouentione suam ducere originem. Eò igitur ipso, quo misericorditer Deus perconuenientis, vel disconuenientis obiecti propositionem peccatoris hominis in peccatis obdormiti intellectiuam illuminat potentiam, & volitiuam simul illustrat facultatem: tùm quia ex Augustino impossibile est, quin visis tangamur; tùm etiam quia, Deus intellectus illuminationem ad voluntatis illustrationem dirigit.

Hinc statim incipit innotescere qualis sit, vel in quo consistat hinc indè præuentionis diuersitas; præuenitur siquidem à Deo peccatoris hominis intellectus per memoratam obiecti propositionem de repente, & velut ex abrupto, tunc videlicet quando nec per somnium quidem peccatorum suorum enormitas venit ipsi in mentem. At non ità præueniri & excitari dicitur voluntas, quia ideò omninò de repente & ex abrupto præueniri, vel excitari dicitur intellectiua peccatoris hominis potentia; quoniam antecedenter ad eius præuentionem, & excitationem nihil penitus aliud reperitur in homine peccatore, nisi sua pura naturalia in peccatis quiescentia, & sopita: sed antecedenter ad voluntatis præuentionem cœpit iam homo peccator extrahi, & excitari ex peccatorum suorum sopore, & per Diuinæ illius illustrationis gratiam in intellectu, in statu supernaturali constitutus; & estò quòd in vno, & eodem instanti temporis contingat intellectus illuminatio, & voluntatis illustratio, attento nihilominùs istarum potentiarum essentiali ordi-

ordine in operando , necessariò dicendum est naturaliter saltem priùs illuminari intellectum , quàm illustrari voluntatem ; atquè adeò intellectus illuminatio in priori naturæ spectata , negationem inuoluit illustrationis voluntatis in subsequenti naturæ signo futuræ , & per consequens voluntas vt in posteriori signo præueniendâ , & excitandâ , facta in priori naturæ intellectus illuminatione supponit in intellectu peccatoris hominis potentia , velut in causa proxima , propriæ præuentionis , & excitationis futuritione ; & per consequens non ità de repente , & ex abrupto voluntatis secundum declaratam hanc rationem præueniri , & excitari dicenda est , sicut intellectus qui nihil penitus supernaturalitatis , vel cuiusvis alterius dispositionis supponit in homine peccatore vocato .

Benè video , quòd etiam voluntas vt formaliter ex natura rei ab intellectu seiuncta omnem penitus antecedenter ad sui præuentionem abijciat supernaturalitatem , omnemque insuper dispositionem excludit ; & per consequens etiam ipsa secundum hanc rationem spectata dici debet ità de repente , & ex abru-

pto præueniri , & illuminari dicitur intellectus ; nam reuerà etiam ipsa vt formaliter ex natura rei ab intellectu distincta extrahitur in sui præuentione , & excitatione ex illo eodem nudo , ac deordinato suorum naturalium statu , à quo extrahitur intellectus .

His tamen non obstantibus nunquàm voluntas absolutè dicenda est , sic de repente , & ex abrupto extrahi , ex memorato statu extrahi , sicut ex ipso extrahitur intellectus ; quia cùm intellectus illuminatio ad peccatoris hominis vocationem dirigatur , sitque tùm ex vi directionis Diuinæ , tùm ex voluntatis dependentia ab intellectu in operando vocationis initium : & ipsa vocatio (vt vocatio formaliter est) ad voluntatem dumtaxat pertineat , necessariò dicendum est , quòd illuminatio intellectus vt naturaliter etiam prior actuali vocatione voluntatis , virtualementer dicitur habitudinem ad eiusdem voluntatis vocationem ; ergo etiam vt in intellectu priori spectata est quid per se pertinens ad eam , ergo antequàm voluntas actu vocetur , præexistit aliquid ipsius in rerum natura , ad quod infallibiliter subsequetur vocatio , ergo non ità voluntas vocanda ,

sicut intellectus illuminandus transit ab omnino non esse præuentionis ad esse præuentionis, ergo non ita absolutè & ex abrupto voluntatis etiam, ut ab intellectu formaliter ex natura rei diuersa dicitur, à Deo præueniri dicitur, sicut intellectus dicitur præueniri. Omnes consequentię patent ex terminis: solum restat probandum, quod solius sit voluntatis vocari; quod ita facili negotio ostenditur.

Solius est voluntatis respondere vocationi; ergo solius est voluntatis vocari. Consequentia patet ex correlatione responsionis ad vocationem, & è contrā. Antecedens probatur: solius est voluntatis consentire vocationi; ergo solius est voluntatis respondere vocationi. Antecedens patet; quia solius potentia literæ est consensus, & dissensus. Consequentia etiam patet; quia idem omnino est voluntatem consentire, ac respondere, & econtrā.

Ex præmissis manifestius liquescit hominem peccatorem illuminandum absolutè transire à simpliciter primo non esse præuentionis ad simpliciter primum esse præuentionis per gratiam in intellectu: quod nulla ratione dici potest de ipso eodem pecca-

tore ut excitando, ac transitorio per consequens de non esse præuentionis per eandem gratiam ad esse præuentionis per eam in voluntate; quia prior transitus est ab omni non esse præuentionis secundum utramquē ipsius potentiam, intellectiuam videlicet & volitiuam, posterior verò à non esse præuentionis secundum volitiuam dumtaxat. Et quāuis voluntas, ut est formaliter distincta ab intellectu, dici possit transire à simpliciter primo non esse præuentionis, ad simpliciter primum esse præuentionis per gratiam: ut est tamen intrinsecum homini peccatori, & ut potentia essentialiter subordinata intellectui in operando; & ut demum ad cuius excitationem ex speciali Dei prouidentia dirigitur intellectus illuminatio, nequit absolutè dici transire de simpliciter primo non esse præuentionis, ad simpliciter primum esse præuentionis per gratiam.

Sed ulteriori, & exactiori præmissarum declarationi insistendo, dicimus; quod quāuis supra statutum fuerit intellectus illuminationem esse quid necessariò prærequisitum ad peccatoris hominis voluntatem excitandam: id tamen non ita intelligendum est,

est, vt sub his præcisè rationibus prærequiri dicitur, sub quibus superius declaratum est debere prærequiri; nam cum certum sit (vt statim ostendemus) intellectus illuminationem, vel potius obiectum in ipsa, seu per ipsam expressum, formalis adhuc sit ratio voluntati, cur excitetur; necesse est, vt fateamur longè maiorem esse voluntatis excitandæ dependentiam ab intellectu illuminatione, quàm vt suprà explicauimus. Et si verum sit, quòd voluntatis excitatio nedùm propter essentialem ordinem potentiarum animæ in operando; verùm etiam & propter specialem ordinationem Diuinæ prouidentiae intellectus illuminationem ad voluntatis excitationem dirigentis, adeò necessariam connexionem habeat cum eadem illuminatione, tanquàm cum effectu præuio, vt nullatenus de communi lege poni queat in esse, non posita prius in rerum natura intellectus illuminatione, magnam arguat in illa dependentiam ab ista: indè tamen longè maiorem arguit in voluntate excitanda dependentiam ad illuminationem, quia, ab illuminatione vt à formali principio habet, & assequitur voluntas; vt actu excitetur. Non

puto posse hoc in dubium reuocari: verùm ad hoc vt veritas magis eluceat, separanda sunt certa ab incertis, nec non vera à falsis.

In primis esset omninò à veritate alienum asserere, quòd intellectus illuminatio, seu notitia, ità sit voluntati formalis ratio, cur excitetur; sicut formalis est ratio intellectui, cur illuminetur; nam tunc sequeretur, quòd vnus, & idem indiuisibilis actus esset simul actus potentiae intellectiuae, & potentiae volitiuae; & quàmuis non causali-ter, & productiue, cum supponeretur posita ab intellectu, antequàm per ipsum intelligatur excitari voluntas, formaliter saltem, & subiectiue aliàs non appareret quo pacto intellectus illuminatus, seu notitia formatus, esset ratio voluntati: cur per eam illuminaretur, & cognosceret, nisi reciperetur in voluntate, & esset subiectiue in illa; sequeretur etiam, quòd vnus, & idem indiuisibilis esset formaliter ratio alterius generis potentij, cur operarentur, hoc est cur in propria ferrentur obiecta: vnus (inquam) & indiuisibilis actus, non qui esset vnus velut aliud ab actu potentiae intellectiuae, & ab actu potentiae voliti-

uæ; qui videlicet quatenus includens vtrumque actum, vtrique deserviret potentia operanti, quia sicut de mente Scoti in 1. distinct. 2. quæst. 7. sub lit. N. implicat principium intellectuum, & principium volituum reduci posse ad aliquod vnum principium veluti aliud, & tertium quoddam principium ab utroque: ita dico ego, quod manifestè implicat actum potentia intellectiva, & actum potentia volitivæ posse reduci ad aliquem vnum actum, veluti aliud, & tertium quendam actum ab utroque; sed qui esset vnus, & idem ab vna, & eadem dumtaxat potentia intellectiva productus, vel qui esset præcisè, & determinatè ex intrinsicis suis cognitiuis, quæ omnia quàm sint ab omni veritate aliena, & impossibilia, nemo non videt. Quis est, qui somniet posse principium volituum operari per actum non liberè: sed naturaliter productum per actum, quo non seducat, sed quo ducatur voluntas? Per actum demùm qui cùm habeat ab intellectu, vt sit assimilatiuus, repugnat voluntati, quæ assimilatiua non est.

Dices, quòd & si actus intellectus non inhæreat voluntati, quia tamen etiam vt est subie-

ctiuè in intellectu, adhuc intimè præsens voluntati, nihil minùs poterit voluntas operari per eum, non vt sibi inhærentem, sed vt sibi inexistentem; & quòd solæ inexistètia siuè inhærentia sufficiat, doctrina Scoti est in 1. distinct. 3. quæst. 7. sub lit. N. dicentis: *Si species posset esse inexistens intellectui absque inhærentia per modum formæ, & isto modo inexistens esset sufficienter coniuncta intellectui; possent ista due cause partiales intellectus & species coniuncta sibi inuicem in eandem operationem, in quam modò possunt, quando species informat intellectum, &c.* Id ipsum confirmat ibidem exemplo obiecti præsentis intellectui sine specie, quòd utique obiectum non esset inhærens, sed inexistens dumtaxat intellectui; hoc ipsum etiam non obscurè colligi potest ex eo, quod asserit in 2. distinct. 11. quæst. vnica sub lit. D. vbi docet, quòd quantumvis Angelus non possit vt causa totalis producere speciem intelligibilem in intellectu hominis custoditi: id tamen potest vt causa partialis, vniendo videlicet suum intellectum agentem intellectui agenti hominis custoditi, & cooperando seu coagendo ipsi ad productionem perfectioris speciei; qua tamen

data

data hypothefi certum est, quòd Angelus non vniret proprium intellectum intellectui hominis custoditi per inhærentiam, sed per solam inexistentiam, penetrando videlicet intellectum hominis custoditi.

Dupliciter occurrimus instantiæ præmissæ: Primò negando posse vnum & eundem actum duabus simul potentijs formalem esse rationem, qua in sua tendant obiecta, & hoc quomodocumquè actus concipiatur communis vtrique, siuè vniformiter, vt si esset vel per inhærentiam, vel per inexistentiam, in vtraque, siuè difformiter, vt si esset in altera per inhærentiam, in altera verò per inexistentiam existeret. Ratio à priori est, quia sicut in genere causæ efficientis formale principium agendi si sit vt quatuor, nequit nec de potentia Dei quidem producere effectum nisi vt quatuor, etiam si per impossibile reperiretur in multiplici subiecto, cum ex vi talis existentiae nullatenus ageretur ipsius actiuitas; ita similiter omninò dicendum est in genere causæ formalis, seu de ratione, & principio in genere causæ formalis, quòd si actus videlicet esset in se ratio, vel principium vt quatuor, nec de

potentia Dei quidem, etiam quomodocumquè conciperetur poni, & reperiri in duabus potentijs esse posset formalis ratio, & principium nisi vt quatuor, & si esset ratio vt quatuor alteri potentiae, nec vt vnum tunc esse posset alteri ratio tendendi in idem, vel aliud obiectum. Actus igitur productus ab intellectu in tanto, vel tanto gradu est ipsi vt in eodem gradu formalis ratio tendendi in obiectum, & sub eodem etiam gradu percipiendi; ergo implicat, vt sub quouis minimo gradu possit esse voluntati ratio formalis, qua excitetur, & feratur in eiusdem actus obiectum.

Secunda responsio est, quòd quàmuis actus inhærens omnipotentiae, & inexisteret alteri posset etiam esse huic alteri formalis ratio, qua tendat in idem obiectum; hoc tamen nulla penitus ratione intelligi potest de altera potentia diuersi generis, sed eiusdem dumtaxat; licet enim actus inhærens vni intellectui, & inhærens alteri posset esse vtique formalis ratio tendendi in idem obiectum commune ex eo, quòd vterque intellectus ad idem spectat genus potentiae cognitiuæ: neutiquam tamen idem actus inhærens in-

tellect-



tellectui, & inexistens voluntari, poterit esse etiam voluntati formalis ratio, qua excitetur, & in idem feratur obiectum; quia intellectus ad genus spectat potentiae cognitiuae, voluntas verò appetitiuae. Quis dicere somniabit, quòd actus, qui est formaliter cognitio obiecti, sit etiam formaliter volitio eiusdem obiecti? Vel quòd idem formaliter actus sit intellectui formalis ratio cognoscendi, & voluntati formalis ratio appetendi eo vel minùs; quia quatenùs formaliter actus intellectus expressa esset similitudo obiecti, quatenùs autem actus voluntatis omnem abijceret à se rationem similitudinis cum illo.

Hic aduertendum est, quòd quàmuis suprà dictum sit, quòd vnus, & idem actus quomodolibet ex hypothese positus in duabus potentijs, vel scilicet in vtraque per inhærentiam, vel in vtraque per inexistentialiam, vel in altera per inhærentiam, & in altera per inexistentialiam; attento quòd secundum omnem sui latitudinem esset alteri potentiae formalis ratio, qua tenderet in obiectum, nulla penitus ratione posset esse alteri formale principium tendendi in idem obiectum; nihilominùs tamen non

caret omni probabilitate vnum, & eundem actum quomodolibet secundum aliquem ex enumeratis modis in duabus potentijs existens esse posse vtrique formalem rationem; qua vtraque simul in idem commune obiectum tendant, illud æque percipiant non adæquatè, sed inadæquatè. Probabilitas istius assertionis facili negotio elucescet duplici posita circumstantia, seu obseruata conditione, quarum prima est; quòd ambæ potentiae ad idem genus facultatis attineant vel cognitiuae, vel appetitiuae. Secunda est; quòd Deus si actus sit vt quatuor, concurrat vt duo cum ipso existente in altera, & vt duo cum eodem existente in altera potentia. His duabus positis conditionibus, nec obstat assertioni probabilitatis generis diuersitas in potentijs; nec totalitas formalis rationis, qua altera dumtaxat adæquatè ferretur in obiectum.

Ex præmissis manifestè inferitur voluntatem actu iam illuminato intellectu non alio modo excitari, quàm per proprium actum ab ea, & in seipsa productum; hic tamen distinguendum est de duplici excitatione formalis videlicet, & virtuali. Formalis

lis est quæ fit per actum productum, & quæ per eundem actum tendit in obiectum, & percipit illud; virtualis verò quæ fit per obiectum præsens voluntati, ut actu volibile: ex potentia enim volitiua, & obiecto præsentæ, actu volibile constituitur voluntas fecunda, sicut in sententiæ Scoti memoria fecunda constituitur ex potentia intellectiua, & obiecto præsentæ actu intelligibile; sed tunc obiectum ex Scoto 15. quæst. Quodlib. sub lit. P. est actu volibile, quando est actu intellectum obiectum actu volibile: idèd dicitur virtualiter excitare voluntatem, quia in eo statu spectatum fit intimè præsens voluntati, & constituit per consequens vnum cum ipsa immediatum, & proximum principium eliciendi volitionem; ex alio etiam capite dicitur virtualiter excitare illam, quia quatenus intimè ipsi præsens stimulat, & inclinat eam ad operandum, quia si habitus hoc eodem fungitur munere inclinandi videlicet potentiam in consimiles actus, à fortiori id præstabit obiectum. Hoc ipsum etiam tribuitur speciei intelligibili; ergo à fortiori tribuendum erit obiecto.

Sed non parua, neque diffi-

mulanda difficultas occurrit, quò pacto voluntatis excitatio, quæ formaliter fit per eius actum primò primum, possit esse actus adeò necessarius; ut cuiusvis moralitatis incapax sit, omnemque per consequens excludat rationem meriti, & demeriti. Ratio dubitandi, & difficultas est; quia in omnium opinione admittuntur huiusmodi actus primò primi, seu indeliberati, & videtur esse expressa sententia D. Augustini lib. 3. de libero arbitrio cap. 15. ubi inquit: *Non est in potestate nostra quin visis tangamur, &c.* Manifestè loquitur hic Augustinus de actibus primò primis, seu indeliberatis, ut ex modo loquendi & terminis ipsis liquescit: per hoc enim, quod inquit; *non esse in potestate nostra, &c.* explicat indeliberationem & necessitatem actuum, per quorum obiecta dicimur tangi, quòd nulla ratione intelligendum est de actibus, qui subsequuntur ad actus primò primos; cum apud omnes Scholasticos indubitatum sit voluntatem non adeò rapi in subsequentibus actibus ab obiectis actualiter visis, seu cognitis ab intellectu; ut nequeat tunc omnem actum suspendere, respectu illorum. Quod adeò verum est in sententia

ria Scoti, vt asserat in 1. distinct. 1. quæst. 4. in responsione ad tertium pro opinione, & in 4. distinct. 49. quæst. 9. sub F. nec Deum quidem clarè visum necessitare voluntatem fruentem.

Tota igitur difficultas de actibus primò primis, non tamen de illis qui sunt solius appetitus sensitui, hoc est totaliter aduertentes nedum omnem voluntatis libertatem; verum etiam & omnem intellectiue potentiæ cognitionem, & nullam per consequens habentes connexionem cum voluntate, ex cuius solius libertate in operando omnis dimanat, & refunditur in elicitos & imperatos actus imputabilitas; patet enim manifestè, quòd huiusmodi actus sunt omninò necessarij & inuoluntarij, nec est de eiusdem sensualitatis actibus, vt imperari, seu potius vt præueniri, impediri, ac reprimi potenti- bus ab ea. De his magna, & molesta est apud Scholasticos disceptatio; vt tot sint de illis sententiæ, quot capita.

Est igitur præcisè de solius voluntatis actibus, non de his qui cum ipsa connexionem aliquam habent; de istis enim aliàs (Deo fauente) erit tractatio. Est (inquam) de solius illis voluntatis actibus, quibus voluntas omni

semota passione perturbante, omni- que emandato errore obnubi- lante; immò plena existente in intellectu apprehensione, & aduertentia nunc primò istud, nunc illud, nunc aliud velle incipit obiectum; nam si verum esset illos primò primos voluntatis actus, qui plena præcedente in intellectu apprehensione, & aduertentia producuntur ab ea, incapaces esse bonitatis, vel malitiæ moralis; longè incapacio- res essent eiusdem bonitatis, vel malitiæ illi primò primi volun- tatis actus, qui eliciuntur à vo- luntate, intellectu, vel passione perturbante, vel errore obnubi- lante, vt patet; quia in omnium sententia obiecti volibilis præco- gnitio vitiata minuit volunta- rium, & tantò magis minuit il- lud, quantò magis crescit in ea vitium; immò eò vsque poterit intendi perturbantis passionis ve- hementia, vel obnubilantis igno- rantia velamen, vt omninò tol- lant de medio voluntarium. Hic tamen notandum est, quòd passio non ex eo dumtaxat minuit vo- luntarium, quia perturbat intel- lectus aduertentiam; sed multò magis ex eo, quòd cum volun- tas nata sit condelectari appeti- tui sensitui, à quo dimanat pas- sio perturbans, inclinatur; veluti

rapit illam ad immoderatam, & inordinatam condelectationem; ignorantia verò, vel error idèd minuit voluntarium; quia minuit memoratæ apprehensionis, & aduertentiæ plenitudinem, quæ necessaria est ad plenam voluntatis rationem.

Difficultas igitur restringitur, & limitatur ad eos solummodò primò primos voluntatis actus, qui ab ipsa producantur plena, præexistente in intellectu apprehensione, & aduertentiæ; quæritur, an huiusmodi actus sint bonitatis, vel malitiæ moralis capaces; ità vt verè, & propriè constitui possint in genere moris, vel æquè per consequens ac reipsà constitui dicantur in ipso, si super licitum, vel illicitum obiectum transierint. Ratio dubitandi est, quia concurret cum huiusmodi actibus omne id, quod est necessariò requisitum ad proximam, & immediatam capacitatem bonitatis, vel malitiæ moralis, seu concurret cum ipsis omne id per quod formaliter, & reipsà reponuntur in genere moris; ergo huiusmodi actus proximam, & immediatam capacitatem bonitatis, vel malitiæ moralis, vel reipsà constituti sunt in genere moris, ex eo videlicet quòd aut sunt formaliter boni,

aut formaliter mali. Consequentia patet: antecedens etiam patet; quia quòd ad id in quo dependent ab intellectu, supponimus præexistere in ipso apprehensionis, & aduertentiæ plenitudinem: & quantum ad id, in quo dependent à voluntate, omninò liberè procedunt ab illa; ergo concurret cum ipsis omne id, quod est necessariò requisitum ad proximam, & immediatam capacitatem moralitatis, seu omne id per quod reipsà, & formaliter constituuntur in genere moris, suntque propterea formaliter imputabiles operanti, vel ad laudem, vel vituperium. Consequentia patet, quia nihil penitus aliud excogitari potest, quod sit necessariò requisitum; cur voluntatis actus reddantur proximè, & immediatè capaces moralitatis, & reipsà constituantur in genere moris, nisi vt quando actualiter producantur à voluntate, plena præexistat in intellectu obiecti volibilis apprehensio, & quòd voluntas plenaria libertate suos eliciat actus, sicut infallibiliter eliciet illos, plena præexistat in intellectu eiusdem obiecti volibilis apprehensio. Hæc etiam expressa est Scoti sententia in 2. distinct. 6. quæst. 1. sub lit. D. ubi docet;

quòd plena, idest non diminuta per ignorantiae obnubilationem, vel passionis perturbationem, praeexistente in intellectu obiecti notitia: idè libera subsequitur in voluntate eiusdem obiecti appetitio; ut omninò imputari debeat appetenti, vel ad laudem, vel vituperium. Hinc subiungit, ut optimè substineri valeat potuisse Luciferum simplicis actus appetitione Diuinam appetere æqualitatem: cuius tamen appetitio fuisset illi imputabilis ad demeritum; ergo memorati primò primi voluntatis actus nedum sunt proximè, & immediatè capaces moralitatis: verum, etiam reipsa, & formaliter constituuntur in genere moris, vel bonitatis, si super licitum, vel malitiae affecti moralitate, si super illicitum transierint obiectum.

Contrà tamen est, quantumvis praeexistat in intellectu plena obiecti apprehensio, voluntatis tamen actus ut in instanti suæ productionis spectatus non est proximè, & immediatè capax moralitatis; ergo ut sic spectatus non reponitur reipsa, & formaliter in genere moris, ergo ut sic spectatus non est formaliter bonus vel malus moraliter, ergo ut sic spectatus non est formaliter

imputabilis ad laudem, vel vituperium, ergo ut sic spectatus non est formaliter meritorius, vel demeritorius. Omnes consequentiae patent ex terminis ipsis, antecedens probatur: voluntatis actus ut in instanti suæ productionis spectatus non est proximè, & immediatè imputabilis; ergo ut sic spectatus non est formaliter proximè, & immediatè capax moralitatis. Consequentia patet, antecedens probatur: voluntatis actus sic spectatus non includit libertatem illam adhuc, quæ est simpliciter necessaria ad proximam, & immediatam imputabilitatem; ergo ut sic spectatus non est proximè, & immediatè imputabilis. Consequentia patet, antecedens probatur: ut sic spectatus non est adhuc sub ea voluntatis indifferetia, qua continuare posset actum productum si velit, vel suspendere illum si nolit; ergo ut sic spectatus non includit adhuc libertatem illam, quæ est simpliciter necessaria ad proximam, & immediatam actus imputabilitatem: cardo & vis totius huius discursus consistit in probatione ultimi istius antecedentis, & consequentiae. Consequentia in primis verissima est in sententia Scoti, qui passim docet crea-

tam , & increatam etiam libertatem reuocandam esse ad indifferentiam non contrarietatis effectum , vel disparitatis obiectorum ; quia videlicet voluntas producere potest velle & nolle , siue velle , aut nolle hoc vel illud obiectum : sed ad indifferentiam contradictionis , qua scilicet possit velle , & non velle , vel nolle , & non nolle obiectum ; hoc est , quia producere possit volendi ,

aut nolendi actum respectu obiecti , vel omnino suspendere , utrumque .

In huiusmodi enim indifferentia contradictionis , hoc est affirmationis , seu positionis , & negationis , seu suspensionis actus volendi vel nolendi , propriè , & formaliter consistit illius creatæ libertatis exercitium , quæ ad actus imputabilitatem omnino necessaria est . Hæc pro nunc.





## DISPUTATIO II.

De essentia peccati originalis, Iustitiæ originali  
oppositi, & generali illius transfusio-  
ne in posteros Adæ.



ARDVAM sanè, atque obscuram, maximèque difficilem, nec non angustijs, plenam aggredimur Disputationem ad cuius plenioris explicationem, nonnulla præmittimus.

In primis error fuit Pelagij, qui (vt intelligi potest ex Augustino multis in locis) assererat homines nasci nunc in eo statu, in quo nati essent, si Adam non peccasset; hoc est sine peccato, & sine Iustitia, cum innocentia, tamen naturali. Secundò dicebat non omnes nasci obnoxios damnationi, atque ità non egerre nos Baptismo ad remissionem peccati; sed ad assequendum Regnum æternum. Tertiò fomitentem non nasci à peccato, sed esse naturæ bonum. Quartò mortem & reliquas calamitates huius vitæ non esse poenas, sed necessitates. Ad hunc errorem, videtur accessisse Hærasmus, li-

cet aliquando dicat se illi non fauere; tamen in adnotationibus in D. Paulum ad Romanos quinto in illa verba (in quo omnes peccauerunt) Pelagio fauet; nam illum saltem locum ità intelligit sicuti Pelagius; quòd scilicet sola imitatione dicat Paulus ibi intrasse peccatum in Mundum. Hunc errorem, vt docet noster Pater Castro contra hæreses, verbo (peccatum) hæresi primæ, secuti sunt etiam Armeni negantes esse hoc peccatum originale; adhuc tamen necessarium esse Baptismum, vt homines consequantur Ius Regni, quod qui paruulus non susceperit, si fuerit filius fidelium, non condemnabitur: sed destinabitur Paradiso terrestri; si verò fuerit filius infidelium, condemnabitur Inferno cum Parentibus: immò & Pelagiani dicebant ex Augustino lib. 1. de peccatorum meritis & remissione cap. 17. & 20. Baptisma illi esse necessarium ad Regnum Cœlorum ex illo Ioannis

nis 3. *Nisi quis renatus fuerit, &c.* Sed nihilominus in Resurrectione mortuorum habituros salutem, & vitam æternam; intelligit autem Regnum Cœlorum: vtrum autem sit sola Iustitia, & sanctitas, vel sit felicità; non explicatur.

Quòd autem etiam Armeni hunc errorem habuerint, docet etiam Prateolus in suo Cathalogo, verbo (Armeni) & Sandeus lib. 7. visibilis Monarchiæ Anno Domini 600. nisi quòd Sandeus refert ex sententia Bidonis Carmelitæ, Armenos asserere paruulos sine Baptismo saluari posse, necessarium tamen esse Baptismum ad consequendum Regnum.

Negârunt etiam peccatum originale Albanenses ex Antonino 4. parte titulo 11. cap. 7. §. 5. & Castro loco citato. At verò Albanenses, qui fuerunt (vt ait Prateolus) tempore Leonis III. & Constantini VI. Imperatoris Anno Domini 796. hos tamen distinctos esse ab Albergentibus hæreticis testantur Prateolus, & Antoninus: aiunt enim Albergenses fuisse temporibus Innocentij III. & Federici II. Imperatoris, vt docet etiam Cæsareus Cisterciensis distinct. 5. Dialog. Hos tamen

Albergentes eisdem etiam esse Albergentes testatur Sandeus lib. 7. Anno 1225. sed hi meo iudicio distinguuntur.

Hunc errorem postea suscitauit Ioannes de Varisalia in Morguntina Ciuitate, vt docet Ioannes Binderius in Compendio concertationis, tract. 1. & Zuiniglius ex Brateolo, horum autem fundamentum est; quia non videtur, quidnam in pueris peccatum sit, quòd veram habet rationem peccati, nec quomodò illud traduci possit, aut qua ratione illud possit esse peccatum, quod non sit propria voluntate: siquidem videtur iniustum, quòd filius portet iniquitatem Patris, cum Ezechielis 18. habeat: *Anima, qua peccauerit, ipsa morietur; & filius non portabit iniquitatem Patris.*

Catholica tamen sententia est, esse aliquod peccatum originale in nobis, quod fusè probat Augustinus multis operibus contra Pelagianos editis: sumuntur autem probationes, primò ex sacris literis. Secundò ex traditione Ecclesiastica. Tertiò ex definitione Ecclesiæ. Quartò ex testimonijs Sanctorum.

## PROPOSITIO I.

*Catholica sententia est, esse aliquod peccatum originale in nobis.*

**P**robatur primò ex veteri Testamento, D. Augustinus multis in locis probat ex necessitate Circumcisionis iuxta illud Genesis 17. *Masculus, cuius praputij caro circumcisa non fuerit, peribit anima illius de Populo meo, &c.* Idque præcipuè facit libro 6. de Ciuitate 16. 27. lib. 2. de nuptijs, & concupiscentia, 11. lib. 2. contra Iulianum, & alibi. Secundò probatur ex verbis Tob. 13. *Quis potest facere mundum de immundo conceptum, semine, nonne tu qui solus es?* Sensus illorum est, quemlibet in se esse immundum, ac solo Diuino beneficio, & gratia fieri mundum. Tertium argumentum desumitur ex Dauide Psal. 50. *Ecce enim in iniquitatibus conceptus sum, & in peccatis concepit me Mater mea.* Hebraicè legitur in singulari, in iniquitate; sic etiam vertit Hieronymus. Quarta probatio desumitur ex Ecclesiastico 25. vbi dicitur: *A muliere initium factum est peccati, & per illam omnes morimur.*

Hinc enim saltem habemus effectum originalis peccati, scilicet mortis ad nos pertinere; tribui autem initium peccati mulieri, sicut Paulus 1. Timothei 2. vbi scribit illam fuisse seductam: simile quid etiam significat Sapiens Ecclesiastici 40. *Inguis graue super filios Adæ à die exitus de ventre Matris eorum;* quæ verba ad significandum originale transfert auctor librorum Hipog. lib. 5.

*Probatur eadem veritas ex nouo Testamento.*

**P**rimò probatur ex illo Ioannis primo: *Ecce Agnus Dei, ecce qui tollit peccata Mundi.* Sic enim legunt Græci Codices, & Latini nonnulli; ad quod fortassè peccatum respiciens Isaïas 53. dixit: *Propter scelus Populi mei percussus est;* venit enim Christus potissimum propter peccatum originale. Secundò probatur ex illo Ioannis 9. vbi interrogant Discipuli: *Quis peccauit? hic, an Parentes eius; ut cæcus nasceretur?* Qua dubitatione significant intelligere originale, nec enim credendum est eos habuisse cognitionem origenicæ sententiæ de peccatis in alio sæculo patris. Idque confirmatur

matur ex ijs, quæ Pharisei dixerunt ipsi cæco; *In peccatis natus es totus, &c.* Tertia probatio sumitur ex ijs verbis: Propterea sicut per vnum hominem peccatum in hunc Mundum intravit, & per peccatum mors; & ita in omnes homines mors pertransijt.

Pelagiani interpretantur quo sensu sit peccatum transijisse in Mundum per imitationem, non verò per transfusionem.

Refelluntur primò, quia si ageret D. Paulus de peccato per imitationem, referret ad Diabolum non ad Adamum; ille enim primùm peccauit, sic Ioannes 8. dixit: *Desideria Patris vestri*, scilicet Diaboli, *vultis proficere*. Dixerat enim, vos ex Patre Diabolo estis; certè non alia ratione nisi imitatione, vt in eodem loco dicit Christus: *Si filij Abrahæ estis, opera Abrahæ facite*. Et Paulus Romanorum 9. filios Abrahæ vocat, qui eius fidem imitantur; Et hac ratione dixit Ioannes epist. 1. cap. 3. *Qui facit peccatum, ex Diabolo est*. Vndè Sapientix 7. dicitur: *Inuidia Diaboli mors intravit in Orbem*. Item Paulus apponit Adamo Christum, à quo venit Iustitia, non imitatione; sed transfusione vera, igitur idem dicendum de Adami peccato.

Item addit: *Omnes vi vnius delicti mortuos, quare multò magis gratia vnius iustificati*; igitur omnes vno peccato erant aliquo modo læsi. Item dicit D. Paulus per vnum hominem; si ergo particula illa (per) significat causam exemplarem, quam homines peccando imitantur, necessariò est ab omnibus qui peccant, Adamum mente, & cogitatione voluisse, quod in multis non est: quare videtur *ly* (per) significare efficientiam veræ causæ; licet enim imitari dicuntur Achillem, qui fortiter agunt, licet de Achille non cogitent, non tamen dici possunt fortes per Achillem: At nos per Adamum dicimus peccatores; igitur aliquid amplius in nobis est, & non sola imitatio. Item si de sola imitatione ageret, debuisset dicere initium peccati esse à muliere, vt dicitur Ecclesiastici 25. *A muliere initium peccati*. Item in hac Pauli sententia comprehenduntur infantes, qui tamen non possunt habere peccatum per imitationem Adæ; ergo necessò est dicere contraxisse alia ratione peccatum originale. Item eodem modo dicit mortem ingressam, quo peccatur: at mors verè per generationem trahitur; igitur & peccatum. Item per vnius (inquit) inobedientiam multos

multos fuisse constitutos peccatores, quod per imitationem esse non potest, ubi multiplex est inobedientia. Item inobedientia Adami opponit obedientiam Christi; ergò clarè patet Paulum non locutum de transitu peccati in Mundum per imitationem, quin immò loquitur de transitu per veram transfusionem.

*Probatur nostra Propositio ex traditione Ecclesiastica.*

**E**cclēsia semper docuit Baptismum paruulorum propter peccatum originale esse necessarium; de qua re Augustinus sapè, & Fulgentius libro de gratia, & Incarnatione Christi cap. 15. Item Sancta Mater Ecclesia semper docuit infantes sine Baptismo carere visione Dei.

*Probatur etiam Propositio nostra ex definitione Ecclesia.*

**E**rror enim Pelagij pluribus Concilij Africano, Meletiano secundo, Arausicano cap. 1. Carthaginense quartum cap. 1. Elibertinum cap. 45. Toletanum sext. cap. 1. Toletanum duodecimum cap. 2. Innocentius Papa

teste Augustino lib. 1. contra Iulianum, Leo epistola 22. 84. 91. Coelestinus ad Episcopos Gallia; legantur Doctores Catholici pro hac parte, ne multoties dicta repetamus.

## PROPOSITIO II.

*Proponuntur & soluntur argumenta aduersariorum.*

**P**elagiani ergò primò argumentantur ex auctoritate Ezechielis 18. *Filius non portabit iniquitatem Patris, anima qua peccauerit ipsa morietur.* Item Deuteronomio 24. *Non occidentur Patres pro filijs, neque filij pro Patribus; sed unusquisque pro peccato suo morietur.* Sic etiam habetur 4. Regum, & secundo Paralipom. 25.

Vt respondeamus, notamus hoc argumentum in multis peccare. Primò enim ponit tanquàm certum, peccatum originale non esse culpam propriam, quod est falsum: nam peccatum originale duplicem habuit etiam in Adamo rationem, fuit enim peccatum personale, & hoc modo ipsi tantum nocuit. Secundò fuit aliqua ratione peccatum naturæ; quatenus rota natura ex Diuino, decreto, & pacto in ipso continetur.

nebatur, & dicitur originale; & hoc secundo modo transfunditur in omnes homines, & cum fuerit in Adamo vnicum, fit multiplex in hominibus, & proprium, ac priuatum in singulis, & est in singulis priuata culpa. Secundò malè nititur hoc argumentum testimonio Ezechielis, & alijs locis citatis: nam possemus obijcere id, quod dicitur Exodi 20. vbi dicitur; *Deus zelotes visitans iniquitates Patrum in filios usque ad tertiam, & quartam generationem.*

Sed vt directè respondeamus, Augustinus lib. 2. contra Iulianum intelligit verba Ezechielis de nouo Testamento, quod plenius significat Hieronymus 31. idem docet Leo epist. 86. ad Nicetum; nam cum loqueretur de lege noua in diebus illis, ait: *Non dicent ultra, Patres comederunt uuam acerbam, & dentes filiorum obstupefcunt; omnis homo qui comederit uuam acerbam, obstupefcunt dentes eius.* Rectè autem inquit Augustinus intelligi, de nouo Testamento, in quo Christus deleuit chyrographum decretis; quæ interpretatio si ità accipiatur, quasi in nouo Testamento peccatum originale deleatur per Baptismum, non poterit admitti: eadem enim ratione in veteri Te-

stamento aliqua ratione idem peccatum debebatur; igitur vt vera sit, debet hæc ratione explicari, vt primum, ac præcipuum discrimen inter vetus, ac nouum Testamentum sit, quod illa erat lex carnalis, hæc spiritualis: illa dicebatur corpus, hæc spiritus; illa litera occidens 2. Corinth. 7. hæc spiritus viuificans: illa denique maximè circa corporalia, hæc circa spiritualia versatur; illa maximè in affligendis supplicijs, hæc in animis erudiendis. Atque ità illa dicitur lex timoris, quæ iusto non ponitur, hæc amoris quæ omnibus imposita est; illa dicitur spiritus seruitutis, Romanorum 8. hæc spiritus adoptionis filiorum Dei; illa operatur iram, Romanorum 4. hæc est lex libertatis, Iacobi primo & 2. quare de lege noua dicit Ezechiel. *Filius non portabit iniquitatem Patris,* non quòd nunc aliquando filius non puniatur pro Patre; sed quia vbi est ex natura legis nouæ, sicut olim fiebat ex natura legis veteris, quemadmodum Paulus Romanorum 3. vocat legem veterem legem factorum, legem nouam legem fidei; cum tamen & olim fides esset necessaria.

Secundò argumentantur Pelagiani: Parentes baptizati ca-



rent peccato originali ; ergo non possunt transmittere . Augustinus lib. 3. de peccatorum meritis, & remissionibus cap. 8. & 9. affert varia exempla & contra istos sic argumentatur . Pater circumciscus generat filium non circumciscum , triticum purgatum à palea generat triticum cum palea , Christianus Pater non generat filium Christianum &c. Libro primo de nuptijs , & concupiscentijs cap. 19. & lib. 6. in Iulianum cap. 5. dicit : *Oleastrum infertur in olea non oleam , sed oleastrum producere* ; ratio est , quia homines non transferunt in liberos id , quod accidit naturæ , nec quæ opere atque industria.

Tertium argumentum sumitur ex creatione animæ , quæ à Deo est ; sit tale argumentum : Anima est à Deo , corpus est bonum nuptiæ ; per quas ergo rimas ingreditur peccatum ? Trahat hoc argumentum Augustinus lib. 4. de anima , & eius origine , lib. 2. de nuptijs , & concup. lib. 3. contra Iulianum : nam hoc argumento Pelagiani mille insultabant Catholicos , quos hæretici appellabant quasi damnantes creationem Dei , vel nuptias . Retorquet Augustinus argumentum ostendens ipsos esse

Manichæos , quòd putent malum esse à Deo malo ; ostendit autem peccatum ex eo esse , quia homines sunt filij Adæ per generationem , sed de hoc argumento plenius infra .

Multa alia argumenta afferebant , quæ commodius suo loco explicabuntur .

### PROPOSITIO III.

*Peccatum originale est verè  
& propriè peccatum .*

**D**Vrandus in 2. dist. 3. quæst. 1. docet peccatum originale non posse dici verè peccatum , ac propriè sententiam Durandi sequitur Becanus Louanienfis art. 2. contra Calvinum §. *Ex his videmus &c.* Et probat quia in Concilio Arausicano 2. Can. 2. & Tridentinò sess. 5. dicitur non absolute peccatum , sed peccatum quod est mors animæ ; mors autem animæ est potius effectus peccati ; quàm ipsum peccatum .

Hanc sententiam impugnat Catherinus opusculo de peccato originali cap. 5. & 6. Medina hic art. 1. sed Catherinus ex eo tantum impugnat Durandum , quòd senserit peccatum originale esse solum reatum poenarum ,  
quas

quas patimur : Medina verò ex eo, quòd senserit in nobis non traduci verè, & propriè peccatum, sed tantùm pœnam; immò & eiusdem sententiæ fuisse Catherinum existimans utrumque Pelagij erroris notauit, & quidem Catherinus immeritò reprehenditur, cum ipse reprehendit Durandum : quòd dixerit peccatum originale non esse verè peccatum traductum per originem, sed tantùm pœnam; reprehendendus tamen est, quòd cum Durando dicat non posse esse formaliter aliquid, quod sit verè voluntarium, & imputetur ad culpam ob solam voluntatem primi Parentis, ità habet opusculo citato cap.6.

Præterea licet Durandus negauerit verè, & propriè in nobis esse peccatum, id tamen non ideo dixit, quòd putet non traduci aliquid in nos, quod habere possit rationem culpæ : nam ut infra dicemus, existimat ipse peccatum originale, vel esse priuationem Iustitiæ, vel reatum ad pœnam, quòd vult esse idem, & hæc si propria voluntate essent contracti, non negaret Durandus habere propriam rationem peccati; solum ergo negabit veram, & propriam rationem peccati esse in nobis ex ori-

gine ex defectu voluntarij, quia scilicet non est in nobis aliquid habens veram rationem voluntarij : Becanus verò Louanien- sis negauit, quia putat id, quod in nos traducitur; solum esse effectum peccati, non ipsum peccatum propriè.

Quare Durandi sententia sic impugnatur, quia in Concilio Tridentino definiatur propriam, & veram habere rationem peccati, quod in nobis tollitur per Baptismum; sequitur quòd nec defectu voluntarij, nec alia ratione dici potest non esse propriè peccatum, quod in nos traducitur per originem. Verba autem Concilij sunt hæc : *Si quis per Iesu Christi Domini nostri gratiam, quæ in Baptismo confertur, reatum peccati originalis remitti negat; aut etiam asserit non tolli totum id, quod verum & propriam peccati rationem habet: sed illud dici tantum radi, & non imputari; anathema sit.* Supponit ergo esse aliquid quod veram habeat rationem peccati. Item Concilium Arausicanum 2. Canone 2. dicit; *Si quis soli Adæ præuocationem suam, non etiam eius propagini asserit nocuisse, aut certe mortem tantum corporis, quæ pœna peccati est; non autem etiam peccatum, quod est mors ani-*

ma, per unum hominem in omne genus humanum transisse testatur &c. ubi non tantum peccati poenam, sed ipsum etiam peccatum traductum definitur.

Est ergo de substantia fidei originale peccatum esse verè, & propriè, ac formaliter culpam, non quomodocunque; sed læthalem. Tridentinum enim sess. 5. in decreto de peccato originali definit ipsum esse spiritualem rationalis animæ mortem; ergo de substantia fidei etiam debet esse ipsum idem esse imputabile habenti illud ad culpam, ergo de eadem etiam fidei substantia est idem originale peccatum esse voluntarium illi, cui inhæret, non voluntate propria, sed aliena: quod tamen intelligendum est in genere causæ dumtaxat efficientis, quoniam solus Adam fuit causa demeritoria amissionis Iustitiæ originalis, non autem in genere causæ formalis; quia sicut originale ipsum peccatum quatenus formaliter tale, formaliter inhæret contrahenti illud, ita etiam quatenus formaliter voluntarium, formaliter insuper inheret contrahenti: quia sicut formaliter inhæret illi quatenus verè, & proptiè imputabile, ita etiam debet formaliter inhærisse sibi ut merè, & pro-

priè voluntarium; cum voluntarium sit radix, & formalis etiam ratio imputabilitatis.

Tota difficultas nunc consistit in explicando, quomodò voluntarium alienum insit voluntati alienæ per intrinsecam nè, an verò per extrinsecam denominationem? Deindè esto, quòd primo modo vel saltem secundo, vndè sit; ut huiusmodi voluntarium respectu cuius merè passivè se habet voluntas aliena sufficiens sit ad imputabilitatem carentiæ vel Iustitiæ originalis personæ, vel actualis rectitudinis actui debita?

Quantum ad primam difficultatem, ratio dubitandi est; quia originale ipsum peccatum, & quatenus formaliter peccatum, & formaliter imputabile est in contrahente illud per intrinsecam denominationem, ergo etiam quatenus voluntarium debet esse in ipso per intrinsecam denominationem. Antecedens Tridentini est sess. 5. in decreto de peccato originali Can. 3. ubi definit: *Originale peccatum inesse cuicunque proprium*. Consequentia patet, quia sicut quatenus formaliter peccatum est formaliter imputabile, ita etiam quatenus formaliter peccatum est voluntarium; ergo sicut quatenus

nus peccatum formaliter intrinsicè inhæret contrahenti illud, ità similiter & quatenus formaliter imputabile, formaliter intrinsicè inhæret contrahenti illud.

Contra tamen est, quia principium liberum à quo desumitur ratio voluntarij in originali peccato contrahendo, est omnino extrinsecum personæ contrahenti illud; ergo & ipsa etiam ratio voluntarij debet esse omnino extrinseca contrahenti originale, ergo falsum est, quod originale peccatum sit per intrinsicam denominationem voluntarium contrahenti illud. Antecedens patet, quia in originalis peccati contractione nullum penitus aliud excogitabile est principium liberum, à quo desumatur in ipsa, seu refundantur in ipsam ratio voluntarij, nisi unica, & sola primi parentis voluntas transgressione Divini præcepti sibi, & nobis Sanctitatem, & Iustitiam, in qua constitutus fuerat, amittens. Secunda consequentia patet, quia cum ratio voluntarij nequeat intelligi, & esse in rerum natura, nisi à voluntate, quæ sola est principium essentialiter liberum; supposito igitur, quod huiusmodi principium sit omnino extrinsecum

contrahenti peccatum originale, non apparet quo pacto ratio voluntarij, seu voluntarium ipsum reperitur, & reperiri possit in illo per intrinsicam denominationem: & quàmvis à principio extrinseco possit induci forma in materiam extrà, etiam distantem in sententia Scoti, cum ad ipsius aures dabilis sit actio in distans, & reipsa detur, & voluntas per consequens primi parentis, quantumvis extrinseca contrahenti originale peccatum; potens nihilominus id refundere voluntarij rationem in voluntate contrahentis originale peccatum, seu potius in ipsam originalis peccati contractionem: hoc tamen utcumque defendi posset, quando ratio voluntarij, vel voluntarium ipsum esset quid physicum, vel physicus effectus, & causa productiva illius, physicè per consequens produceret ipsum; & cum realiter etiam existeret in rerum natura, aliàs non est imaginabile quo pacto Adami voluntas post primum eius peccatum potuerit ad hæc usque tempora, & poterit deinceps usque ad finem sæculi infinitos ferè producere physicos effectus in omnibus, & singulis voluntatibus cunctorum hominum originale peccatum contrahen-

tium:

tium: sed nec voluntarium ut sic, & multò minùs id de quo agitur, & quidem nec causa ipsius est physica, vel physicè operans, nec existit in rerum natura; ergo in intelligibilis quidem est huiusmodi successiva innumerabilium physicorum effectuum productio in tot voluntatibus, nedùm alienis, verùm etiam distantibus, & recipientibus insuper illos, eo vel maximè quia nihil penitus ipsorum priùs in medio ponitur propter incapacitatem, & repugnantiam, quam habet ad illos.

Præmissæ huic difficultati omninò affirmatiuè respondendum est, id enim efficaciter probat prior ratio dubitandi, & ostendunt etiam aliæ, quas mox subiectemus: sed antequàm adducamus eas in medium, ad maiorem doctrinæ & veritatis euidenciam illud prænotandum consultò decreui; originale videlicet peccatum non physicam, sed moralem tantùm maculam importare in contrahente illud, & per consequens voluntarium quod ex Adami præuaricantis voluntate sortitur, & claudit secum non esse, nec esse posse quid physicum, sed moralem dumtaxat: aliàs passio non proportionaretur in modo essendi ei, eius

est passio, immò manifestè excederet illud; quis enim est, qui dicat ens morale physicam habere passionem seu proprietatem, aut constitutum esse ex physica, & morali entitate? Implicat etiam posse voluntarium esse quid physicum, cùm quatenus tale nequeat esse nisi à principio libero, & per consequens moraliter operante; ergo nequit esse nisi effectus moraliter productus, ergo nequit esse nisi moralis effectus, & ea insuper ratione ex vi moralis productionis in voluntatem contrahentis originale peccatum refusus: ut quàmvis in genere causæ efficientis dicatur de ipsa per extrinsecam; in genere verò causæ formalis dicitur de illa per intrinsecam denominationem. Ratio à priori secundæ huius Propositionis ea est, quia cùm demeritum Adami nedùm respiciat ipsum Adamum, verùm, etiam propagandos ex ipso sub ratione causæ demeritoriae, & per consequens sub ratione causæ moraliter agentis in Adam, & in propagandos ex ipso; ergo sub ratione causæ reipsà producentis in voluntate Adami, & in concursum cum Adamo ad propriam illius præuaricationem; quasi verò idèò dicantur perdidisse innocentiam in præuaricatione

tionem Adami, quia ex vi alicuius physicæ continentiæ, vel moralis unitatis simul cum ipso influerunt in præuaricationem illius; sed ut designet, & importet causalitatem dumtaxat non physicam, sed moralem nempe demeritoriam respectu carentiæ & privationis originalis iustitiæ in nobis.

Ita plusquam evidenter colligitur ex Tridentino sess. 5. in decreto de peccato originali can. 2. ubi decernit; quod Adæ præuaricatio non sibi soli, sed etiam eius propagini nocuit. En igitur quomodo Concilium explicat præuaricationem Adami in ratione principij actiui respectu nocimenti & damni, quod attulit humanæ propagini. Quam actiuitatem & causalitatem explicatiùs exprimit paulò inferiùs per dictam præpositionem (*per*) dum etiam in significatione actiua loquens inquit, ut inquinatum illum per inobedientiæ mortem, & poenas corporis tantum in omne genus humanum transfuisse; non autem est peccatum, quod mors est animæ. Id ipsum etiam colligitur ex eodem Tridentino sess. 6. cap. 7. in fine, ubi repetens quod Adam sua inobedientia sibi & nobis perdidit primam stolam, utitur inobedientia

in casu ablatiuo, in quo semper solemus exprimere illa, quæ causalitatem aliquam important; ita ut idem omnino sit, Adamum, sua inobedientia, ac Adamum ex vi suæ inobedientiæ, vel per suam inobedientiam perdidisse sibi & nobis primam stolam. In quo testimonio iterum notandum est, quod Concilium inquit: *Sua, scilicet propria, & non communis cum posteris inobedientia*. Inquit insuper, quod *Ipse & non posse-ri cum ipso, perdidit sibi & nobis, &c.*

Sed audiamus prædictam causalitatem in terminis expressam à Spiritu Sancto, Romanorum 5. ita enim inquit Apostolus ibi: *Igitur sicut per unius delictum in omnes homines in iustificationem, sic & per unius iustitiam in omnes homines in iustificationem vite*. & immediate subiungit: *Sicut enim, per inobedientiam unius homines peccatores constituti sunt multi, ita per unius obeditionem iusti constituentur multi*. Et suprâ etiam dixerat: *Sicut per unum hominem, peccatum in hunc Mundum intrauit, &c.* Quid clarius desiderari potuisset.

In quibus testimoniis illud est summopere aduertendum, quod ex vi contrapositionis & paritatis, qua D. Paulus contraponit & cum-



& comparat inobedientiam Adami ad obedientiam Christi; ea prorsus debet admitti causalitas inobedientiæ Adami respectu nostræ condemnationis, quæ admittenda est in Christi obedientia respectu nostræ iustificationis; sed talis admittenda est causalitas in Christi Domini obedientia respectu nostræ iustificationis, ut solus Christus, & sub nulla penitus ratione nos cum ipso per suam obedientiam meruerit nobis nostram iustificationem; ergo talis & non alia admittenda est causalitas in inobedientia Adami respectu nostræ damnationis ut ipse solus, & sub nulla penitus ratione nos cum ipso per suam propriam inobedientiam meruerit, & attulerit nobis nostram condemnationem.

Si dicas, quòd similitudo non tenet, quia non ita Christus fuit naturale caput humanæ propaginis, sicut fuit Adamus, & ideò non potuit humana propago ita communicare cum Christo obedientiam respectu iustificationis, sicut habuit communicare posse, & communicauerit cum Adam inobedientiam respectu nostræ condemnationis.

Respondemus, sicut suprà respondimus ad hanc eandem communicationem, seu conti-

nentiam, vel vnitatem; & dicimus insuper esse omninò falsum posteros Adami communicasse cum Adami inobedientia respectu nostræ condemnationis, ex eo quòd fuerit ipse naturale caput illorum, quia tunc nulla ratione saluari posset, quin etiam ex eadem radice communicauerit cum ipso in alijs peccatis illius, & quin etiam quilibet nostrum communicet à fortiori cum peccatis proprii Genitoris; cum sit iste immediatius, quàm Adamus naturale caput filij geniti.

Si dicas iterum, quòd & si dicta communicatio non possit colligi, ex eo quòd Adam fuit naturale caput; colligetur saltem ex eo quòd fuit morale caput humanæ propaginis. Nos iterum respondemus ad communicationem, & vnitatem hanc moralem sicut suprà respondimus. Et addimus insuper, quòd etiam Christus fuit vniuersorum hominum, & Angelorum caput morale respectu iustificationis; & tamen nullus est, qui dicat, vel qui dicere possit nos per hoc aliquo pacto concurrisse cum ipso ad eius obedientiam respectu nostræ iustificationis. Fatemur igitur fuisse Adamum constitutum à Deo morale caput humanæ pro-

propaginis, sed sub ea ratione  
dumtaxat ut accipiens ipse pro  
se originalis Iustitiæ donum,  
etiam pro posteris (quorum præ-  
stitutus erat morale caput) acce-  
perit illud, ea tamen lege; ut  
si obseruaret iniunctum sibi præ-  
ceptum, ut pro se, & pro poste-  
ris, tunc conseruaret originalem  
Iustitiam: sed si transgredetur  
Diuinum mandatum, pro se, &  
pro posteris tunc amitteret il-  
lam; vnde fit, quod quando po-  
steri Adæ dicuntur accepisse, &  
amisisse originalem Iustitiam in  
illo, non ita intelligendum sit,  
quod ipsi simul cum ipso, non  
ut in se ipsis; sed ut in ipso ex vi  
physicæ continentia, vel ex vi  
moralis vnitatis, & communita-  
tis voluntatum eadem commu-  
nicatione receperint, & eadem  
communi transgressione perdi-  
derint originalis Iustitiæ donum;  
sed in eo sensu tantum accipien-  
dum est, ut in illo scilicet per  
illum, seu mediante illo ac-

ceperimus, & amise-  
rimus originalis  
Iustitiæ do-  
num.

\*\*\*

## PROPOSITIO IV.

*Proponitur alter modus explicandi  
rationem voluntarij in pecca-  
to originali.*

**N**Otandum est, quod volun-  
tarium per participationem  
est necessario tale ab eo, quod  
est per essentiam tale; vel quod  
est voluntarium voluntate alie-  
na, necessario est tale à volun-  
tario voluntate propria: huius-  
modi tamen participatio volun-  
tarij per essentiam, seu volunta-  
rij quod est tale non aliena, sed  
propria voluntate nequit concipi,  
fieri, & esse; nisi ubi partici-  
pans est aliquid eius, quod est  
voluntarium per essentiam, &  
nisi quod est voluntarium per  
essentiam moueat id, quod est  
tale per participationem ab eo,  
vel motione imperatiua qua vo-  
luntas mouet omnia corporis  
membra, vel generatiua qua  
primus homo per seminalem ra-  
tionem ab ipso dimanantem, ve-  
luti propria membra, propriam  
ipsius naturam participantia, seu  
in & cum propria eius natura  
conuenientia ad proprium illo-  
rum esse, & existere mouet om-  
nes, & singulos propagatos ex  
ipso; vnde fit, ut sicut corporis

K

mem-

membra imperio voluntatis mota participant rationem voluntarij per essentiam, seu vt sic mota dicuntur, & sunt voluntaria; non propria, sed aliena voluntate: vel dicuntur talia non per intrinsecam, sed per extrinsecam denominationem; ita etiam omnes, & singuli homines ex primo homine propagati propagatione, seu simili ratione ab ipso deriuata ad proprium ipsorum, esse moti, & promoti in ipsa eadem illorum propagatione participare dicuntur rationem voluntarij per essentiam primi hominis: vel eorum promulgatio dicitur voluntaria non propria, sed aliena voluntate; seu non per intrinsecam, sed per extrinsecam denominationem. Fundamental ratio memorata similitudinis in eo consistit, vt sicut idem corporis membra voluntatis imperio mota, rationem voluntarij per essentiam eiusdem voluntarij per essentiam eiusdem voluntatis imperantis participant, quia sunt aliquid eiusdemmet voluntatis imperantis; ita similiter propagatorum generatio, seu positio in esse simili ratione ab ipso deriuata, & posita in esse participare dicitur rationem voluntarij per essentiam primi hominis: seu dicitur voluntaria non

propria, sed aliena voluntate; vel dicitur talis, non per intrinsecam, sed per extrinsecam denominationem. Hinc demum fit, vt sicut membra voluntatis imperio mota, imputabiliter mouentur; ita etiam propagati ex Adam seminali ratione ab ipso deriuata ad proprium ipsorum esse, & existere moti, & promoti imputabiliter moueri, atque promoueri dicuntur ad illud.

Hanc rationem voluntarij explicat S. Thomas quaest. 8. artic. 1. per similitudinem membrorum, quae in eodem corpore mouentur ab vna totius hominis voluntate: nam motus ipsius manus, quo occidit, non esset peccatum; neque imputaretur manui secundum se, quia ab illa non est voluntarius: sed imputatur manui, in quantum est aliquid hominis, quia mouetur a voluntate totius hominis; ita etiam inordinatio, quae est in isto homine descendente ab Adamo non est voluntaria voluntate propria ipsius hominis: sed voluntate sui primi Parentis, qui mouet motu generationis omnes, qui ex eius deriuantur origine.

Multis hoc exemplum imputat Catherinus opusculo citato cap. 6. licet illud defendat Caieta-

ictanus & Medina. Certè exemplum illud non debet in omnibus esse simile, sed in eo solum quòd sicut actiones membrorū; quia membra vnita sunt in ipso toto, & sunt aliquid illius, sunt voluntaria voluntate totius: sic etiam peccatum cuiuscumquē, quia quisquē fuit in Adamo (quando ille peccauit) existens in lumbis eius, idèd fuit voluntarium voluntate ipsius Adæ, & vt notat nobilis quidam Thomista in illo articulo, hoc voluit solum Angelicus Magister, vt doceret, quòd omnes homines voluntate primi Parentis; cūm sit vnus homo in natura humana, quam accipiunt ex Adamo, quare reputantur voluntate illius peccare. Et cūm docet, quòd omnes in Adamo intelliguntur quasi ciues, qui sunt vnum corpus, non vult S. Thomas ostendere; quòd sola cōmunitate in natura generica, vel specifica, vel per prædicationem peccatū primi Parentis nobis conueniat, nec verè peccatum possit esse, sine proprio consensu, ex voluntate superioris: sed quia in Adamo erat natura nostra traducenda in posteros, & in eo virtualiter omnes eramus; idèd eius voluntas, nostra reputatur, vt ex illa in nobis possit esse peccatum.

Nec tamen ratio voluntarij deriuatur à voluntate primi Parentis solum ex eo, quòd cæteri homines in ipsius lumbis fuerint, sicut in causa propaginis; quia etiam nunc quisque dicitur esse in lumbis sui Patris, quando ipse peccat: & tamen ex voluntate Patris peccantis non deriuatur aliquis effectus in filium, qui habeat rationem voluntarij.

Quare idèd nostra originalia peccata sunt verè, & propriè peccata habentia rationem voluntarij, quia defectus in nobis existens in natiuitate, quicunque ille sit, habens rationem peccati ex pacto Dei; quod cūm Adam commissum est voluntate illius accipientis pro se, & tota proprietate donum Iustitiæ, etiam defectum oppositum (quicunque ille sit) vt vnum in suis filijs ex ipsius voluntate, ex qua voluntate in nobis habet rationem voluntarij. Quod verò donum Iustitiæ, & defectus habens rationem peccati, commissum sit Adæ voluntate, constat.

Ratio ista voluntarij explicari solet hoc exemplo: vt si Rex alicui dignitatem filij conferret, & ipsum in filium adoptaret, ratione cuius filiationis multa illi dona promitteret, eamque adoptionem tam illi quam eius po-

steris contulisset, propter quam tota posteritas multis donis priuilegiisque gauderet; eo tamen pacto quòd si ille peccatum in Regem committeret, non tantum sibi, sed etiam toti suæ posteritati & filiationem perderet, & seruitutem incurreret: & insuper propter prædictam filiationem, & ipse, & tota posteritas omnia illa dona, & priuilegia filiorum amitteret. Certè tunc defectus ille filiationis in posteris ex voluntate primi Parentis voluntarij rationem haberet, & non voluntate personali, sed voluntate (vt aiunt naturali primi Parentis) vnde origine, & natura, siue natiuitate voluntarius esset ille defectus; & si ille ex se haberet rationem Iustitiæ, esset quidem originale peccatum voluntarium voluntate primi Parentis propagantis naturam, & ratione illius defectus quisquis ex posteris Regi esset inimicus, & dignus, qui priuaretur cæteris donis, & priuilegiis: & quia quando nostri alij Parentes peccant suæ voluntati, à Deo non est commissæ nostræ Iustitiæ, nec defectus aliquis alius posterorum; idèò nihil in ipsis esse potest, quod sit defectus voluntarius voluntate primi Parentis, habeatque ve-

ram rationem peccati.

Quas habeat difficultates hic modus explicandi rationem voluntarij in peccato originali, notauimus suprâ.

#### PROPOSITIO V.

*Proponuntur & solvuntur argumenta probantia peccatum originale non habere verâ, & propriam rationem peccati.*

**D**Vrandus in 2. dist. 30. qu. 1. docet peccatum originale non posse dici verè, & propriè peccatum; quia non habet voluntarium requisitum ad rationem culpæ. Probatur primò, quia Aristoteles in Ethica docet; quòd per ea, quæ nobis à natura insunt, nec laudamur, nec vituperamur: sed potiùs misericordiam meremur, si sunt defectus à natura; solum autem reprehendimur (inquit) propter vitia, quæ in nostra sunt potestate: sed peccatum originale non est in nostra potestate; ergo ob illud meritò reprehendi non possumus, non ergo habet rationem peccati.

Secundò de ratione peccati est voluntarium, sed originale non est propriè voluntarium; ergo &c. Quod autem non sit

voluntarium probatur, quia non est voluntarium voluntate propria, sed aliena: at aliena voluntas, non dicitur propria nostra voluntas; ergo quidquid ea voluntate est voluntarium non est propriè mihi voluntarium, ergo non est propriè mihi peccatum: quàmvis enim aliena voluntas mihi imputetur, & mihi sit voluntarium; hoc tamen solùm contingit, quando ego voluntate mea committerem aliquid faciendum alicui: sed hoc modo non potest pueris esse voluntarium originale peccatum; quia non commiserunt illud voluntati primi Parentis. Alio ergo modo voluntaria pueris debet esse voluntas primi Parentis, quia scilicet Adæ voluntas dicitur fuisse omnium posterorum, qui ab eonascituri erant naturali propagine in quantum ipse pro se suisque posteris, aut conservandam, aut amittendam accipit Iustitiam originalem, & quæ ipsam consequebantur; at hoc genus voluntarij tantùm est interpretatiuum ipsis parvulis natis ex Adamo, ergo illud originale non est propriè voluntarium.

Immo docet Durandus, quòd in Adamo, qui propria sua voluntate reos nos fecit originalis;

non fuit propriè nostrum peccatum voluntarium & per se, sed interpretatiuè tantùm, & indirectè: directè enim Adam tantùm voluit concedere de ligno vitæ, vt vxori complaceret; consequenter tamen, & indirectè voluit se spoliare gratia, & per se omnem suam posteritatem, solùm ergo secundum se non, fuit nostrum peccatum, quidquid illud sit voluntarium voluntate primi Parentis: sed quia secundum se non est voluntarium, ideò nec est propriè voluntarium, nec propriè peccatùm; & tantùm abest (inquit Durandus) quòd in primo Parente propriè, & per se fuerit voluntarium, quod potius illi fuit inuoluntarium, siquidem illi maximè displicuit.

Tertiò probatur, quia nullus potest peccare in eo, quod vitare non potest, ex Augustino lib. 7. de libero arbitrio cap. 18. sed non est in potestate paruulorum, qui ex Adamo nascuntur, euitare priuationem Iustitiæ, vel quidquid aliud dicatur esse peccatum originale; ergo non peccant in eo, quod contrahunt per originem ex Adamo, etiam si voluntate sui primi Parentis illud accipiant per translationem, seu transfusionem.



## PROPOSITIO VI.

*Respondetur ad argumenta.*

**A**D primum desumptum, ex Aristotele dicente, quod nullus reprehendi potest ob defectum, qui non est in sua potestate, sed habet ex origine. Respondet Richardus in 2. dist. 30. art. 1. quæst. 1. *Ad tertium*, quod non est eadem ratio de cæcitate, v. g. quam quis habet naturæ suæ; & de hoc defectu, quia cæcitas non est aliqua deordinatio animæ: vnde nec vitium esse potest, sed quod traducitur ex Adam, est deordinatio animæ, & consequenter vitium pugnat contra hoc, quia licet peccatum hoc sit animæ inordinatio; ex eo tamen, quod non est in nostra potestate, videtur quod propter illud non sit quis dignus reprehensione, quod tantum ea ratione Aristotelis probatur: nam, cur reprehenderetur aliquis de eo, quod vitare non potuit?

Ad argumentum respondet Scotus in 2. dist. 32. quæst. 1. §. *Ad argumenta*; nullum alium defectum esse reprehensibilem à naturæ provenientem, nisi hunc: & ideo (inquit) licet alij omnes sint poena, hic tamen verè culpa

est, nec mirum sit; si Aristoteles oppositum doceat, cum tale peccatum sola fide constet. Pro clariori solutione legantur, quæ diximus de ratione voluntarij supra in Propositione quarta.

S. Thomas hic ad quintum docet defectum traductum in posteros Adæ, quia habet veram rationem peccati esse reprehensibilem in eo, qui illum habet, non si consideretur unusquisque secundum se in ordine tantum ad propriam voluntatem; sed si consideretur in ordine ad suum principium, scilicet ad Parentem, qui sua voluntate traduxit illum defectum ratione illius talem defectum esse reprehensibilem.

Videtur durum hoc, quia si quis exprobraret puerum habentem originale, cur ita nasceretur; stultus esset, si ipsum increparet ratione voluntatis Adæ: sic enim aut solum increparet Adam, aut puerum nulla ratione increpare posset.

Possumus dicere duplicem, esse increpationem, aut enim est damni poena consistens in aliqua privatione & damno, aut est poena sensus & afflictionis: nam increpatio, aut exprobratio idem videtur esse; quod poena; frequentius tamen usurpantur

hæc

hæc duo, pro vt denotant pœnam sensus inferentem afflictionem aliquam, & ignominiam verbis. Quo sensu accipit Aristoteles loco citato, vbi loquitur de his, quæ sunt in nostra potestate, & propter quæ digni sumus vituperio, vel laude, gloria, & præmio; quod in laude consistit, & poena quæ in opprobrij, ac increpationis afflictione sita est. Sic enim verissimum est, quòd nullus increpari potest ob defectum, qui in natiuitate concipitur; quod etiam verum existimo de peccato originali, quòd licet verè, & propriè peccatum sit, & iniustitia, propter quod præuidebatur ex voluntate primi Parentis: tamen non debetur illi increpatione, verbis &c. nec vlla pœna talem inferens afflictionem, ac ignominiam; hanc enim meruit Adam, & propria est peccati ex propria cuiusque voluntate commissi: sed originali peccato debetur sola pœna in priuatione consistens, & hoc tantum opprobrium dignum est, & hæc pœna, quæ communiter increpatione non dicitur; & si aliqui sunt, qui Parentum pœnam patiuntur, nullus tamen est, qui illos propter hoc inceperet; sed solum patiuntur pœnā in priuatione alicuius

honoris, vt dignitatis consistentem, quæ saltem in ipsis per accidens est causa doloris, & afflictionis; sed non in pueris, qui tantum eandem priuationem patiuntur. Vndè immeritò Catharinus loco citato cap. 6. vt ostendat fomitem appetitus non esse peccatum ex eo probat, quòd nihil in nobis existens potest habere veram rationem voluntarij, vt peccatum esse possit; in quo cum Durando videtur sentire, ijsdem argumentis inductus, quæ suprà pro Durando adduximus.

Hinc etiam soluitur tertium argumentum ex Augustino, quòd scilicet nullus peccat in eo, quod vitare non potest. Respondet primò Scorus quæstione, & paragrapho citatis, *Ad secundum*, quòd peccare dupliciter contingit, vel quia aliquis elicit actum peccati, vel quia habet peccatum. Primo modo verum est, quòd nullus actu peccat in eo, quod vitare non potest; & sic paruuli non dicuntur peccare: sed si secundo modo accipiatur, non est verum, quòd quis peccare non possit in eo, quod sua voluntate vitare non potest; est tamen verum, quòd non peccat nec secundo quidem modo in eo, quòd nec sua nec alterius voluntate (quæ habetur vt propria)

pria) vitare non potuit. Sic etiam docet Medina, quòd paruuli saltem voluntate primi Parentis peccatum hoc vitare potuerunt: eodem modo respondet Richardus dist. 3. art. 1. qu. 1. *Ad secundum*, & videtur corrigi ex Augustino lib. 1. retractationum cap. 15. vbi docet, quòd paruuli tenentur rei; quia ex origine tenentur eius, qui non fecit, quod facere potuit, Diuinum scilicet seruare mandatum. Fateor difficultatem, tamen puto sufficientem habere solutionem ex doctrina nostræ quartæ Propositionis suprâ positæ.

Possset responderi, quòd pueri non dicuntur peccasse peccato originali, quod contraxerunt, quia verè peccauerint: nam peccare nullus dicitur, nisi actuali peccato, & actuale peccatum nulli imponitur, nisi possit illud sua voluntate vitare; quare pueri non dicuntur ipsi peccasse, nisi addere velis in Adamo, quòd qua ratione possit, docet quarta nostra Propositio.

*Ad secundum* de voluntario respondet, quòd voluntarium non est de ipsa formalis ratio peccati, sed tantum conditio necessaria vt fundamentum totius generis moris; & ita licet peccatum sit directè, vel indirectè per

se, vel per aliud peccatum, tamen eiusdem rationis est, quia, qualecunque voluntarium sufficit vt conditio, & fundamentum generis moris: sed sicut sunt diuersa genera peccatorum, actuale ex vna parte, ex alia verò originale; ita etiam diuersa ratio voluntarij requiritur in vtraque, & in originali requiritur voluntas alterius, à quo per originem deriuatur: in actuali verò personalis eiusdem, qui peccat, voluntas.

Illud verò quod dicit Durandus, quòd scilicet respectu Adæ priuatio Iustitiæ originalis non fuit directè volita, immò fortasse inuoluntaria secundum se, quæ potius displicuit, parum refert; quia ad rationem nullius peccati etiam actualis (in quo maius voluntarium requiritur) est necessarium vel voluntarium, quòd directè feratur in peccatum, vt tale est, immò nec in ipsum actum peccati.

Denique nihil valet, quod affert Becanus Louaniensis; quòd scilicet illud quod in nobis traducitur, est effectus peccati, & non peccatum, cum in Concilio Tridentino, & Arausicano dicatur esse mors animæ, quæ est effectus peccati: hoc ergo non valet, quia quodcunque peccatum

cū est mors animæ apud Deum, & non tantum causa huius mortis; quia est ipsa ratio inimicitiae erga Deum, quæ est vera animæ mors.

## PROPOSITIO VII.

*Subsequuntur & solvuntur alia argumenta idem probantia.*

**A**liud argumentum, videri admodum rigidum Dei consilium in hoc negotio; nimirum voluisse constituere omnium hominum voluntates in primo Parente, ut ipso peccante omnes peccarent, conciperentur filij iræ inimici Deo, & addicti æternæ poenæ. Confirmatur, quia seuerissimè ageret Imperator, qui propter vnus Ducis delictum vellet omnes posteros eius nasci inimicos Deo, aut saltem Imperatori, ergo credendum non est id factum fuisse à sapientissimo & pijsimo Mundi Imperatore. Respondetur hoc Dei consilium fuisse plenum sapientia, & bonitate: primum enim si in ipso Adamo constitutæ sunt voluntates omnium, non solum id factum est ita, ut eo peccante peccarent; sed etiam iustitiam originalem, atque adeo felicitatem maximam in Conce-

ptione obtinerent, si ipse non peccaret. Quod meritò perpendit S. Anselmus libro de peccato originali. cap. 22. ut conuenientissimum ad ostendendam magnitudinem bonitatis Dei: Deinde Deus cum sit Dominus omnium, absque nulla iniustitia hoc facere potest, & tam generale peccatum permittere. Denique hæc ipsa permissio fuit apprimè conueniens, & Deo maximè gloriosa; quia indè sumpta est Incarnationis mysterij occasio, indè deriuata gloriosa ipsius Christi Domini, per quem decuit omnia instaurari: prouenit etiam Martyrum gloria, Virginum palma, Confessorum inuicta patientia, prædestinatorum in tanta naturæ imbecillitate salus, & alia innumera bona; quæ non ita lacerent in statu innocentiae, qui erat incapax mortis, & laborum.

Ad confirmationem respondetur Imperatorem non habere dominium voluntatum quò ad culpam, ut propter eius voluntatem filij Ducis nascerentur inimici Deo; poterat quidem propter peccatum Parentis priuare filios aliqua dignitate, aut honore, quem hæreditario Iure, aut ex ipsius Imperatoris beneplacito habituri erant, & id non

esset ita rigidum , vt non soleat interdum accidere . Sed licet daremus hoc esse illicitum homini , non propterea esset denegandum Deo , qui Dominus est suarum creaturarum , & sua sapientia ita nouit omnia disponere ; vt ex peccato filiorum desumat occasionem conferendi maiora bona , vnde S. Anselmus supra , cap. 27. *Aliter (inquit) Deus erga infantes debet agere , aliter homo : nam homo non debet exigere à natura quod ipse non dedit , & quod ipsi non debetur .*

Aliud argumentum , peccatum habituale solum perseuerat , quando non deletur peccatum actuale : sed actuale peccatum Adami iam deletum est , & fortasse etiam antequam aliquem filium generare remissum est ; ergo in posteris eius nullum remanet peccatum originale , quod ( vt diximus ) est habituale . Confirmatur , quia non est magis potens culpa , quam gratia : sed Adamus ratione suæ culpæ dicitur generare filios peccatores ; ergo ratione gratiæ , quam postea habuit , & quam modò habent plures Parentes ( cum generant ) producent filios infinitos gratia , ac proinde sine peccato . Respondetur concessa maiori , delinquendo minorem : fuit enim Adæ peccatum ,

remissum quatenus erat personale , & ita in eius persona non mansit ; non tamen fuit delictum in quantum originale , seu naturale , idest noluit Deus condonare culpam illam , nisi quatenus Adamum reddebat Deo inimicum , & ita semper mansit , & manet ius transfundendi illud ad posteros media generatione naturali .

Ad confirmationem , gratia post peccatum collata Adamo , & quam modò habent iusti Parentes , est solum gratia personalis ; ac proinde non confertur , vt ad posteros traducatur ; prima verò transgressio Adami fuit patrata originaliter , idest nomine omnium ; & idè in illos transfunditur . Explicuit hanc solutionem eleganter S. Augustinus libro de peccato originali cap. 40. *Regeneratus (inquit) per Baptismum , in quo gratiam accipit non regenerat filios carnis ; sed generat ac per hoc in eos , non quòd regeneratus , sed quòd generatus est , traiecit .* Quasi diceret , Parens non generat mediante gratia , vt illam transfundat : sed mediante natura , seu medio semine , quod ita vitiatum est , & cum natura transmittat , & culpam .

Tertium argumentum , plus profuit Christus Dominus nobis , quam

quàm nocuit Adamus : sed pueri quando primùm concipiuntur, participant peccatum Adæ; ergo deberent potius participare gratiam Christi Domini. Respondetur negando consequentiam, quia sicut pueri tunc solùm participant culpam Adæ, quando fiunt illius membra : per generationem ; ita ut participant Christi Domini gratiam, debent fieri membra eius per regenerationem in Baptismo : gratia autem tunc illis collata ex meritis Christi Domini iniuncta cum alijs donis, quæ habet Ecclesia, excedit damna, quæ ab Adamo prouenerunt.

Quartum argumentum, si daretur originale peccatum, forent illicitæ nuptiæ, consequens est hæreticum ; ergo antecedens est falsum. Consequentia maioris probatur, quia si cùm Pater generat filium, iste contraheret originale peccatum, Pater esset causa maximi mali, quod in filium traducitur, & à quo sæpè non liberatur ; quia moritur ante Baptismum : sed esse causam tanti mali est illicitum ; ergo & nuptiæ forent illicitæ. Confirmatur primò, quia peccatum originale est maius malum, quàm omnis poena, immò excedit grauitate omnia peccata venialia : sed nullus potest licitè inferre alteri maxi-

mum malum poenæ ; aut illum inducere ad peccatum veniale ; ergo nec potest esse causa peccati originalis. Confirmatur secundò, quia Deus creat amicum, quæ cùm primùm creatur, contrahit originale ; ergo Deus etiam foret causa peccati originalis, quod est absurdum.

De hoc argumento iam suprà disputauimus, nihilominus respondetur negando consequentiam ; & ad probationem dicitur Patrem non velle originale, nec esse propriè causam illius : sed solùm permittere illud, quatenus vult generare ; licèt sicut ad puerum deriuatum in peccatum originale propter culpam primi Parentis, quam non potest iam euitare. Rectè autem potest non solùm Deus, sed etiam homo permittere peccatum alterius, maxime quando præponderat maius bonum, ut in præsentì perspicuè cernitur.

Ex quibus patet ad secundam confirmationem, Deus enim non est causa peccati originalis, quia illud non prouenit ab anima ut creatur à Deo : sed ut infunditur corpori, & cum illo constituit prolem Adami, qui nomine totius posteritatis voluit transgredi præceptum Dei ; præterquàm, quòd peccatum originale permis-



sum est à Deo propter bona multa excellentiora.

### DIFFICULTAS.

*Verum sit necessaria connexio inter originale peccatum, & actuale.*

**M**onemus quòd absolute loquendo, non habet actuale peccatum necessariam connexionem cum originali, quia quantumuis nullum penitus praestiterit in Angelis, & in primis Parentibus originale; plurimi nihilominus Angeli, & ipsi etiam primi Parentes in actuale prolapsi sunt. Sed an pro statu isto saltem habeat necessariam cum ipso connexionem: dicendum est, quòd de possibili loquendo nulla est implicatio, quin pro statu isto dari possit in homine originaliter innocente actuale dumtaxat peccatum; & econtra cum originali solummodò sine omni actuale: de facto verò loquendo necessariam habet cum illo connexionem, & hoc ex duplici capite. Primò quia originale non dimissum, seipso formaliter influit ut causa in actuale; si tamen deletum sit, influit in illud virtualiter, media videlicet concupiscentia, quæ est proprius effectus eius iuxta illud Tridentini sess. 5. in decreto de peccato

originali Can. ult. ubi decernit: quòd & si concupiscentia, quæ remanet in baptizatis, nullatenus sit peccatum; à peccato tamen est, & ad peccatum inclinat. Secundò quia Adam sicut amisit sibi totalem innocentiam, originalem videlicet, & actualem, ita perdidit illam & nobis; ea tamen lege ut vniuersis, & singulis eius posteris infantibus amiserit originalem, omnibus verò & singulis adultis actualem: & ex hoc capite fit, ut quantumuis absolute seu de possibili loquendo non sit necessaria connexio originalis cum actuale, nec actualis cum originali; de facto tamen loquendo tanta est inter utrumque mutue connexionis necessitas, ut infallibili consequentia alterum alterum inferat, seu amissio alterius innocentie alterius inferat amissionem: unde optima, & infallibilis consequentia est ab amissione actualis ad amissionem originalis innocentie; & optima item & necessaria est illatio ab amissione originalis ad amissionem actualis innocentie. Istorum ratio à priori est, quia cum Deus eam statuerit legem, vel illud iniuerit pactum cum primo Parente; ut si Diuinum obseruaret ipsi datum præceptum de non comedendo de li-

gno, quod erat in medio Paradisi, & sibi, & posteris suis conseruaret sanctitatem, & Iustitiam, in qua constitutus fuerat, & econtrà si transgrediretur illud, & sibi, & posteris suis perderet eam: cumq; Adam reipsà transgressus fuerit memoratum præceptum, & sibi, & nobis per consequens perdidit sanctitatem, & Iustitiam, in qua constitutus fuerat, sanctitatem, & Iustitiam; quæ originalem simul & actuale[m] comprehendebat: nam non minùs constitutus fuerat Adam in actuali, quàm in originali sanctitate & Iustitia; hinc igitur fit, ut infallibiliter vniuersi, & singuli naturaliter propagati ex Adamo cum carentia originalis Iustitiæ concipiantur, & illi omnes qui ex ipsis aboleuerint, in actuale aliquod peccatum labantur, & infallibilis per consequens sit illatio ab amissione actualis, ad amissionem originalis innocentiae, & econtrà ab amissione, ad amissionem actualis innocentiae. Et quàmuis in huius generis moralibus positio causæ non ità infallibiliter arguat positionem effectus, sicut positio effectus arguit positionem causæ; si tamen concurrat cum causæ positione Diuinum decretum, cuius virtute conditionatè statutū sit, quòd adimpleta conditione decreti ad positionem talis causæ ponatur talis

effectus, semper erit infallibilis, & necessaria illatio à positione talis causæ, ad positionem talis effectus: infallibilis (inquam) & necessaria non necessitate simpliciter, & absoluta; sed necessitate suppositionis & consequentiæ, ut dicunt, Condicio hic decreti, seu pacti Diuini erat possibilis transgressio præcepti à Deo Adamo iniuncti; posita igitur in esse huiusmodi conditione, sicut reipsà posita fuit & adimpleta, decretum illud conditionatum veluti transijt in naturam absoluti, & per consequens tanta est ex vi illationis infallibilitas & necessitas à positione originalis ad positionem actualis, quanta est à positione actualis, ad positionem originalis peccati.

Prædicta connexionis, & illationis mutuitas, quam intercedere dicimus inter originale, & actuale peccatum ex præfati decreti positione, & conditionis in ipso inclusæ adimplerione inobedientiæ videlicet Adami; quoniam nedom sibi, sed nobis omnibus etiam perdidit sanctitatem, & iustitiam, in qua constitutus fuerat, suam ducit originem: quo fit ut si ex hypothesi non intercederet inter originale, & actuale relatio causæ & effectus, adhuc positio vnius infallibiliter inferret alterius positionem in adultis; sed

quia

quia cum hac præmissa mutua connexionis ratione inter originale, & actuale concurrat alia, non mutua, quæ est actualis cum originali: non autem econtrà, quia cum actuale sit effectus originalis, & originale secundum nullam penitus rationem effectus sit peccati actualis in eadem persona, actuale igitur necessario arguit, & supponit originale, non autem originale actuale; quia nunquam causa necessario habet coniunctum effectum, nisi sit causa physica naturaliter agens, vel moralis aliundè recipiens necessitatem, seu infallibilitatem influendi in effectum, sicut contingit in casu nostro: quia originale formaliter sumptum, moraliter dumtaxat influit in actuale, & si habet ut infallibiliter, & necessario influat in illud, hoc non habet ex intrinsecis suis; sed aliundè exposito videlicet præfato decreto, seu pacto inito, & adimpleta conditione in ipso inclusa, ut dictum est.

Supposita igitur veritate hac Catholica, nempe quòd omnes, & singuli naturali propagatione descendentes ex Adamo trahunt peccatum originale, & supposito insuper quòd originale sit causa actualis peccati; actuale etiam, quatenus effectus originalis arguit, & necessario infert idem

originale, sed originale ut causa actualis non ita necessario infert actuale, sicut actuale quatenus effectus originalis infert illud ut propriam sui causam, nisi consideretur originale ut morale instrumentum prævaricationis Adami præfatum connotando, Divinæ voluntatis decretum seu pactum Adamo initum, & veluti cum ipso intimatum: quo Deus statuit, ut si contingeret, quòd Adam initum ab ipso illi transgrederetur præceptum, eius transgressio tunc causa foret, cur omnes ipsius posterius cum carentia originalis iustitiæ, & per consequens cum originali peccato conciperentur; & originale ab illis concreatum causa etiam esset actualis peccati, seu potius omissionis innocentie actualis in adultis.

Quàmvis hæc videantur bene dicta, nihilominus tamen si res attentius examinetur, non erit explicatu difficile; quòd quemadmodum actuale quatenus effectus est originalis, necessario infert originale ut causam ipsius: ita etiam & originale quatenus causa actualis necessario infert idem actuale, atque adeò sicut hæc est infallibilis consequentia ab amissione actualis innocentie ad amissionem originalis; sic etiam econ-

trā infallibilis consequentia est ab amissione originalis innocentiae, ad amissionem actualis in adultis. Ratio à priori est, quia implicat posse amissionem innocentæ & originalis, seu peccatum ipsum originale, quatenus causa est actualis peccati præscindere à memorato Dei decreto seu pacto, & eiusdem Dei decreti conditione per Adamum adimpleta; ergo idè originale est causa originalis peccati, quia id habet ex dicta Dei lege seu pacto & conditione non adimpleta per Adam: ergo sicut ex eodem pacto & conditione non adimpleta, infallibiliter ponitur in posteris Adam amissio originalis innocentiae; ita etiam in amissione eiusdem originalis innocentiae quatenus causa est peccati actualis, infallibiliter sequitur commissio eiusdem actualis peccati. Prima consequentia patet, antequàm tamen probetur secunda & antecedens, ad hoc ut utriusque probatio clariùs elucescat, simulque liquescat quid intelligatur, & intelligimus per præfatam Dei legem, decretum vel pactum; consultò duxi adducendum esse huc id, quod Scotus subtiliter ad rem nostram docet in 2. dist. 32. quæst. 1. §. *Respondeo ad tertium principale*, ubi habet hæc formalia verba;

*Ad tertium dico, quod ad istud peccatum (originale videlicet) concurrunt duo carentia Iustitiae, scilicet ut formale, & debitum habendi eam ut materiale, sicut in alijs privationibus concurrens privatio, & habitudo ad habitum. Debitum istud est à Deo statuente legem istam: do Iustitiam tibi Ada, & omnibus filiis tuis naturalibus, do eadem datione quantum est ex parte mea; & idè ex hac conditione tenentur omnes eam habere, & ex Patre propagante per cuius actionem interest filius naturalis Ada, ergo ob debitum per nullas rimas ignotas intra, sed per istas duas causas positivas: illa autem carentia non habet causam nisi negativam, scilicet non danscẽ Iustitiam originalem, cuius si quæretur ulterius, causa non est nisi demeritoria; quia scilicet Adam demeruit, nè Iustitia originalis daretur; negativa non dans, Deus est; demeritoria quare non datur Adam peccans, &c. Hac Scotus ibi.*

Ex quibus verbis statim liquescit, quæ sit, quam in hac parte statuit Deus dandi, videlicet una & eadem datione originalem Iustitiam Adamo, & filiis eius naturaliter descendantibus ab ipso; eo tamen intercedente inter illum & istos dissidio, ut reipsa dederit eam Adamo: posteris verò illius in præparatione animi non abso.

absolutè, sed quantum erat ex parte sua, hoc est conditionatè, sub conditione videlicet; quòd Adam obseruaret præceptum, quod illi iniunctum erat de non comedendo de ligno, quod erat in medio Paradisi.

Ex huiusmodi datione quantumuis in præparatione animi, seu voluntate antecedente, & conditionatè facta omnes naturaliter propagati ex Adam debitum contraxerunt habendi exhibitam illis originalem Iustitiam; quia quodlibet donum etiam quomodolibet, siuè reipsà siue in præparatione animi, & conditione elargitum, si per dantem non stat, vt reipsà præstetur ijs, quibus exhibitum semper debitum secum affert eiusdem, quibus fuit oblatum, vt fusè docet Scotus ubi suprà sub lit. C. §. *Respondeo, non faciendo mentionem, &c.*

Hac à Deo lata lege, vel hac ab ipso expressa sui voluntate, dandi videlicet posteris Adam originalem Iustitiam; sub conditione tamen, quòd obseruaret præfatum præceptum ab eo ipsi iniunctum: factum est non adimpleta per Adam transgredientem præceptum positæ legis, seu initi pacti conditione sibi & posteris inobedientiæ suæ merito acceptam à Deo originalem Iustitiam

perdidit, hoc est proprio eius de merito hæc fecit; vt iustissimè Deus denudaret ipsum originali Iustitia, quam de facto acceperat, & adeò denegaret nobis eam, vt nusquam acciperemus eam, & conciperemur per consequens ipsa spoliati; atque adeò supposito memorato debito habendi eam cum priuatione, & carentia illius, & per consequens cum originali peccato, quod ex præfato debito, & ex proprio materiali, ac originalis Iustitiæ carentia, vt ex proprio constituitur, poniturque in else; sicut ergo adimpleta per Adam legis datæ, vel initi pacti conditione, hoc est obseruato dicto præcepto infallibiliter Deus conseruata prius in ipso originali Iustitiæ reipsà communicasset illam posteris eius: ità econtrà violato ab Adam præcepto, Deus denudat ipsum Adam; eaque eius posteros.

Diuino igitur præcepto ab Adam violato, & non adimpleto, per consequens legis positæ, seu pacti initi conditione, conditionatum Dei decretum velut transijt, vt suprà sæpius dictum est, in natura decreti absoluti quod infallibiliter executioni mandari debuit, sicut reipsà executioni mandatur; & amittente Adamo sibi,

sibi, & nobis sanctitatem, & Iustitiam, in qua constitutus fuerat, amisit sibi, & nobis originalem, & actualem innocentiam; utramque siquidem innocentiam hanc expressit Tridentinum sess. 5. in decreto de peccato originali nomine sanctitatis, & Iustitiæ, ut euidenter colligitur ex eodem Tridentino sess. 6. cap. 1. ubi vno ac communi nomine innocentia; dum inquit: *Primam declarat Sancta Synodus ad iustificationis doctrinam probè, & sincerè intelligendam oportere, ut unusquisque agnoscat, & fateatur; quòd cum omnes homines in prauaricatione Ada innocentiam perdidissent, &c.* En quàm disertè Tridentinum vno, & communi nomine innocentia; exprimit nobis eam sanctitatem, & Iustitiam, in qua constitutus Adam sibi, & nobis prauaricatione sua perdidit, & quam nos etiam in eius prauaricatione perdidimus: vno (inquam) & communi nomine innocentia; exprimit nobis sanctitatem, & Iustitiam, ut manifestè intelligeremus huiusmodi nominis vnitatem, & communitatem expressisse nobis sanctitatem, & Iustitiam, quam nobis perdidisse asserit ubi suprà sess. 5. in decreto de peccato originali. Et quemadmodum communi nomine innocentia; necessariò exprimit origi-

nalem, & actualem innocentiam, cum nulla penitus assignari possit ratio, cur communi nomine innocentia; originalem potius, quàm actualem exprimere voluerit; ità etiam omninò dicendum est, quòd duobus sanctitatis, & Iustitiæ nominibus eandem originalem, eandemque actualem expresserit ibi innocentiam: eò vel maximè quia reuerà Adam perdidit nobiscum innocentia; statum, in quo fuerat ipse constitutus, sed non minùs fuit ipse constitutus in statu innocentia; actualis, quàm originalis; ergo non minùs perdidit nobis illam, quàm istam. Præterea id quod omnes adulti infallibiliter amittant actualem innocentiam non potest ad aliud caput reuocari, nisi ad hoc: quòd Adam amiserit sibi, & nobis statum innocentia; seu innocentiam ipsam, ut Tridentinum declarat sess. 6. cap. 1. & vltimatè ad hoc, quòd stante & urgente primi Parentis demerito irremissibiliter, & infallibiliter sicut priuauit ipsum innocentia, quam à Deo acceperat: ità etiam priuat & posteros eius innocentia, quam ab ipso acceperant, si primus Parens impositum ipsi Diuinum obseruasset præceptum; ergo per sanctitatem, & Iustitiam, seu innocentiam quam Tridentinum asserit sibi, &



nobis perdidisse Adam, omnino intelligi debet utraque innocentia, originalis videlicet, & actualis. Consequentia patet; nec non etiam antecedens; tum quia nullum aliud quam præmissum poterit unquam assignari caput, ad quod reuocetur infallibilitas amissionis innocentiae actualis in adultis: tum quia infallibilitas amissionis innocentiae originalis in vniuersis infantibus nequit reuocari, nec reuocatur ad aliud caput, quam ad prædictum; & nulla penitus assignari potest disparitatis ratio, cur magis istius quam illius amissionis infallibilitas ad præexplicatum caput reddi debeat.

Demum non video unde, & quomodo negari possit perdidisse Adam suis posteris adultis actualem etiam innocentiam, sicut innocentiae status integritatem claudebat secum naturæ; & integritas naturæ utramque inuoluebat innocentiam, originalem videlicet, & actualem, in huiusmodi naturæ integritate Deus constituerat Adam, quas omnes explicare debuerat Sanctitatis, ac Iustitiæ partes, quibus absoluit ac perficit. Verum quo pacto suis numeris absoluta intelligi potuisset, si constitutioni, & Iustitiæ ipsius actualis defuisset

innocentia.

Ex præmissa doctrina manifestius liquefcit, quo sensu accipiendum sit illud primum antecedens, in quo assumptum est quod implicat posse amissionem innocentiae originalis, seu pactum ipsum originale; quatenus causa est actualis peccati præscindere à præexplicato Dei decreto, seu pacto inito, & ab eiusdem decreti conditione per Adamum non adimpleta. Manifestius etiam liquefcit, & ipsius notio explicati, veritas atque consequentiarum ex ipso deductarum soliditas.

Superest nunc examinandum, an tanta sit originalis cum actuali, & actualis cum originali peccato connexio & mutuitas, ut sicut posita se ponunt, quemadmodum supra ostensum est; ita etiam adinstar relatiuorum perempta se perimant, hoc est an sicut infallibilis est consequentia ab actuali ad originale peccatum, & ab originali ad actuale in adultis, seu sicut infallibilis est consequentia ab amissione actualis innocentiae ad amissionem originalis, & ab amissione originalis ad amissionem actualis in eisdem adultis; ita similiter infallibilis sit consequentia à negatione originalis

pecc-

peccati, ad negationem actualis in adultis; & econtrà infallibilis sit illatio etiam à negatione actualis ad negationem originalis peccati.

Huic propositæ difficultati respondendum est affirmatiuè, videlicet quòd tanta est inter originale & actuale peccatum in adultis, seu inter memoratas amissiones mutux connexionis necessitas; vt sint velut relatiua, quæ nedùm posita se ponunt: verùm etiam perempta se perimunt, atque adeò negato ab homine adulto originali peccato infallibiliter, negatur ab eo & actuale; & negato ab eodem adulto actuali peccato, infallibiliter negatur ab ipso, & originale.

Hæc veritas potest primò probari ex eo, quòd nulla penitus poterit vnquàm assignari ratio, cur potius posita se ponant, quàm perempta se perimant; cum nec aliqua comparatio cur prædictæ connexionis necessitas magis efficere debeat illa, vt sese ponentia, quàm vt sese perimentia; & quàmuis necessitas mutux connexionis intercedentis inter originale & actuale in adultis non oriatur ex intrinseca, & formali ratione, extremorum sicut contingit in

relatiuis; supposito nihilominus immutabili Diuinæ voluntatis decreto, quæ statuit, quòd si Adam transgredereetur à Deo iniunctum ipsi præceptum, & sibi, & posteris demereretur Sanctitatem, & iustitiam, in qua constitutus erat, & per consequens & sibi, & posteris perderet præexplicatam naturæ integritatem, seu totalem innocentiam statum, originalem videlicet & actualem simul claudentem secum innocentiam ab intrinseco saltem æquiualentem, mutux connexionis necessitatem acquirunt, & per consequens sicut ex isto capite posita se se ponunt; ità etiam ex eodem capite perempta sese perimere debent, atque adeò sicut affirmatio originalis infallibiliter infert affirmationem actualis, infallibiliter infert affirmationem originalis in adultis; ità similiter negatio originalis infallibiliter inferre debeat negationem

actualis, & negatio actualis

infallibiliter inferre

debet negationem

originalis

in

eisdem adul-

tis.

## PROPOSITIO VIII.

*(Pueri merè passivè se habuerunt in contractione peccati originalis .*

**C**ontrouertitur, an voluntas propagandorum ex Adam in vnicam ipsius tanquàm in illam, quæ præconstituti eorundem propagandorum moralis capitis, & fideiussoris erat omnipotenti Dei virtute, & imperio translata voluntatem, vnum, quid morale per consequens facientes cum eo ità compeccauerint ipsi; vt nedùm merè passiue per solam videlicet originalis Iustitiæ amissionem, Adami dumtaxat meritò factam, sed efficienter etiam aliquo pacto fuerint ei actu peccati cooperati.

Ratio dubitandi est, quia propagandorum peccatum in significatione actiua explicatur ab Apostolo dicente Romanorum 5. *In quo omnes peccauerunt.* Eadem etiam actiua significatione exprimitur à Tridentino sess. 6. cap: 1. dum inquit: *Primum declarat Sancta Synodus ad iustificationis doctrinam probè, & sincerè intelligendam oportere, vt unusquisque agnoscat, & fateatur, quòd cum omnes homines in prauarica-*

*sione Ada perdidissent &c.* Ponderanda particula illa (*perdidissent*) quæ verba videntur tacere significationem actiuam; ergo posterius non contraxerunt originale vnico, & solo Adami demerito.

Contrà tamen est, tùm quia idem Tridentinum sess. 5. in decreto de peccato originali can. 2. & sess. 6. cap. 7. disertissimis verbis asserit Adam suam præuaricationem, & inobedientiam, & sibi, & nobis acceptam à Deo Sanctitatem, & Iustitiam perdidisse; ergo ex Tridentino vnico, & solo Adami demerito memoratam Sanctitatem, & Iustitiam amisimus. Non videtur posse causam hanc in dubium reuocari; tùm quia Tridentinum vnico, & solo primi Parentis demerito, nulla penitus facta cõparatione illi posterorum eius mentione, tùm quia nè remotissimè quidem appareat, quo titulo, quauè ratione cooperari debuerint, vel potuerint fideiussoris cooperari peccato. Prima pars antecedentis, quòd non debuere, patet; quia nulla vnquàm penitus sufficiens assignari poterit ratio, cur propter huiusmodi debitum incurrerint: nò idèò dicendi sunt contraxisse illud, quia proprio ipsorum concursu contrahē-

tes ipsum, veriùs, & propriùs dicerentur peccasse in Adam; quia cùm peccare in Adam nihil aliud formaliter sit, quàm demerito ipsius amittere originale Iustitiam, in illo veriùsimè, & propriùsimè explicari potest, & debet nedum, verùm etiam non aliter ipsos peccasse in Adam, quàm per passuum, dumtaxat eorum concursum, recipiendo videlicet ab vnico, & solo Adamo procedentem originalis Iustitiæ priuationem.

Nec te turbet, quòd in significatione actiua expressum in sola interdum accipiat, & accipi debeat passiuæ, quia communiter in significatione actiua materiæ causalitatem exprimimus dicendo, materia causat, dum efficiens causat: quo tamen non obstante causalitas materiæ debet omninò explicari, & accipi in significatione passiuæ, quia certissimum est materiam primùm esse puram potentiam; hoc est omnem penitus à se etiam, vmbra actiuitatis eliminantem, esse per consequens puram passiuitatem, seu totam, & totaliter passiuam, materiæ igitur causalitas actiue significata debet omninò explicari, & accipi in passiuæ: ita vt idem penitus sit dicere, materia causat cau-

sante efficiente; ac dicere, materia formam recipit ab illo, dumtaxat agente. Communiter etiam consueuimus dicere, Petrum exempli gratia grauem aliquam ab inimico passum iniuriam, maximum damnum incurrisse: cuius tamen incursum actiue significatus omninò passiuè accipiendus est, & explicandus; vt propterea penitus idem significet, & sit Petrum incurrisse, maximum damnum, ac Petrum maximum recepisse, vel passum fuisse damnum, in qua sola passiuæ significatione accipi, & explicari omninò debet homines peccasse in Adam: quia nil aliud penitus est homines peccasse in Adam, quàm homines maximum damnum incurrisse in ipso; hoc est maximum demerito illius recepisse ab eo damnum, originalis videlicet Iustitiæ priuationem.

Explicatio hæc necessaria est, si Tridentinum definit (vt expressissimè reipsa definit) Adamum sibi, & nobis acceptam à Deo Sanctitatem, & Iustitiam perdidisse, nulla penitus posterorum eius ad huiusmodi amissionem quomodolibet efficienter concurrentium facta mentione.

In hac eadem passiuæ significatio-

catione accipi debet memoria-  
tum testimonium Tridentini, quo  
sefs. 6. cap. 1. inquit : *Quod cum*  
*homines in prauaricatione Ada in-*  
*nocentiam perdidissent &c.* Etenim  
communi etiam loquendi modo  
& vsu consueuimus dicere ho-  
mines actiue perdidisse illa re-  
spectu perditionis, quorum me-  
re passiuè se habuere ; vt mani-  
festè patet in mercatore, qui na-  
uim suis ministris concedens  
pretiosis mercibus onustam nau-  
fragio, vel Pyratarum inuasionem  
perdidit, quàmuis merè passiuè  
respectu perditionis huiusmodi  
se habuerit : audita nihilominus  
nauis amissione in has voces ac-  
tionem significantes, erumpit,  
heu me ! inquit, heu me in-  
foelicem ! nauim, quam meis  
ministris Corinthum transmean-  
dam commiseram, perdidit ; &  
pretiosas, quas apportabat mer-  
ces, vnà cum ipso nauigio per-  
didi.

En quomodo in actiua signifi-  
catione exprimit factam nauis  
amissionem, respectu cuius ne-  
dum merè passiuè se habuit ; ve-  
rùm etiam opposita eidem amif-  
sioni, semper fuit illi voluntas.  
Quando in significatione actiua  
igitur dicitur mercatorem, vel  
alium quemlibet aliquid perdi-  
disse : si tamen merè passiuè ad

illam ( quia nullatenus propria  
actione, sed aliena contingit )  
tunc debet accipi, & explicari  
in significatione passiuæ, vt om-  
ninò idem sit mercatorem na-  
uim, & merces perdidisse ; ac  
iacuram, damnumque illud a-  
liorum efficientia incurrisse.

Hac eadem, & non alia ex-  
plicatione vel sensu intelligen-  
dum est, ac accipiendum supra-  
citarum Tridentini testimonium,  
dicendumque non in signifi-  
catione actiua ; sed passiuæ dumtaxat  
expressisse, *ly perdidisse* : vt  
idem omninò dixisse sit, homi-  
nes perdidisse in prauaricatione  
Adam innocentiam ; ac dixisse  
homines prauaricatione, & de-  
merito Adami tantam originalis  
Iustitiæ incurrisse amissionem  
merè passiuè se habentibus, &  
concurrentibus ad illam homi-  
nibus ; quæ veritas quæque ex-  
plicatio solidum habet funda-  
mentum in eo, quod idem Tri-  
dentinum sefs. 5. in decreto de  
peccato originali prædefiniuerat :  
Adam sua prauaricatione & sibi,  
& nobis acceptam à Deo San-  
ctitatem, & Iustitiam perdidisse ;  
nulla penitus facta mentione  
actiui alicuius hominis concur-  
sus ad eiusdem Iustitiæ, & San-  
ctitatis amissionem. Immo vt  
apertè, ex ipsius loquendi mo-  
do

do deducitur eadem ipsum indiuisibili, qua sibi præuaricatione, & in eodem indiuisibili etiam instanti; in quo sibi, & nobis simul acceptam à Deo perdidisse Iustitiam, & Sanctitatem.

Efficacissima præterea, vel etiam euidenti id ratione probatur; quia quouis minori possibili admisso, & posito in voluntatibus posterorum actiuo influxu in amissione originalis Iustitiæ in Adamo, dicendum est consequenter ipsos proprio vsos fuisse in hac parte voluntario, illudque reipsa tunc exercuisse. Consequens est omninò falsum, igitur id, ex quo sequitur, non est; cur consequentia reuocetur in dubium, quia in omnium sententia exploratissimum est voluntatis actiuitatem & actionem trahere secum, & ponere in ipsa libertatem ac libertatis exercitium, minùs est cur reuocari possit in dubium falsitas consequentis: tum quia posterorum peccatum non esset verè propriè, & formaliter originale, quia, quàmuis ex ea parte qua per originem trahunt ipsum, foret originale; ex ea tamen qua efficienter influerent ipsi in illud, esset verè, propriè, & formaliter actuale, nisi diceres esse aliud quod mixtum ex originali, &

actualem. Tum quia omninò intelligibilis est actiuus huiusmodi posterorum influxus in propriam eorum originalis Iustitiæ amissionem in Adam; ergo omninò respuendus. Consequentia patet, antecedens probatur: est omninò impossibilis, ergo est omninò intelligibilis. Consequentia patet, antecedens probatur: nullo modo apparet in quo esse, & contingere potuerit; ergo est omninò impossibilis. Consequentia patet, probatur antecedens: non in ipsis esse realis existentia in se, nec in illo quod habebant in Adam; ergo in nullo, ergo non apparet in quo esse contingit, vel contingere potuerit. Consequentia patent, prior pars antecedentis patet manifestè, quia in instanti præuaricationis Adæ, nec per somnium quidem realiter existerant; ergo non contingit in ipsis esse realis existentia. Posterior etiam patet, quia esse quod habebant in Adam, vt in eorum morali capite, & fideiussore non erat ad summum; nisi relatio quædam rationis per actum Diuinæ voluntatis omnipotenti suo imperio, voluntates posterorum Adam in vnicam ipsius voluntatem transferentis, & moraliter vnum quod-



quoddam ens cum illa facientis; effecta vel potius derelicta in Adam non secundum reale, sed secundum intentionale dumtaxat esse ipsius spectato: quia non fundavit illam, nisi facta, & præmissa iam ipsius constitutione in morale caput, & fideiussore posterorum suorum, exinitas (nè dicam nihilitas) huiusmodi rationis nedum liquefcit ex eo, quòd rationis est, & intentionale insuper fundamentum, quod rationis etiam relationem importat: sed multò magis ex eo quòd est ad terminum non existentem, ad terminum (inquam) quod formaliter nihil est; ergo vel nullum penitus vel saltem, vel saltem propè nihil inuoluit esse in se. Sed omnes relationes etiam reales de mente Scoti, & secundum veritatem sunt de genere steriliùm, ergo multò magis relationes rationis præsertim prædictæ, quæ proprijs carent terminis; ergo nulla penitus ratione habuere posterorum voluntates, vnde secundum esse acquisitum in voluntate Adami, potuerunt quomodolibet efficienter influere in originalis iustitiæ amissionem in illo.

Hic tamen omninò aduertendum est, esse manifestam implicantiã dari relationem, siuè rea-

lis, siuè rationis existat absque priorum extremorum, termini præsertim existentia; & per consequens licèt superiùs dictum sit relationibus illis, quas Adam in ratione moralis capitis, & fideiussoris eorum fundabat ad posteros, vt ad mystica membra, vel ad mysticos pupillos ipsius non correspondere proprios terminos: hoc tamen non est intelligendum absolutè, quasi verò nulli penitus termini corresponsdeant ipsis; quia tunc omninò nihil essent, sicut reipsa ex negatione, & defectu posterorum existentia, qui sub præmissa membrorum, & pupillorum ratione esse debuissent termini dictarum relationum, nihil omninò sunt: hoc nihilominùs non obstante quantumvis tunc posterari, quia non præsentis sed futuri propriæ includebant existentia negationem in se, non tamen inuoluebant illam vbilibet, vel in alio; quia non in mente Diuina, in qua eo ipso, quo voluntas constituit Adam morale caput, & fideiussorem eorum, & suo simul omnipotenti imperio ipsorum voluntates in vnicam Adami voluntatem transtulit, intentionalem acquisuerunt existentiam, volitum esse videlicet: non potuisset enim Diuina voluntas transferre illos

illos in Adam, & mistica eius membra misticosque constituere pupillos nisi volendo id illis; ergo etiam ex isto capite habuerunt esse volitum in voluntate Diuina, ergo esse intentionale, & diminutum, quia ex Scoto pluribus in locis esse volitum non est minus intentionale, & diminutum, quam sit esse cognitum, opinatum, &c. Secundum igitur hoc esse quod habent in mente Diuina terminant rationis relationes, quas fundant in Adam, & fundant correspondentes ad ipsum; eo hinc inde intercedente discrimine, ut Adam in ratione moralis capitis, & fideiussoris: ipsi verò in ratione misticorum eius membrorum, seu pupillorum fundent, & terminent.

An autem intellectus etiam Diuinus suas fundet relationes videns voluntatis determinationes, & constitutiones dicti capitis, dictorumque membrorum, easque conferens. Videas, quæ ad hoc colligi possunt ex Scoto in primo dist. 35. quæst. vnica sub lit. H.

Sed an posteri Adam in instanti animationis dictas misticorum membrorum, seu pupillorum fundent ad ipsum relationes: dicendum omnino quod sic, sicut omnino dicendum est etiam,

quod fundent tunc ad ipsum relationes naturalis filiationis, ac naturalis descendentiæ ab eo; quæ non rationis, sed reales; quia fundantur in Adam ut in physico, & naturali capite ipsorum, & terminantur ad eos ut ad physica, & naturalia membra illius, quod omnino dicendum est de correspondentibus relationibus secundum esse physicum naturale fundatis in posteris, & terminatis ad Adam. Istæ aliæ verò relationes moralis capitis, & fideiussoris ex parte Adam, & mixtorum membrorum, seu pupillorum ea parte qui propagantur ex eo rationis, relationes sunt; quia fundantur super esse rationis seu diminuto, & intentionali, & terminantur etiam ad idem esse, quale est moralis capitis, & fideiussoris in Adam, & moralium mixtorum membrorum, seu pupillorum in posteris; esse enim Adamum à Deo constitutum morale caput, & fideiussorem posterorum, nil penitus aliud importat in eo, quam rationis duntaxat relationem; sicut esse posteros ab eodem Deo constitutos mistica, seu moralia membra, & pupillos Adam, nil penitus aliud importat in illis, quam rationis duntaxat relationem. Confirmari potest

hoc ex his, quæ dicuntur Scotus in 3. questione Prologi; subiectum videlicet Theologiæ esse ens rationis, si Christus Dominus poneretur eius subiectum sub ratione capitis Ecclesiæ. Vide etiam quid dicat de hoc in 3. dist. 23. quæst. 1. &c. obiectum videlicet fidei esse ens rationis, si obiectum eius poneretur Deus, non sub ratione Deitatis; sed sub ratione reuelatoris.

### PROPOSITIO IX.

*Originalis peccati transfusio ex Adam in posteros eius necessario remocanda est ad aliquam eorumdem posterorum continentiam in ipso.*

**R**atio est, quia si nulla intercederet inter illos connexio, intelligibilis esset hæc ex Adam in posteros eius transfusio; id est intelligibile omnino foret, quo pacto Adam Diuinum transgrediens præceptum & sibi, & nobis perdiderit sanctitatem, & Iustitiam, in qua constitutus fuerat à Deo in statu innocentie. Huiusmodi tamen continentia non est continentia ex natura rei, illa videlicet quæ posteri virtualiter continentur in Adam ut in capite physico; tum

quia tunc originale peccatum esset homini connaturale ex intrinsicis humanæ naturæ principiis dimanatum, tum quia per consequens nedum in statu eiusdem de stitute, verum etiam & in statu institutæ naturæ fuisset originalis peccati transfusio; quorum utrumque quàm falsum, & implicatorium sit cæcutientibus etiam ipsis liquescit, sicut & euidentiæ utriusque illationis. Memorata igitur continentia erit à sufficienti partium enumeratione, quia non est in hac subiecta materia excogitabilis alia virtualis moralis, quæ pupillorum voluntates contineri dicuntur in voluntate fideiussoris; quaque per consequens in ea erant indifferentiæ constituti, eique obnoxij fortunæ, ut si Adam iniunctum sibi à Deo præceptum obseruasset, de facto accepissent in seipsis originalem iustitiam, quam ex vi memoratæ moralis continentie acceperant in illo; moralis tamen huiusmodi continentia non aliunde suam trahit, vel ducere potuit originem, quàm ex solo Diuinæ voluntatis beneplacito, quia nullatenus ex se, & ex intrinsicis suis habuit Adam; unde ea lege omnes, & singulas posterorum eius voluntates in propriam ipsius transferre potuisset,

tuiſſet, vt illa facta voluntatum translatione, vt hinc inde inter eas connexionem, reipsa poſteri accepiſſent originalem iuſtitiam, ſi præceptum obſeruafſet: amitterent verò eam, ſi præceptum fuiſſet tranſgreſſus. Poſterorum igitur hæc omnium voluntatum in vnam Adami voluntatem translatio in ea ipſarum continentia, & cum eadem connexionio ſolius extitit Diuini beneplaciti, Diuinæque omnipotentis ſpecialis effectus; cum omnem penitus creatæ actiuitatis ſphæram excedat.

Ex his manifeſtè deducitur primò, quòd nec præcepti obſeruatione ſe ſola effeciſſet (vt reipsa poſteri accepiſſent originalem iuſtitiam) nec de facto eiſdem præcepti tranſgreſſio ſe ſola fuit cauſa; vt amiſerint illam, manifeſtè ſiquidem patet nec obſeruationem illam habituram ex ſe, vnde originalis Iuſtitia communicaretur poſteris Adam; nec oppoſitam tranſgreſſionem habuiſſe de facto; vnde privati fuerint ea, ſuum illa ſortita fuiſſet effectum ex vi memoratæ translationis continentis ac connexionis, manifeſtatæ tamen primo à Deo Parenti in ipſa facta ſibi præcepti impoſitione; ex eodem etiam capite ſuum hæc de facto

ſortita fuit effectum.

Dixi manifeſtatæ tamen primo Parenti, tum vt inſinuarem ex vi prædictæ voluntatum translationis, & continentis aſſumptum, & inſtitutum fuiſſe à Deo Adam vniuerſalem totius humanæ propaginis fideiuſſorem, & operæ pretium per conſequens fuiſſe, vt manifeſtari ſibi debuerit hæc facta inſtitutio: tum quia non libenter acquieſco illorum ſententiæ, qui dicunt; quòd Deus pactum iniecit cum Adamo, cum pactum (ſi propriam pacti ſignificationem retineat) mutuum, cumque liberum paſſentium partium inuoluat conſenſum; quod non eſt dicendum de Deo infinitum rectè, ac omnipotentis habentis voluntatis imperium; nullatenus & nihil per conſequens indigente voluntatis creatæ conſenſu.

Quorſum Deus paciſci debuit, aut voluit cum Adam velut expectaturus ipſius conſenſum in pactum cum ipſo inieciendum, ſi ex vi omnipotentis infinite omnium creatarum voluntatum abſolutiſſimus Dominus eſt? Et ſi ex vi infinite rectitudinis voluntatis eius prima, & ſimpliciter prima regula eſt in actibus ſuis, atque idè cuiusque volito non minus bonitatem, quam rectitudinem

nem tribuens: non enim aliter Deus se habuit quantum ad hoc cum primo Parente, quàm cum reliquis totius naturæ intellectuales indiuiduis, quibus omnibus, & singulis ex supremo solius sue voluntatis imperio, nullo penitus ipsorum expectato consensu, vel beneplacito præcepta seruanda iniunxit; ita videlicet ut quantum ad præceptorum iniunctionem, tum Angeli, tum homines merè passiuè se habuerint: eos nihilominus sic reliquit in manu consilij sui, ut etiam positis omnibus, & singulis necessariò requisitis ad agendum, illam retinuerint propriæ libertatis in operando indifferentiam, qua reipsa, vel occurrens præceptum obseruando, vel actum omnem susponderent, vel actum obseruando præcepto positiuè oppositum producerent; si tamen per pactum initum à Deo cum Adam intelligatur (extenso vocabulo) manifestatio memoratæ Adami institutionis à Deo factæ, seu intimatio benè posset concedi, quòd inter Deum, & Adam aliquod intercesserit pactum, non quo velut expectaret Deus Adami consensum: sed quo innotescens ipsi Diuinum beneplacitum Diuinumque decretum, humiliter, ac reuerenter admitteret,

probarerque.

Deducitur secundò, quòd per seuerante statu innocentie Adamus moraliter influxisset in originalis Iustitiæ exhibitionem, & quòd de facto moraliter influxerit in peccati originalis transfusionem: patet, tum quia influxus à morali capite ut sic spectato dimanans nequit esse, nisi moralis; tum quia merendo influxisset in illum, in istam verò demerendo: quando quidem Deus originalis Iustitiæ largitionem, obseruationi; eiusdem, verò originalis Iustitiæ priuationem transgressionem connexerat præcepti Adamo facti.

Petes, an posterius Adam contrahant originale peccatum, ut naturalis & physice; an verò ut moralis & mystice, an verò ut vtriusquæ filiationis fundant relationes ad ipsum.

Ratio dubitandi est; quia in omnium sententia, Scoti præsertim, nunquàm homo intelligitur proximè, & immediatè potens contrahere peccatum originale, nisi ut constitutus naturalis filius Adæ: ergo non contrahit originale peccatum, nisi ut naturalis, & physice filiationis relationem fundans ad ipsum.

Contrà tamen est, quia si præceptum de non comedendo de ligno



ligno scientiæ boni & mali Adamo iniunctum, nullum dixisset respectum ad propagandos ex ipso; ergo nullum etiam dixisset respectum ad ipsos illius transgressionis, ergo omnino per accidens, & impertinenter respexisset eos, ergo nulla penitus ratione peccante Adamo peccauissent & ipsi in illo, ergo non ut solam, & nudam naturalis & physiciæ relationem filiationis fundans ad Adam originalis peccati maculam humanam proles contrahit ab illo in instanti animationis, ergo necessario asserendum est: quod ut aliam insuper relationem moralis videlicet cuiusdam filiationis, vel alterius moralis etiam connexionis eius cum illo fundans ad Adam, contrahit illam. Omnia patent ex terminis ipsis.

Et ut breuibus omnia perstringam; dico omnino asserendum est secundum Catholicam Fidem propagandos ex Adam, ut originalis peccati maculam contrahentes ab ipso, nedum quatenus physicum: verum insuper & ut morale caput non quomodolibet, sed necessario pariter, & principaliter respicere illam, necessario (inquam) quia intelligibile est posse ipsos contrahere ex Adam originale peccatum;

nisi quatenus mysticorum eius membrorum connexionem habentes cum illo, ut à Deo eorumdem membrorum morali capite constituto. Principalius (inquam) etiam, quia ut infra latius explicabitur, & si naturalis, & physiciæ posterorum eius filiationis relatio ad eum, ut ad caput physicum originalis peccati contractionem, necessario etiam concernat; non tamen ut formalis, sed ut materialis ratio dumtaxat.

Dicti respectus necessitas nedum manifestius ex Tridentino, morale suorum posterorum caput à Deo fuisse Adam constitutum asserente; verum etiam, & naturali ratione liquefit. Eam euidenter exprimit Tridentinum, dum sess. 5. in decreto de peccato originali Can. 2. definit: *Adam Diuini præcepti transgressionem non sibi soli, sed & nobis etiam acceptam à Deo sanctitatem, & Iustitiam perdidisse*; meridiana luce clarius supponens fuisse Adam morale propagandorum ex ipso, caput à Deo constitutum: alias etiam naturaliter intelligibile omnino est sua præuaricatione Adam, & sibi, & nobis etiam acceptam à Deo sanctitatem, & Iustitiam perdidisse. In cuius enim mentem poterit unquam veni-



venire ut nulla existente in nobis cum illo, ut cum morali nostro capite à Deo constituto, connectione esse potuerit causa; cur non sibi soli, sed & nobis simul acceptam à Deo sanctitatem, & iustitiam perdiderit? ut aliena, prævaricatio fieret nobis propria, imputabilis, demeritoria, &c.

Eiusdem etiam respectus principalitas in eo, quod ipsi tribui debeat jus essendi filij, ratio cur propagandi ex Adam contrahant ab ipso maculam originalis peccati, facili negotio innotescet inspicientibus differentiam inter utrumque respectum quantum ad esse, & non esse formalem, rationem contractionis peccati originalis intercedentem. Differentia, quæ inter duos respectus in hac parte mediat, manifesta est: nam si solus ponatur in propagandis ex Adam respectus naturalis, & physice filiationis ad ipsum, seu solus ponatur in illis respectus ad Adam, ut ad physicum dumtaxat caput eorum; omni penitus moralis capitis ad ipsum semoto respectu non habent, unde contrahere debeant vel possint maculam originalis peccati: quod nedum verissimum, est absolute loquendo de humana propagine absolute & ut sic,

nisi dicere velis naturalem hominum propagationem ex intrinsicis suis habere; ut sit transfusiva, & reipsa transfundat in illos originale peccatum, & habere per consequens ex eiusdem intrinsicis, ut libidinosa existat, quod quam ab omni veritate alienissimum sit, nemo non videt: manifestius enim sequeretur inde non esse libidinosa ex carentia iustitiæ originalis, & sequeretur præterea in statu innocentie fuisse ipsam originalis peccati transfusivam, quod est omnino hæreticum. Cum expressissime contradicat Apostolo dicenti: *Per unum hominem peccatum intravit in Mundum,* &c.

Sed esset insuper verum de illa, etiam ut post lapsum Adami spectata, si præceptum ipsi à Deo iniunctum nullum penitus dixisset ordinem ad propagandos ex eo; seu nulla penitus facta fuisset de illis in pacto inter Deum & Adam inito, seu quod non fuisset tunc Adam constitutus morale caput & fideiussor propagandorum ex ipso: sed sibi dumtaxat impositum præceptum nullo penitus habito ad posteror eius respectu, tunc in hac hypothese quantumvis propagatio Adami fuisset libidinosa, non fuisset.

fuiſſet tamen originalis peccati transfuſiua in poſteris; ex eo nihilominus quòd ex proprio eius peculiari peccato fuiſſet infecta, maculaſſet illos morali quodam macula, non tamen ad vituperium imputabili, quia non ex proprio ipſorũ, ſed alieno dumtaxat peccato, ac demerito dependenti, & transfuſo in illos. Hæc pro nunc.

### DIFFICULTAS.

*An ſicut ſolum Adami peccatum eſt cauſa principalis transfuſionis peccati originalis, ita etiam ſola generatio & propagatio ex ipſo ſit inſtrumentalis cauſa eiſdem transfuſionis, ſola (inquam) per excluſionem generationis & propagationis ex Eva?*

**M**onemus, quòd & ſi Adami dumtaxat peccatum cauſa principalis ſit transfuſionis peccati originalis, ut ex Tridentino liquet cum ſeſſ. 5. in decreto de peccato originali can. 2. & 3. tũ ſeſſ. 6. cap. 1. can. 3. 4. & 7. cuius ea eſt ratio à priori; quia ſolus Adamus conſtitutus fuit caput omnium poſteriorum ipſius, quia ipſi ſoli ante formationem Euz, ut patet cap. 2. Geneſis, datum & iniunctum fuit

præceptum non comedendi de ligno ſcientiæ boni & mali: ut propterea dixerit Apoſtolus Romanorum 5. *Per unum hominem peccatum intrauit in Mundum &c.* Inſtrumentalis verò cauſa eiſdem transfuſionis eſt naturalis generatio, ſeu propagatio ut in eodem Tridentino liquet ubi ſuprà ſeſſ. 5. in decreto de peccato originali can. 2. dicente: *Si quis hoc Ade peccatum, quod origine unum eſt, & propagatione, non imitatione transfuſum in omnibus &c.* Et Can. 4. ubi dicit: *Ut in eis regeneratione mundetur, quod generatione contraxerunt &c.* Et ſeſſ. 6. cap. 3. ubi inquit: *Nam, ſicut reuera homines niſi ex ſemine Ade propagati naſcerentur, non naſcerentur iniuſti cum ea propagatione per ipſum, dum concipiuntur propriam luſtitiam contrahant &c.*

Duabus hiſce Catholicis veritatibus ſuppoſitis examinandum & inquirendum occurrit nunc, an ſicut ſolus Adam eſt principalis cauſa transfuſionis peccati originalis; ita etiam ſolus ipſe ſit cauſa inſtrumentalis transfuſionis, vel an ſicut ſolum peccatum Adami eſt principalis cauſa transfuſionis peccati originalis: ita etiam ſola generatio & propagatio ex ipſo ſit inſtrumentalis cauſa eiſdem transfuſionis

fionis; solam, inquam, per exclusionem generationis & propagationis ex Eva.

Ratio dubitandi est, quia Tridentinum loco citato sess. 6. can. 3. videtur expressè reuocare & limitare causam instrumentalem ad solam Adami propagationem, dum inquit: *Nam sicut reuera homines nisi ex semine Adæ propagati nascerentur, non nascerentur iniusti cum ea propagatione per ipsum; dum concipiuntur, propriam iniustitiam contrahant &c.*

In quibus si primò expendantur priora verba, quibus dicitur nunquam homines nascituros iniustos, nisi nascerentur propagati ex semine Adæ; & deindè expendantur subsequentiâ; quibus redditur causa, & asseritur homines per eam ex semine Adæ propagatione propriam contrahere iniustitiam statim apparebit instrumentalem causam transfusionis peccati originalis de mente Tridentini omninò reuocari & limitari ad solam Adami propagationem; ergo omninò excludenda est ab huiusmodi causæ instrumentalis consortio generatio, seu propagatio ex Eva.

Et ut intelligeremus expressè memoratam causam instrumentalem ad solam limitari & restringi Adami propagationem,

addidit Concilium particulam (*per ipsum*) manifestiùs docere intendens per eam voluisse loqui de propagine absolute: sed de tali particulari propagine, nempe Adami, nè si eam absolute sine limitatione restringente particulam (*per ipsum*) expressisset, potuisset nobis in mentem venire, comprehendere voluisse sub ea utramq; simul propagationem ex Adam & Eva. Evidentiùs innotesceret nobis præfata limitatio, si *ly ipsum* non referat Adam: sed semen ipsius sicut longè probabiliùs referre debet semen, quàm Adam; quia propagatio semini potius tribuenda est, quàm Adamo, qui post seminis decisionem in vterum mulieris longè abest à prolis propagatione, quando semen decisum immediatè adhæret illi, eam propria afficientia promouendo, eamque omnibus suis numeris absoluendo: euidentiùs (inquam) innotesceret nobis, quia propagatio relata ad semen Adami longè magis specificatur, & exprimitur esse soliùs Adami, quàm si referatur ad ipsum Adamum; quia semen principium quo, Adam verò principium quod propagationis imporrat.

Contrà tamen est, quia Psal-

mo 50. dicitur: *Et in peccatis concepit me Mater mea &c.* quibus expressè fatetur Propheta Matrem influere in transfusionem originalis peccati, & non alia ratione, quàm per conceptionem, vt manifestius liquefeit ex verbo, *concepit*.

Saluo semper meliori iudicio, & submittendo me correctioni Sanctæ Matris Ecclesiæ Catholicæ Romanæ, puto respondendum esse omninò affirmatiuè propositæ difficultati, ac dicendum; quòd quantumuis sola præuaticatio Adami sit principalis causa transfusionis peccati originalis in posteris, neutiquàm tamen sola ipsius generatio, seu actio generatiua est instrumentalis causa eiusdem transfusionis: quasi verò nihil commune habeat cum eadem causa instrumentali maternus influxus in eadem prolis generatione (siuè passiuus, siuè actiuus non curo pro nunc, quia inferiùs examinabitur) an supposito, quòd maternus mulieris influxus in prolem sit instrumentalis causa actiuæ generationi paternæ in transfusione originalis peccati, debeat esse actiuus sicut paternus: & hoc non simpliciter & absolute, quia si teneatur passiuum etiam principium esse posse in-

strumentum morale transfusionis, non debet moralis iste influxus limitari ad solam generationem actiuam.

Hæc conclusio efficaciter probatur præmisso testimonio Psalmi 50. *Et in peccatis concepit me Mater mea &c.* Et quàmuis Augustinus sequens Versionem septuaginta Interpretum legat: *Et in peccatis aluit me in vtero Mater mea &c.* omninò nihilominus standum est lectioni vulgatæ, cui standum esse Tridentinum docet sessio 4. in decreto de conscript. hoc tamen non obstante, si memorata Augustini lectio attentè (vt par est) consideretur, tantum abest; vt contraria sit positæ conclusioni, vt potius eam efficaciter confirmet: nam per hoc quod Propheta fatetur se nutritum fuisse à Matre in peccatis intra vterum, exprimere contendit perseuerantiam & existentiam ipsius in ijs iniquitatibus, in quibus præmiserat se conceptum fuisse; hinc probare intendens non esse indignum, immò potius dignum miseratione Diuina, quia non solum conceptus fuerat (à Matre subintellige) quia Matri semper, nunquàm verò Patri attribuitur conceptio, vt patet in *iniquitatibus*; verum etiam & nutritus fuerat

intra vterum à Matre in eisdem peccatis, in quibus ab ea conceptus fuerat; hoc est: *Ideò, Domine, dignus sum ut mei miserearis secundum magnam misericordiam tuam, & secundum multitudinem miserationum tuarum deleas iniquitatem meam; quia nedum conceptus fui in iniquitatibus à Matre mea, verùm etiam & nutritus fui ab ea in illis intra vterum; hoc est, quia nedum ex vi conceptionis iniquitates contraxi in ipso primo instanti conceptionis mea, verùm etiam & toto tempore quo extiti intra vterum; immò extra vterum usque ad circumcisionis susceptionem. Quasi dixerit, & natiuitas mea in vtero, & natiuitas extra vterum fuit usque ad tempus circumcisionis suscipiendæ.*

Nec obstat, quòd Propheta, dixerit prius absolūtè, nulla facta Matris suæ mentione: *Ecce enim in iniquitatibus conceptus sum, quia (ut præmissum est) necessariò subiutelligendum est à Matre mea; quia ex communi loquentium vsu ex propria etiam eius significatione, & ut demùm innumeris sacræ Scripturæ testimonijs liquescit, actio conceptina seu concipere solis tribuitur mulieribus seu Matribus, nullatenus autem viris: Ecce Virgo concipiet, & pariet filium;*

*inquit Isaias. Ecce concipies in vtero, & paries filium;* ait Gabriel Angelus Mariæ. Patet igitur quàm efficaciter, iminò etiam quàm expressè probatur conclusio ex præmissis Prophetæ testimonio, etiam admissa, memorata Augustini lectione, ratio fundamentalis est; quia etiam in priori parte versiculi, vbi Propheta inquit: *Ecce enim in iniquitatibus &c.* omninò necessariò subiutelligendum est à Matre mea, cuius statum posteriori parte meminit dicens: *Et in peccatis concepit me Mater mea,* velut Augustinus legit; Et in peccatis intra vterum aluit me Mater mea.

Verùm vulgatæ lectioni insistentiò, ac paulò attentius eam exprimentes dicimus; quòd cum Propheta in eo totus sit ibi, ut Deum ad misericordiam & compassionem etiam inclinet: indè præsertim id à Deo consequi sperat, si motiua quibus facilè ad misericordiam & compatiendum inclinetur, ipsi proponat & maximè illud, quod ex difficultate ad bonum, & pronitate ad malum quod simul cum originali peccato contraximus, petitur; & idèd inquit: *Ecce enim in iniquitatibus conceptus sum, & in peccatis concepit me Mater mea &c.* Quasi dicere apertè.



voluerit; Dignus sum, Domine, ut nedum misereatis: verum etiam & ut compatiaris mihi in tot actualia lapsu; quia ecce in iniquitatibus conceptus sum, & in peccatis concepit me Mater mea &c. Id est & hoc idem, quia ecce, hoc est: Quoniam optime nosti, quod in iniquitatibus conceptus sum; quoniam (inquam) contrahens ex vi conceptionis mea iniquitatem, & culpam originalem multas alias cum ipsa contraxi iniquitates, non tantum quae sunt formaliter culpa: sed quae primae iniquitatis effectus, ac paene dumtaxat existunt. Optime (inquam) nosti, quia ex vi conceptionis mea nedum accepi naturam originali Iustitia spoliata; verum etiam & per, & cum eiusdem Iustitia nuditate ipsam eandem naturam nonnullis, iisque grauioribus, sauciata vulneribus atque adeo valde debilitatam ad bonum, & maxime inclinatam ad malum.

Et subiungens inquit: Et in peccatis concepit me Mater mea &c. Quod idem est, ac si dixerit; ne dum optime nosti, quod in iniquitatibus conceptus sum; verum insuper optime nosti, quod in peccatis concepit me Mater mea; hoc est, nedum (Domine) substantiam mea conceptionis in iniquitatibus, verum etiam & eam valde notabilem

circumstantiam; quod videlicet Mater mea concepit me in illis, tibi ob oculos inspiciendam propono: hoc est, Vide Domine, & considera; quod ea ratione conceptus sim in iniquitatibus, & in iis conceperit me Mater mea; id est, ut illo eodem numero materna generationis influxu, illa eadem omnino inuariata generatione materna, qua in primo conceptionis instanti communicata mihi fuit natura, simul memorata etiam communicata fuerunt iniquitates, fuxi non cum lacte materno, sed ex materna generatione cum ipso esse & natura originale peccatum, & vulnera eiusdem natura ab ipso inflata. Patet igitur quam disertè, quam. que ex intento Propheta expresserit, quod ex influxu conceptionis maternae originale peccatum, originalisque peccati contraxerit effectus.

Solum posset hic fieri difficultas; cur Propheta supposito quod (Patris etiam generatio influat instrumentaliter in originalis peccati transfusionem) suppressa paterna generatione, maternae dumtaxat conceptionis meminert, & cur Matris conceptionem potius quam generationem expresserit.

Omittendo pro nunc ea, quae hic fusius dici possent de differ-



rentia inter conceptionem, & generationem intercedente; respondeo breuiter ad propositam difficultatem, & dico: quòd in eo totus esset Propheta, vt in considerationem Deum adduceret se in ipso primo instanti sui esse, constitutum fuisse in peccatis, illo ipsi vtendum fuit vocabulo, quo sine vllo scrupulo vel tergiuersione significaretur, & exprimeretur primum instans sui esse, quòd sine vlla controuersia est nomen (conceptio) vel verbum concipere: non enim ita determinatè ex vi significationis generatio, sicut conceptio primum exprimit instans existentie prolis; nam communiter conuenit, licet tantum abusuè extendi generatio vsque ad natiuitatem ex vtero: solemus enim quandoquè confundere etiam parturitionem ipsam cum generatione, dicentes exempli gratia; Mater, quæ me genuit, hoc est peperit, lactauit me: conceptio tamen nè absolute quidem extendi potest ad primum instans conceptionis tempus permanentionis in vtero, & multò minùs egressionis ex vtero; vt manifestè patet ex vi significationis ipsius.

Optimè nihilominus (& sit hæc secunda responsio) potest

extendi Conceptio ad omnes actiones, quæ circa foetus efformationem contingunt toto tempore antecedente instans infusionis animæ in corpus vsque ad seminum decissionem & cõmixtionem inclusiue; quæ commixtio non abusuè, sed meritò vocari consuevit à Scholasticis conceptio, sic inter alios vocat eam Scotus in 3. dist. 3. quæst. vnic. in responsione ad vltimum prope finem; si igitur conceptio sumatur in suo conceptu adæquato & extemplo, vt videlicet comprehendit nedum animæ rationalis infusionem in corpus organicum; verum etiam & omnes præcedentes actiones vsque ad seminum decissionem & commixtionem, cum hæc omnia contingant & fiant in vtero Matris, Matre ipsa & proprii seminis suiue ipsius actiuitatis in foetus efformationem, seu corporis organizatione influente: Pater verò per solius emissi seminis efficientiam agente, statim liquecet, quòd longè magis foetus efformatio pendet à Matre, quàm à Patre; ergo meritò Dauid hunc Matris maiorè influxum, qui soli Matri congruit, & non Patri: quantumuis Pater per semen emissum in vterum Matris coagat Matri concipienti,

pienti, quàm minorem generationem Patris expresserit; dum dixit: *Et in peccatis concepit me Mater mea.*

Posset etiam esse tertia responsio ex eo, cum dubium sit; an semen perseveret usque ad instans generationis inclusivè & certum sit ex alio capite, quod corruptio etiam semine Matris perseveret in esse vegetativa potentia Matris: quæ etiam de mente aduersariorum activa est, saltem respectu materię propagandæ & subministrandæ, posset dici quod Mater efficienter dumtaxat attingat productionem compositi; & inde factum est, ut Propheta maternumpotius quàm paternum influxum exprimere voluit dicendo: *Et in peccatis concepit me Mater mea.* Secunda, & tertia responsio ex Scoti doctrina euidenter desumitur in 3. dist. 4. quæst. vnica, §. *Sed hic est vnum.*

Secundò probatur eadem veritas ex Tridentino sess. 5. in decreto de peccato originali Can. 4. vbi ex illa regula fidei Romanorum 5. *Per vnum hominem peccatum intravit in Mundum, & per peccatum mors; & ita in omnes homines mors pertransiit, in quo omnes peccaverunt, &c.* Et ex Apostoli doctrina docet; Ideò

paruos, qui nihil peccatorum in seipso connectere potuerunt, in remissionem peccatorum veraciter baptizari, ut in eius regeneratione mundetur, quod generatione contraxerunt. Via igitur & instrumentum contractionis peccati originalis est generatio, sed Mater est principium necessarium generationis filij, & reipsa simul cum Patre generante generat filium; ergo filius accipit esse per vtriusque Parentis generationem, ergo filius trahit originale peccatum per vtriusque Parentis generationem. Minor (physicè loquendo) evidens est euidencia oculari, theologicè verò est certa certitudine fidei Catholicæ, cum quia infinitiès ferè exprimitur filios genitos à suis Matribus; cum quia specialissimè id exprimitur ibi de Sanctissima Virgine Deipara, ut patet Lucæ 1. *Ecce concipies in utero, & paries filium, &c.* Et infra: *Quod enim ex te nascetur, Sanctum, &c.* Et Mathæi 1. *De qua natus est Iesus, qui vocatur Christus, &c.* Et inferius: *Quod enim in ea natum est, de Spiritu Sancto est.* Dicitur enim ibi, quod peperit filium suum primogenitum; & multotiès dicitur etiam Mater. Conciliari præcipuè Ephesinum. Ecclesia Catholica, & ynanimi-  
ter

ter omnes Patres docent, asserunt ac fatentur Sanctissimam Virginem Mariam esse verè, & propriè Dei Genitricem. Prima consequentia patet, nec non etiam secunda; quia secundum fidem Catholicam, & communiter Patres ac Scholasticos peccatum originale communicatur proli simul cum natura humana; sed natura humana communicatur illi per generationem; ergo per generationem communicatur etiam ipsi originale peccatum.

Confirmatur hoc, quia Concilium non distinguit ibi de hac, vel illa generatione Patris videlicet, vel Matris; sed indistinctè loquitur de generatione, quatenus communi nomine generationis utramque comprehenderat generationem, & paternam, & maternam. Hic tamen posset inquiri de qua generatione loquitur Concilium, an videlicet loquatur de actiua generatione Parentum; an verò de passiva filij geniti, an potius de generatione ut est actio, an verò ut est passio.

Ad hanc difficultatem breuiter dicitur nullatenus ibi loqui Concilium de generatione; quæ est relatio producentis ad productum, & producti ad producentem; quia huiusmodi relationes præsupponunt generationem actio-

nem, & generationem passionem; quia secundum communiter Philosophos relatio paternitatis, quæ idem est ac generationis actiue relatio fundata super genuisse, & relatio filiationis; quæ idem est, ac relatio generationis passiuæ. Fundatur super genitum esse, sed secundum Scoti doctrinam in quarto utraque fundatur supra existentiam producentis; si sit relatio generationis actiue producti, si sit relatio productionis passiuæ; inquit enim Scotus esse impossibile permanentem relationem, sicut est relatio paternitatis & maternitatis, seu generationis actiue & relatio filiationis, seu generationis passiuæ fundari immediate super entitatem desinentem, qualis est actio generatiua, & passio sibi correspondens; actio siquidem & passio maximè in productione termini substantialis non perseverant in esse, nisi dum durat substantialis termini productio; atque idè si altera memoratarum relationum immediate fundaretur super generatione actione, & altera super generatione passione, non perseverarent in generante genito; sed statim desinerent esse desinentibus immediatis ipsarum fundamentis, ut patet. Scotus verò ubi suprà licet asserat, quòd relationes gene-

nerantis & geniti supponant actionem & passionem ; supponunt tamen eas sub alia ratione, quàm sub ratione fundamenti : sed quid quid de ratione , sub qua supponunt eas , illud est certissimum in omnium Philosophorum & Theologorum sententia , vno fortasse Scoto excepto , cuius tamen mentem infra (si tempus licuerit) aperire conabimur, quòd naturaliter supponunt illas ; ergo relatio filiationis seu generationis passionis naturaliter supponit existentiam geniti, ergo naturaliter etiam supponit genitum cum originali peccato, ergo non est intelligibile quòd contrahat illud per relationem generationis passionis, ergo Concilium non intelligit per generationem, quæ docet contrahi peccatum originale , relationem generationis passionis in contrahente . Duæ ultimæ consequentiæ patent, prima etiam patet ; quia si relatio generationis passionis naturaliter supponit generationem passionem, necessariò supponere debet naturaliter etiam generationem actionem , per quam ponitur in esse hic homo , & quæ est simul natura cum generatione passionis : & secunda consequentia, etiam patet, quia Catholica fides docet , quòd hic homo concipi-

tur sine iustitia originali ; ergo cum peccato originali , quod nihil aliud est nisi carentia originalis iustitiæ . Hoc intellige cum grano salis, aliàs dixi in quo consistat ratio formalis peccati originalis .

Nec videtur , quòd per generationem intelligat Concilium generationem passionem, quia naturalis filius Adæ non propriè concipitur contrahens originale peccatum per generationem passionem ; ergo Concilium per generationem non intelligit generationem passionem . Consequentia patet , antecedens probatur ; per id propriè & formaliter concipitur contrahens originale peccatum , per quod propriè & formaliter concipitur contrahens vel accipiens à Parentibus naturam humanam : sed non propriè nec formaliter concipitur contrahens, vel accipiens à Parentibus naturam humanam per generationem passionem ; ergo nec propriè nec formaliter concipitur contrahens originale peccatum per generationem passionem . Maior patet, quia ad contractionem siuè acceptionem naturæ contrahitur velut accipitur etiam originale peccatum : minor etiam patet manifestè, quia generatio passio non est productiva seu communicati-

ua naturæ humanæ; ergo non propriè nec formaliter concipitur naturalis filius Adæ contrahens & accipiens per ipsam esse humanum. Consequentia patet; antecedens etiam patet; quia sola generatio actio est productiva & communicativa naturæ humanæ, ergo per ipsam dumtaxat naturaliter propagatus ex Adam propriè, & formaliter concipitur contrahens originale peccatum, ergo de generatione hac actione loquitur Concilium ubi suprâ, quando dicit: *Vt in generatione mundetur, quod generatione contraxerunt.*

Potest hæc veritas indè efficaciter confirmari, quia taliter accipi debet corporalis generatio in contrahente originale peccatum; qualiter accipitur spiritualis regeneratio in recipiente Iustitiam baptismalem: sed spiritualis regeneratio actiue accipitur in recipientibus Iustitiam baptismalem; ergo corporalis etiam generatio actiue accipi debet in contrahente originale peccatum. Maior patet ex oppositione corporalis generationis ad spiritua-lem regenerationem, & econtrâ quia oppositorum eadem est disciplina. Minor etiam patet, quia spiritualis regeneratio omnino actiue se habet in recipiente

baptismalem Iustitiam; ergo omnino actiue accipienda est. Consequentia patet, nec non etiam antecedens; quia ex Tridentino sess. 6. cap. 7. spiritualis regeneratio, quæ fit per Sacramentum Baptismi, est instrumentalis causa iustificationis impij, cui quando non competat physica; moralis saltem competere debet causalitas respectu eiusdem iustificationis, quæ moralis causalitas in omnium Scholasticorum sententia (Scoti præsertim) ad genus causæ efficientis reducit, & pertinet; nec apparet quo pacto tribui possit regenerationi passivæ virtus regenerantis, seu effectus potius rationem habeat, quàm causæ. Pœnitentiæ etiam Sacramentum in absolutione consistit activa Sacerdotis, non passivæ pœnitentis. Videas Scotum in 4. distinct. 24. quæst. 4. sub lit. A. Id ipsum etiam docendum est de oratione consecratoria conversivæ substantiæ panis in substantiam corporis Christi Domini, & de reliquorum etiam Sacramentorum efficientia, seu causatione.

Dices, generatio activa non mediat inter substantiam gignentis, & substantiam geniti; ergo non est via ad terminum genitum, ergo non est productiva  
sub-



substantiæ filij, ergo nec etiam transfusiua peccati originalis in ipsum. Omnes consequentiæ patent, antecedens est Scoti, qui perpetuò sustinet ad absolutum in causa immediatissimè sequi absolute in effectum; ita docet præcipuè in primo distinct. 43. quæst. vnica sub lit. C. & nono libro Methaph. quæst. 5. num. 4. & in 3. distinct. 15. quæst. vnica sub lit. B. sed fusiùs in 2. distinct. 1. quæst. 2. sub lit. E. manifestè etiam in primo distinct. 35. quæst. vnica sub lit. E. in 3. etiam distinct. 8. quæst. vnica sub lit. H. Ibi enim docet nil penitus, nè ipsam quidem causationem mediare inter absolutam entitatem causæ, & absolutam entitatem effectus, inquirens causam secundum illud idem præcisè & omninò inuariatum absolutum, non primò ponere in esse absolutam præcisè causati entitatem, secundum quod antecedenter ad productionem effectus erat causatiua illius in actu primo.

Probatur etiam ratione petita in eiusdem Scoti doctrina in 4. distinct. 12. quæst. 3. §. *Hic est primò*, &c. ubi mordicus defendit, accidens nec ipso solo nec in virtute substantiæ posse producere substantiam; & si huiusmodi causalitas denegetur accidenti abso-

luto, à fortiori deneganda est accidenti respectiuo, quod est omninò de genere steriliū: sed ex eodem Scoto in 4. distinct. 13. quæst. vnica sub lit. B. actio est accidens respectiuum, ergo omnis penitus eliminatur ab ipsa causalitas, vel ratio causandi substantiam; ergo actio non mediat inter absolutam entitatem causæ, & absolutam entitatem effectus, ergo nec actio generatiua mediat inter absolutam entitatem generantis, & absolutam entitatem geniti. Prima consequentia patet, nec non etiam secunda; quia si non mediat vt formalis ratio causandi simpliciter non mediat. Tertia patet ex terminis.

Probatur tertio illud antecedens per rationem à priori tali pacto; actiua generatio necessariò necessitate simpliciter præsupponit inesse absolutam filij entitatem; ergo nullatenus generatio actiua poterit esse formalis ratio producendi absolutam filij entitatem. Consequentia probatur, generatio actiua est formaliter entitas respectiua; ergo necessariò necessitate simpliciter supponit inesse absolutam filij entitatem. Antecedens nonnullis rationibus iisque efficacissimis, nè dicam euidentibus, probatur à



Scoto in 4. distinct. 13. quæst. 1. sub lit. B. Consequentia patet, quia in omnium sententia entitas respectiva adeò essentialiter dependet in suo esse ab extremis, ut nè de potentia Dei quidem poni valeat in rerum natura independentem ab illis; euidenter colligitur ex Scoto in 4. distinct. 12. quæst. 1. sub lit. D. & quæst. 2. sub lit. M. ergo entitas respectiva simpliciter necessario præexigit ad sui esse existentiam extremorum; ergo omninò impossibile est, quòd extremorum positio in esse dependeat ab entitate respectiva ipsis superueniente, ergo impossibile est, quòd positio absolutæ entitatis filij quomodolibet pendeat ab actiua Patris generatione, ergo impossibile est, quòd actiua Patris generatio sit formalis ratio producendi absolutam filij entitatem. Prima, secunda, & quarta consequentia patent: tertia etiam patet, quia simpliciter necessario assignari debet pro altero extremo generationis actiue (nempe terminus) absoluta filij entitas vel existentia; cum non sit excogitabilis aliqua alia entitas, quæ possit esse terminus, illius.

Aduertendum est hic, quòd & si relationis dependentia non esset ynniformis ab utroque ex-

tremo; sed essentialiter esset magis à termino, velut quæ competit relationi in primo modo dicendi per se, quàm à fundamento, quæ competit ipsi in secundo modo dicendi per se; uti docet Mayronius, & non benè in 4. distinct. 12. quæst. 3. artic. 2. in fine; in veriori tamen sententia Scoti in præcitatis locis quart. dist. 12. quæst. 1. sub lit. D. & quæst. 2. sub lit. M. est æquè essentialis ab utroque extremo, quia est essentialiter habitudo & ordo inter utrumque, quæ essentialiter exigit per consequens id, cuius sit, & ad quod sit.

Nonnulla etiam inconuenientia ad impossibile ducentia manifestè inferuntur, nedum ex naturali prioritate; verùm etiam ex naturali similitudine relationis, vel cuiusvis alterius entitatis respectiue cum hoc vel illo extremo, vel cum utroque. Ea colligit, & deducit noster Pater Franciscus Lichetus in 2. distinct. 1. in declaratione responsionis ad secundum principale, ubi benè Scoti sententiam explicat defendens ad aures ipsius actionem, quæ formaliter est de genere actionis, non esse formalem rationem producendi terminum, nec esse quomodolibet priorem hoc vel illo extremo, nec utroque: sed om-

omninò naturaliter posteriorem utroque, benè insuper explicans quomodò intelligi debeat commune illud dictum, agens actione agit.

Hanc igitur Scoti sententiam amplectendo, quòd omninò videlicet immediatè per exclusionem cuiuslibet entitatis absolutæ & respectivæ mediantis ad absolutam in causa sequatur absolutam in effectu, idest quod ille idem actus primus causæ absolutus, seu qui secundum proprium esse absolutum erat in esse quieto productivus talis effectus, sit qui nunc nulla penitus superaddita, seu superveniente, ipsi nova entitate absoluta, vel respectiva immediatissimè ponat in esse absolutam entitatem effectus. Respondendum est, ac declarandum quod igitur intelligat Tridentinum per generationem, quando sess. 5. in decreto de peccato originali Can. 4. inquit, ac docet: *Vt in eis regeneratione munderetur, quod generatione contraxerunt*; eò vel maxime quia superiùs docuimus activam Parentum generationem simul esse communicativam Petro humanam naturam & transfusivam cum ea in ipsum originalem Iustitiam: nam si activa Parentum generatio nullatenus produ-

ctiva sit humanæ naturæ in Petro non apparet, quo pacto transfusiva sit, & reipsà transfundat in ipsum culpam originalem, nec apparet quomodò saluari possit doctrina Concilij asserentis; *Generatione trahi à propagatis ex Adam originale peccatum*.

Et si prima fronte præmissa, Scoti doctrina parùm cohærere videatur memorato Concilij testimonio; si tamen attentius consideretur, quæ sit mens & intentio Concilij & doctrina de originali peccati transfusione per generationem, statim apparebit quàm benè cohæreat Scoti doctrina doctrinæ Concilij.

Ad cuius evidentiam aduertendum est eam perpetuò fuisse, nedùm Tridentini; verùm etiam & Arausicani & Milevitani Conciliorum mentem, ut docerent & reipsà docent, ac definiunt peccatum originale transfundi in omnes & singulos posteros Adam & transfundi in illos per generationem; hoc est simul cum ipsius naturæ humanæ communicatione in primo instanti conceptionis ipsorum per generalem propagationem, seu per seminalem rationem effecta, idque & non aliud exprimere voluit, & reipsà expressit Tridentinum, quando dixit: *Vt in eis regenera-*

*tionem mundetur, quod generatione traxerunt; quia in hoc proprie & formaliter consistit veritas Catholica ad originalis peccati transfusionem attinens, ut videlicet firmiter credamus omnes & singulos homines per naturalem propagationem seu feminalem rationem descendentes ex Adamo, originalem contrahere labem in primo instanti conceptionis ipsorum. Hanc eandem Catholicam veritatem sic explicatam disertis verbis declarat & exprimit idem Tridentinum sess. 6. cap. 3. dum inquit: Nam sicut reuera homines, nisi ex semine Ada propagati nascerentur, non nascerentur iniusti cum ea propagatione per ipsum; dum concipiuntur, propriam iustitiam contrahunt, ista, &c.*

En quàm distinctè & formaliter hic explicat, quod indistinctè & virtualiter expresserat ubi suprà sess. 5. in decreto de peccato originali Can. 4. circa transfusionem & contractionem originalis peccati solius generationis nomine; expressè quidem hic, & formaliter hanc originalis peccati transfusionem & contractionem declarans, inquit: Sicut reuera homines, nisi nascerentur propagati; hoc est nisi suam traherent originem & propagationem ex

*semine Ada; idest per feminalem rationem ex Adam, non nascerentur iniusti; cum subnectit Concilium ea propagatione, hoc est per feminalem rationem ex Adam descendens vel effecta propriam contrahant iniustitiam, dum concipiuntur; idest in primo instanti ipsorum conceptionis, quando ex vi præfatæ propagationis fiunt, suntque naturales filij Adam, & infecti per consequens labe originalis peccati.*

Manifestè igitur Concilium docet originalis peccati transfusionem in posteros Adam fieri per naturalem ipsorum descendentiam ex Adam; sed non moralem utcumque, sed naturalem; quia ex vi naturalis propagationis, seminalisque rationis effectam ex Adam; effectum (inquam) non in alia temporis differentia, quàm in ea dum concipiuntur, hoc est quàm in primo instanti conceptionis propagatorum ex ipso. Hæc omnia simul vnico generationis vocabulo velut virtualiter expressit Concilium, dum dixit: *Ut in eis regeneratione mundetur, quod generatione contraxerunt.*

Dummodò igitur hæc omnia; quæ nunc ex Tridentino ad originalis peccati transfusionem ne-

cessario spectantia, & concurrentia; nempe quod peccati originalis transfusio in posteros Adam per naturalem descendentiam ab ipso, & hoc non quomodocumque; sed vi seminalis rationis, & naturalis propagationis ex ipso; ea tamen lege ut transfusio & contractio originalis peccati non in alia temporis differentia contingat, quam in primo instanti conceptionis propagatorum ex Adam; si (inquam) hæc omnia consistent, saluum etiam consistet omne id quod necessario in hac parte, vel ex hoc capite ad Catholicam de originalis peccati transfusione in posteris Adam veritatem attinens est. Nec apparet unde suspicari possit, quod non ubique, aut adæquatè salua non consistent omnia, quæ pro exacta originalis peccati transfusione enumerata sunt; si dicatur, quod generatio actiua non sit productiua humanitatis, seu naturæ humanæ in Petro, quia ex hac sententia nec per somnium quidem sequitur, exempli gratia, non descendere ex Adam per naturalem propagationem ac seminalem rationem: nam hoc supponitur tanquam certissimum, & verissimum tantummodò inquiritur; an generatiua seminis vis seipsa immediatè, an verò

media aliqua actione in prolis productionem erumpat, illamque ponat in esse.

Negans Scotus in vniuersum actionem mediam inter absolutum in causa & absolutum in effectu, & vniuersaliter etiam affirmans omnimodam immediationem inter absolutum in causa, & absolutum in effectu; negat consequenter omnem actionem mediam inter absolutam seminis entitatem, & absolutam prolis entitatem, & affirmat per consequens omnimodam inter absolutam vtriusque entitatem immediationem; negat etiam absolutam seminis entitatem media actione erumpere in prolis productionem, & per eam velut per formalem rationem agendi ponere illam in esse; & affirmat per consequens ad absolutam seminis entitatem immediatissimè sequi absolutam prolis entitatem: immmediatissimè (inquam) per omnimodam videlicet exclusionem, cuiuscunque nouiter ipsi superadditæ entitatis mediæ, siuè absoluta, siuè respectiua sit; non tamen per exclusionem actiue potentiæ generandi, seu rationis seminalis, quam semen habet in esse quæro etiam antecedenter ad sui decisionem ex Parentibus, quamque sibi & si non formaliter realiter

faltem identificat: huiusmodi si-  
quidem seminalis ratio, quæ vt  
D. Thomas prima secundæ quæst.  
81. artic. 4. asserit, nil aliud est,  
quàmuis actiua in generatione  
media est inter absolutum semi-  
nis, & absolutum prolis; quia  
cùm sit semini formalis ratio pro-  
ducendi prolem, necessariò vt in  
exercitio spectata, mediare debet  
ac mediat inter absolutum semi-  
nis & absolutum prolis: quia per  
ipsam vt in exercitio spectatam,  
absoluta seminis entitas erumpit  
in prolis productionem, ponendo  
videlicet in esse absolutam dum-  
taxat prolis entitatem.

Sed nè imagineris, quòd quan-  
do distinguimus inter seminalem  
rationem in esse quieto & in  
exercitio, seminalis ratio vt in  
exercitio spectata aliquid nouæ  
entitatis superaddat in esse quie-  
to conceptæ: nam vna & omninò  
inuariata est in vtroque statu  
quietis & exercitij, quia nil aliud  
penitus importat in ipsa exerci-  
tium, nisi solam absoluti effectus  
positionem in esse; non enim  
imaginandum est, quòd eius eru-  
ptio in productionem effectus sit  
aliquid velut emanans, aut fluens  
ab illa in effectus entitatem po-  
nendam in esse: nam crassa qui-  
dem & omninò falsa foret hæc  
imaginatio, quoniam vel illud

quod flueret, esset entitas respec-  
tîua, vel absoluta; non respec-  
tîua, tùm quia implicat entitatem  
respectîuam esse priorem natura-  
liter, aut extremis simultaneam  
cum illis, vel altero ipsorum: tùm  
quia omninò otiosè flueret in-  
gratiam effectus producendi, si  
entitas respectîua adeò de gene-  
re sterilius est, vt fortè nec in  
sui ipsius quidem notitiam merè  
valeat intellectum; non absoluta,  
tùm quia daretur processus in  
infinitem, nam cùm huiusmodi  
entitas absoluta esset quid noui-  
ter positum in rerum natura ne-  
cessariò poni deberet per aliam  
entitatem absolutam tanquàm  
per rationem formalem produ-  
cendi: & id ipsum dicendum esset  
de alia, & de reliquis; & ità pro-  
cessus in infinitum, tùm quia vel  
esset formalis ratio producendi  
totalis diuersa ab ea, quàm se-  
men ac quæuis alia causa effecti-  
ua habet in esse quieto, vel esset  
partialis, quæ superaddita & ad-  
iuncta alteri partiali præexistenti  
in esse quieto integraret simul  
cum illa totalem & adæquatam  
formalem rationem producendi  
effectum. Primum omninò im-  
plicat, quia sicut in sententia  
Scoti & secundum veritatem  
omninò implicat vnum & omni-  
nò inuariatum effectum pendere

ex pluribus causis totalibus; ita similiter implicabit, quod pendeat & ponatur in esse à pluribus formalibus rationibus totalibus, & à neutra essentialiter dependeret: quia altera per possibile vel impossibile circumscripta, nihilominus poneretur in esse per alteram, quod etiam coningeret, altera similiter circumscripta.

Secundum etiam est omnino à veritate alienum, tum quia non est facile explicatu quo pacto noua hæc partialis ratio agendi coniungatur alteri antiquæ partiali in semine præexistenti, maxime si ponatur substantialis: qualis quæso esset nouæ huius substantialis entitatis unio cum antiqua substantiali seminis formali rationi agendi, & cum ipsamet semine? Dicant, explicent si possunt; tum quia est etiam difficile explicatu, quo pacto causa productiua effectum transeuntem, immanenter, prius erumpat in huiusmodi substantialem entitatem; tum quia si ponatur, quod erumpat in eam, & dicatur entitatem hanc nouam permanere in agente, quot (bone Deus) essent in Sole istarum entitatum numero, qui ab initio suæ creationis successiue innumerabiles produxit in hisce sublunaribus effectus? quot in

intellectu creato innumerabiles etiam temporis successu diuersos actus producente: si ponatur transitoria, hoc est non durans, quot passim ponendæ erunt in illis agentibus substantiales substantialium entitatum istarum corruptiones; cum nullatenus appareat per cuius corruppendi principijs ponatur in esse ipsarum decisio, & quando nequeat explicari quænam alia substantialis entitas ponatur in esse loco ipsius ab agente corruptente, cuius per se, ac primaria intentio est construere: per accidens verò & secundaria destruere. Ut verum sit, quod corruptio vnius est alterius generatio, & econtrà; deploranda quidem esset actiuorum principiorum miseria, si toti pati debeant in seipsis substantiales corruptiones, quot substantiales dimanant ab ipsismet generationes.

Nec potest dici, quod desinant esse seipsis, sicut desinunt esse partes entis successiui, quia certissimum est entitates illas non esse partes temporis, vel motus; ergo non entis successiui, ergo falsum est, quod desinant esse seipsis.

Dicent fortassè non esse substantiales, sed accidentales. At si hoc dicant, nedum in suo robore:



bore persistent, etiam contra hunc modum dicendi absurda, quæ ex eisdem entitatibus si substantiales ponantur, intulimus: verum etiam recurrent contra illum superius insinuatæ rationes, quibus in sententia Scoti probatur nullum penitus accidens quantumvis absolutum, & quantumvis etiam à concursu & influentia substantiæ eleuatum, posse nè instrumentaliter quidem attingere substantialis termini productionem.

Si tamen dicant (vt si consequenter loqui volent, dicere debent) actionum alias esse substantiales, alias verò accidentales sicut terminorum; qui per eas ponuntur in esse, alij sunt substantiales, alij verò accidentales. Tunc dicam ergo, quòd eadem semper recurrunt absurda respectiue contra priores & posteriores actiones, si quomodolibet emanare ponantur ab agentibus terminos quomodolibet vel procedere, vel simul esse cum illis, & quomodolibet etiam formales esse rationes eosdem produçendi terminos.

Dicere possunt demum, quòd omnes rationes præmissæ procedunt ex falso supposito, videlicet quòd actio sit formaliter in agente, quod tamen est omninò fal-

sum; cum non alibi, quàm in termino, qui per ipsam produçitur, reperiatur actio formaliter, vt Aristoteles docet 3. Physicoru in textu comment. 22.

Sed hoc in Scoti schola non conceditur; tum quia non per intrinsecam tunc, sed per extrinsecam dumtaxat denominationem agens diceretur actione agere; quia forma denominatiua, nempe actio non resideret subiectiue in agente, sed in termino, qui propterea omninò dicendus esset formaliter agens per actionem formaliter existentem in illo, quòd nedum falsitatem & implicantiam claudit: verum etiam sapit nescio quid, tum quia cum de mente aduersariorum sit aliquid, vel complens formalem agendi rationem in agente, vel quomodolibet aliter necessariò spectans ad eam agentis constitutionem, qua proximè & reipsa erumpat in productionem effectus; necessariò per consequens reperiri debet formaliter in ipso agente, alias non facile constitueretur agendi statu per actionem.

## PROPOSITIO X.

*Discutitur utrum, & quando originale peccatum sit voluntarium.*

## MONITVM.

**A**ctionis humanæ cognitio à voluntario, & libero dependet: voluntarium est id, quod fit à principio intrinseco cum cognitione particularum, in quibus actio consistit; ita Aristoteles primo Ethicorum, ubi voluntarium intelligit nomine spontanei, & ex S. Thoma prima secundæ quæst. 6. artic. 1. & alijs communiter. In allata definitione voluntarij dicitur à principio intrinseco, idest à voluntate, vel appetitu: dicitur autem à voluntate fieri non solum actus verus, & positivus, ut est verbi gratia amare, velle bonum, odifse; sed etiam eius negatio, siue omissio, ut est v. g. non amare, non velle bonum &c. Et ideo etiam omissio saltem aliqua comprehenditur nomine voluntarij & eius definitionis, dicitur cum cognitione, ut significetur dependentia actionis voluntatis à cognitione: nil enim potest esse voluntarium, quod non sit co-

gnitum, ac proinde nec potest esse actio voluntatis, quæ non præsupponat aliquam cognitionem à qua dependeat; dicitur cum cognitione particularum, idest circumstantiarum intrinsecarum, siue quæ pertinent ad substantiam & rationem actus; ut si quis noctu occidat Patrem, quem putat esse inimicum suum, illa actio homicidij dicitur voluntaria in ratione homicidij, quia sciuit illum esse hominem; non tamen erit voluntaria in ratione patricidij, quia circumstantia illa personæ Patris, in qua circumstantia consistit actio patricidij, non fuit sufficienter cognita. Et si esset excommunicatus, qui occideret Patrem; hic qui noctu occidit, non esset excommunicatione tali irretitus: ratio est, quia ille minimè intendebat occidere Patrem.

Voluntarium primò diuiditur in voluntarium directum, & indirectum: voluntarium indirectum: voluntarium directum est id, quod fit à voluntate sicut à causa operante; v. g. si quis perforet navem, ex qua sequatur submersio, talis submersio dicitur voluntaria directe ipsi perforanti navem, quia ab illo fit sicut ab operante. Voluntarium indirectum est id, quod fit sicut à cau-

sa non operante, quæ tamen potest, & debet illud impedire, v. g. submersio navis secuta ex eo, quod nauta dormiendo omisit illam gubernare, dicitur esse nautæ voluntaria indirectè; quia est à nauta non gubernante navem, quam tamen potest & debet gubernare; nè submergatur. Voluntarium directum subdividitur in voluntarium, quod est volitum in seipso & inuolitum in causa: voluntarium in seipso est, quod immediatè vel expressè intenditur, vt est homicidium, quando quis interficit hominem expressè intendebat interficere; voluntarium indirectum est, quod est volitum ex causa, vt quando vult & intendit causam alicuius effectus, licèt non intendat expressè effectum, vt si quis per complotionem bombardæ interficiat hominem, quem non intendebat interficere, licèt prædiderit illum facile posse interfici ex eadem explosione.

Voluntarium dividitur etiam in voluntarium actu, & in voluntarium virtute, voluntarium actu est illud, quod quis de præsentī intendens facere efficit: v. g. si Sacerdos dum consecrat hostiā, habeat actu intentionem consecrandi, consecratio illa dicitur

actu voluntaria. Voluntarium virtute est, quando quis efficit aliquid ex actu, vel determinatione voluntatis non quidem præsentē, sed antecedente: quæ tamen determinatio per aliam contrariam intentionem reuocata non sit, vt si quis initio Missæ habuit intentionem consecrandi, nec eam reuocat per intentionem contrariam non consecrandi; & postea suo tempore consecrat nihil cogitans de ipsa consecratione, talis actio consecrandi dicitur voluntaria virtute: sicut & consecrans dicitur habere tunc non actualem, sed virtutalem intentionem consecrandi.

Agens liberum est illud, quod positis omnibus requisitis ad agendum potest agere, & non agere; v. g. voluntas humana respectu amoris Dei dicitur agens liberum, quia eadem voluntas positis omnibus requisitis ad amandum Deum (vt est cognitio bonitatis Dei, vt alia huiusmodi) potest Deum amare & non amare. Hinc habetur non esse liberum, sed necessarium agens illud, quod positis omnibus prærequisitis ad agendum non potest non agere; ac proinde v. g. est agens necessarium, quia positis omnibus ad comburendum prærequisitis, vir-

tutum approximatione rei combustibilis, v. g. palæ & eius dispositione ad combustionem, non potest non agere, vel comburere. Libertas agendi formaliter dicitur esse in voluntate, quia positis omnibus requisitis ad agendum potest agere & non agere, velle & non velle: libertas autem radicaliter sumpta id est originaliter, dicitur esse in intellectu, quia ex eo quod intellectus apprehendit, vel cognoscit in obiecto voluntatis aliquam rationem boni, & aliquam rationem mali; consequitur ut voluntas possit illud velle, & non velle. Quæ doctrina, qua ratione veniat intelligenda, fuit à nobis explicata in Tractatu de peccantentia, & in Tractatu de Fide.

### MONITVM.

**L**ibertas, ratione cuius voluntas positis omnibus requisitis ad agendum potest agere & non agere, dicitur libertas contradictionis, quia est libertas siue indifferentia ad agendum & non agendum; v. g. ad amandum, & non amandum, quæ sunt contradictoria. Libertas autem, ratione cuius voluntas positis omnibus requisitis ad

agendum aliquid, potest agere oppositum & contrarium, dicitur libertas contrarietatis, talis est v. g. libertas ad amandum & odiendum obiectum aliquod.

Actio libera est, quæ positis omnibus prærequisitis ad eam efficiendam potest adhuc non effici. Monemus voluntarium, & liberum inter se differre, liberum supponit voluntarium: sed non econtrà, quia eo ipso quod actio est talis; ut positis omnibus requisitis ad ipsam faciendam possit adhuc non fieri, in quo consistit ratio libertatis actionis, necesse est actionem procedere à principio intrinseco cum cognitione particularum, in quibus consistit actio, non econtrà; ac proinde est omnis actio libera etiam voluntaria, non tamen omnis actio voluntaria est libera.

Quàmvis nomine actionis humanæ multa significari possint; propriè tamen loquendo actio humana est operatio hominis voluntaria & libera, colligitur ex S. Thoma prima secundæ qu. 1. artic. 1. Idem sentit Assorius tom. 1. lib. 1. cap. 1. quæst. 1. ubi docet actionem humanam eam esse, quæ ex libera hominis voluntate originem habet. Actio humana dicitur operatio homi-

nis, quia tantum in homine reperitur. Item secundò dicitur voluntaria, quia verè procedit à principio intinsecò hominis, idest à voluntate præsupposita, cognitione intellectus. Tertiò dicitur libera, quia actio humana vel est actus virtuosus dignus laude & præmio, vel actus vitiosus & peccaminosus dignus vituperatione ac pœna; & proinde actio humana debet esse libera, & in nostra potestate.

Monemus nomen operationis in allata definitione accipi latè, nimirum ità vt comprehendat non solum operationem positivam hominis habentem prædictas conditiones, sed etiam omissionem operationis similiter voluntariam & liberam; quia nimirum voluntas possit & teneatur impedire, talis enim ommissio est aliquo modo actio moralis siue humana, quia non solum modo humano & morali dicitur agere qui positivè operatur: v.g. credit, sperat, amat &c. sed etiam qui non operatur, & omittit agere, quod poterat & tenebatur agere, vt nauta dicitur submergere navem; quia dormiendo omittit eam gubernare, vnde oritur navis submersio. Similiter qui non audit Missam in die festo, quo poterat

& tenebatur eam audire, dicitur transgredi, lædere, & violare, ac frangere præceptum de audienda Missa: hinc infertur actiones humanas propriè dictas idem esse cum actionibus liberis siue moralibus. Monemus etià, quòd licet nonnulli distinguant, ac diuidant voluntarium & rationem, vt suprà diximus; nihilo minus tamen cum Vasquez prima secundæ dist. 24. num. 2. & alijs: dicimus voluntarium in communi primò diuidi in voluntarium directum, siue expressum; & voluntarium indirectum, siue interpretativum. Voluntarium directum siue expressum est illud, quod volitum est explicitè vel expressè vel in se; non tamen in causa v. g. si quis expressè velit occidere hominem, & emittendo sagittam occidat, homicidium illud dicitur voluntarium directè seu expressè. Voluntarium autem indirectè seu interpretativum est illud, quod nec expressè, nec in se intenditur: sed tantum sequitur ex aliqua causa siue positiva, siue negativa (vt est negatio, vt ommissio &c.) quàmvis directè & in se intendit, & ex qua talis effectus sequi posse prævidebatur; v. g. si quis iniiciendo sagittam hominem occidat, quem non

intendebat occidere, sed tantum praevidit posse occidi: talis occisio dicitur voluntaria indirecte & interpretatiue, quia licet non intenderetur in se, vel directe; sequitur tamen ex causa, idest ex iactu sagittae, quia iactus intendebatur directe, & in se. Hinc sequitur voluntarium directum siue expressum idem esse cum voluntario, quod est volitum in se; voluntarium autem indirectum & interpretatiuum idem esse cum volito in causa, quod tamen non sit volitum in se.

• Monemus, quod originale peccatum quatenus originale formaliter illud includit in suo conceptu ut nulla ratione, & secundum aeternitatem physicam, nec secundum aeternitatem moralem sit voluntarium illi, cui inest proprium; quia eo ipso quod vel minimam includeret rationem voluntarij in contrahente, iam non esset sibi originalis, sed actualis culpa dumtaxat: ex eo enim diuersificantur à se invicem originale & actuale peccatum per ordinem ad voluntatem, quia respectu illius aeternitatis, physice, vel moraliter; respectu vero istius merè passivè se habet, nec posset vlla ratione salva consistere formalis ratio aeternitatis in illo, & formaliter

ratio originis in isto: siquidem omnino tunc confunderentur rationes illorum, si quomodocunque voluntarium per concursu propriae voluntatis admittatur in posteris Adae originale peccatum; & omnis praecluderetur nobis aditus ad distinguendum illud quatenus actuale formaliter, ab isto quatenus est originale formaliter. Illud tantum importat originale peccatum, quatenus originale formaliter ut ad contradistinctionem ab actuali, quatenus tale formaliter dicatur, & sit peccatum originis; scilicet traditum & contractum per originem, & naturalem propagationem, scilicet ut intelligamus hinc, quod quemadmodum naturalis filius Adae omnino merè passivè se habet respectu naturae, quae sibi per originem communicatur: ita similiter omnino merè passivè se habet respectu originalis peccati, quod per originem veluti per conditionem necessariò non ex natura rei; sed ex Divino decreto exactam communicatur, atque transfundit.

Et quod nullam penitus includat rationem voluntarij originale peccatum in contrahentibus ipsum, declaratur ulterius; quia non per physicum influxum



voluntatis ipsorum in eo instanti, quando contrahitur, ut liquido patet. Tum quia originale peccatum nullatenus consistit in actu, sed in sola carentia originalis Iustitiæ, & per consequens quilibet actius voluntatis influxus esset prorsus impertinens respectu illius; tum quia in instanti conceptionis non nisi miraculosè possent habere usum rationis posteri Adæ, nec per concursum physicum, quo simul cum Adamo influxissent in actuale peccatum illius per quem influxum demeruisset originalem Iustitiā, quia quando Adam peccavit, ipsi non existebant. Nec valet si dicas, quòd continebantur virtualiter in Adamo, ut in principio propagatio, & consequenter ex vi talis continentiae etiam ipsi veluti facientes unum cum ipso Adamo influxerunt in eius peccatum: nam hoc non valet, quia id quod virtualiter continetur in causa, licèt dicat ordinem ad existendum; tamen reuerà hoc non existit, & per consequens est nihil: sicut igitur posteri Adæ nullatenus seipsis influxerunt in peccatum ipsius, quia tunc non existebant, hoc est quia erant nihil; ità similiter nullatenus influxerunt in transgressionem il-

lius etiam ut virtualiter in ipso contenti, quia etiam sub ea virtuali continentia concepti reipsa non existebant, & per consequens etiam sic erant purum nihil, seu non habebant esse.

Sanè miror, quomodo ex isto capite contendat nonnulli deducere, & colligere nescio quam rationem voluntarij in originali peccato per comparisonem ad contrahentes illud; tum quia si hæc ratio voluntarij esset verè talis, & verè infunderetur in posteros Adam ex actiuo concursu in peccatum illius, qui competeret ex vi continentiae virtualis, tunc peccatum illud esset potius actuale quàm originale in ipsis, ut suprà insinuauimus: tum quia est omninò fictitia ea excogitata ratio voluntarij, quod deducitur euidenter ex eo, quia nec continebat Adam posteros omnes immediate, ut pater; nec continebat illos virtualiter totaliter, quia non secundum intellectiuas animas illorum, & per consequens non secundum voluntates eorum, à quibus ut virtualiter contentis in ipso potuisset utrumque desumi, & effingi potius aliqua ratio voluntarij. Hoc argumentum est Scori in 2. dist. 33. quæst. 2. sub lit. C. ubi contendēs pro-

probare quòd posteri non contraxerunt debitum habendi Iustitiam originalem, ex eo quòd virtualiter secundum esse naturæ, & secundum esse personale continebantur in Adam, habet hæc formalia verba: *Qualiter igitur sufficit modus accipiendi Iustitiam ad debere Iustitiam acceptam? Si enim non fuit in Adam secundum voluntatem, secundum quam potest habere Iustitiam; non igitur quia fuit, in aliquo causaliter ut in principio propagatio, idè est debitor Iustitiæ &c.*

Potest etiam argui similiter in proposito: Posterius non fuerunt in Adamo secundum voluntatem, sed tantum secundum carnem, & non potuerunt quomodounque voluntariè concurrere simul cum Adam ad peccatum illius, nisi secundum voluntatem, à qua sola pendet quævis imaginabilis ratio voluntarij, non igitur quia fuerunt in ipso causaliter ut in principio propagatio, idè non seipsis, sed ut in seipso voluntariè influxerent in peccatum Adam.

Dices, quòd licet posteri non continebantur secundum intellectivas animas in Adamo causaliter immediatè, continebantur saltem causaliter mediatè ex eo videlicet; quia habuit ipse

& posteri ex ipso, unde immediatè attingere potuerit perfectum corporis organizationem, quæ immediatè disponit ad infusionem animæ rationalis: unde postmodum fit, ut generans verè & propriè dicatur generare hunc hominem, & hanc personam; cuius etiam propriè, & verè dicitur Pater.

Ad hanc instantiam multiplex est facilis responsio: Primò, quia licet hæc ratio desumpta ex attingentia organizationis valeret aliquid, non tamen probaret propriè intentum in Adamo, nisi respectu filiorum, quos ipse genuit immediatè; quia in ipsis, & non in filiis aliorum; reipsa attingit corporis organizationem. Secundò quia organizatio non ex natura rei & physice, sed ex beneplacito Divino, & moraliter tantum disponit ad infusionem animæ rationalis, ut inquit Scotus in 2. dist. 32. quæst. 2. sub lit. C. Tertiò & ultimò, quòd quantumvis concedatur corporis organizationem positam in esse per virtutem seminalem Adam, ex natura rei disponderet ad infusionem animæ rationalis: non tamen esset verum, quòd illa organizatio, vel potius per illam organizationem contineret Adamus

mus aliquo pacto causaliter propriè animam rationalem, quæ à solo Deo producit per creationem.

Dices secundò iuxta communem modum explicandi rationem hanc voluntarij, quòd quàmvis nequeat ipsa colligi ex continentia physica; potest tamen facillimè colligi ex morali continentia voluntatum posterorum Adami in ipsius voluntate: fuit enim Adamus non solum naturale, sed etiam morale caput suorum posterorum, quandoquidem Deus constituit eum velut fideiussorem & tutorem illorum, & per consequens posterorum voluntates erant velut compromissæ voluntati Adami; & ità facientes vnum moraliter cum illa, ut existerint & remanserint obnoxie vtrique fortunæ, damno, & lucro: quatenus videlicet peccante Adamo, peccarent cum illo, vel ipso vincente vincerent & ipsi, ac ipso cadente, caderent.

Quòd fuerit constitutus Adà morale caput, ut sic probatur ex illo Romanorum 5. *In quo omnes peccaverunt*: sed non posset dici posteros peccavisse in Adamo, nisi voluntas Adami contineret & foret vnum moraliter cum voluntatibus illorum; ergo &c.

Probatum etiam rationibus, quia cum Deus sit supremus Dominus & gubernator rerum nostrarum, potestas ipsius extendit se ad omnes modos earum, & per consequens potuit efficere, ut voluntates posterorum essent ita vnum moraliter cum voluntate Adami: quemadmodum voluntas vnius hominis, qui compromittit eam voluntati alterius hominis habens pro rato & firmo quidquid efficietur ab isto, facit vnum moraliter cum illa. Quod confirmatur vltèrius, quia cum Deus possit supplere vices secundarij efficientis, poterit etiam ipse seipso immediate, & independentè ab influxu voluntatum ipsarum efficere, ut voluntates ipsæ posterorum, Adami facerent, & essent ita vnum moraliter cum voluntate ipsius, sicut simul cum ipso fuissent producti, potuissent ipsi ex eorum merè beneplacito, & libera compromissione suarum voluntatum cum voluntate Adami efficere; ut essent propriè & verè vnum moraliter cum illa, & consequenter habere pro rato & firmo id, quod pro conseruatione vel amissione originalis Iustitiæ contigisset.

Ad hanc instantiam respondemus

mus & dicimus, quòd licèt prædicta sententia, quæ penes explicatam moralem continentiam & unitatem voluntatum filiorum, Adami cum voluntate ipsius declarat rationem voluntarij respectu originalis peccati, hæc videatur prima facie plausibilis; si tamen attentius consideretur & examinetur, nulla potest ratione substinere.

Et in primis omnes rationes, quæ suprà fuerunt adductæ contra voluntarium desumptum ex continentia virtuali, euidenter conuincunt etiam effectiorem & impossibilitatem voluntarij desumpti ex continentia vel ex unitate morali, vt patebit applicanti illas contra explicatam unitatem inoralem, quam fingunt intercessisse inter voluntatem Adami, & voluntates posterorum eius.

Deindè euidenter deducitur idipsum ex Scoto in 2. dist. 32. sub lit. G. vbi declarans in quo sensu peccatum originale sit, & dici possit: *Voluntarium*, inquit, quod peccatum originale denominatur voluntarium solum per hoc, quòd est subiectiuè in principio libero; non autem quòd sit ab ipso effectiuè, quomodo subiungit non oportet esse voluntarium ipsi habenti, sed ei vel alijs à quo contrahitur ipsum peccatum.

Ex quibus verbis illud habe-

tur; primò, quòd Scotus non aliundè agnoscit, & desumit rationem voluntarij in labe originali concepta in contrahente, nisi ex sola liberi principij receptiua potentia subiectante illam. Secundò habetur peccatum originale non esse voluntarium penes actiuitatem principij liberi, nisi illi à quo contrahitur, quòd non esset adæquatè verum, si voluntates posterorum fuissent vnum, moraliter cum voluntate ipsius; quia ijs qui voluntatem suam compromisit & colligauit cum voluntate alterius ad aliquid efficiendum, aliquo pacto concurrat cum illo ad effectiorem operis illius. Id etiam colligitur ex responsione ad secundum principale ibidem, & euidentius suprà in eadem distinctione sub lit. B. vbi inquit: *Originalem Iustitiam fuisse amissam actione alterius, quod nulla ratione subsistere posset; si voluntates posterorum Adami essent vnum moraliter cum voluntate ipsius moralis.*

Cur igitur non diceretur tunc etiam actione nostra fuisse amissam originalem Iustitiam? Sed euidentissimè colligitur hoc ex Tridentino sess. 5. in decreto de peccato originali Can. 2. vbi discernit Adamum non sibi soli, sed etiam nobis perdidisse per sui

præuaricationem originalem Iustitiam. Quomodo ergò subsistet id quod inquit Concilium, Adamum videlicet ex vi suæ præuaricationis perdidisse sibi & nobis originalem Iustitiam si secundum præexplicatum sensum constitutus fuisset ipse morale caput posterorum ipsius? Cur igitur simul cum ipso non amisimus eam etiam nos, si voluntates nostræ & voluntas ipsius erant vna voluntas; & si erant vna voluntas, cur ergo Concilium inquit ipsum sua præuaricatione perdidisse nobis illam? Manifestè indicat nil nos commune habuisse cum Adamo in amissione originalis Iustitiæ, & cur tandem inquit Concilium; sua propria præuaricatione, &c. Si voluntas erat communis, nonne communis debuisset esse præuaricatio, si voluntas erat communis? Id ipsum etiam colligitur ex eodem Concilio sess. 6. cap. 1. ubi inquit: *Omnes homines perdidisse innocentiam in præuaricatione Adæ*, si perdidimus illam in præuaricatione Adæ; ergo non in præuaricatione communi, quod omnino asserendum esset, si communis fuisset voluntas.

Immo hic omnino aduertendum est, quòd illa præpositio (*in*) æquiualeat huic alteræ præpositioni (*per*) ità vt idem omnino sit,

dicere homines perdidisse innocentiam in præuaricatione, ac perdidisse illam per præuaricationem Adami; ità vt (*in*) non significet, & importet posterorum sub quauis continentia, & vnitatem conceptorum communio- nem, & concursum cum Adamo ad propriam illius præuaricationem: quasi verò ideò dicantur perdidisse innocentiam in præuaricatione Adami, quia ex vi alicuius physiciæ continentiæ, vel morali vnitatis simul cum ipso influxerunt in præuaricationem illius: sed vt designet, & importet causalitatem dumtaxat non physicam sed moralem, nempe demeritoriam respectu carentiæ, & priuationis originalis Iustitiæ in nobis.

Ità plusquàm euidenter colligitur ex Tridentino sess. 5. in decreto de peccato originali, Can. 2. ubi decernit, quòd Adæ præuaricatio non sibi soli; sed etiam eius propagini nouit. En igitur quomodo Concilium explicat præuaricationem Adami in ratione principij actiui respectu nocui menti & damni, quod attulit humanæ propagini. Quam actiuitatem, & causalitatem explicatiùs exprimit paulò inferiùs per dictam præpositionem (*per*) dum etiam in significatione actiua loquens

quens inquit; vt inquinatum illum per inobedientiæ peccatum, mortem & poenam corporis tantum in omne genus humanum transfuisse, non autem & peccatum, quod mors est animæ. Idipsum etiam colligitur ex eodem Tridentino sess. 6. cap. 7. in fine, vbi repetens quod *Adam sua inobedientia sibi, & nobis perdidit primam stollam*; vtitur inobedientia in casu Ablatiuo, in quo sæpe solemus exprimere illa, quæ causalitatem aliquam importat; ita vt idem omnino sit Adamum sua inobedientia, ac Adamum ex vi suæ inobedientiæ, vel per suam inobedientiam perdidisse sibi & nobis primam stollam. In quo testimonio notandum est iterum, quod Concilium inquit: *Sua scilicet propria & non communi cum posteris inobedientia*. Inquit, insuper, quod ipse, & non posterum cum ipso, perdidit sibi & nobis, &c.

Sed audiamus prædictam causalitatem in terminis ipsis expressam à Spiritu Sancto Romanorum 5. itaque enim inquit Apostolus ibi: *Igitur sicut per unius delictum in omnes homines in condemnationem, sic & per unius iustitiam in omnes homines in iustificationem vite*. Et immediatè subiungit: *Sicut enim per inobedientiam unius, homines peccatores constituti sunt multi*; ita per unius

obedientiam iusti constituentur multi. Et suprà etiam dixerat: *Sicut per unum hominem peccatum in hunc Mundum intrauit, &c.* Quid clariùs desiderari potuisset?

In quibus testimonijs illud est summopere aduertendum, quod ex vi contrapositionis & paritatis, qua Diuus Paulus contraponit, & comparat inobedientiam Adami ad obedientiam Christi; ea prorsus debet admitti causalitas inobedientiæ Adami respectu nostræ condemnationis, quæ admittenda est in Christo obedientia respectu nostræ iustificationis; sed talis admittenda est causalitas in Christi Domini obedientia respectu nostræ iustificationis, vt solus Christus & sub nulla penitus ratione nos cum ipso per suam obedientiam meruerit nobis nostram iustificationem; ergo talis & non alia admittenda est causalitas in obedientia Adami respectu nostræ damnationis, vt ipse solus & sub nulla penitus ratione nos cum ipso per suam propriam inobedientiam meruerit, & attulerit nobis nostram condemnationem.

Si dicas, quod similitudo non tenet, quia non ita Christus fuit naturale caput propaginis humanæ, sicut fuit Adamus; & ideo non potuit humana pro-



pago ita communicare cum Christo obedientiam respectu iustificationis sicut habuit communicare posse, & communicauerit cum Adamo inobedientiam respectu nostræ condemnationis.

Respondemus, sicut suprâ respondimus ad hanc eandem communicationem, seu continentiam vel vnitatem; & dicimus insuper esse omnino falsum posteros Adami communicasse cum Adami inobedientia respectu nostræ condemnationis ex eo, quod fuerit ipse naturale caput illorum, quia tunc nulla ratione saluari posset, quin etiam ex eadem radice communicauerit cum ipso in alijs peccatis illius, & quin etiam quilibet nostrum communicet à fortiori cum peccatis proprii Genitoris, cum sit iste immediatius, quàm Adamus naturale caput filij geniti.

Si dicas iterum, quod & si dicta communicatio non possit colligi ex eo, quod Adam fuit naturale caput; colligetur saltem ex eo, quod fuit morale caput humanæ propaginis. Nos iterum respondemus ad communicationem & vnitatem hanc moralem, sicut suprâ respondimus. Et addimus insuper, quod etiam Christus fuit in vniuersorum hominum & Angelorum caput mo-

rale respectu iustificationis, & tamen nullus est, qui dicat vel qui dicere possit nos per hoc aliquo pacto concurrisse cum ipso ad eius obedientiam respectu nostræ iustificationis. Fateamur igitur fuisse Adamum constitutum à Deo morale caput propaginis, sed sub ea ratione dumtaxat ut accipiens ipse pro se originalis Iustitiæ donum; etiam pro posteris, quorum præstitutus erat morale caput, acceperit illud: ea tamen lege ut si obseruaret iunctum sibi præceptum, & pro se & pro posteris tunc conseruaret originalem Iustitiam; sed si transgrederetur Diuinum mandatum, pro se & pro posteris tunc amitteret illam: vnde fit quod quando posteri Adæ dicuntur accepisse & amisisse originalem Iustitiam in illo, non ita intelligendum sit, quod ipsi simul cum ipso non ut in se ipsis; sed ut in ipso ex vi physicæ continentiae, vel ex vi moralis unitatis, & communitatis voluntatum eadem communicatione acceperint, & eadem communione transgressione perdiderint originalis Iustitiæ donum; sed in eo sensu tantum accipiendum est, ut in illo; scilicet per illum, seu mediante illo acceperimus, & amisimus originalis Iustitiæ donum.

# DISPUTATIO III.

## De compossibilitate peccati venialis in Adamo in statu innocentiae.



RAEMISSIS nonnullis Documentis ex materia morali, solutionem dabimus Disputationi beneficio

Propositionum.

### DOCUMENTVM I.

*Dicens quomodo peccatum mortale, & veniale adinuicem distinguantur, & comparentur.*

**P**RO terminorum intelligentia, moneo peccatum dici mortale per denominationem desumptam à morte, quam inducit. Triplex ratio mortis hic considerari potest. Prima dicitur priuatio gratiae, cum gratia saltem dispositiue sit vita spiritalis animae. Secunda est priuatio coniunctionis saltem deme-

ritorie cum ipso Deo, qui verè & propriè dicitur nostra vita. Tertia est ratio mortis supplicij æterni. Ab omnibus ergo his tribus rationibus mortis, peccatum denominatur mortale: vnde illud dicitur peccatum mortale, quod priuat animam gratia sanctificante, & consequenter coniunctione beatifica cum Deo, & inducit reatum poenae aeternae. Peccatum veniale econtra denominatur tale à venia, vel quia de facili illam consequi potest, vel quia propter suam leuitatem dignum est venia; vel tandem quia compatitur de facto cum ipsa gratia sanctificante, nec est inductiuum æterni supplicij, sed tantum poenae temporalis.

\*\*\*

## DOCUMENTVM II.

*Docens an peccatum mortale & veniale diſtinguantur ex natura rei?*

**N**oster Pater Vulpes opinatus est peccatum mortale & veniale philoſophicè, quatenus ſcilicet ſunt auerſiua à regula naturalis prouidentia non diſtingui inter ſe eſſentialiter ex natura rei: Theologicè verò diſtingui à poſteriori & ex diuerſis effectibus, ſcilicet quia mortale inducit reatum poenæ æternæ; veniale verò poenam temporalem. Primum priuat gratia. Secundum nequaquàm, ſed potiùs cum ipſa compatitur. Hanc differentiam ſolùm ex Diuina ordinatione reperiri inter peccatum mortale & veniale affirmat Vulpes, quatenus ſcilicet ab extrinſeco, ſiue ex communi lege libera Diuinæ voluntatis determinatum eſt, gratiam non conſeruari ad poſitionem peccati mortalis, & ad ipſum ſequi reatum poenæ æternæ: ſic ex eadem Diuina ordinatione peccatum veniale de facto compatitur cum gratia, & ſolùm inducit poenam temporalem. Apriori etiam extrinſecè diſtinguit Vulpes pecca-

tum mortale & veniale, quatenus ſcilicet mortale eſt contra regulam obligantem de neceſſitate ſalutis; veniale verò eſt contra Regulam dirigentem ad aliquod vtile pro conſecutione ſalutis; & ità colligit Vulpes peccatum mortale & veniale nullo modo diſferre ex natura rei, ſed ſolùm ex Diuina ordinatione, quatenus à ſola Diuina voluntate pender, quòd aliqui actus præcipiantur neceſſarij ad conſequendam vitam æternam, & alij deſtinantur ſolùm vt vtilis; ſicut ex eadem Diuina ordinatione deſtruitur gratia ad poſitionem peccati primo modo, & inducitur reatus mortis æternæ. Tandem affirmat Vulpes, quòd ſuppoſita Diuina ordinatione, potiſſima differentia, & à priori peccati mortalis ac venialis deſumenda eſt penes hoc, quòd mortale ſit priuatio rectitudinis neceſſariæ; veniale verò ſit priuatio rectitudinis tantùm vtilis ad conſequendam vitam æternam.

Secunda ſententia affirmat omnia peccata ex natura rei eſſe mortalia, & digna poena æterna; ex miſericordia verò Dei, vt aliqua peccata ſint tantùm venialia. Putamus peccatum mortale & veniale ex natura rei

distingui, ita communis sententia Theologorum . Probatur primò ex illo Psalmi 61. *Deus reddet unicuique iuxta opera sua* ; sed Deus grauitèr (scilicet pœna æterna) punit peccatum mortale ; leuiter (scilicet pœna temporali) punit peccatum veniale ; ergo secundum se ex natura rei, vnum est graue, & aliud est leue, vel vnum grauitèr displicet, & aliud leuiter solum, scilicet ratione propriæ materiæ circa quam versantur. Sit altera ratio : quia hoc quod est Deum, non conseruare gratiam ad positionem peccati mortalis, & condemnare peccantem mortaliter ad supplicium æternum, non est ex sola Diuina voluntate, quasi pro libito & absque ratione possit peccantem leuiter, punire, supplicio æterno ; & peccantem grauitèr, pœna tantum leui & temporali : cum potius Deus vt iustus Iudex debeat punire iuxta grauitatem, vel leuitatem delicti ; ergo ex natura rei peccatum mortale & veniale distinguuntur. Confirmatur, quia si solum ex Diuina voluntate proveniret differentia peccati mortalis & venialis, nulla assignari posset regula ad discernendum, inter ista peccata ; quodnam sit peccatum mortale, & quodnam

veniale. Patet, quia Diuina voluntas præfiniens mortale & veniale, non satis nobis est reuelata in sacra Scriptura ; si ergo ex ipsa materia cognoscimus differentiam peccati mortalis & venialis, consequenter dicendum est peccatum mortale, & veniale ex natura rei distinguui .

Obijcies primò pro prima sententia. Ex Scoto pluribus in locis, in quibus sæpè sæpius affirmat rationem peccati mortalis & venialis solum ab extrinseco provenire, scilicet ex Diuina voluntate præcipiente aliquid vt necessarium, vel vt utile ad salutem . In secundo distinct. 37. sub lit. D. habet, quod à sola voluntate Diuina determinatur, vel aliquid præcipitur vt necessarium ad consequendum finem supernaturalem iuxta illud : *Si vis saluari, serua mandata* . Ex quo fit secundum Scotum, ideò aliquem peccare mortaliter, & auertere se virtualiter à fine supernaturali, quia se auertit ab aliquo, à Diuina voluntate ordinato, in ratione medij ad consecutionem vltimi finis ; ergo ex Diuina voluntate oritur, quod aliquod sit peccatum mortale, cum ex natura rei nec datur medium ad finem supernaturalem,

nec

nec intelligitur auersio ab ultimo fine in quocumque peccato. Item in 4. distin. 26. quæst. 1. *Ad tertium*, ubi docet Scotus; quod supra jus naturæ ex terminis notum merito cadit jus Diuinum, positium liberè impositum sub pœna lathali: quia minùs obediunt homines soli legi naturæ, quàm Deo præcipienti; ex quo fit peccata in genere naturæ tantum esse mala moralia directè opposita virtutibus moralibus, non tamen esse mortalia, nisi supposita Diuina ordinatione. Tandem in 4. distin. 50. quæst. 3. sub lit. E. habet Scotus hæc verba: *Et dico nisi reuocetur præceptum, quia non videtur quod circa creaturam sit aliquod peccatum mortale; sed tantum ex præcepto Diuino ut cognoscere alienam, occidere hominem, &c.* Quia illa ex se, si Deus reuocaret præceptum, non essent peccata; immò addit Vulpes, quod peccata contra præcepta primæ Tabulæ seclusa, Diuina ordinatione non forent peccata mortalia. Hinc concludit Vulpes, quod si ex sola Diuina voluntate peccatum dicitur mortale, quatenùs ex sola Diuina voluntate destruitur gratia ad eius positionem, & inducitur reatus supplicij æterni; consequenter peccatum mortale &

veniale solùm ab extrinseco; non verò ex natura rei differunt.

Respondetur hæc omnia solùm probare de peccato mortali & veniali, quæ dicuntur talia ex euentu; non verò ex proprio genere, siuè ex obiecto; quàmuis enim verum sit prædictos euentus, scilicet priuationem gratiæ, auersionem ab ultimo fine, inductionem supplicij æterni, non essentialiter, sed ab extrinseco conuenire peccato mortali, & oppositos euentus peccato veniali; adhuc tamen istis sublati effectibus, distinguuntur peccatum mortale & veniale ex proprio genere, siuè ex natura rei; semper enim mendacium officiosum, vel iocosum, vel verbum otiosum forent peccata leuia, sicut etiam quodlibet perfectum imperfectione desumpta, vel ex paruitate materiæ, vel ex imperfecta deliberatione forent peccata venialia; sicut econtrà homicidium, furtum in magna quantitate, mendacium offensiuum, forent peccata grauia vehementer dissona rectæ rationi, & ità ex natura rei prædicta peccata forent distincta.

Oppones secundò pro secunda sententia. Potest Deus de sua potentia absoluta punire quodlibet

bet peccatum pœna æterna, quæ pœna si à Deo imponeretur iusta esset; ergo ex natura rei quodlibet peccatum est punibile pœna æterna, & ex sola Divina misericordia punitur pœna temporali. Respondetur distinguendo maiorem: potest Deus ut Dominus vniuersalis punire quodlibet peccatum pœna æterna, concedo maiorem; ut iustus Iudex respiciens ad gravitatem vel leuitatem delicti, nego maiorem: non enim ex natura rei repetitur proportio culpæ levis cum pœna æterna.

Obijciēs etiam. Magis est offendere animam, quam corpus: sed qui offendit corpus occidendo hominem peccat mortaliter; ergo à fortiori, qui per peccatum veniale offendit animam, debet peccare mortaliter. Respondetur argumentum nihil probare: nam qui offendit corpus, idèò peccat mortaliter, quia in re graui facit contra legem obligantem de necessitate salutis, & consequenter grauiter offendit animam suam; cum autem peccatum veniale ex proprio genere, sit tantum transgressio levis ipsius legis, consequenter nequit ex natura rei esse peccatum mortale & offensio grauis. Oppones, quòd per pec-

catum veniale etiam offenditur Deus, & ipsi displicet: sed quælibet offensa Dei ex proprio genere est mortalis & meretur pœnam æternam & infinitam, sicut infinitæ dignitatis est Deus, qui offenditur; ergo &c. Respondetur negando minorem: estò enim quodlibet peccatum sit Dei offensiuum, & ipsi displiceat; adhuc tamen intra genus offensionis, aliqua grauiter offendunt, & displicent: alia verò solum leuiter.

## DOCUMENTVM III.

*In quo differans peccatum mortale, & veniale.*

**M**Onemus præsentem difficultatem non esse de differentia à posteriori, ut penes effectus; sed de differentia à priori, & penes rationes formales peccati mortalis & venialis. Putat aliqui peccatum mortale & veniale essentialiter differre, quia primum est inductiuum reatus pœnæ æternæ; secundum verò tantum est inductiuum pœnæ temporalis. Alij docent peccatum mortale esse contra legem; peccatum verò veniale non esse contra legem, sed præter legem. Tertia sententia as-



ferit peccatum mortale in duobus differre à veniali : Primò, quia mortale priuat gratiam, quæ est principium ordinis in Deum vltimum finem supernaturalem; veniale verò de facto compatitur cum ipsa gratia. Secundò quia peccatum mortale est auersiuum à Deo vltimo fine supernaturali, & rationem finis ponit in creatura; veniale verò nequaquam, sed potius habitualiter saltem refertur in Deum, ità Angelicus Magister cum suis Senatoribus. Quarta sententia ponit duplex discrimen inter peccatum mortale & veniale, vnum à priori, aliud à posteriori : differunt à posteriori prædicta peccata, quia mortale solum demeritoriè est priuatio gratiæ, quæ est saltem dispositiuè principium vitæ spiritualis, siuè vitalis coniunctionis cum Deo verè vita animæ; veniale verò compatitur cum ipsa gratia. Differunt etiam à posteriori, quia mortale inducit, reatum poenæ æternæ; veniale autem reatum poenæ temporalis. A priori differunt prædicta peccata, quia mortale est contra præceptum; veniale verò est solum contra consilium : ità Scotus in 2. dist. 37. & dist. 2. quæst. 1. S. Dico ego; vbi sic ait : *Sed in hoc distingun-*

*tur, quia peccatum mortale est deordinatio opposita ordinationi, sine qua finis non potest assequi aliquo modo, quæ quidem ordinario habet præceptum contra quod deordinatio fit; & idè omnis deordinatio cadens sub præcepto, auerit à fine necessario: & alia est ordinatio, quæ potest esse respectu finis sequendi, quæ non est necessaria, sed utilis; quæ non est de præcepto sed potius de consilio, & deordinatio opposita huic est peccatum veniale.*

Propter prædicta verba Scoti, multi ex alienis ipsum acriter reprehendunt, quasi absolute distinxerit peccatum mortale & veniale per hoc, quòd primum sit contra præceptum, secundum contra consilium, quòd videtur aperte falsum: nam ex ista sententia sequeretur, quòd nubere esset peccatum veniale; quippè contra consilium.

Pro clariori intelligentia doctrinæ Scoti, monemus cum Patre Rada legem dupliciter posse sumi. Primò pro regula obligante simpliciter ad aliquid, siuè tale sit necessarium, siuè utile, ad finem supernaturalem consequendum. Secundò pro regula obligante ad aliquod necessarium, sine quo finis vltimus supernaturalis nequeat consequi.

Con-

Consiliū econtrā adhuc dupliciter sumi potest: primò vt abstrahit ab omni obligatione legis tam primò, quàm secundo modo; & hac ratione seruat virginitatem, ingredi Religionem, & ceteræ virtutes Evangelicæ, licet sint media vtilia, & optima consilia ad finem supernaturalem, tamen abstrahunt ab omni obligatione legis. Secundo modo sumitur consilium, vt abstrahit ab obligatione legis secundo modo tantum acceptæ; includit tamen obligationem legis primo modo, & hac ratione mendacium officiosum, verbum iocosum, vel otiosum, furtum rei levis: licet non sint de necessitate salutis, sunt tamen media vtilia ad finem supernaturalem consequendum, etiam si contra consilium secundo modo, & contra legem secundo modo; nam licet quando quis officiosè mentitur, non agat contra legem obligantem ad aliquod necessariò simpliciter ad finem consequendum: agit tamen contra legem primo modo obligantem ad aliquod absolutè, à qua defectere peccatum est. Doctrina ergo Scoti suprā tradita solum intelligenda venit de consilio secundo modo accepto, & de lege secundo modo accepta.

Colligit ex his Pater Rad.

Primò, peccatum mortale & veniale conuenire in hoc, quòd vtrumque sit contra legem, differre tamen; quia mortale est contra legem præcipientem aliquid de necessitate salutis, cuiusmodi sunt omnia præcepta Decalogi iuxta illud Math. 19. *Si vis ad vitam ingredi, serua mandata*: quæ ita sunt necessaria, vt sine obseruatione illorum nequeat finis vltimus supernaturalis consequi. Peccatum verò veniale, solum est contra legem præcipientem aliquod vtile ad finem supernaturalem, & huiusmodi sunt mendacium officiosum, verbum otiosum, furtum rei levis &c. quæ opponuntur legibus præcipientibus non meriti officiosè, non dicere verbum otiosum &c. quæ vtilia sunt ad consecutionem finis supernaturalis.

Secundò colligit aliam differentiam, quòd peccatum mortale destruit saltem demeritoriè gratiam & amicitiam cum Deo, & inducit supplicium æternum; secus peccatum veniale. Ratio discriminis est, quia cum peccatum mortale sit contra aliquod necessarium ad vitam æternam consequendam; sequitur, quòd non potest simul sta-

re cum gratia, quæ hominem ordinat ad illam; nam charitate manente in anima, nihil deficit necessarium ad vitam supernaturaliter consequendam, ut definitum est in Concilio Tridentino sess. 6. cap. 15. peccatum veniale econtrà, quia non est contra aliquod necessarium, sed solum vtile; ideò bene stare potest cum gratia, & amicitia habituali & actuali ipsius Dei.

### CONCLUSIO.

**P**Ræcipua differentia à priori inter peccatum mortale & veniale, bene assignatur ex eo; quod peccatum mortale sit contra præceptum, veniale verò contra consilium: siue peccatum mortale est priuatio rectitudinis necessariæ pro consecutione finis supernaturalis; veniale verò est priuatio ordinationis tantum utilis & sub consilio, sumendo præceptum vel consilium, pro ut notauimus supra declarando opinionem Scoti. Accedant rationes: illarum prima sit.

Peccatum quodcumque essentialiter consistit in priuatione rectitudinis debitæ; ergo differentia essentialis, & à priori peccati mortalis & venialis, ne-

cessariò desumenda est penes diuersas rectitudines; quarum sunt priuationes; quia nimirum mortale dicit priuationem rectitudinis cadentis sub præcepto ad consequendam vitam æternam; veniale autem solum dicit priuationem rectitudinis tantum vtilis, & cadentis sub consilio ad consequendum finem supernaturalem.

Probatur secundò, referendo sententias contrariorum. In primis non bene ponitur prædicta differentia à D. Thoma per hoc, quod peccatum mortale sit contra finem, veniale contra media. Quippè vel hoc intelligitur taliter, ut mortale sit immediatè contra Deum; veniale verò contra naturam, ut exponit Caietanus: at hoc nequit dici, quia ut docet Scotus, potest quis peccare mortaliter immediatè tam circa finem, scilicet Deum, quam circa media, scilicet creaturas. Patet quia præcepta Decalogi obligant sub lethali culpa, & tamen aliqua respiciunt Deum, ut præcepta primæ Tabulæ; & aliqua creaturas, ut præcepta secundæ Tabulæ. Tum etiam quia actus leuis infidelitatis, odium indeliberatum, sunt circa Deum ut finem, & tamen sunt venialia; ergo etiam circa finem

potest esse peccatum veniale. Si autem dicatur cum Vasquez D. Thomam intelligi, quod mortale tollat gratiam, principium ordinis, vel coniunctionis cum Deo; veniale nequaquam. Hoc etiam dici non potest, quia prædicta differentia & potius à posteriori, quàm à priori: gratiam enim auferre, aut non auferre, est effectus peccati demeritoriè; furtum enim, adulterium &c. non consistit essentialiter in priuatione gratiæ, sed potius in priuatione reitudinis debitæ obligantis de necessitate salutis: ad quam obligationem demeritoriè sequitur tanquàm effectus moralis, ipsa priuatio gratiæ; ergo differentia essentialis à priori inter peccatum mortale & veniale, non benè assignatur per hoc, quod mortale auferat gratiam, veniale verò cum ipsa compatitur.

Nec secundò benè assignatur prædicta differentia per hoc, quod mortale sit contra legem, veniale verò præter legem; quia vel veniale dicitur præter legem ut nulli legi, vel regulæ opponatur, & hoc est falsum, cum implicet intelligere peccatum, quin intelligatur contrarium alicui regulæ: & reuerà nullus negare potest peccatum veniale non

esse contra aliquam regulam virtutis auferens eius reitudinem, ut patet de mendacio, furto rei levis &c. Si autem dicatur veniale esse præter legem, scilicet præter legem obligantem ad aliquod de necessitate salutis, hoc modo si ex se dicatur, coincidit cum nostra sententiâ.

Nec tertio dici potest mortale, & veniale primò differre ratione reatus poenæ æternæ & temporalis, cum talis distinctio sit omnino à posteriori, & per effectus: etenim prædicti reatus non sunt rationes essentielles peccati mortalis & venialis, sed potius sequuntur ad differentiam intrinsecam peccati mortalis; idè enim quis subditur obligationi poenæ æternæ, quia mortaliter peccat, sicut & per peccatum veniale subditur obligationi poenæ temporalis. Nec vltimò dici potest prædicta peccata primò differre, quia mortale respicit creaturam ut vltimum finem, & consequenter dicit auersionem à Deo vltimo fine; veniale verò saltem habitualiter refertur in Deum ratione gratiæ, cum qua compatitur. De hac diffusè egimus aliàs.

Obijcies primò. Opus factum contra consilium, nullo modo est peccaminosum, ergo perperam

rām Scotus ponit differentiam inter peccatum mortale, & peccatum veniale; quòd primum fit contra præceptum, & secundum contra consilium. Confirmatur, quia conseruare Virginitatem, ingredi Religionem &c. sunt media vtilia ad consecutionem finis supernaturalis, si ergo secundum Scotum peccatum veniale consistit essentialiter in priuatione reſtitutionis tantum vtilis ad consecutionem finis supernaturalis: consequenter non seruare virginitatem, non ingredi Religionem &c. erunt peccata venialia; quod concedet nemo. Responderetur distinguendo antecedens: Opus contra consilium primo modo acceptum, nullo modo esse peccaminosum, concedo antecedens; opus contra consilium secundo modo, nego antecedens. Ad eius probationem dico Apostolum loqui de consilio primo modo, Scotum verò de consilio secundo modo, pro vt scilicet consilium includit obligationem legis primo modo acceptæ; & quòd ita sit intelligendus Scotus, colligitur expressè ex secundo dist. 47. vbi docet, quòd licet homo teneatur maiori obligatione vitare peccatum mortale; adhuc tamen teneri minori obligatione vitare

peccatum veniale. Si ergo secundum Scotum, quis obligatione aliqua tenetur vitare peccata venialia, consequenter nequit Scotus intelligi de consilio primo modo, vt liberum est ab omni obligatione, qualia sunt consilia de Virginitate, de Religione &c. Loquitur ergo Scotus de consilio secundo modo, vt dicit aliquam obligationem ad cuius obseruantiam tenetur homo sub pœna peccati venialis, & pro vt consilium confunditur cum lege primo modo. Ad confirmationem respondetur consilia Euangelica esse media vtilia ad finem supernaturalem; quia tamen sunt opera subrogationis, illa non seruare, nullo modo est peccatum: quando autem Scotus docet peccatum veniale consistere in priuatione tantum vtilis, loquitur de reſtitutione illa, ad quam ponendam tenetur homo aliqua obligatione minori, qua tenetur ad ponendam reſtitutionem necessariam.

Obijcies secundò: Peccatum essentialiter duo importat, auersionem scilicet à Deo vt vltimo fine, & controuersionem ad creaturam vt vltimum finem; ergo peccatum mortale debet distinguì à veniali vel ratione con-

uersionis, vel ratione auersionis essentialiter importatæ. Respondetur cum Vulpes, quod peccatum mortale non dicit auersionē formaliter; sed solum demeritoriè, & virtualiter: quæ auersio communis est omni peccato mortali, & tanquàm effectus moralis consequitur ipsum peccatum mortale. Ideò enim quis virtualiter auertitur ab ultimo fine demeritoriè, quia formaliter se auertit à medio necessario ad illud; vndè formaliter peccatum mortale, solum dicit priuationem rectitudinis illius virtutis, quæ tanquàm medium necessarium præcipitur à Deo. Conuersio etiam ad creaturam communis est omni peccato mortali & veniali, nec in ipsa consistit formaliter malitia; quia (vt aliàs diximus) conuersio ad obiectum solum est materiale peccati. Tum etiam quia interdum, peccatum mortale & veniale habent idem obiectum, vt patet de furto in magna quantitate, & in parua quantitate, quæ respiciunt rem alienam; ergo præcipua differentia mortalis & venialis, non benè desumuntur ex parte auersionis, vel conuersionis: sed potius, quia vnum est priuatio rectitudinis necessariæ, aliud verò sit priuatio rectitudinis utilis.

## DOCUMENTVM IV.

*Inquirens quare Deus aliquod præcipiat vt necessarium ad vitam æternam, & ad amicitiam cum ipso conseruandam, vt aliquod solum vt utile?*

**R**espondemus cum nostro Rada, Deum ita disposuisse attendendo rerum naturas, quarum quædam sunt magni momenti, & iure optimo, Deus præcipiat vt necessarias ad vitam æternam; quædam verò parui momenti; hinc non fuit expediens illas præcipere vt necessarias ad finem supernaturalem consequendum. Sed quomodo cognosci potest, quodnam sit peccatum mortale, & quodnam sit veniale; siuè quidnam sit illud, quod Deus præcipit vt necessarium; & quodnam sit utile solum?

Respondetur hoc cognosci posse (vt docet noster Rada.) Primò è Sacra Scriptura: quotiescunque enim in illa referuntur peccata aliqua abominabilia, execranda; vel quæ dicuntur inferre mortem, & à Regno Cælorum excludere, omnia talia, & similia debent haberi vt mortalia. Secundò potest cognosci



ex traditione Ecclesiæ & consuetudine Doctorum & hominum piorum. Illud ergo erit mortale, quod tale habetur vel traditione Ecclesiæ, vel consuetudine Doctorum & hominum piorum; quia non est verisimile Deum Ecclesiam suam permittere ut decipiatur in re tanti momenti. A posteridri etiam colligi potest, quod quotiescunque lege humana imponitur aliqua poena grauis pro aliquo opere ut excommunicatio maior; tunc illud opus censeretur debet mortale: si autem imponatur poena levis, ut est excommunicatio minor, censeretur debet veniale. Immo etiam si res aliqua sit in se levis, dummodò prohibeatur per præceptum sub poena grauissima, uti esus ligni secundum se levis fuit; quia tamen prohibitus sub graui poena, fuit mortalis. Tertiò cognosci potest ex lumine naturali, omnia scilicet peccata, quæ leuiter offendunt Deum, vel proximum, prudentis arbitrio, pro venialibus habenda sunt: quæ verò grauiter offendunt, mortalia debent reputari; quando verò nullo ex his modis innotescit nobis, an opus sit mortale vel veniale, tum standum est puriori conscientie.

Petes; an peccatum mortale & veniale vniuocè conueniant sub ratione peccati ut sic? aliquorum fuit opinio peccatum mortale & veniale solum analogicè conuenire in communi ratione peccati, quatenus peccatum mortale simpliciter est contra legem, & habet veram rationem peccati simpliciter: veniale verò, vel est præter legem, vel solum secundum quid, dicitur peccatum. Pro explicatione huius sententiæ aduertit Montefinos peccatum mortale, & veniale dupliciter posse considerari; vel enim primò sumuntur quantum ad essentiam peccati, vel secundò quantum ad accidentia illa, scilicet mortalitatis: duo enim simul inuoluit peccatum mortale, scilicet essentialem rationem peccati, & illud accidens mortalitatis. Primum consistit essentialiter in priuatione debitæ rectitudinis: secundum tripliciter adhuc potest sumi, sicut tria sunt accidentia, quæ importantur à peccato mortali & veniali. Primum accidens est reatus ad poenam æternam, vel temporalem: secundum est ratio iniuriæ, offensæ, vel auersionis à Deo ultimo; quàmuis enim auersio prædicta conueniat omni mortali, ut mortali: non verò quantum

tum ad rationem essentialem peccati. Tertium tandem accidens est, quod mortale sit ægritudo, seu mors animæ; scilicet privatio gratiæ, quæ est vita spiritualis animæ. Insuper notat Montefinos, quod diuisio peccati in mortale & veniale, tripliciter potest sumi. Primò si diuisum sit peccatum secundum suam essentialitatem, & membra diuidentia sint mortalia & venialia vt accidentia; & hoc modo prædicta diuisio est subiecti in accidentia, quia peccatum secundum suam essentialitatem est subiectum fundans ly mortale & veniale, vt duo accidentia. Secundò si diuisum sit peccatum secundum essentialitatem, & membra diuidentia sint peccatum mortale & veniale adhuc, prò vt dicunt essentialitatem & non accidentia, & hoc modo diuisio prædicta est vniuoci in vniuocata, quatenus peccatum mortale & veniale sumpta secundum rationem essentialiter peccati, vniuocè conueniunt in ratione peccati, quatenus dicunt priuationem debitæ rectitudinis, quia vt sic conueniunt in priuatione debitæ vt sic, quæ est essentialis ratio peccati vt sic, legatur Montefinos.

Conclusio; peccatum mortale & veniale sumpta secundum co-

rum essentialitatem, & quidditatem, vniuocè conueniunt in communi ratione peccati; & ita diuisio peccati est vniuoci in vniuocata. Ita Scotus in 4. distinct. 21. quæst. 1. §. *Ad argumenta*, & in 2. distinct. 21. quæst. 1. §. *Dico ergo*. Sequuntur præter Scotistas Lorca, Montefinos, Durandus & alij. Probatur, quia peccatum veniale verè & propriè rationem habet essentialem peccati; ergo vniuocè conuenit cum peccato mortali in communi ratione peccati. Antecedens patet, tum ex Scoto in 2. distinct. 37. & distinct. 21. citata, vbi peccatum veniale non excludit à definitione peccati tradita ab Augustino, quod sit dictum, factum, vel concupitum contra legem Dei. Tum etiam quia tam D. Thomas, quàm Augustinus lib. 2. de mendacio, docent, omne mendacium esse absolutè & simpliciter peccatum; cum tamen omne mendacium non sit peccatum mortale. Item ex Scriptura peccatum veniale simpliciter & absolutè appellatur peccatum, vt Prouerbiorum 10. *Quod in multiloquio non deeris peccatum*. Et Ioannis 1. *Si dixerimus peccatum non habere, ipsi nos seducimus, &c.* Quæ de peccato veniali, apertè intelliguntur secundum Expositores.

tores. Tandem ratione id ostenditur, quia Sacerdotes verè habent iurisdictionem absoluendi ab omni peccato iuxta illud Ioan. 20. *Quorum remisistis peccata, &c.* Sed secundum omnes, verè absoluunt Sacerdotes à venialibus; ergo venialia habent veram rationem peccati. Confirmatur, quia peccata venialia absolutè vocantur offensa, lapsus, Deo displicere, & quòd merentur poenam. Accedat secunda probatio: peccatum in communi essentialiter consistit in priuatione rectitudinis debitæ ad aliquam legem; sed tam peccatum mortale, quàm veniale sunt contra aliquam legem, ergo vniuocè conueniunt in ratione peccati. Minor probatur, tum quia Augustinus definiens peccatum per *ly*, dictum, factum, &c. contra legem, comprehendit tam mortalia, quàm venialia in prædicta definitione, patet; quia Augustinus per totum illum librum 22. contra Faustum docet dari multa peccata, quæ ab omnibus pro venialibus habentur. Tum etiam quia nequit intelligi peccatum veniale habere rationem malitiæ & offensæ, nisi intelligatur contra aliquam legem. Tandem quia ex Scriptura habetur omne mendacium prohiberi legem

illa; *noli mentiri*: & omne furtum per legem illam, *non furaberis*; ergo reuerà peccata venialia sunt contra aliquam legem.

Oppones: peccatum mortale ex sua natura est ablatium gratiæ; peccatum verò veniale secundum suam rationem comparatur cum illa; ergo peccatum mortale & veniale nequeunt vniuocè conuenire in ratione peccati. Negatur antecedens quòd ad primam partem: pluriès enim dictum est peccatum mortale non consistere essentialiter in priuatione gratiæ, sed solum in priuatione rectitudinis debitæ secundum legem obligantem de necessitate salutis; gratiam verò auferre, est dumtaxat effectus demeritorius peccati mortalis. Hinc si argumentum probaret, concluderetur mortale & veniale, nec analogicè conuenire; cum nullo modo veniale importet priuationem gratiæ.

Oppones secundò; peccatum in communi includit generalem rationem inobedientiæ contra legem; sed peccatum veniale non dicit generalem malitiam inobedientiæ, aliàs esset mortale; cum omnis malitia inobedientiæ sit læthalis ex suo genere.

re. Respondetur distinguendo maiorem, peccatum vt sic includit inobedientiam ad legem, abstrahendo à lege obligante de necessitate salutis, vel ad aliquod vtile, concedo maiorem; dicit inobedientiam ad legem obligantem de necessitate salutis, nego maiorem: similiter distingo minorem; peccatum veniale non dicit inobedientiam ad legem secundo modo, concedo; ad legem primo modo, nego minorem, & negatur consequentia: quia quando nos dicimus mortale & veniale vniuocè conuenire in còmmuni priuatione rectitudinis debitæ ad legem; sumimus ad legem primo modo; quatenus scilicet obligat ad aliquod simpliciter. Quòd autem illud sit necessarium vel vtile ad finem supernaturalem, hoc spectat ad speciales differentias peccati mortalis, & venialis.

Obijcies tertio: qui tantum peccat venialiter, dicitur Diuina mandata seruare; ergo peccatum veniale nullo modo est contra legem Dei, & consequenter nec vniuocè conuenit cum mortali in ratione peccati. Antecedens patet, quia Math. 19. habetur: *Si vis ad vitam ingredi, serua mandata*; sed qui peccat venialiter ingreditur vitam æter-

nam, ergo dicitur seruare Diuina mandata. Tum etiam ex Iacobi 2. *Qui in uno offenderit, factus est omnium reus*: sed qui venialiter peccat, non fit omnium reus; ergo non offendit Diuina mandata, & consequenter peccatum veniale non est contra legem. Respondetur distinguendo antecedens; qui venialiter peccat, seruat omnia mandata obligatiua de necessitate salutis, concedo; obligantia ad aliquod vtile, nego antecedens. Ad probationem patet: nam ille qui venialiter peccat, seruat mandata obligantia de necessitate salutis, benè potest ingredi vitam æternam; ad illud Iacobi, dico quòd intelligitur de offensione mandati obligantis de necessitate salutis.

Petes: si peccatum veniale reuera dicitur esse contra aliquam legem, quare Scotus dicit esse contra Consilium?

Respondetur, quòd idèd Scotus docuit peccatum veniale esse contra consilium; vt expressè innotesceret non esse contra ordinationem necessariam, siue contra legem rigorosam obligantem de necessitate salutis.

## DOCUMENTVM V.

*Inquirens an peccatum mortale, & veniale differant genere?*

**S**uppono primò, peccatum mortale & veniale non differre in genere remoto, sed potius conuenire vniuocè in comuni ratione generica peccati, quæ est carentia debitæ reſtitutionis ad legem. Solùm hic est difficultas; an mortale, & veniale sub illa ratione differant tanquàm duæ species infimæ, vel subalternæ? Suppono secundò; peccatum veniale, sicut & mortale, dupliciter contingere; scilicet vel per se, vel per accidens. Peccatum veniale per se, dicitur illud, quod ex proprio genere, siuè ex proprio obiecto est veniale; quatenus materia, circa quam versatur, solùm est utilis ad finem supernaturalem, vt mendacium officiosum, verbum otiosum, risus superfluous. Peccatum mortale etiam ex genere, dicitur illud, quod ex proprio obiecto inuoluit priuationem reſtitutionis necessariæ ad finem supernaturalem; cuiusmodi sunt adulterium, furtum, &c. Peccatum veniale, per accidens, dicitur illud, quod ex proprio genere est mortale;

per accidens tamen fit veniale. Hoc dupliciter fieri potest, vel ratione imperfectæ deliberationis, vel ratione leuitatis materiæ; & hac ratione odium Dei indeliberatum, & furtum rei leuis, quàmuis ex proprio genere sint mortalia: ratione tamen imperfectæ deliberationis & paruitatis materiæ, per accidens fiunt venialia. Peccatum mortale per accidens dicitur illud, quod ex proprio genere est veniale; ratione tamen prauæ circumstantiæ, siue finis læthalis, per accidens redditur mortale: & hac ratione dicere mendacium, quàmuis ex proprio genere fit veniale; tamen si ordinetur ad finem adulterij, vel furti, fit per accidens mortale. Ad propositum, cùm hic inquiremus; an mortale & veniale differant genere, difficultas non est de mortali & veniali per accidens: sed de mortali & veniali per se, & ex proprio genere; cùm certum sit apud omnes mortale & veniale per accidens esse eiusdem speciei infimæ. Patet, nam furtum magnæ quantitatis, & furtum paruæ quantitatis, odium Dei deliberatum & indeliberatum, omninò eiusdem speciei sunt. Suppono tertio difficultatem præsentem non esse de mortali & veniali, vt dicunt acciden-

tia,

tia, siuè vt reduplicatiuè sumuntur, quatenùs mortale & veniale dicuntur ab effectibus; scilicet à morte, quam causant: sed potiùs difficultas est de mortali & veniali secundum proprias suas rationes à priori: nam aliàs pro certo supponimus, omnia mortalia esse eiusdem speciei, patet; quia omnia mortalia causant eundem effectum specie, scilicet priuationem gratiæ coniunctionis cum Deo, & reatum pœnæ aternæ. His positis; Angelicus Magister ait differentiam venialis à mortali non esse specificam constitutionem generis proximi, vel speciei infimæ; sed potiùs esse differentiam accidentalem.

Conclusio: peccatum mortale & veniale secundum proprias rationes differunt genere proximo, siuè sunt duæ species subalternæ generis remoti, taliter vt quodlibet illorum sit diuisibile in plures species infimas; scilicet in ordine ad diuersos actus præceptos de necessitate salutis, vel solùm vtiles. Ita Pater Vulpes; probatur, quia peccatum essentialiter constituitur per recessum à regula rationis distantis aliquam materiam virtutis: sed regula rationis in duas species subalternas diuiditur, scilicet in necessariam ad salutem, & in solùm

utilem; ergo similiter veniale & mortale, quæ à prædictis regulis specificantur, differunt tanquàm duæ species subalternæ sub eodem genere remoto.

Oppones: circa quodlibet obiectum virtutis contingit peccare mortaliter & venialiter; ergo veniale non differret genere proximo à mortali. Patet consequentia, quia distinctio peccatorum tota desumitur in ordine ad diuersas virtutes, quarum sunt priuationes. Respondetur distinguendo antecedens; circa eandem materiam virtutis contingit peccare mortaliter & venialiter per accidens, concedo; per se & ex proprio genere, nego; quia per se loquendo contingit peccare mortaliter circa solam materiam necessariam ex præcepto pro consecutione finis; circa solam materiam utilem contingit per se peccare venialiter: vnde autem colligatur aliquam materiam virtutis esse necessariam, & aliam solùm vt utilem; Pater Vulpes colligit è sola Dei benignitate, quòd non omnis rectitudo virtutis sit nobis præcepta ad salutem vt medium simpliciter necessarium.



## DOCUMENTVM VI.

*Inquirens utrùm ex pluribus venialibus possit fieri vnum peccatum mortale?*

**S**ententia fuit glossæ in Decretalibus de Pœnitentia distinct. 1. asserentis multa venialia efficere vnum mortale.

Conclusio: infinita peccata venialia, si forent per se, & ex proprio genere, nunquàm attingerent malitiam vnius mortalis. Ità Scotus in 4. distinct. 21. quæst. 1. sub lit. C. vbi sic habet: *Peccatum veniale & mortale sunt improporcionabilia in ratione malitiæ, vel offensa; quia infinita venialia si essent, non aquarentur uni mortali in ratione offensa, quia nec omnia illa auerterent à fine ultimo, sicut vnum mortale.* Probatur, quia infinita venialia si forent, nunquàm importarent auersionem à fine supernaturali, quatenus nunquàm essent contra medium necessarium ad salutem; quinimò semper forent contra medium tantum utile. Item neque priuarent gratia vel coniunctione cum Deo, quia quàmuis impedirent feruorem Charitatis in actu secundo, & retardarent coniunctionem cum Deo; nunquàm ta-

men priuarent gratiam & beatitudinem, nec inducerent reatum pœnæ æternæ, sicut prædictos effectus causaret vnum mortale, ergo, &c.

Obijcies primò: secundum Scotum malitia cuiuscunque mortalis est tantum finita; ergo possunt venialia ità multiplicari, vt attingant malitiam vnius mortalis. Respondetur, negando consequentia: nam; estò malitia peccati mortalis sit tantum finita; est tamen altioris ordinis in genere malitiæ, quatenus habet causare omnes prædictos effectus, ad quos nequeunt peruenire infinita venialia. Ità à pari, quàmuis Angelus dicat finitam perfectionem; quia tamen est altioris ordinis, hinc quantumcunque cresceret homo in perfectione, nunquàm attingeret perfectionem Angelicam, sicut nec accidens perfectionem substantiæ.

Obijcies secundò: cuiuslibet peccato veniali correspondet determinata pœna temporalis; ergo si forent infinita venialia, eis deberet correspondere infinita pœna; saltem extensua: sed pœna infinita nunquàm datur, nisi propter peccatum mortale; ergo si infinitis venialibus correspondere potest pœna infinita, sequitur necessariò, vt infinita venialia æquarentur

rentur vni mortali. Respondemus, quòd in primis loquendo de pœna damni, scilicet de priuatione gratiæ & vitæ æternæ, nunquàm talis pœna correspondebit infinitis venialibus. Loquendo de pœna sensus, dico quòd adhuc esset disparitas, quia pœna illa correspondens infinitis venialibus secundum durationem, solubilis est in hac vita per actum feruentis Charitatis, vel saltem in Purgatorio per poenam fatis intensam: pœna autem debita mortali, necessariò est æterna, & non solubilis ad tempus, & idèò infinitis venialibus nunquàm corresponderet pœna illa, quæ deberet infligi pro vno mortali.

Obijcies tertio: qui paulatim furatur rem exiguam, materiam solùm sufficientem ad peccatum veniale, quoriès quis illam furatur, venialiter peccat: & tamen si multis furtis prædictæ rei parvæ perueniatur ad quantitatem magnam, siuè materiam grauem committitur peccatum mortale furti; ergo possunt plura venialia integrare maliciam vnius mortalis. Respondet Vulpes hoc argumentum non probare contra nostram conclusionem, quæ solùm loquuntur de venialibus ex gene-

re; non autem de venialibus per accidens, de quibus procedit argumentum: furtum enim ex suo genere, est peccatum mortale, per accidens tamen ex leuitate materiæ fieri potest veniale; & idèò non mirum si sequens materia furti leuis, addatur priori vsque ad notabilem quantitatem, constituatur inde peccatum mortale furti.

Respondetur aliter cum Vulpes, Medina, Nauarro, Becano &c. quòd quis pluriès furando quantitatem leuem, semper peccat venialiter tantum; solùm committere potest peccatum mortale non restituendo. Nec mirum quòd aliquis sub mortali teneatur restituere, quod sine mortali accepit: nam inuentor rei alienæ tenetur facere restitutionem proprio Domino sub pœna lethali, quàmuis absque tali pœna rem alienam accepit.

Circa veritatem huius responsionis notant aliqui, quòd ut quis teneatur ad restitutionem quantitatis notabilis ex furtis venialibus, requiritur quòd res furata vel in propria specie perseueret, aut furans ex ea sit factus ditior. Insuper requiritur, quòd illæ acceptiones inter se continuentur, quæ continuatio

moralis, interuallo temporis, & alijs circumstantijs, relinquitur prudentis arbitrio. Hinc fit, vt si quis pluriès furetur rem paruum absque prædicta continuatione morali, nec peccat mortaliter recipiendo, nec non restituendo.

Circa veritatem primæ respõsionis notant secundò alij, quòd vltimum furtum per quod completur materia grauis, quantumuis in se leue sit, quia tamen vt adiunctum præcedentibus complet materiam grauem; idè vltimum furtum est peccatum mortale, quatenùs ratione illius infertur damnum notabile proximo.

Notant tertio, quòd si illæ acceptiones parue fiant à diuersis Dominis, vltima nunquàm erit mortalis, quatenùs ratione illius nulli infertur graue damnum, dummodò prædictæ acceptiones non continuentur moraliter, & procedant ex aliquo animo furandi quantitatem grauem. Cum hoc tamen, dicunt aliqui Doctores sic furantem rem paruum diuersis Dominis, quàmuis non peccaret accipiendo; teneri tamen ad restitutionem, quia notabilis quantitas aliena nequit detineri sine mortali. Plura ad hoc propositum dicemus infra.

*Notantur nonnulla de consensu voluntatis requisito, vel sufficienti ad peccatum.*

### DOCUMENTVM I.

*Præter intellectus aduertentiam circa malitiam obiecti, ad peccatum requiritur consensus voluntatis.*

**R**atio est, quia peccatum nequit esse, nisi voluntarium sit; ita sentiunt Theologi, & Summulistæ.

### DOCUMENTVM II.

*Sicut ad peccatum veniale sufficit imperfecta intellectus aduertentia, ita etiam sufficit imperfectus consensus voluntatis.*

**R**atio est, quia talis consensus est liber, & malus; ac proindè est tantum peccatum veniale.

### DOCUMENTVM III.

*Ad peccatum mortale requiritur plenus, & perfectus consensus voluntatis, sicut & perfectæ aduertentia intellectus.*

**R**atio est, quia dedecet Diuinam pietatem priuare gra-

gratia sua, & amicitia hominem, eumque punire æterna poena, propter consensum imperfectum. Ita docent omnes Doctores.

### MONITVM.

*Voluntas in tentationibus peccati mortalis septem modis se habere potest.*

**P**rimò, ità vt verè curet expellere tentationem; sed tamen negligenter expellit. Secundò, quando est anceps & ambigua; an consentiat tentationi; nec nè. Tertiò, ità vt nec consentiat, nec dissentiat; sed negativè se habeat. Quartò, quando non conatur reprimere appetitus delectationem: sed tamen actualè displicentiam illius delectationis habet. Quintò, quando de re mala proposita delectatur; sine intentione tamen exequendi opus. Sextò, quando consentiret executioni operis; si non esset offensa Dei id facere. Septimò, ità vt absolute consentiat, & cupiat exequi malum, quod per tentationem proponitur.

Quando voluntas repellit negligenter tentationem, venialiter tantum peccat; quia deficit plenus consensus, qui ad mor-

tale requiritur. Quando homo probabiliter iudicat ob illam negligentiam in repellendis tentationibus, si esset periculum, ijs consensum dare, peccat mortaliter; quia exponere se periculo peccandi mortaliter, est peccatum mortale. Ita Nauarrus c. 10. num. 14. Ledesma 1. part. quæst. 21. artic. 7. concl. 9. Quando voluntas in tentatione ità se habet vt anceps, vt non plenè nec deliberatè: sed per quandam negligentiam & cum imperfecta aduertentia anceps est, an tentationi consentiat, nec nè; non peccat mortaliter, sed tantum venialiter. Ratio est; quia deest perfecta aduertentia consensus: quando voluntas propositis hinc inde rationibus pro vtraque parte plenè & deliberatè eligit esse dubia, an consentiat, nec nè; peccat mortaliter, si tentatio mortalis sit. Ratio est, quia tunc se ponit in manifesto periculo consentiendi tentationi mortali: cum quia teneatur diligere Deum amore appetitiui super omnia; huic autem amorì opponitur dubium illud voluntatis, quod in hoc formaliter consistit, vt appetitatio delectationis sensibilis per tentationem propositæ, sit æqualiter appetitioni ipsius Dei: vnde fit vt

voluntas in neutram partem præponderet, ac proindè tale dubium voluntatis est peccatum mortale. Medina in prima secundæ quæst. 24. artic. 6. Document. 5. Sances in Decalogum lib. 1. cap. 1. num. 16.

Moneamus, quòd voluntas quando plenè & deliberatè eligit esse anceps, hoc potest contingere dupliciter. Primò, ità vt voluntas per actum positivum velit esse anceps & perplexa; an consentiat, nec nè. Secundò, ità vt absque actu positivo deliberatè permittat se esse ambiguum & perplexam; & in secundo casu est perfectus consensus in illam dubitationem non quidem actualis & realis: sed interpretatiuus, quia proindè est, quòd posita perfecta aduertentia per actum positivum

eligat esse anceps, ac

proindè etiam in

illo casu cē.

setur

esse consensus suffi-

ciens ad pecca-

tum mor-

tale.

\*\*\*

## MONITVM.

*Quando quis dubitat, an peccaverit mortaliter, ex eo quòd dubitat; an perfectè vel imperfectè consenserit tentationi plenè, vel semiplenè adverterit intellectus malitiam rei ad dignoscendum: an consensus fuerit perfectus & plena aduertentia, & per consequens an peccatum sit mortale?*

**V**Tendum est hac regula: considerandum est, cuius conditionis sit ipse dubitans; & quidem si sit Vir bonis moribus imbutus, timidæque conscientie, qui non soleat peccare mortaliter; censendum est eum non perfectè consensisse, vel non perfectè aduertisse, ac proindè nec peccasse mortaliter: secus autem si sit Vir prauus, & malæ conscientie. Ratio huius regulæ est; quia cum prior, peccatum mortale ingenti odio prosequatur; si ipsum admisisset, facile discerneretur: contra verò, cum posterior parui pendat peccatum mortale, si plenè consensisset, vel non plenè aduertisset; nullū in eo suboriretur dubium. Medina 1. 2. quæst. 74. artic. 8. in fine, Sayrus in Clavi regia lib. 8. c. 7. num. 6.

num.6. Sances in Decalogum lib.1.cap.2. num.2.

Quando non reprimat, nec acceptat voluntas declarationem, etiam si sit posita plena aduertentia. Quando voluntas non acceptat delectationem prouenientem ex causa utili, & necessaria; vel quando laborat in expellendo, & non potest expellere, nullum peccatum committit. Ratio est, quia homines non tenentur vitare delectationem prouenientem ex tali causa, nimirum necessaria, honesta & utili; quia aliàs cum huiusmodi causæ frequentissimæ sint, homines redigerentur in nimias & inextricabiles angustias: si delectationes, vel motus prouenientes ex tali causa vitare tenerentur. Afflorius tom.1.lib.4.cap.6. Sances lib.1. cap.2. num.12. & 13. & multi alij apud ipsum ibidem. Hinc inferitur non peccare mortaliter illum, qui negatiuè se habet circa delectationem & motus existentes in sensualitate, & prouenientes ex studiosa lectione alicuius libri, ex ambitione confessionum, & honesta conuersatione, vel civili colloquio cum amico, ex moderato aspectu, quem sine nota inurbanitatis in conuersatione honesta, vitare non potest. Ratio est, quia

omnes huiusmodi causæ delectationis & motus, vel sunt honestæ, vel vtilis: si verò homo exponeret se periculo consentiendi tentationi & delectationi, quæ nimirum ex se mortalis sit, peccat mortaliter; quia exponeret se periculo peccandi mortaliter, & qui amat periculum peribit in illo.

Quando voluntas negatiuè se habet, ita ut non consentiat delectationi, & motibus in sensualitate existentibus, & prouenientibus ex causa, quæ est tantum peccatum veniale, ut est curiosa libri lectio, curiosus aspectus, vana salutatio, & similia; non peccat mortaliter permittendo illam delectationem, vel motus in sensualitate, siuè non tollendo causam illius delectationis, & libri lectionem: si tamen non sit probabile periculum consentiendi, nec talis motus sit adeò vehemens; ut probabiliter loquendo, possit causare pollutionem. Ratio est, quia huiusmodi causæ plurimæ & frequenter in communi hominum vita, ut est colloqui, aspicere, salutare &c. nimis difficilis esset via salutis; si homo quoties causas huiusmodi non remoueret, peccaret mortaliter. S. Thomas de Veritate quæst.15.



artic. 4. ad decimum : Caietanus verbo *delectatio*, versu *magnam tamen*; Nauarrus in Summa cap. 10. num. 12. Toletus lib. 5. cap. 14. num. penultimo, & alij multi apud Sances in Decalogū lib. 1. cap. 2. num. 13. Est contra Valentiam prima secundæ disp. 6. quæst. 4. puncto 3. & alios ab eodem Sances recensitos loco suprà citato num. 12.

Aduerte tamen *delectatio*, & motus existentes in sensualitate, & prouenientes à causa; licet tantum venialiter mala, sunt peccatum veniale. Ratio est, quia talis causa *delectationis*, & motuum est mala, & videtur in ea connexio cum motu malo, qui poterat & consequenter debebat vitari; ac proindè ad sunt omnia requisita ad peccatum, non ad mortale, igitur ad veniale.

Ex dictis infertur, quòd licet *delectatio* venerea sensualitatis deliberatè quæsitæ, & motus prauus eiusdem sensualitatis directè voliti, sufficiant ad mortale: non tamen in illis esse volitum, indirectè tantum, siuè esse volitum in causa honesta vel vtili, vel mala tantum venialiter, sufficit ad mortale; quia aliàs sæpissimè redigeremur in maximas angustias, si voluntarium in cau-

sa, vel indirectum in motibus procedentibus ex causis suprà dictis, sufficeret ad mortale. Monemus secundo, talis *delectatio*, & tales motus procedentes ex causa tantum venialiter mala, erunt etiam peccatum mortale, si probabiliter timeatur secuturus consensus expressus vel directus; sicut diximus de *delectatione*, & prauis motibus prouenientibus ex causa, vtili vel honesta; si adsit periculum consentiendi. Tandem aduerte, quid dicendum sit, quando huiusmodi *delectationes*, vel prauus motus, causa sunt notabiliter concurrentes ad pollutionem, aut quando proueniunt ex causis; quæ sunt peccatum mortale, vt sunt tactus, oscula, vel alia huiusmodi impudica: sed de his agunt Theologi in tractatione de sexto præcepto.

Petes, an quando homo expeditur *delectationem*, & motus in sensualitate prouenientes ex causa honesta, vel vtili, vel quæ sit tantum peccatum veniale; si cognoscat se posse huiusmodi *delectationem* & motus reprimere aliquo modo, v. g. cilicio, vel aliqua huiusmodi poena teneatur adhibere talia media, etià si non sit periculum consensus, nec causæ sint notabiliter con-

currentes ad positionem .

Respondeo non teneri , nisi aliàs teneatur secuturus consensus directus . Ratio est , quia aliàs propter frequentiam prædictarum causarum contingentem in mortali vita , talis obligatio esset nimis onerosa .

### DIFFICULTAS .

*An quando voluntas negligit reprimere, vel non conatur reprimere delectationem & motus præuos appetitus; sed habet displicentiam eorum (efficacem quidem, & voluntas illis non consentiat) inefficacem autem, & insufficientem ad tollendam ipsam delectationem, motus, peccet ne mortaliter?*

**R**espondeo , & dico primò : quando causa delectationis est honesta & utilis , vel necessaria , aut mala tantum venialiter ; non peccat mortaliter voluntas negligens reprimere , siue non reprimens delectationem , vel motus , & habet displicentiam earum , siue non reprimat : eo quòd non aufert prædictas causas delectationis & motuum , siue quia non adhibet remedium delectationis , & motuum repressivum .

Ratio est , quia omnia hæc sunt

vera , & si non adsit illa displicentia delectationis , & motuum ; ac proinde multò magis erunt vera , si adsit illa displicentia in voluntate . Aduerte autem , quid dicendum sit quando causa talis delectationis , vel motuum , est peccatum mortale , & voluntas non reprimat , vel impedit delectationem vel motus ; idest non auferendo causam illorum , & si habeat illorum displicentiam . Consule Doctores in tractatione in sextum præceptum .

Considera benè , quando quis patitur delectationem , vel motus in sensualitate etiam si proveniant ex causa necessaria ; vel honesta , vel utili diligenter cauere debet , ne illis consentiat , quia difficile est illis non consentire , præsertim si delectatio diutius duret .

Communiter enim non potest diù delectatio venerea manere sine intentione libidinis , vel periculo consensus ; & idè , qui sentit huiusmodi delectationes & motus in sensualitate , deberet sæpius renouare displicentiam illorum , immò deberet impedire auocando quantum fieri potest mentem & cognitionem à rebus , unde delectatio existit , aut exoritur ; vel tollendo causas ipsius delectationis & motuum , præsertim

ferim si sint malæ, licet tantum venialiter: vel adhibendo aliquod aliud remedium, quod dolore inflicto extinguat, aut vincat, vel minuat delectationem; aliàs qui patitur huiusmodi delectatione, & motus (præsertim prouenientes à causa mala) licet venialiter tantum, si contentus sit statu negatiuo voluntatis, in quo nimirum ipsa voluntas non quidem est anceps, an consentiat delectationi, nec nè: sed eam negligit non impediendo, experietur voluntatem non diutius permanere in illo statu negatiuo, sed faciliè labi in consensum; quia (vt dicebam) permanentia in delectatione, facile trahit voluntatem ad consentiendum, atque hoc facillimè potest contingere in aspectibus curiosis causantibus huiusmodi delectationes: nam sapè quis incipit aspicere curiositatis gratia, & postea permanet in illo ex aspectus delectationis causa; nam cum ferè statim ac res visa est, curiositati satisfacit, deficiente postea sine curiositatis in aspiciendo, delectatio solet succedere in locum præcedentis finis: atque ità tandem peccatur mortaliter, si talis aspectus diù durat, vel non statim tollatur; quantum iuxta urbanitatem fieri potest.

## DIFFICULTAS.

*An voluntas peccet mortaliter, quando non consentit delectationi, vel motibus in sensualitate existentibus, & prouenientibus ex causa vel utili, vel peccaminosa tantum venialiter, & elicit hunc actum positium: nolo impedire hanc delectationem, vel hos motus.*

**A**Duerte pro solutione: quando voluntas fertur in aliquam rem actu positium, semper in eam fertur ob aliquam rationem boni, siue ob aliquod bonum, vel intrinsecum rei, vel extrinsecum; ac proinde quando quis desiderat delectationem, eam vult propter bonum, quod sit in ipsa delectatione, vel propter aliquod aliud bonum extrinsecum ipsi delectationi. Similiter quando quis vult posituè non impedire delectationem, vel motus existentes in sensualitate, aut vult illam non impeditionem, siuè non repressionem propter aliquod bonum, quod sit in ipsa repressione, vel in ipsis motibus & delectatione, aut propter aliquod aliud bonum in illis extrinsecum; nimirum propter necessitatem, vel honestatem, aut vtili-

utilitatem existentem in causa talis delectationis, v.g. in lectione libri, vel in colloquio cum amico, &c.

His adnotatis, dico primò: si quis cum plena advertentia positiuè vult non impedire delectationem, & motus sensualitatis propter bonum ipsi delectationi intrinsicum; peccat mortaliter, si talis delectatio sit in materia graui, v.g. in venereis. Ratio est; quia hoc est velle morosè delectari in re graui, quod est peccatum mortale, vt infra constabit.

Dico secundò: quando voluntas positiuè vult non impedire delectationem, & motus propter aliquod aliud bonum extrinsecum, quod non sit peccatum, aut situm sit in aliqua illorum, v. g. propter honestatem, vel utilitatem existentem in eadem causa, vt in lectione alicuius libri, vel audiendis confessionibus, vel in conuersatione honesta cum amico, non peccat mortaliter; & si talis delectatio, & motus sit in materia graui, dummodò non sit periculum consensus. Ratio est, quia nolle impedire delectationem, vel motus propter honestatem, aut utilitatem existentem in eorum causa, æquiualemter est velle causam honestam, vel uti-

lem delectationis, & motuum propter honestatem, vel utilitatem ipsius causæ; & per consequens actus positiuus nolendi impedire delectationem, & motus prauos propter utilitatem, vel honestatem existentem in eorum causa, non est peior, quàm sit actus, quò quis vult causam honestam vel utilem talis delectationis, aut motuum secundum seipsam, vt patet: atqui hic actus non est peccatum mortale, vt constat ex suprà dictis; ergo nec actus nolendi impedire delectationem, & motus propter honestatem, vel utilitatem causæ, siuè nè cogatur tollere causam honestam, vel utilem, non erit peccatum mortale. Salas prima 2. tom. 2. tract. 13. scs. 6. num. 33.

Dico terriò: quando voluntas vult non impedire delectationem, vel motus propter aliquam causam, quæ sit peccatum veniale, siuè propter aliquod bonum naturale, vel commodum situm in causa illorum, venialiter tantum mala; non peccat mortaliter, sed tantum venialiter. Ratio est, quia idem est nolle impedire delectationem, vel motus prauos propter causam tantum venialiter malam, ac velle secundum seipsam causam venialiter malam:

malum: hoc autem non est peccatum mortale, sed tantum veniale; ergo, &c.

## DIFFICULTAS.

*Vtrum peccet mortaliter, quidem mala re sibi per apprehensionem proposita delectatur sine intentione exequendi opus?*

**V**T ad plenum proposita difficultati fiat satis. Monemus, actus voluntatis (quantum ad rem presentem facit) duplicem esse; alius actus est, quo voluntas vult reipsa committere fornicationem; vel non audire Sacrum, dicitur actus hic efficax: alius voluntatis actus est, qui consistit in simplici complacentia, aut displicentia rei sine desiderio executionis; talis est actus, v.g. quo voluntas sine desiderio executionis sibi complacet de fornicatione; v.g. vel occasione inimici tanquam de re, quam imaginatio vel intellectus reprehendit ut presentem: actus iste appellatur delectatio morosa, eo quod homo in tali actu post plenam aduertentiam immoratur; quamvis talis mora brevissima sit. Monemus dupliciter posse aliquem complacere sibi de aliqua

re imaginata, siue apprehensa ut presente.

Primo quidem, ita ut sibi complaceat de aliqua re secundum aliquam rationem boni existentem in illa, v.g. quatenus est rara, vel admiranda, vel quatenus est subtiliter peracta; ut si quis delectetur de morte, vel occisione alicuius, quatenus per insidias valde ingeniosas fuit interfectus. Hoc autem modo, res apprehensa ut præsens mediante cognitione, per quam apprehenditur, oblectat voluntatem; immo hoc nihil ferè est aliud, quam ipsam apprehensionem rei, ut presentis delectare voluntatem; licet illius apprehensionis obiectum sit ipsa res. In hoc autem casu dicimus delectare nos rem illam cogitare, & speculari, siue voluntatem delectari de cognitione talis rei.

Secundo, potest sibi complacere de aliqua re, pro ut apprehenditur tanquam bonum delectabile præsens. In hoc autem casu apprehensio rei requiritur quidem tanquam conditio, sine qua voluntas non delectaretur: verè tamen non apprehensio, sed res ipsa delectat; nec voluntas delectatur de apprehensione rei, sed de re ipsa.

Doctrina modò tradita, potest etiam



etiam melius explicari, vt delectatio dupliciter possit esse de aliqua re mala. Primò quidem potest esse de re mala secundum se, siuè de ipsa substantia rei; quatenus est mala mortaliter. Hoc modo potest quis delectari de vindicta apprehensa, siuè de substantia vindictæ apprehensæ, quatenus est mala inimico, quem odit. Secundò potest quis delectari de re mala, non vt mala est: sed de aliqua ratione boni contenta in re mala, siuè (quod idem est) non de re mala secundum se, vel de eius substantia; sed de aliquo modo particulari non malo, sed bono vel indifferenter, quantum est ex se & modo exquisito, quo ipsa facta est, vel perfici potest. Sic, quando narrantur furti, fraudes, vel insidiæ mirabili dexteritate, vel artificij, vel subtili inuentione paratæ, ridemus, & voluptate afficimur, non quòd de malo secundum se, vel de furti v.g. substantia, aut iniquitate gaudeamus, vel delectemur: sed quia delectemur de ipso modo inuentionis, dexteritatis, vel artificij, quo peracta sunt.

Moneo etiam; quòd dupliciter aliquid potest nobis fieri, vel esse præsens. Primò reipsa, hac ratione, quando quis occidit ho-

minem, hominis occisio præsens est illi. Secundò aliquid potest esse nobis præsens in phantastica per imaginationem, vel per apprehensionem; vt cum quis apprehendit fornicationem vt sibi præsentem; hoc est imaginatur, vel apprehendit se vt actu fornicantem. Aduerte deniquè, veraque præsentia rei, idest præsentia rei vera, & præsentia rei per imaginationem, vel apprehensionem, causat eandem delectationem, vt constat ex his, quæ contingunt in somnis: nam cum videmus nobis comedere, bibere, loqui cum amicis; ex talibus actionibus præsentibus solum per imaginationem & apprehensionem percipimus delectationem proindè, ac si reipsa comederemus, biberemus, &c. Ratio autem huius rei est; quia, phantasia, & apprehensio habet vim sensuum exteriorum; ac proindè sicut res dum actu fit, vel præsens est sensibus externis, delectationem causat: ita etiam delectationem causat, dum per imaginationem, vel apprehensionem percipitur, vt præsens, etiam si reuera non existat, vel reipsa sit præsens. Cum autem res mala mortaliter, non solum secundum se, sed etiam secundum aliquem modum particularem



possit esse præsens per imaginationem, vel apprehensionem, non solum res mala secundum suam substantiam potest causare delectationem, sed etiam modus illius exquisitus, quo ipsa res perfecta est, potest causare si nilem delectationem; etiam si res secundum substantiam, & secundum modum non sit præsens, nisi per imaginationem, vel apprehensionem. His stantibus.

Dico primò: si quis morosè delectatur de artificio, vel modo alicuius rei malæ exquisito, vel raro, aut admirando; qui ex se malus non sit (qua ratione homines delectantur de narratis fur- tis, prælijs, duellis, rebus admirandis, quæ per artem magicam fiunt, vel alijs huiusmodi rebus) per se loquendo non peccat. Ratio est, quia tunc voluntas non delectatur de malo ut malum est, vel de ratione mali; sed de aliqua boni ratione inuenta in re mala, vel in peccato, nempe de subtili inuentione vel artificio, vel dexteritate, aut fortitudine, qua perfecta est res. Caietanus verbo, *delectatio*: Valentia in primo 2. disput. 6. quæst. 4. punct. 3. vers. *Quarò certum est*. Afforius tom. 1. lib. 4. cap. 7. quæst. 1.

Et si non per se peccet; peccat tamen per accidens, ut si talis delectatio sit otiosa; & si moraliter sit mala, moraliter peccat. Hinc dicimus in superiori casu hominem non peccare per se, quia per accidens peccare potest, & quidem si talis delectatio sit otiosa erit peccatum veniale; si autem morale periculum delectandi de ipsa re mala, vel eius substantia secundum se, & res sit mala mortaliter, erit peccatum mortale, ut infra patebit. Hinc infero posse fieri, ut quis absque peccato saltem mortali delectetur aspectu pugnae, vel alterius rei iniustæ; si nimirum delectetur, vel rideat quòd subtiliter & ingeniosè aliquid agatur, quòd fortiter v.g. & strenuè pugnetur; & non delectetur de ipsa rei substantia.

Aduerte rursus non esse peccatum per se loquendo delectari modo, vel artificio rei malæ, quando tale artificio, vel modus artificiosus est indifferens, ut in re bona aut mala reperiatur; sed etiam quando talis modus artificiosus ad rem malam determinatus est. Ratio est, quia cum esse modum mirabilem, vel artificiosum nil mali contineat, potest saltem per intellectum concipi talis modus distinctus ab ipsa rei

rei substantia vel malitia; ac proinde de illo ita per intellectum distincto poterit voluntas delectari absque eo, quòd delectetur de ipsa rei substantia, vel malitia. Sances lib. 1. in Decalogum cap. 2. num. 6.

Hinc inferri potest; cur non sit peccatum per se loquendo delectari de tragoedijs & lectione librorum, in quibus narrantur homicidia hominum, & alia huiusmodi crudelia. Ratio est, quia hæc delectatio non est de ipsis cædibus secundum se & pro ut sunt malæ, vel iniustæ: sed est de modo exquisito earundem rerum, vel de ipsa cognitione, & inaginatione rerum, quæ narrantur, vel repræsentantur.

Dico secundò; quando quis morosè siuè deliberatè delectatur de substantia rerum malarum, siuè iure naturali petitarum, peccat mortaliter, vel venialiter pro ratione obiecti mortiferi, vel venialis. Ratio est, quia illa delectatio, quæ hoc modo ex inaginatione rei malæ existit, est plenè similis illi delectationi, quæ ex vera ipsius rei præsentia & usu nascitur; ac proindè sicut hæc delectatio est mortalis, aut venialis pro ratione ipsius obiecti mortiferi, aut venialis ista & illa

delectatio: S. Thomas 1. 2. quæst. 74. artic. 8. ibidem Caietanus, Conradus, & Medina. Vndè non probatur contraria sententia, ut rectè notat Lessius lib. 5. cap. 3. dub. 5. num. 109.

## DIFFICULTAS.

*Vndenam dijudicari potest, an delectatio morosa sit de ipsa substantia rei malæ, vel de modo exquisito, aut de cognitione rei, vel talis modi? v.g. an quis delectetur de ipsa copula carnali cogitata, & actu generationis secundum se; vel de modo, aut cognitione speculativa illorum?*

**D**ico hoc dijudicari posse ex ipso cogitantis affectu, si enim delectatio oriatur ex affectu ad modum mirabilem, vel cognitione rei aut modi; eo quòd cogitans nihil affectus sit ad res cogitatas, sed tantum ad modum, vel artificium, aut cognitionem rei vel modi, signum est delectationem esse de ipso modo rei, vel cognitione: contrà verò quando delectatio oritur ex affectu ad res cogitatas, v.g. ad luxuriam, vindictam, ad quas afficitur cogitans; signum est delectationem capi de re cogitata. S. Thomas 1. 2. quæst. 74. artic. 8. in cor-

pore; & ibi Caietanus, & in summa verbo (*delectatio*), Valentia in 1. 2. disput. 6. quæst. 4. punct. 3.

### DIFFICULTAS.

*Vnde nam colligi potest, quod delectatio oriatur ex affectu ad rem cogitatum, vel ex affectu ad modum ipsius exquisitum, aut eiusdem rei, vel modi cognitionem.*

**R**espondeo hoc colligi posse ex talis delectationis occasione, nam si delectatio ortum habuit ex occasione turpi, vel mala, aut ab aspectu impudico; vel ab occasione vindictæ, sumendum erit talem delectationem oriri ex effectu ad rem ipsam: si quis verò econtrà, erat concionaturus, vel disputaturus de his, & cogitavit hæc, & delectatus est; signum est, non ex affectu talem delectationem deriuatam esse. Valentia 1. 2. disp. 6. quæst. 4. punct. 3. ubi id colligit ex S. Thoma.

Dico tertiò, quando morosa delectatio de opere non per se malo: sed tantum de malo per accidens, siue ob humanam legem, ut sunt res prohibita per legem, v.g. Ecclesiasticam, non est peccatum saltem mortale, si

non sit de opere, pro ut est peccatum, vel pro ut est contra præceptum; ac proinde si quis die Veneris delectetur de esu carnum imaginario, vel quis delectetur de aspectu imaginario, vel reali ludi vetiti, non peccat mortaliter, si non delectetur de illis pro ut sunt contra præceptum, nec sit periculum consentiendi in fractionem præcepti. Ratio est, quia illa complacentia, vel delectatio de esu carnum, vel de aspectu siue vero, siue imaginario ludi vetiti, non est per se mala. Rursus non est mala ratione præcepti Ecclesiastici, quia talis actus complacentiæ vel delectationis non est prohibitus ab Ecclesia, sed tantum est prohibita talis actio externa ludendi, vel actio comedendi carnes die Veneris, non tam causa vitandæ delectationis, quàm mortificandi corporis per externam abstinentiam. Gabriel in 4. distinct. 15. quæst. 13. artic. 3. dub. 3. Rosella verbo,

*ludus*, S. Secundò: Lessius

lib. 4. cap. 3. dubitationi.

15. Sances lib. 1.

in Decalogum,

cap. 2. num.

10.

## DIFFICULTAS.

*Est nè peccatum mortale delectari de actibus mortalibus, sed excusatis à culpa ratione somni, vel ebrietatis, vel amentia, aut ignorantia; ut si quis delectetur de fornicatione realiter habitata in somno, aut de fornicatione, quam commisit cum aliena muliere putans esse suam; aut de esu carnis die Veneris, vel fractione ieiunii contingenter per ignorantiam, aut oblivionem inuincibilem?*

**R**espondeo primò, si quis de opere prohibito per solum jus humanum, & patrato delectetur, ita ut delectatio sit tantum de illo materiali opere; non autem de illo, pro ut est contra præceptum, non peccat mortaliter, etiam si fractio talis præcepti seclusa ignorantia, aut oblivione, & alijs excusantibus opus factum à culpa, sit peccatum mortale. Ratio est, quia talis delectatio per se non est mala. Rursus nec frangit ipsum præceptum, nec est de fractione præcepti: igitur quantum est de se non est mala, licet possit esse mala venialiter, si sit otiosa; vel mortaliter si sit periculum consensus in frac-

tionem præcepti. Hadrianus Papa in 4. tractatu de Eucharistia, questione incipiente: *Quia dictum est, quod somnus excusat.* Lessius lib. 4. de Iustitia cap. 3. num. 16. ad de Vasquez, &c.

Dico secundò, nec est peccatum de actibus ex se mortalibus; sed à culpa excusatis ratione ignorantia vel amentia, si talis delectatio habeat bonum aliquem finem, ut si quis delectetur de aliquo homicidio, aut fornicatione per amentiam secuta; non tamen secundum se, vel quatenus sunt mala, sed propter aliquem bonum finem, ut propter utilitatem ortam ex tali homicidio, vel fornicatione. Ratio est, quia delectatio sumit malitiam ab opere, de quo est; ac proinde cum opus, de quo est prædicta delectatio, careat culpa: similiter & delectatio culpa carebit. Aduerte tamen, quando dicimus de fornicatione secuta, & à peccato excusata, v. g. per amentiam non esse mortalem, non est sermo de delectatione sensibili & coniuncta cum corporis commotione. Hæc enim est delectatio venerea, nec consensus in illam caret unquam malitia peccati mortalis; si sit deliberatus, & non adsit circumstantia Matrimonij; sermo igitur est de de-

delectatione, quæ est idem cum gaudio de actu fornicationis tanquàm de re non præsentis, sed præteritæ; est quidem ob aliquem bonum finem siuè effectum ex illa consecutum: hoc enim nihil est aliud, quàm consentire in rem licitam, seu approbare actum præteritum, & gaudere de aliqua utilitate vel alio effectu bono consecuto ex tali actu fornicationis.

Ex dictis infertur, quòd licet sit mortale procurare ut pollutio sequatur in somno, vel in vigilia; non est tamen mortale de pollutione naturaliter secuta in somnis, aut vigilia gaudere ob aliquem bonum finem, v. g. ob utilitatem indè perceptam, ut propter sedationem vel remissionem tentationem secutam ex illa naturali seminis euacuatione.

Secundò infertur non esse peccatum mortale, si quis ob aliquem bonum finem speret pollutionem secuturam per viam naturalem siuè in somno, siuè in vigilia; immò nec erit peccatum mortale ob aliquem finem desiderare talem pollutionem.

Adverte tamen delectatio, vel gaudium de pollutione siuè præterita, siuè futura, quod non esse peccatum nihil est aliud quàm quædam voluntatis complacen-

tia, siue approbatio pollutionis præteritæ vel futuræ propter aliquem bonum finem, vel effectum secutum, vel secuturum; aliàs si sit delectatio venerea, idest sensibilis vel cum membrorum commotione, erit peccatum mortale: & ideò non potest quis de pollutione quam sibi fingit, ut præsentem delectari, quia talis delectatio est venerea, & quantum est ex se, corpus commouet.

Ex dictis sequitur, sponso de futura non posse se oblectare imaginatione copulæ futuræ eam fingendo tanquàm præsentem, in qua modò versetur. Ratio est, quia corporis commotio, quæ consequitur, cum sit illicita in hoc statu, est etiam illicita delectatio, quæ indè proximè resultat. Lessius lib. 4. cap. 3. dubitatione 15. num. 12. Moneo tamen, quòd si iidem sponsi apprehendant copulam non ut præsentem, sed ut futuram, possunt de ea apprehensa gaudere, sicut etiam potest quis velle nubere, ut possit habere copulam, quod nascitur ex amore, vel desiderio copulæ licitæ tamen, & quæ non apprehendatur ut præsens. Ratio est, quia hoc nil aliud est, quàm gaudere spe & expectatione boni futuri; quæ spes modò præ-

præfens est, & per se licita, infertur etiam mortaliter peccare, viduam, si delectetur de actu coniugij, & illum tanquam præsentem & nunc exercitum per imaginationem constituat. Ratio est, quia ille actus & corporis commotio indè consequens, non est concessa viduæ in statu viduitatis. Monemus tamen, quòd vidua potest gaudere de copula olim habita cum marito, tanquam de re præterita ob aliquem finem. Ratio est, quia hoc non est delectari de illa tanquam de re, quæ modò delectabilis fit ipsi sensui, nec est delectari de illa copula tanquam de re præfenti: sed est tantum ratum habere vel approbare actum præteritum, siue gaudere de pollutione, fama, honore, vel simili effectu bono ex illa copula consecuto. Lessius lib. 4. cap. 3. dubitat. 15. ubi docet hoc modo intelligendum esse Angelum verbo, *cogitatio*, num. 2. Nauarrum cap. 16. num. 10. Caietanum, *delectatio morosa*, & alios dicentes viduam de copula præterita posse gaudere.

\*\*\*

## DIFFICULTAS.

*An coniux in absentia coniugis se oblectans imaginaria copula, peccet mortaliter?*

**R**espondeo; si tunc absit periculum pollutionis, non peccat mortaliter. Ratio est, quia in tali statu, quæ est ut ei opus externum reipsa præstitum sit permissum, ei quoque permissum est opus imaginatiuum, siue in phantastica & imaginatiua præstandum (periculo tamen pollutionis secluso) Caietanus, *delectatio morosa*, §. Rursus. Lessius loco citato.

## DIFFICULTAS.

*An voluntas peccet mortaliter, quando executioni operis mortaliter mali, consentit sub huiusmodi conditione: hoc facerem, si mihi liceres; si non esses peccatum, si non esses contra virtutem, vel sub alia huiusmodi conditione.*

**P**ro solutione difficultatis moneo; quòd quando quis dicit; facerem hoc, si non esset peccatum, vel si non esset contra virtutem, aut si non esset offensa Dei, &c. duplicem sensum possunt



sunt habere huiusmodi verba. Primò signare possunt voluntatem esse ita propensam, vt esset factura tale opus, si non esset peccatum. Secundò eadem verba significare possunt in voluntate esse verum actum consensus, siue desiderium efficax terminatum ad rem malam; v.g. ad homicidium, à cuius homicidij executio abstinere, eo quòd sit peccatum. Nunc.

Dico, quando quis dicit; facerem hoc, si non esset offensa Dei, &c. v.g. vindictam sumerem de inimico, nisi esset offensa Dei; si tantum declararet voluntatem suam esse propensam ad vindictam, vt esset vindictam sumptura, si non esset peccatum, non peccat, immò meretur. Ratio est; quia talis actus est bonus, cum voluntas in tali casu non determinetur ad malum, nec malum velit: sed propensionem suam in malum propter Diuinam offensam reprimat, atque hoc modo Deum timentes eliciunt eos actus conditionales.

Dico secundò, quando quis sub conditione auferente malitiam, vt est illa; si non esset peccatum, &c. consentirem executioni alicuius rei malæ & operis, quod solo iure positiuo prohibitum est; v.g. quando quis dicit;

comederem carnes in Quadragesima, nisi Ecclesia prohibuisset, non peccat saltem mortaliter. Ratio est, quia cum huiusmodi res non sint intrinsecè & ex natura rei malæ, possunt carere malitia, & apprehendi vt malitia carentes; ac proindè potest quis eas, vt malitia carentes, optare, vel desiderare eas non esse malas, vt ab illis peccato posset eas amplecti. Immodò hoc nihil aliud esse videtur, quàm optare Ecclesiam non prohibuisse illas. Caietanus verbo, *cogitatio*; Armilla in eodem verbo, num. 1. Vasquez 1.2. dist. 16. cap. 2. num. 4. Sairus in Clauiregia, lib. 8. cap. 7. num. 28. & alij.

Dico tertio, quando quis consentit executioni alicuius operis intrinsecè & moraliter mali, vt est v.g. odium Dei, fornicatio & alia huiusmodi, quæ dicuntur intrinsecè mala; eo quòd iure ipso naturali sunt prohibita, peccato mortaliter, etiam si consentiat sub huiusmodi conditione, si non esset peccatum. Ratio est; quia cum voluntas desiderio suo, vel consensu efficaci feratur in illius actus substantiam, in qua clauditur malitia, nec ab illo separari potest; fertur in rem moraliter malam; ac proindè mortaliter peccat. Quod magis constat

ex hoc actu (si absque culpa) possem destruere, Deum ipsum destruerem. Adrianus col. 10. artic. 2. conclus. 1. Afforius tom. 1. lib. 4. cap. 6. quæst. 10. Sances lib. 1. in Decalogum cap. 2. num. 22. & alij: aduerte tamen, si res illa, vel actus, qui iure naturali vetitus est, in aliquo statu vel casu sit licitus, & talis conditio apponatur; si ille casus, vel status adesset, facerem talem actum, non peccaretur. Ratio est, quia talis conditio remouet malitiam. Hinc accipe subsequencia corollaria.

*COROLLARIUM I.*

**N**ON peccat desiderans accedere ad aliquam, si esset sua vxor; nequè desiderans latrones suspendere, si esset Iudex: nec Religiosus, aut coniugatus desiderans vxorem ducere, si ille à voto Religionis; & hic à Matrimonio, liber esset. Ità tenent citati Auctores, & Vasquez 1. 2. disput. 110. cap. 2. num. 4.

*COROLLARIUM II.*

**Q**uando quis dicit; peccarem, si non esset Infernus: non peccat mortaliter,

si explicet tantum voluntatis propensionem, quam ipse cohibet timore poenæ; peccat tamen mortaliter, si verè habeat actum, vel consensum in voluntate, quo sub in prædicta conditione feratur in executionem operis mali moraliter.

*COROLLARIUM III.*

**S**I Presbyter, aut Religiosus dicat; vlciscerer, vel fornicarer, nisi mei status rationem haberem: non peccat mortaliter, si tantum significat animi propensionem; peccat tamen mortaliter; si consensus verè sequatur in vltionem, vel fornicationem sub illa conditione.

*COROLLARIUM IV.*

**S**I homo senex dicat; si hoc contigisset tempore meæ iuuentutis, vel quando eram vitæ deperditæ, sumerem vindictam: peccat mortaliter, si verè adsit voluntas vlciscendi, si præterito illo tempore iniuria contigisset; secus autem si verba illa significant, quòd illo tempore talis erat, vt vindictam esset sumpturus.

## COROLARIUM V.

**C**VM quis dicit; ſi non time-  
rem, frangerem ieiunium;  
hæc verba poſſunt intelligi de  
duplici timore; hoc eſt de ſer-  
uili, & filiali. Si intelligatur de  
timore ſeruili, quo timeretur Deus  
tanquàm ludex puniens pecca-  
ta, peccat mortaliter, ſi tamen  
in tali caſu adſit conſenſus in-  
fractionem ieiunij, licet condi-  
tionatus; quòd ſi conſenſus non  
adſit, & illa verba declarent tan-  
tùm voluntatis fragilitatem, ſiue  
propenſionem aut inclinationem  
habitualem, vel actuaalem ad  
frangendum ieiunium, non eſt  
peccatum.

Similiter ſi illa verba ( niſi te-  
merem Deum ) intelligentur de  
timore filiali, ità vt ſenſus ſit;  
niſi Deum reuererer, ſiue niſi  
fractionis eius ieiunij eſſet Dei iniu-  
ria, frangere ieiunium: tunc non  
erit peccatum, etiam ſi adſit con-  
ſenſus conditionatus. Ratio eſt;  
quia conditio illa appoſita ( ſi  
fractionis ieiunij non eſſet iniuria  
Dei ) rationem peccati aufert,  
atque hoc veritatem habet, ſi  
opus in cuius executionem vo-  
luntas conſentit ſub explicata  
conditione, ſit tantùm iure poſi-  
tuo prohibita, vel poſſet in ali-

quo ſtatu non eſſe iniuria Dei.

Aduerte autem: ſi voluntas  
in executionem operis prohibiti  
iure naturali, vt eſt fornicatio,  
& odium Dei, conſentiat ſub il-  
la conditione; peccat mortaliter,  
ſiue verba intelligentur de timo-  
re ſeruili, ſiue de timore filiali.  
Hinc ſi quis diceret; fornicarer,  
niſi timerem Deum, & verè  
conſenſum habeat voluntatis ad  
executionem fornicationis ter-  
minatam ſub illa conditione ti-  
moris, ſiue ſeruilis, ſiue filialis,  
peccaret mortaliter. Ratio con-  
ſtat ex ſuprà dictis; non pecca-  
ret tamen, ſi explicaret tantùm  
propenſionem ſuæ voluntatis,  
vt patet etiam ex ſuprà dictis.

## DIFFICULTAS.

*An iactantia, vel laus de peccato  
ſit peccatum mortale?*

**R** Espondeo; laudare ſe, vel  
alium de aliquo peccato  
veniali, eſſe peccatum veniale,  
& de mortali, mortale. Ratio  
eſt, quia actus ille laudandi ſe,  
vel alium de re mala, eſt quæ-  
dam de eadem re complacentia;  
ac proindè ſi res ſit mala morta-  
liter, & actus talis complacen-  
tiæ erit peccatum mortale: ſi ve-  
rò vel ſit mala venialiter, actus  
talis

alis complacentiæ, erit peccatum veniale.

Doctrina ista vera est, siue quis verè, siue falsò de illo malo se laudat; quia vtròbique eadem militat ratio. Caietanus 2.2. quæst. 122. artic. 2. Syluester verbo, *vana gloria*, quæst. 2. Angelus verbo, *Instantia*, num. 1. Nauarrus cap. 27. num. 13.

### COROLLARIA.

**E**X dictis inferitur esse peccatum mortale, velle gloriam, aut laudes de mortali; vel dum quis de eo laudatur illas acceptare, vel approbare peccatum mortale alterius tanquam laude dignum. Ratio est, quia hic interuenit complacentia de peccato mortali, vel eius approbatio.

Monitum; per se loquendo non peccat mortaliter, qui suum peccatum mortale, siue verum, siue falsum narrat absque approbatione, vel affectu ipsius operis: sed tantum vt inde appareat ipsius industria, dexteritas, ingenium, vires &c. v.g. in occidendo hominem, vel in patrando aliquo alio huiusmodi opere malo, vt si quis laudet se, vel alium: quòd quater continuò ad foeminam accesserit; vel cum

quatuor pugnavit, laudans (inquam) corporis vires, &c. in pugna dexteritatem, non peccat mortaliter: quia non laudat de peccato, sed de quodam bono naturali.

Monitum: Erit peccatū mortale, si sit in ipso laudante, vel in alio, quem laudat periculum iactantiæ, aut gaudij de mortali commissio; ratione cuius periculi potest esse mortale, vt notat Sances ibidem, sicut & etiam, potest esse mortale ratione scandalali.

*Notantur nonnulla de materia paruitate, ratione cuius peccatum ex suo genere mortale, transit in veniale.*

**D**E hac re ad longum disputaui disputatione 15. de Sacramento Pœnitentiæ. Cōfulantur ibi notata, à quibus abstineo; nè denuò replicentur.

Nonnulla tamen dicam necessaria ad nostrum propositum per varia documenta.

## DOCUMENTVM I.

*Ratione leuitatis, siue paruitatis  
materia peccatum ex suo  
genere mortale, potest  
fieri veniale.*

**R**atio est; quia ubi materia paruitas est, parua etiam offensa reperitur; ac proinde non est nisi culpa venialis. Monemus tamen dari aliquod genus materiae, in quo leuitas, siue paruitas non reperitur; huiusmodi est v. g. odium Dei, contemptus ipsius Dei, & infidelitas. Ratio est, quia in qualibet materia huius generis reperitur integra & plena ratio offensa Dei: quotiescunque enim aliquid, vel minimum à Deo reuelatum negas, infinitam Dei veritatem negas; in quocunque casu Deum oderis, infinitam Dei bonitatem oderis, & quotiescunque Deum contemnis, infinitum esse contemnis. Idem contingit in iuramento assertoris: nam cuiuscunque rei minimae, Deus in testem adducatur; adducitur ut testis falsus, eique mendacium tribuitur, & consequenter magna iniuria ei arrogatur. Idem contigit in Simonia quantumuis parua res spiri-

tualis vendatur, & quantumuis leui pretio, peccatum est mortale; quia plenè fit iniuria rei spiritali, eam pretio aestimando. Suarez de Religione lib. 4. cap. 3. num. 5. Vghoninus tractatu de Simonia regula 1. cap. 17. num. 3. & alij.

*Regula duplex adducitur, ut discerni possit; nùm materia peccati, siue praecepti, sit grauis, siue leuis siue parua.*

## PRIMA REGULA.

**Q**uando materia multum, siue notabiliter conducit ad finem, in quem ordinatur praeceptum à Superiore impositum; tunc est grauis materia, & sufficiens ad peccatum mortale; Quando verò materia parum ad eum finem conducit, tunc est materia leuis sufficiens solum ad peccatum veniale. Itaque ad discernendam grauitatem, vel leuitatem, non est materia praecepti, vel peccati attendenda praecise secundum se: sed inspiciendus est etiam finis, ad quem Superior ordinat praeceptum, quod ipse imponit. Vasquez 1. 2. disp. 158. cap. 6. num. 56. Sances lib. 1. in Decalogum cap.

cap. 4. num. 2. Ex hac regula inferri potest, quod si Ecclesia præcipit, ut Missa in die festo audiat; peccat mortaliter, qui Missam non audit in quocunque die festo. Ratio est; quia auditio Missæ notabiliter & multum inseruit præcepti Ecclesiastici finis, qui finis est perfectus, siue bonum vniuersale vniuscuiusque; ac proinde auditio Missæ in tali casu est materia grauis, & per consequens ipsius Missæ ommissio in tali casu; est peccatum mortale.

Monitum: si sæcularis Respublica, vel Vniuersitas præcipiat auditionem Missæ, & quis transgrediatur tale præceptum, non peccat mortaliter. Ratio est, quia auditio Missæ in tali casu non est materia grauis; eo quod non, conducit multum notabiliter ad finem præcipientis Reipublicæ sæcularis; quia finis non est tam perfectus spiritualis singulorum, quam bona gubernatio Vniuersitatis & Reipublicæ. Sances loco cit. num. 6.

#### REGVLA SECVNDA.

**A**D discernendam materiã grauem à leui, sunt considerandæ circumstantiæ, quibus Superior ducitur ad imponen-

dum præceptum de aliqua re, vel materia; quia sæpè contingit, ut materia præcepti, sit secundum se leuis, & tamen circumstantia aliqua grauitatem ei addat; ac proinde licet de tali materia secundum se considerata non possit fieri præceptum obligans sub mortali; poterit tamen de illa propter boni communis, vel Reipublicæ circumstantiam, vel Religionis adiunctam, quam Superior intendit, ferre præceptum, obligare sub mortali. Sairus in Clauis regiae lib. 3. cap. 17. num. 14. Valentia in prima secundæ disp. 7. quæst. 5. puncto 6. Suarez tom. 5. in tertiam partem disp. 14. sess. 6. num. 11. & 12.

#### COROLARIA.

**S**I Superior præcipiat seruari silentium ob periculum alicuius grauis peccati, vel transgressionis votorum; subditus frangens silentium, in tali casu peccabit mortaliter. Ratio est; quia licet silentium secundum se consideratum, non sit res grauis, sed leuis; illa tamen circumstantia periculi boni communis, vel grauis peccati, cui Superior per tale præceptum intendit consulere, addit silentio gra-



grauitatem. Valentia loco citato, Sances in Decalogum lib. 1. cap. 4. num. 5.

Hinc infertur, quod ex sola materia præcepti iuris humani non potest discerni; an tale præceptum obliget sub mortali, nec ne? Quia fieri potest, ut res quæ prohibetur, & est levis secundum se considerata; sit tamen gravis ratione circumstantiarum, quas Superior spectat in imponendo præcepto, & subditi ignorant: ac proinde in dijudicando, an præceptum iuris humani obliget sub mortali, vel tantum sub veniali; siue quod idem est, an sit de materia leui, standum est arbitrio prudentis & boni Viri.

Monitum: Si materia, etiam consideratis circumstantiis, non habeat grauitatem, sed levis sit; quantumcunque Legislator, vel Superior, siue Ecclesiasticus, siue secularis, intendat ferre præceptum de tali materia obligans sub mortali, non tamen obligat ad mortale. Ratio est; quia cum talis materia ob leuitatem sit incapax obligationis; voluntas Legislatoris est irrationabilis, & contraria rationi. Gregorius de Valentia loco supra citato, Assorius tom. 1. lib. 5. cap. 6. q. 5. Medina prima secundæ qu. 96. artic. 4. Sances loco supra citato

ait: noster Castro lib. 1. de lege pœnali c. 5. Docum. 3. vbi rectè monet in tali casu subditum non obligari sub mortali; etiamsi Prælatus, vel Superior iubeat in virtute obedientiæ, quia cum materia sit parua, etiam consideratis circumstantiis, est incapax obligationis sub mortali.

## DOCUMENTVM II.

*Plures materiae parue possunt ita  
coalescere, ut constituant vnâ  
materiam grauem, suffi-  
cientem ad pecca-  
tum mortale.*

**A** Equiuocum est nostrum documentum; varijs tamen dictis declarabitur. Hinc: Dico primò; quando nec materiæ parue, neque effectus ab eis relictæ continuantur mortaliter; ita ut neque materiæ parue pro vna materia, neque effectus ab eis relictæ pro vno effectû, moraliter computentur: transgressio, quantumuis multiplicata præcepti in tali materia parua, non est peccatum mortale. Ratio est; quia cum omnes illæ materiæ parue non coalescant in vnâ, neque earum effectus, in vnum effectum: sed tam materiæ, quàm effectus, maneant singula diuisa,

& ità parua non possunt constituere grauem materiam . Vaquez prima secundæ disput. 146. num. 3. & 4. Hinc habes non peccare mortaliter , cùm quis singulis diebus festis , paruam temporis partem consumat in operibus seruilibus, etià si habeat propositum laborandi singulis diebus festis paruo tempore , Ratio est , quia parua tempora , quibus per singulos dies festiuos exercetur opus seruale , moraliter non vniuntur in vnum tempus ; & similiter illa parua opera seruilia exercita in illis temporibus, non relinquunt effectus, qui moraliter vniuntur in vnum effectum, ac proindè nec constituunt materiam grauem. Sances lib. 1. in Decalogum cap. 9. num. 10. Hinc non peccat mortaliter , qui facit vt multi , v. g. mille homines eodem die festo , vel diuersis , laborent per paruam temporis partem , v. g. per quadrantem ; ità tamen , vt nullus illorum eodem die festo laboret per tempus notabile , & nullus eodem die laboret pluribus temporibus paucis efficientibus vnũ tempus totale . Ratio est ; quia illa parua tempora moraliter nõ vniuntur in vnum , ac proindè non peccant mortaliter .

Infertur etiam , non esse pec-

catum mortale contra præceptũ ieiunij, paruas comestiones eiusdem personæ factas in diuersis diebus ieiunij . Ratio est , quia cùm cuiuslibet diei obligatio transacta die omnindè cesset , nequit multiplex illa parua comestio diuersis diebus facta , continuari moraliter , vel esse moraliter vna notabilis , vel sufficiens ad tollendum ieiunium cuiuscunque diei .

### DOCV MEMTV M III.

*Si plures materia parua , vel earum effectus moraliter vniatur in vnum ; ità vt moraliter censeantur vna materia , vel vnus effectus , sufficiunt ad mortale .*

**R**atio est ; quia cùm possint moraliter vniri in vnam materiam , possunt etiam vniri in vnam materiam notabilem , siue grauem , & per consequens sufficientem ad mortale. Vaquez in prima secundæ disput. 146. cap. 2. num. 3. & 4.

## COROLARIA.

## COROLARIUM I.

**I**nfertur primò, posse quempiam per furtum multiplicatum rerum parvarum peccare mortaliter. Ratio est tunc; quia plura parva furtiva moraliter pos. sunt uniri in unam retentionem; quia, qui paulatim furatur, & nondum furtiva reddidit Dominis, dicitur simul actu retinere omnia, vel in specie, vel in genere: hoc est non restituendo rem, si adest adhuc, vel eius pretium. Peccatum furti consistit non solum in acceptione, sed etiam in retentione rei alienæ; qui enim retinet alienum, dicitur peccare, & si simul plura furtiva retineat, dicitur simul peccare illa retinendo. Adde, quòd effectus plurium minorum furtorum, moraliter possunt uniri in unum effectum; quia ex pluribus minimis furtis simul sumptis, potest consurgere, vel reliqui damnum proximi in notabili quantitate, in quo etiam damno notabili consistit peccatum mortale.

## COROLARIUM II.

**P**otest contingere, ut aliquis actus intemperantiæ, qui

aliàs esset peccatum veniale, sit mortale; eo quòd effectus plurium actuum minimorum intemperantiæ præcedentium, moraliter continuentur cum effectu illius ultimato, qui effectus quantum est ex se, esset minimus: nam cum actus intemperantiæ, nimirum immoderatus esus & potus, sint actus vitiosi, eo quòd noceant valitudini corporis; potest contingere, ut plures huiusmodi actus fiant, qui singuli tantum relinquunt aliquod modicum nocumentum, quæ tamen nocumenta parva, cum reliquis antecedentibus, vel subsequenter, faciunt unum nocumentum notabile, idest gravem morbum. In hoc autem casu ultimus actus intemperantiæ, siue sit potus, siue esus immoderatus, erit peccatum mortale; eo quòd facit, siue complet nocumentum grave, licet per se sumptus inferat solum nocumentum parvum. Vasquez in prima secundæ disp. 146. cap. 2. num. 4.

## COROLARIUM III.

**I**nfertur eum, qui eodem die ieiunij sæpius plura modica modica comedit, quæ tamen simul sumpta constituerent unam

ma-

materiam notabilem comestionis, peccare mortaliter per illam comestionem, qua comedetur pars complens materiam notabilem. Ratio est, quia cum illæ comestiones factæ sint eadem die, continuantur moraliter, & faciunt vnā notabilem materiam. Vasquez loco citato, Sances in Decalogum lib. 1. cap. 4. num. 8.

#### COLLARIVM IV.

**I**nfertur, eum qui iurauit, aut vouit dare quotidie eleemosynam paruam, vel recitare modicam orationem, v.g. Dominicam; si iurauit, aut vouit non in diei honorem, sed tantum vt dies præsingatur pro termino, nec vltra illum executio iuramenti, aut voti differatur: vt continueret, si iurasset, aut vouisset simpliciter de singulis diebus, tunc licet singulis diebus omittat implere iuramentum, aut votum; & talis omissio sit tantum ex se considerata, peccatum veniale, eo quod sit omissio rei paruæ; quando tamen omissio eleemosynæ, aut orationis ad notabilem quantitatem perueniret, omittens peccaret mortaliter. Ratio est; quia obligatio materiæ paruæ omissæ transit in alium, & alium;

diem, donec iuramentum, aut votum impleatur; ac proinde vniuntur & continuantur, & per consequens peccatum mortale, cum primò materia omissa erit grauis. Vasquez loco citato, Sances etiam loco citato num. 14.

Si quis iurasset, aut vouisset dare eleemosynam paruam, aut recitare modicam orationem (v.g. Dominicam) quotidie in honorem temporis & diei, v.g. in honorem Sanctorum, quorum festum singulis diebus celebratur; non peccat mortaliter, etiam si hæc iuramenta, aut vota non adimpleantur. Ratio est; quia in tali casu, singulorum die elapso, extinguitur obligatio pro illo die; ac proinde illæ paruæ materiæ omissæ, continuari non possunt, nec vni in vnā materiam notabilem omissam. Vasquez, & Sances locis citatis.

Aduerte tamen, si iurans, aut vouens, postea habeat propositum generale omittendi semper orationem paruam, aut paruam eleemosynam quotidianam in honorem diei promissam, non peccat mortaliter; sicut non peccat mortaliter, qui habet propositum singulis diebus festis parum laborare, singulis ieiunijs parum comedere, aut singulis diebus omittendi ex horis Canonicis. Ratio

est; quia cum modicæ illæ materiæ non coalescant in vnam, sed quolibet die, obligatio cuiuslibet cesseret, non possunt ita coniungi, ut vnam notabilem materiam efficiant: ac proinde, propositum illud dicitur esse intentionem omittendi vnam materiam grauem, vel sufficientem ad peccatum mortale; sed tantum, plures materias paruas, siue leues sufficientes ad parua peccata venialia. Sances ibidem, num. 15.

*De medis, quibus peccatum, quod ex se aliàs esset veniale, fit mortale.*

### DOCUMENTVM I.

*Peccatum quod ex se aliàs esset veniale, non fit mortale per nouum præceptum superioris prohibentis illud.*

**R**atio est; quia cum tale peccatum sit veniale ratione paruitatis materiæ, nec præceptum superadditum mutet illius materiam, non potest ob nouum præceptum transire in mortale. Asorius tom. 1. lib. 4. cap. 9. quæst. 10. & alij contra Almainum.

### DOCUMENTVM II.

*Peccatum veniale, præcisè ratione frequentia non potest fieri mortale; ac proinde si primum peccatum est veniale, & millesimum, & vltimum erit tantum peccatum veniale.*

**R**atio est; quia in vltimo peccato per antecessorem, multorum huiusmodi peccatorum, non potest augeri malitia, saltem notabiliter. Est communis opinio.

Menitum hoc verum est, ubi ex frequentatione peccatorum venialium, non incurritur periculum committendi peccatum mortale; aliàs, si frequentatio peccati venialis trahat secum tale periculum, ex tali etiam frequentatione peccatum veniale transibit in mortale. Addo præterea; ut peccatum veniale non fiat ex frequentatione mortale; necesse est etiam, ut materiæ talium peccatorum moraliter non possint continuari, siue coalescere in vnam materiam; aliàs etiam ex frequentatione peccatum (quod aliàs esset veniale) poterit esse mortale, ut constat ex suprâ dictis de furtis minimis, ac actibus intemperantiæ multiplicatis. Hinc infer-

infertur propositum committendi omnia peccata venialia, quæ se obrulerint committenda, esse peccatum mortale; etiam si desit contemptus Dei. Ratio est; quia obiectum talis propositi continet in se morale periculum peccandi mortaliter. Sances lib. 1. in Decalogum cap. 5. num. 4.

DOCUMENTVM III.

*Peccatum, quod aliàs esset veniale, nequit fieri mortale ex dignitate aut sanctitate ipsius peccantis.*

**R**atio est; quia cum in tali casu materia peccati maneat levis, dignitas & sanctitas peccantis non possunt malitiam peccati venialis ita augere, ut faciant illam mortalem; ac proinde mendacium iocosum, etiam in sanctissimo Viro, & in Summo Pontifice, est tantum veniale, nisi quis inde scandalizetur, & inducatur ad mortale.

Arsorius tom. 1.  
lib. 4. cap.  
9.

DIFFICULTAS.

*An peccatum ex se veniale, possit fieri mortale ratione contemptus adiuncti, qui contemptus sit causa committendi peccati venialis; quod contingit, cum quis per peccatum veniale violat aliquod præceptum, quia præceptum est, siue quia ipsi præcepto, aut superiori præcipienti, subyci non vult.*

**R**espondeo peccatum ex suo genere veniale, ut est v.g. fractio silentij præcepti, ratione talis contemptus adiuncti fit mortale. Ratio est; quia materia talis peccati, licet sit levis: contemptus tamen est quid grave; quia tendit formaliter, & directe contra leges & Legislatores, & contra præcipientis superioritatem. S. Thomas 2. 2. quæst. 186. artic. 9. *Ad tertium.* Caietanus verbo, *contemptus*; Angelus, Sylvester, Nauarrus cap. 23. num. 42. & alij communiter.

Aduerte autem, contemptus formalis, qui est peccatum mortale inobedientiæ formalis, & de quo locuti sumus, non est quando quis solum ex malitia, aut praua consuetudine violat præceptum; hic enim contemptus malitiæ siue parue consuetudinis



non sufficit ad efficiendum peccatum ex veniali mortale.

Monitum aliud est, nolle obedire ex indignatione, aliud nolle obedire ex contemptu. Nolle obedire ex indignatione est, quando quis non vult in aliqua re obedire: non eo quod subijci Superiori recuset; sed ut ipsum Superiorem afficiat aliquo dolore, ut ita de ipso Superiore sumat aliquam vindictam per illam precepti transgressionem. Nolle autem obedire ex contemptu, est quando quis renuit obedire, eo quod subijci non vult.

Hoc autem est discrimen inter illa duo, quod nolle obedire ex contemptu, est peccatum mortale; nolle autem obedire ex indignatione, non est mortale, nisi quando ipsa indignatio est mortalis. Valentia 1. 2. disput. 7. quæst. 5. punct. 3. Lessius lib. 2. cap. 46. num. ult. Tandem aduerte, quamuis semper sit peccatum mortale contemnere Prælatum, ut Prælatus est, & à Deo habet auctoritatem: si autem quis contemnat Prælatum, quia est imprudens, vel infimæ sordis, non peccabit mortaliter; nisi quando contemnit ex indignatione mortali, vel contemnit inferendo conuicium. Castro lib. 1. de lege pœnali cap. 5. conclus. 2. Lessius loco citato num. ult.

sius loco citato num. ult.

Hinc infertur, quod licet, semper sit mortale, nolle etiam in re minima obedire (in contemptu nimirum absoluto, & simpliciter dicto) qui est, quando quis contemnit obedire Superiori, eo quod simpliciter & absolutè nolit obedire, vel subesse. Si quis tamen secundum quid contemnat obedire; hoc est renuat Superiori obedire tantum hinc & nunc determinatè, vel in aliquo casu particulari, & materia sit levis; peccat tantum venialiter. Idem si quis renuat obedire tantum alicui præcepto humano de re leui, non absolutè, sed quia est de re leui; non peccat mortaliter, sed tantum venialiter. Ratio est; quia talis contemptus, cum non sit absolutus contemptus Superioris, vel obedientiæ, sed tantum contemptus secundum quid; id est in re leui, est levis, ac proinde non est nisi peccatum veniale. Caietanus verbo, contemptus: Armilla eodem verbo num. 3. Scotus in 4. dist. 15. quæst. 2. artic. 1. *Ad primum*. Valentia 1. 2. disput. 7. quæst. 5. punct. 6. Lessius lib. 2. cap. 46. num. penult. & ultim. Sances lib. 1. in Decalogum cap. 5. num. 13. ubi addit, non esse peccatum mortale, quando despicitur, vel contemnitur

nitur Prælatus, non absolute ut Prælatus est, sed quòd eius auctoritas sit exigua, vel sit tantum circa res leues, quia hoc non est simpliciter contemnere, sed tantum secundum quid.

### DIFFICULTAS.

*Qua ratione opus tantum malum venialiter, vel ex se indifferens; idest nec malum, nec bonum, sit peccatum mortale ratione scandalii.*

**M**onemus scandalum esse duplex; alterum dicitur actiuum, siue datum; alterum dicitur passiuum, siue acceptum: Scandalum actiuum siue datum, est dictum, vel factum, quo quis dat alteri occasionem peccandi; & quidem si occasio peccandi præbeatur infirmis in virtute, siue valde obnoxii alicui passioni (iracundiæ v.g.) dicitur scandalum infirmorum, & pusillorum; si autem scandalii occasio præbeatur ignorantibus, dicitur scandalum ignorantium. Scandalum passiuum, siue acceptum, est dictum vel factum alicuius, unde alij ex sua malitia accipiunt occasionem peccandi: Scandalum hoc, interdum appellatur scandalum Pharisæorum; quia ex

malitia sua alter desumit occasionem peccandi, non autem illi præbeatur talis occasio ex conditione ipsius dicti, vel facti.

Monitum: Scandalum actiuum potest diuidi in scandalum generale, & in scandalum speciale; scandalum generale, est quando quis dicto, vel facto, siue malo, siue habente speciem mali, siue indifferenti (à quo tamen nè esset alicui occasio peccandi) tenebatur abstinere, proximum ad peccatum incitat: non tamen ex odio ipsius proximi, vel Dei, siue habeat animum incitandi, siue non habeat talem animum; atque hoc peccatum scandalii, est contra illam virtutem, contra quam est peccatum, ad quod proximus incitatur: v.g. quis prauo exemplo dicti, vel facti sui, incitat alium ad furtum; tale dictum, vel factum, etiam quatenus incitat ad furtum, & contra Iustitiam, sicut est furtum ipsum: quia virtus Iustitiæ non solum præcipit, nè quis fureretur vel faciat aliquod contra Iustitiam; sed etiam præcipit, nè quis prauo exemplo alium incitet ad furandum, vel faciendum contra Iustitiam. Huiusmodi scandalum appellatur commune, siue generale; quia non est vnus certæ speciei, vel contra vnā & eandem

dem virtutem: sed potest esse modò contra hanc virtutem, modò contra illam iuxta qualitatem peccati, ad quod incitatur proximus. Scandalum autem speciale est, quando quis ex odio Dei, vel proximi, intendit exemplo dicti, vel facti sui incitare eundem proximum ad peccatum mortale, & ruinam spiritualem, quæ est peccatum mortale: hoc scandalum appellatur scandalum speciale, quia est peccatum vnius certæ speciei, nimirum contra charitatem; quia velle malum, siue peccatum proximi ex odio Dei, vel proximi, est contra charitatem. His adnotatis.

Dico primò: si quis per dictum, vel factum, quod sit tantum peccatum veniale, vel ex se sit aliquod indifferens, præbeat alteri occasionem peccandi venialiter; ita vt, directa intentione malum proximi, idest peccatum veniale intendat, non peccat mortaliter, sed tantum venialiter. Ratio est; quia in tali casu, leue damnum proximi intendit S. Thomas 2.2. quæst. 43. art. 4. Caietanus verbo, *Scandalum*: Angelus eodem verbo num. 2. Syluester quæst. 2. Armilla num. 4. Nauarrus cap. 14. num. 29. est contra Vasquez in primam secundæ disp. 102. cap. 7. num. 23. & 24.

Oppones: lapsus ille proximi in peccatum veniale, est peior quocunque damno temporalis; ac proinde intendere ipsum lapsum proximi, erit peccatum mortale, sicut est, quando intenditur damnum proximi temporale notabile. Respondeo ad quantitatem culpæ discernendam, non conferendum peccati venialis damnum cum damno temporalis; quia sunt diuersi ordinis; & cum damnum peccati venialis sit ordinis Superioris, damnum temporale inferioris, quantumcunque sit damnum temporale, exceditur à damno peccati venialis quantumcunque minimi. Quodlibet igitur damnum spectandum est in suo genere, ac proinde peccatum veniale, cum in ordine spirituali sit leue damnum; intendere peccatum veniale proximi, non erit intendere graue illius damnum, & per consequens nec erit peccatum mortale, sed tantum veniale: Medina 1.2. qu. 73. art. 8. Hinc habes, quòd si quis per aliquod suum peccatum mortale leuiter scandalizat alium, etiam si intendat per illud suum peccatum mortale inducere proximū ad peccatum veniale; nō committit duo peccata mortalia, sed vnum. Peccatum autem scandali adiunctū, non erit mortale, sed tantum veniale.

niale. Ratio est, quia quantitas culpæ scandalii ex solo proximi damno pensanda est; ac proinde cum damnum proximi in casu proposito, sit tantum peccatum veniale, simile etiam erit peccatum scandalii in eodem casu. Sances lib. 2. in Decalogum cap. 6. nu. 10.

Dico secundò; quando quis prævidet probabiliter futurum, ut suum dictum, vel factum scandalizet alterum; idest præbeat illi occasionem peccati mortalis, peccat mortaliter, etiam si tale dictum, vel factum, quo scandalizat ex se, aliàs esset tantum peccatum veniale, vel aliquid in se omninò indifferens, idest nec malum, nec bonum. Ratio est; quia quælibet virtus, non solum prohibet, nè aliquid contra ipsam fiat; sed etiam vitetur alteri occasio faciendi contra ipsam. S. Thomas 2. 2. quæst. 43. artic. 3. Aduerte autem, ut quis censeatur per peccatum suum veniale, aut opus indifferens præbere alteri occasionem peccandi mortaliter, necesse est ut propter periculum spiritualis animæ proximi teneatur abstinere ab huiusmodi indifferenti, ut constabit ex infrà dicendis. Hinc habes, multò magis esse peccatum mortale, quando quis per peccatum suum veniale, vel aliud opus in-

differens, directè intendit ruinam spirituales ipsius proximi, vel eius peccatum mortale; siue hoc fiat ex odio Dei, vel ipsius proximi, siue etiam ob alium finem. Habes etiam eum, qui dicto, vel facto mortali præbet alteri occasionem peccandi mortaliter, committere duo peccata mortalia; v.g. si quis furetur coram alio, quem prævidet suo exemplo incitandum ad furtum, etiam si non intendat illum incitare, duo committit peccata mortalia: alterum furti, alterum scandalii; quod etiam indirectè est contra iustitiam, etiam si non habeat intentionem incitandi ad furtum, ac proinde utrumque explicandum erit in Confessione.

Peres curiosè, an qui scandalizat alium præbendo illi occasionem peccandi contra iustitiam, v.g. furandi, vel occidendi, teneatur ad restitutionem damni postea ab ipso scandalizato illati; si videlicet ipse scandalizatus nolit, vel non possit restituere, quod surripuit.

Respondeo; quàmuis scandalizans alterum exemplo suo, præbendo illi occasionem furandi, vel occidendi, peccat contra iustitiam; non tamen teneretur restituere damnum à scandalizato datum, licèt is non restituat. Ra-

tioreſt; quia nemo tenetur reſtituere niſi cum directe & perfecte violat legem Juſtitie; hoc eſt, verè influit in ipſam Juſtitiam, aut ex contractu, vel officio tenetur eum impedire: neutrum autem horum reperitur in eo, qui prauo exemplo ſuo incitat alium ad furandum vel occidendum; vnde etiam non proprie, & directe, peccatum illius eſt contra Juſtitiam, ſed tantum indirecè & reductiue. Sances lib. 1. in Decalogum cap. 6. num. 5. Aduerte ruſum ratione circumſtantiæ ſcandali, non ſolum fit peccatum mortale, quando præuidetur certò futurum, vt qui prauo exemplo ductus, peccet mortaliter: ſed etiam, quando id probabiliter timetur; ſecus autem quando probabiliter non timetur. Hinc habes eſſe peccatum mortale, ſi perſona valde religioſa verbum turpe veniale publicè dicat, aut ſi iocoſè verbum amatorium dicat coniugate coram viro valde geloſo & iracundo; quia in tali caſu, merito cenſetur proximum inducendum eſſe ad peccatum mortale, vel eſſe tale periculum talis inductionis. Aduerte etiam; peccat quoque mortaliter, qui potuit aduerrere ex ſuo opere ſecutorum ſcandalum, & non aduerrit; ſi tamen inaduerſentia fuit grauis,

ſecus autem ſi fuerit leuis, tunc enim eſſet tantum peccatum veniale.

### DIFFICULTAS.

*An ſamina conſpectui Viri ſe offerens, à quo ſe turpiter amari nouerit, peccet mortaliter peccato ſcandali, etiam ſi non intendas prouocare eum ad amorem?*

**R** Eſpondeo, non peccare mortaliter. Ratio eſt, quia ſcæmina in tali caſu vtitur iure ſuo, & libertate ſua, qua commodè priuari non poteſt; quin exponatur multis ſcrupulis circa egreſſum è Domo, & ſimiles actiones. Caietanus 2. 2. quæſt. 144. artic. 4. in fine, & quæſt. 169. artic. 2. *Ad quintum dubium*. Armilla verbo, *ornatus*, num. 3. & verbo, *ſcandalum*, num. 3. & apud eundem Palatius. Fauet Sances lib. 1. in Decalogum num. 16. eſt contra Nauarrum cap. 14. nu. 37. Aſſorium tom. 2. lib. 12. cap. vlt. quæſt. 12. & alios.

Ex dictis inferitur, quòd ſcæmina ob dictam cauſam, non tenentur ſe priuare libertate egrediendi Domo, diſcurrendi per Ciuitatem, ſtandi ad oſtium Domus, vel ad feneltras; dummodò non habeat animum prouocandi proximum

ximum ad turpem sui amorem. Aduerte tamen, si fœmina turpis amoris alterius conscia, & data opera absque vlla necessitate, vel utilitate, aut commodo, se illius conspectui offerat ducta, solum quadam vanitate ostendendi se illi, vel suam pulchritudinem, peccat mortaliter: Ità Sanctes. Ratio ipsius est, quia quàmuis talis fœmina non teneatur se priuare sua libertate eundi quòcumque velit, & agendi, pro vt libet (eo quòd aliàs exponeretur multis scrupulis) tamen absque eo quòd priuaretur vlla utilitate, vel exponatur scrupulis, potest non se offerre illius conspectui, data opera, vel sola vanitate se illi ostendendi; si tamen præter hanc vanitatem adesset alius finis, necessitatis, utilitatis, vel commoditatis alicuius, non esset peccatum mortale.

### DIFFICULTAS.

*Quando nam sit mortale peccatum exhibere alteri rem indifferentem, vel ministerium aut obsequium indifferens, quo ille abusus est ad peccandum mortaliter.*

**R**espondeo, & dico primò: qui res indifferentes, abu-

suro illis ad peccandum mortaliter ministrat, ea intentione; vt ille suam prauam voluntatem exequatur, peccat mortaliter. Ratio est, quia hoc est directè cooperari ad peccatum alterius mortale. S. Thomas 2. 2. quæst. 169. artic. 2. *Ad quartum*. Syluester verbo, *infidelitatis*, quæst. 4. Hinc habes, primò peccare mortaliter eum, qui Idola, vel alia ad cultum Idololatriæ fabricat spectantia, intentione ministrandi illa abusus. Habes etiam esse peccatum mortale ministrare Domino obsequia ex se ad peccatum mortale ordinata, vt est inuitare Concubinam, vt rem cum Domino habeat.

Dico secundò: res vel ministeria, bono ac malo vsui æquè indifferentia ministrare alteri, quem nescias voluntatem habere illis abutendi, & de quo nullam habes iustam causam mali præsumendi, vel dubitandi de illius intentione, non est peccatum. Ratio est, cum nullum sit fundamentum malè præsumendi de illo, præsumendus est bonus. Aduerte tamen, si res, vel ministerium, quod alteri exhibetur, ex se sit aliquo modo determinatum ad malum vsum, exhibens peccat, nisi prius examinet intentionem illius, cui ministrat; vel nisi



adfit aliqua causa excusans. Ratio est; quia propter illam rei ministratæ determinationem, ad malum præsumptio stat contra facientem.

Dico tertio: res vel ministeria indifferentia bono & malo vsui absque intentione cooperandi peccato, ministrare abufuro illis ad peccandum mortaliter, non est peccatum (saltem mortale) si adfit aliqua causa iusta excusans, vt est v.g. necessitas vitandi graue damnum. Ratio est, quia in tali casu censetur esse moralis necessaria exhibendi illa ministeria indifferentia & moralis impotentia prohibendi peccatum mortale proximi, erit tamen peccatum mortale, si non adfit aliqua iusta causa excusans. Ratio est manifesta, Syluester verbo, *infidelitas*, quæst. 4. Valentia 2. 2. disput. 5. quæst. 11. puncto 4. Sances lib. 1. in Decalogum cap. 7. num. 11.

Aduerte autem, grauior causa, siue necessitas reperitur, vt à peccato mortali excusetur exhibens rem, vel ministerium indifferens abufuro ad peccatum mortale contra Iustitiam, quàm vt excusetur, rem vel ministeria indifferentia exhibens abufuro ad peccatum mortale contra aliam virtutem, v.g. contra veritatem. Ratio est, quia in peccatis contra

Iustitiam, non solum ipse peccans patitur damnum spirituale propria sua voluntate; sed etiam alter innocens patitur aliud damnum: in peccatis autem contra Charitatem, vel alias virtutes, solum ipse peccans damnum spirituale patitur, & quidem propria voluntate. Astorius lib. 1. cap. 22. quæst. 61. & ideo causa excusans in peccatis contra Iustitiam debet esse talis, quæ merito præferri possit damno alterius.

Item aduerte, res & ministeria indifferentia, quæ exhibentur abufuro illis ad peccatum mortale: alia proximè accedunt ad ipsum peccatum mortale, vt est v.g. deferre in Sila meretricem ad locum fornicationis, alia remotè se habent ad peccatum, vt est v.g. iussu Domine aperire ianuam. Amasio petenti præcisè ingressum. In his autem, quæ proximè accedunt ad peccatum mortale, maior causa exigitur quàm in his, quæ remotè accedunt. Ratio est; quia magis tenemur non exhibere proximè accedentia ad peccatum, quàm remotè se habentia ad illud.

Monitum: Maior causa requiritur ad excusandum à peccato cum, qui exhibet indifferentia abufuro illis ad peccandum mortali-

taliter, quod impediretur illo non exhibente, quàm requiratur ad excusandum exhibentem indifferentia abufuro ad peccatum mortale illi, qui nihilominus committeret idem peccatum, etiam si ille denegaret indifferentia, patet ex dictis .

### COROLARIA.

#### COROLARIUM I.

**R**emota intentione cooperandi malum, non est peccatum mortale vendere Agnum Iudæo in Paschade ad sacrificandum, quod sacrilegium prohibitum abrogato iure Diuino abufurō ad sacrificandum, vendere meretrici fucos & ornatus ad alliciendos iuuenes innocentes ad amorem sui turpem. Ratio est, quia detrimentum, quod venditor pateretur, nisi merces venderet dictis personis, excusat illum. Syluester, *infidelitas*, quæst. 4. Valentia 2. 2. disput. 5. quæst. 11. punct. 4. Sances lib. 1. in Decalogum, cap. 7. num. 14.

Monitum; Si vendens, nulum pateretur damnum huiusmodi merces denegando Iudæo, aut meretrici, v.g. eo quòd eodem tempore posset eandem merces vendere alijs non abufuris; pec-

cat, si vendat Iudæo, vel meretrici. Ratio est, quia & si vendendo huiusmodi res dictis personis, indirectè tantum actui externo peccati cooperetur: huiusmodi tamen cooperatio potest excusari à culpa, nisi ratione alicuius detrimenti adiuncti, quod in tali casu supponitur non interuenire. Caietanus 2. 2. quæst. 147. artic. 4. Nauarrus cap. 21. num. 26. Valentia 2. 2. disput. 4. quæst. 21. punct. 4. Suarez in tertiam partem disput. 18. à scfs. 1. corolario 2. & alij.

Dices: quid si quis potens absque suo damno dictas res indifferentes denegare Iudæo, aut meretrici, nihilominus illis vendat easdem res, sciens se non vendere illis, alios nihilominus vendituros illis? Respondeo, qui in talibus circumstantijs vendit Iudæo, vel meretrici huiusmodi indifferentia, non peccat, saltem mortaliter. Ratio est, quia cum talis venditio sit actio ex se omninò indifferens, & remotè se habens ad peccatum, catenùs est peccatum, quatenùs vendens non impedit peccatum personæ abufuræ huiusmodi rebus, quod impedire posset: at in casu proposito non vendendo, non impedit peccatum ementium, cum alius illis similia sit

venditurus. Caietanus 2.2. quæst. 147. artic. 4. Lessius lib. 4. cap. 2. Sances lib. 1. in Decalogum cap. 7. num. 16.

Petes; an in dubium mali vsus alterius, excusetur ministrans, vel exhibens supradictas res indifferentes, nulla alia causa concurrente.

Dico primò: si dubium sit merè negatiuum, hoc est si nulla concurrat ratio probabiliter, vel rationabiliter mouens ad peccandum; dum huiusmodi indifferentia non est peccatum ministrare personæ, de qua negatiuè (vt explicauimus) dubitetur, an sit abusura. Ratio est, quia quilibet præsumendus est bonus, de cuius bonitate rationabiliter dubitari non potest.

Dico secundò: si positiuè dubitetur, siuè quod idem est, si concurrant rationes suadentes dubitare, an alter abusus sit talibus rebus indifferentibus; tunc vt exhibens illi huiusmodi res indifferentes non peccet, requiritur aliqua iusta causa, minor tamen quàm requiratur, vbi certum est abusurum esse.

Aduerte etiam sicut venenum, quod neque alteri rei ad iustum potest deferuire vsibus humanis, vendi non potest; eo quòd legi-

bus prohibitum sit: ità venenum quod medicinis conficiendis, aut alijs necessarijs Reipublicæ vsibus deferuire potest, non potest quibuscunque vendi; sed ijs solis personis, quibus ex officio, aut alijs circumstantijs constet illud velle ad prædictum vsu. Salon 2.2. quæst. 77. artic. 4. Molina tom. 1. de Iustitia disput. 34. ad finem.

### COROLARIUM II.

**E**X supradictis infertur non peccare captiuos ad proprium notabile damnum, vel supplicium vitandum remigantes in triremibus Turcarum, pugnantium contra Christianos. Petrus Nauarrus de restitutione lib. 3. cap. 4. dub. 4. Molina tom. 1. de Iustitia disp. 115. conclus. 1. Assorius tom. 1. lib. 2. cap. 17. quæst. 6. Lessius lib. 2. cap. 7. dubitation. 18. & alij.

### COROLARIUM III.

**I**dem dicendum est de captiuis, qui ad vitandum proprium graue damnum, vel supplicium porrigunt Turcis arma ad Christianos interficiendos. Molina, & Assorius locis citatis: Corduba in summa quæst. 137. dubio

dubio 2. Emanuel Sà verbo, *peccatum*, num. 9.

COROLARIUM IV.

**I**dem dicendum de captiuis similiter ad vitandum proprium graue damnum, vel supplicium, asportantibus sarcinas, applicantibus scalas, & necessaria ad bellum iussu Turcarum; vel admoventibus machinas, & scalas ad muros: Molina, & Assorius locis citatis. Idem dicendum de captiuis, qui ad vitandum proprium notabile damnum, Turcas humeris sustentant & iuuant ad Castra munienda, ædificanda propugnacula, aliaque huius generis militiæ necessariò perficienda. Molina loco suprà citato, Lessius etiam loco citato dubio 3. nu. 29.

COROLARIUM V.

**A**d mouere scalam volenti furari, dare enssem parato vel volenti alterum occidere, ostendens vbi sit occidendus, reddere furioso gladium disposito volendi se interficere, non est peccatum, quando iusta adest causa proportionata; idest graue detrimentum illius dantis, standum est iudicio prudentis

Viri proposito. Emanuel Sà verbo, *peccatum*, num. 9. Sances lib. 1. in Decalogum cap. 7. & alij apud ipsum num. 19.

COROLARIUM VI.

**N**ON est peccatum locare domū meretrici, vel vsurario publico. Ratio est, quia & si loco ad peccandum abutantur; locus tamen ad peccatum se habet omninò extrinsecè, nec specialiter ad peccatum inferuit; sicut nec specialiter ad illud deseruiunt cibi, vel alia ad vitam requisita. Valentia 2. 2. dilput. 5. quæst. 2. puncto 5. Assorius tom. 2. lib. 12. cap. vlt. quæst. 3. & alij. Aduerte tamen si vsurarius publicus esset alienigena, non potest illi locari domus absque peccato. Ratio est, quia hoc est prohibitum cap. 1. de vsuris in textu.

Monitum: Si ex eo quòd talis domus locaretur meretrici, ipsa esset patratura plura peccata, nimirum ratione situs domus, quàm si non locaretur: similiter si vicinitas meretricis domum conducentis, plurimis noceret vicinis fœminis honestis, in talibus casibus qui locaret domum meretrici, peccaret; si possit alteri personæ commodè locare, quia

quia tunc locans cenſeretur vel-  
le cooperari peccato; ſi verò non  
poſſet alteri abſque incommodo  
locari, excuſaretur à peccato;  
nimirum ratione illius incom-  
modi. Sances lib. 1. in Decalo-  
gum cap. 7. num. 2.

### COROLARIUM VII.

**I**Nfertur non peccare capti-  
uum Chriſtianum, qui por-  
tat caudam Domine ingredien-  
tis Templum Idoli, vel genuſte-  
dit cum Domina genuſtente;  
vel eam manu ſuſtentat, vt poſ-  
ſit commodè genuſtere. Ratio  
eſt, quia tale obſequium eſt de  
ſe indifferens, & neceſſitas præ-  
ſtandi obſequij debiti vrget; ita  
vt non poſſit commodè id recu-  
ſare: peccaret tamen, ſi ſimul  
Idolum adoraret, vel adorare  
ſimularet; quia vtrumque eſt  
intrinſecè malum. Aſſorius tom.  
1. lib. 3. cap. 27. quæſt. 1.

### COROLARIUM VIII.

**N**ON peccant famuli ſter-  
nentes equum Domino  
ad fornicandum ituro. Ratio eſt;  
quia cum huiusmodi famuli mi-  
niſtrent indifferenter, quæ re-  
motè ſe habent ad peccatum,  
excusat eos præciſa ratio famu-

latus. Angles 1. part. quæſt. 7.  
de ieiunio, difficultat. 5. Nauar-  
rus lib. 5. Conſiliorum, titulo de  
pœnitentijs & remiſſionibus, in  
ſecunda additione conſil. 5. Idem  
dicendum eſt de famulis comi-  
tantibus, aut expectantibus Do-  
minos ad fornicationem; dum-  
modò non faciant cuſtodie cau-  
ſa.

Aduerte tamen; ſi famulo non  
ſternente equum, aut non co-  
mitante, Dominus non eſſet pec-  
caturus: tunc famulus præciſa  
ratione famulatus non excuſare-  
tur. Sed maior cauſa eſſet ne-  
ceſſaria, vt eſt v. g. non poſſe  
commodè tale obſequium de-  
negare, & fore moleſtum, ac  
noxium famulo ob id Domi-  
num deferere, & alium quærere;  
præſertim cum raro inueniatur  
Dominus, qui ſimilia, aut pe-  
iora non imperet. Sances in  
Decalogum lib. 1. cap. 12. nu. 21.

Monitum: qui famuli non  
ſunt, poſſunt ſternere equum  
ituro ad fornicandum, vel alia  
huiusmodi illi præſtare abſque  
peccato; niſi aliqua alia iuſta  
cauſa eum excuſet. Ratio eſt,  
quia famulatus tunc eum non  
excusat.

Monitum: ſi Dominus ſeruo  
iuberet, vt ſe comitaretur, vel  
equum ſterneret ſibi ad duellum  
cum-

cundo, vel illaturo damnum, iniustum alteri personæ; & famulo non comitante, vel non sternente equum, duellum, vel damnum vitaretur: tunc famulus peccaret mortaliter tale ministerium exhibendo, nisi excusaretur periculo proprii Domini iuxta ordinem Charitatis. Aduerte etiam, si famulo non exhibente tale ministerium, duellum, vel damnum prædictum non euitaretur; adhuc exigeretur aliqua iusta causa, vt famulus posset licite illud ministerium exhibere, sed minor quàm si vitaretur duellum vel damnum. Ratio est, quia comitatus semper animosiores reddit cum, qui exiturus est ad duellum. Tandem si Dominus solus vellet ire ad duellum, & certum esset damnum non esse vitandum, etiam si famulus non sternat equum; tunc famulus exhibens tale ministerium, est sufficienter excusatus à prædicta ratione famulatus. Ratio est; quia tale ministerium valde remotè & extrinsecè se habet ad damnum vitandum, nec aliàs damnum vitare potest.

nem euntes, vt cum iuuent, vel riuales eiusdem meretricis aggre-  
diantur. Ratio est, quia hæc proximè ita se habent ad peccatum Domini, vt sint quasi positiua causa, seu directa cooperatio; cùm redderent illum securiorem, & animosiores ad peccandum. Petes quid si famuli continentur Dominum euntem, ad duellum, vel ad meretricem non vt illum iuuent; sed vt ipsum (si fortè aggressus sit) defendant; nè forte interficiatur. Respondeo, famuli in tali casu mortaliter peccant, nisi excusentur periculo damni sibi imminuentis, quod præponerent periculum mortis alterius. Ratio est, quia comitatus ille animosiores reddit euntem ad duellum, vel ad fornicandum. Aduerte tamen, quilibet licite potest euntem ad duellum, vel ad fornicationem comitari animo defendendi oppressum, nè interficiatur: si tamen abiens ad duellum, vel fornicandum sit inscius, vel ignoret talem comitatum. Ratio est, quia talis comitatus non est malus, sed bonus & opus virtutis.

## COROLARIUM IX.

**P**eccant mortaliter famuli ad duellum, vel ad fornicatio-

## COROLARIUM X.

**I**nfertur famulos, siuè famulas meretricis condientes cibos,



1. in Decalogum cap. 7. num. 27. Est contra Emanuel Sâ verbo, *peccatum*, num. 9.

## COROLARIUM XIII.

**N**ON peccant famuli, vel famulæ iussu Domini apertientes ianuam concubinæ ingredienti, nec docentes ubi sit Dominus. Ratio est; quia talem actionem habentes remotè, se habent ad peccatum Domini & Concubinæ; hinc excusantur à peccato à præcisa ratione famulatus. Assorius 2. tom. lib. 12. cap. ult. quæst. 8. Sances lib. 1. in Decalogum cap. 7. nu. 30. & apud eum Manuel.

## COROLARIUM XIV.

**T**Abernarij, & Caupones vendentes, & ministrantes cibos recumbentibus non ieiunantibus, non peccant saltem mortaliter. Ratio est; quia excusantur à notabili detrimento vendendi res suas: tum quia, & si denegaret ipse cibos illis, non tamen ieiunium seruarent; sed frangerent apud alios Caupones, & facilè offenderent iniurijs, vel contumelijs denegantem cibos. Caietanus 2. 2. quæst. 147. artic. 4. in fine, Ledesma 2. part. quæst. 17.

art. 6. dub. 3. Salon 2. 2. quæst. 77. artic. 4. controuer. 6. Sances lib. 1. in Decalogum cap. 7. n. 34. & alij.

Monitum: famuli condientes cibos Dominis non ieiunantibus, non peccant. Ratio est; quia, munere suo funguntur, quod alijs diebus facere consueuerunt. Caietanus loco citato, Assorius tom. 1. lib. 7. cap. 31. quæst. 11. & tom. 2. lib. 12. cap. ult. quæst. 5. ubi docent non peccare eum, qui tanquàm seruus, vel famulus Domino, vel amicus amico, aut hospes hospiti suo ministrat mē. sæ concubinarum, vel Dominorum in cibo, & potu epulis, neutrique indulgentiam.

## COROLARIUM XV.

**P**Eccant mortaliter conferentes munera concubinæ Iudicis, aut rogantis ut pro ipsis apud Iudicem intercedat. Ratio est; quia illi turpem amorem, fouent in concubina, & in Iudice. Sances lib. 1. in Decalogum cap. 7. num. 38. Tandem vniuersaliter loquendo, quando ministrantur indifferentia, quæ futura sunt occasio, vel materia peccati proximi; iudicio prudentis perpendendum est, an adsit aliqua iusta & proportionata causa, quæ sufficiat ad excusandum.

## DIFFICULTAS.

*Quando opus ex se veniale  
aut indifferens transeat in  
peccatum mortale ratio.  
ne periculi pec-  
candi mor-  
taliter.*

**R**espondeo ; opus ex se veniale, aut indifferens, transit in mortale ratione dicti periculi, quando operans exponitur occasione mortaliter peccandi ita proximè, ut illum in morali & proximo periculo peccandi mortaliter, illa occasio constituat. Ratio est ; quia ille in tali casu salutem spiritualem contemnit, cum tam probabili periculo eam amittendi, se obijciat. Caietanus & Armilla verbo, *periculum*, Nauarrus cap. 3. num. 14.

Monitum: moralis occasio proxima, siue morale periculum, proximum peccandi mortaliter, contigit quando occasio ex suo genere talis est ; ut frequenter homines similis conditionis ad peccatum mortale inducat, vel experientia constat in hoc hominem frequenter ex tali occasione peccare mortaliter. Nauarrus loco cit. Corduba in summa quæst. 4. Suarez 4. tom. in

tertiam partem disp. 32. sess. 2. ad finem. Aduerte etiam si causa grauis vrget se exponere morali proximè occasione, vel morali proximo periculo peccandi mortaliter tunc non erit peccatum, mortale se exponere tali occasione, vel periculo. Ratio est ; quia periculum illud non est moraliter voluntarium, cum moraliter loquendo, id est sine graui periculo, vel graui casu vitari non possit.

*Notantur nonnulla de ignorantia  
& inarduerentia, siue obliuione  
quatenus excusare possunt  
actionem humanam à  
culpa.*

**M**onemus ; ignorantia, quæ in communi sumpta, nihil est aliud quam priuatio scientiæ, ad quam acquirendam homo est aptus, plures diuisiones assignari possunt : nos tamen eas solum afferemus, quæ ad rem moralem faciunt.

Primò autem ignorantia diuiditur in ignorantiam Iuris, & ignorantiam facti. Ignorantia iuris est, quando Ius siue lex, vel prohibitio ignoratur, ut si quis ignoret esse prohibitum accedere ad fœminam non suam uxorem v. g. ignorantia facti est, quando non ipsum

ipsum Ius, sed factum ignoratur; vt si quis ignoret foeminam ad quam accedit, non esse suam.

Secundò, tam ignorantia Iuris, quam ignorantia facti, est triplex; alia dicitur inuincibilis, antecedens, inculpabilis, iusta, inuoluntaria naturalis. Alia denique dicitur ignorantia concomitans.

Ignorantia inuincibilis est, quæ inculpabiliter cognitione malitiæ actus, qua cognita talis actus; non fieret; vt si quis sagittam, proijciat in hominem, quem prudenter & adhibita diligentia feram putat; & in quem, si eum nouisset, sagittam non proieceret; hæc autem ignorantia dicitur inuincibilis, quia moraliter non potest, aut non debet vinci, seu excludi.

Dicitur antecedens; quia præuenit & impedit libertatem voluntatis circa malitiam actus.

Dicitur probabilis, iusta & inculpabilis; quia bona fide & absque culpa contracta est.

Dicitur naturalis; vt significetur eam nullo modo esse voluntariam.

Aduertè rursus; ignorantia vincibilis est, quam moraliter humana voluntas potest vincere, nec tamen vincit; vt si quis hominem (putans eum esse feram)

interficiat, non præmissa diligentia, an sit homo vel fera: hæc autem ignorantia dicitur consequens, eo quod sequatur voluntatis libertatem, siue volita sit, vt cum quis directè non vult scire, quod scire tenetur, siue indirectè sit volita; vt cum quis potuit, & debuit scire, nec tamen adhibuit diligentiam, vt sciret.

Aduerte denique ignorantia, concomitans est, quæ actum comitatur, ita tamen vt illius non sit causa, eo quod si eadem ignorantia non esset, adhuc actus fieret; vt si quis hominem, putans eum esse feram, sagitta interficiat, quem interfecisset etiā si nouisset eum esse hominem. Quamuis autem hæc ignorantia dicatur concomitans, eo quod sit simul cum tali actu, cuius non est causa: tamen secundū diuersas rationes potest dici antecedens, vel consequens; potest dici antecedens, si fuerit inculpabilis, eo quod præmissa sit sufficiens diligentia, vt si quis interficiat hominem putans esse feram, etiam post sufficientem adhibitam diligentiam: potest etiam dici consequens; si nimirum sit culpabilis consequens actum libertatis voluntatis.

Tertiò ignorantia vincibilis diuiditur in ignorantiam, in qua

est negligentia grauis & sufficiens ad mortale; & ignorantiam, in qua est negligentia leuis, & insuficiens ad peccatum mortale, sufficiens tamen ad veniale.

Quartò ignorantia vincibilis, alia est affectata, alia non affectata ignorantia; affectata est, cùm quis data opera vel expressè ignorare vult, ne ab actu què exequi optat, retrahatur per scientiam: ignorantia autem non affectata est, cùm quis non elegit positiuè ignorare, sed tamen culpabiliter ignorat.

Quintò & vltimò; ignorantia inuincibilis non affectata, alia est solùm mortaliter culpabilis, alia autem est crassa, siuè supina; ignorantia solùm mortaliter culpabilis est, quando non fuit summa negligentia, sed ignorans adhibuit aliquam diligentiam, non tamen mediocrem, humano vel morali modo possibilem, vel pro qualitate negotij necessariā ad vitandum peccatum mortale: ignorantia verò crassa siuè supina est, quando si quis vllam, aut ferè nullam adhibuit diligentiam ad sciendum; ac proinde fuit summa negligentia. Dicitur autem hæc ignorantia crassa, & supina ducta methaphora ab hominibus crassis, & pinguibus,

qui supini iacere solent nil curantes scientiam, aut negotium.

Priores diuisiones ignorantiae communiter reperiuntur apud Doctores; postremam expressè tradit Sances lib.1. in Decalogum cap.16.num.7.

His adnotatis circa ignorantiam; nonnulla iam aduertenda sunt circa inaduertentiam, & obliuionem.

Monitum: inconsideratio, siue inaduertentia, vel obliuio est, quando quis retinet quidem habitualementem memoriam alicuius rei: sed hic, & nunc ad illam non aduertit; hæc autem inaduertentia, siue obliuio quantum ad rem nostram spectat. Primò alia est juris, alia facti.

Inaduertentia juris est, cùm quis nouit habitualiter aliquid esse prohibitum; sed tamen hic, & nunc ad illam prohibitionem non aduertit; vt si quis nouit habitualiter prohibitum esse comedere carnes die Veneris, & tamen die Veneris comedens carnes non aduertit ad illam prohibitionem.

Inaduertentia facti est, quando quis nouit & aduertit aliquid esse prohibitum: sed hic & nunc non aduertit, an sua operatio comprehendatur illa prohibitionem; vt si quis nouit, & aduertit  
esse

esse prohibitum comedere carnes die Veneris; & tamen comedit carnes die Veneris, non aduertens illam comestionem fieri die Veneris, sed putans fieri v. g. die Iouis.

Aduerte rursus, inaduerterentia, & obliuio tam juris, quam facti est duplex. Alia est inuincibilis & inculpabilis: alia vincibilis & culpabilis.

Inaduerterentia inuincibilis & inculpabilis est, cum quis aliàs nouit actum, vel obiectum esse malum: sed hic & nunc inculpabiliter non aduertit ad malitiam actus vel obiecti, hæc inaduerterentia potest etiam appellari antecedens, iusta, inuoluntaria, naturalis; & quidem iisdem de causis, quibus eadem nomina ignorantia inuincibili tribui diximus supra.

Inaduerterentia vincibilis & culpabilis est, cum quis aliàs nouit actum vel obiectum esse malum: sed hic & nunc non aduertit ad eius malitiam, ad cuius tamen malitiam posset aduertere si vellet; hæc inaduerterentia potest etiam appellari per consequens, improbabilis, iniusta & voluntaria.

Monitum: omnes diuisiones de ignorantia supradictæ possunt applicari etiam inaduerterentia &

obliuioni. Afforius tom. 1. lib. 1. cap. 16. quæst. 6. Suares 5. tom. in tertiam partem disp. 4. sess. 8. num. 1.

## DIFFICULTAS.

*An ignorantia & inaduerterentia, vel obliuio inuincibilis, siue juris, siue facti excuset omnino à culpa actum, cuius est causa, siue, qui non fieret illa ignorantia ablata.*

**R**espondeo, talis ignorantia & inaduerterentia omnino excusat actum ab illo malitia vel culpa, cuius est ignorantia vel inaduerterentia. Ratio est, quia talis ignorantia & inaduerterentia cum sit non solum facti; sed etiã juris, vel prohibitionis, reddit actum inuoluntarium ad prohibitionem, & consequenter quo ad malitiam. Aduerte tamen, plurimi rustici furantes, vel fornicantes non excusantur à peccato mortali; quàmuis ignorent talem actionem esse peccatum mortale. Ratio est, quia si sciunt esse peccatum, licet ignorent esse peccatum mortale faciendi illud, de quo dubitant, an sit mortale, exponunt se periculo peccandi mortaliter; ac proinde reipsa mortaliter peccant: si tamen

men per ignorantiam inuincibilem putarent esse veniale, quod verè est mortale; excusarentur à peccato mortali, quia inuincibiliter ignoraretur malitia mortalis.

Ex dictis infertur etiam ignorantiam concomitantem inuincibilem malitiæ & peccati excusare à peccato; ac proinde si quis inimicum suum occidat, putans inuincibiliter eum esse feram, non peccat: etiam si habitualiter sit ita dispositus, ut cum esset necaturus, si agnosceret eum esse inimicum. Ratio est; quia cum per huiusmodi ignorantiam, malitiæ peccati ignoretur inuincibiliter, sequitur eandem malitiam nullo modo esse voluntariam. Afforius tom. 1. lib. 1. qu. 4. Valentia primæ secundæ disp. 6. quæst. 6. puncto 3. Sances lib. 1. & alij apud ipsum. Est tamen contra Durandum in 2. dist. 22. quæst. 4. num. 5. Aduerte tamen, si affectus occidendi inimicum coniunctus cum prædicta ignorantia, non sit habitualis tantum, sed actualis: erit peccatum mortale, v. g. si ille qui occidit inimicum putans esse feram, simul habeat actualem affectum, quo vellet occidere inimicum, si posset, vel cum haberet præsentem.

Petes, an inuincibiliter igno-

rans actum internum esse peccatum, cognoscens tamen actum externum ab illo procedente esse peccatum, excusetur à peccato; v. g. an peccet rusticus, qui à Viro æstimato docto, à quo audit fornicationem & furtum esse peccata: licere tamen desiderium fornicandi & furandi; an peccet (inquam) si eliciat actum talis desiderij.

Respondeo actum illum internum, siuè desiderium rationis illius ignorantie inuincibilis in dicto rustico excusatur à peccato. Ratio est, quia cum conscientia sit propria regula bonitatis & malitiæ humanarum actionum, nemo peccare potest, cum conscientia dicat id, quod agit non esse peccatum, ut contingit in casu proposito: siquidè inuincibiliter ignorat actum illum internum carere malitiæ peccati. Sances lib. 1. cap. 16. num. 17. est tamen probabile etiam contrarium, nimirum quod ille peccet; quia liberè vult obiectum externum, quod nouit esse peccatum. Hinc infertur, quod si quis inuincibiliter ignoret esse peccatum operari, quando etiam practicè dubium est; an talis operatio sit peccatum, is non peccat: v. g. si rusticus dubitet, an die Veneris liceat comoderi



caseum , & cum hoc dubio pratico caseum comedat, verè non peccat; si tamen inuincibiliter ignoret, operari cum illo dubio esse peccatum . Ratio est , quia ob illam ignorantiam inuincibilem prudenter operatur; nec moraliter se exponit periculo peccandi , aut faciendi contra præceptum .

Secundò infertur, si quis sciat aliquam actionem esse peccatum mortale , & inuincibiliter ignoret , imperare illam alicui , v. g. seruo, aut subdito; non peccat, si illam imperet. Ratio est eadem .

## DIFFICULTAS.

*Quando ignorantia & inaduertentia, vel obliuio siuè juris, siuè facti reputetur inuincibilis; & idèd à peccato excuset.*

**R**espondeo, vt ignorantia, aut inaduertentia, siuè obliuio siuè juris , siuè facti censetur , & sit inuincibilis , sufficit; si nulla occurrat cogitatio vel dubitatio , aut scrupulus de malitia operationis , vel obiecti, siuè in specie, siuè in genere accepta , vel de eiusdem malitiæ periculo . Ratio est , quia non potest per humanam diligentiã

expelli ignorantia, vel inaduertentia malitiæ operationis aut obiecti , cuius malitiæ nulla prorsùs incidat cogitatio; cùm omnis vsus nostræ libertatis circa aliquam rem nitatur , tantùm radici præcedenti cognitioni talis rei . Suares tom. 5. in 3. part. disp. 4. sess. 8. num. 18. Sanchez lib. 1. cap. 16. nu. 21. vbi pluribus hìc confirmat, Vasquez 1. 2. disp. 107. cap. 3. vbi docet Doctores Complutenses initio de hac materia dubitasse, & re maturiùs perpensa , illam publicè docuisse .

## COROLARIA.

### COROLARIUM 1.

**H**inc habes primò nullum esse peccatum mortale in voluntate, nisi præcesserit aliqua cogitatio, vel consideratio actualis siuè expressa malitiæ moralis, vel periculi illius, aut saltem aliqua expressa dubitatio , vel scrupulus de eadem malitia; ac proindè vt quis peccet mortaliter , debet considerare, vel opus illud esse malum, vel ibi esse malitiæ periculum , vel saltem debet habere de hac re dubium, aut scrupulum; quòd si nec expressa cogitatio nec dubitatio, nec

nec scrupulus malitiæ, vel illius periculi præcessit ignorantia, & inaduertentia, siue obliuio; censetur inuincibilis, & excusat à peccato.

### COROLARIUM II.

**V**T ignorantia, vel inaduertentia, aut obliuio sit inuincibilis, vel culpabilis; non sufficit cognitio virtualis, aut interpretatiua: ita vt quotiès quis scire vel aduertere tenebatur, si ignoret vel nō aduertat; sit ignorantia, aut inaduertentia culpabilis, siue non excusans à peccato. Probatur ratione, qua supra. Est contra Angelum verbo, *excommunicatio*, casu ult. num. 3. Nauarrum prælud. 1. num. 17. & cap. 25. Valentiam 1. 2. disput. 2. quæst. 1. punct. 6. Assorius tom. 1. lib. 1. cap. 15. quæst. 5. & alios.

### COROLARIUM III.

**I**nfertur Confessarium satisficere muneri suo, si à poenitente confitente se per ignorantiam, vel inaduertentiam, aut obliuionem omisisse ieiunium v.g. vigiliæ interroget, an menti ipsius occurrerit aliqua cogitatio, vel dubitatio de tali ieiunio; & si poenitens respondeat non,

venisse in mentem, tunc Confessarius prudenter iudicabit eum non peccasse ratione inaduertentiæ inuincibilis: similiter in ommissione impletionis cuiuscunque præcepti videndum est, an aliqua cogitatio de præcepto huiusmodi venerit operanti in mentem in eo tempore, quo præceptum implendum erat; si enim non venit, dicendum est ignorantiam vel inaduertentiam fuisse inuincibilem, secus autem si venit.

### COROLARIUM IV.

**N**ON peccauit mortaliter, qui proiecit lapidem per fenestram in plateam, in quam multi concurrunt; si nimirum non aduertit periculum, nec de illo habuit aliquod dubium vel scrupulum: ac proindè proiecchio lapidis in tali casu, licèt fuerit causa mortis alicuius; non tamen fuit temeraria formaliter, sed tantum materialiter, & per consequens non fuit peccatum.

### COROLARIUM V.

**C**um iura & Doctores dicunt, æquiparari scire, & debere scire; aduertere, & debere aduertere: Hæc intelligenda

da sunt, quando fuit aliqua actualis sufficiens ad peccatum mortale aduertentia. Sances lib. 1. cap. 16. num. 26.

Oppones: non aduertens, aut ignorans inuincibiliter præceptum, v. g. ieiunij, tenetur scire, vel aduertere ad præceptum, etiamsi nulla ei occurrat ratio dubitandi circa præceptum, ergo peccat frangendum ieiunium. etiam si non aduertat ad præceptum, & per consequens scire, & debere scire æquiparantur. Respondeo ille per se quidem, tenetur ad talem scientiam, vel aduertentiam, & ad hoc sufficit, si in homine sit potentia remota sciendi vel aduertendi, idest intellectus; per accidens tamen hic & nunc in talibus circumstantijs non tenetur, sed suspenditur illa obligatio, vel potius ille ab obligatione excusatur: eo quòd tunc non est in ipsius potestate proxima expellere talem ignorantiam; vel non est plenè in ipsius potestate, ità vt ad mortale peccatum sufficiat. Suares 5. tom. in tertiam partem disp. 4. sess. 8. num. 18.

#### COROLARIVM VI.

**I**nfertur regulam illam juris, ignorantia facti, non juris

excusat, intelligendam esse quòd ad præsumptionem fori externi; quia juris & legum ignorantia (vtpotè solemniter promulgatarum) minimè præsumitur inuincibilis in foro externo. Afforius tom. 1. lib. 2. cap. 13. quæst. 3. Vasquez 1. 2. disput. 123. cap. 2. nu. 3.

#### COROLARIVM VII.

**V**T ignorantia legum pertinentium ad peculiare alicuius officium, vel statum, siue ad generalem Christiani nominis conditionem sit vincibilis, nec à peccato excuset, debet priùs nosse esse aliquas leges pertinentes ad suum statum vel officium; quòd si hoc non nouit, nec aliquod dubium, aut saltem aliquis scrupulus præcesserit, erit ignorantia inuincibilis, quia moralem & humanam diligentiam superat expellere ignorantiam illius rei, cuius nulla prorsus incidat cogitatio.

#### COROLARIVM VIII.

**A**xioma illud Doctorum, ignorantia legum ad statum vel officium alicuius pertinentium, est vincibilis, nec excusat non esse verum; nisi verè intercesserit aliqua aduertentia,

vel dubitatio vel scrupulus de legibus pertinentibus ad proprium statum: quàmuis de his facilius, quàm de alijs legibus non pertinentibus ad proprium statum incidit cogitatio, vel dubitatio, aut scrupulus. Suares tom. 1. in tertiam partem disp. 4. sess. 8. num. 15. Vasquez 1. 2. disp. 123. cap. 2.

Aduerte autem quando dubitatur; an in viro timoratae conscientiae & habente firmum propositum siue actuale, siue habituale non peccandi mortaliter, fuerit ignorantia, vel inaduerterentia vincibilis, aut culpabilis; & ideò ambigitur, an peccauerit mortaliter tunc ratione illius bonae conscientiae & firmi propositi, praesumendum est ignorantiam & inaduerterentiam fuisse inuincibilem, & ideò illum non peccasse mortaliter. Sances lib. 1. cap. 16. num. 28. Valentia 1. 2. disput. 2. quaest. 1. punct. 6.

#### COROLARIUM IX.

**I**nfertur, quòd si casu promulgetur aliqua lex in Templo die festo, & quis culpabiliter Missam omittit, cui si interesset, legem illam audiret; non peccat operando contra illam legem ex eiusdem ignorantia, licet

illi ignorantiae causam dederit mortalis omissio Sacri. Ratio est; quia ignorantia illius legis ex illo peccato mortali procedens, est inuincibilis, cum omitteus Missam non aduerterit ad obligationem sciendae legis, nec dubitatio vlla, aut scrupulus illius obligationis occurreret, ut sic diligentiam adhiberet. Sairus lib. 2. cap. 9. num. 35. Afflorius tom. 1. lib. 1. cap. 13. quaest. 2. Vasquez 1. 2. disp. 120. cap. 4. nu. 10.

#### COROLARIUM X.

**N**ON potest dari ignorantia inuincibilis circa prima juris principia per se nota, qualia sunt, bonum est faciendum, malum est fugiendum; quod tibi non vis, alteri nè feceris. Ratio est; quia cum sit adeò clara & lumine rationis insitè naturae, nemo est ratione vtens, qui ab eadem ratione nequeat ad illa principia cognoscenda. Sairus lib. 2. cap. 9. num. 17. Valentia 1. 2. disp. 6. quaest. 6. punct. 1. & alij. Idem dicendum de illis Decalogi praeceptis, quae ex principijs lumine naturae notis nullo negotio à quouis homine deduci possunt, ut Deum esse colendum, esse honorandos Parentes: Valentia loco citato.

Re-

Reliqua Decalogi præcepta, quàmvis sint adeò conformia naturæ, vt non possint simpliciter & nudè accepta ignorari inuincibiliter; ea tamen accepta cum aliqua circumstantia apparenter excusante, possunt toto vitæ tempore vincibiliter ignorari; ac proindè possunt reperiri homines adeò rudes, qui inuincibiliter ignorent furtum factum ad erogandam eleemosynam, esse peccatum. Immò reperiuntur multi inuincibiliter ignorantantes esse peccatum periurium factum ad tuendam vitam propriam vel alienam, aut proprium honorem, & similiter pollutionem esse peccatū, quod maximè in pueris contingit.

Monitum: Confessor ad discutendum an hæc ignorantia sit inuincibilis, & à peccato excuset, necnè; discutere debet, an in illorum mentem venerit cogitatio, siuè dubium aliquod, aut saltem scrupulus de harum rerum malitia: si enim nihil horum venerit, censebitur ignorantia inuincibilis, secus autem si venerit. Sances lib. 1. cap. 16. num. 33.

Petes, si quis habeat aliquam notitiam, vel dubium, aut scrupulum circa malitiam obiecti ignoratam, aut non considera-

tam, qualis diligentia debeat adhiberi ad vincendam illam ignorantiam, vel inconsiderationem, siuè inaduertentiam, vt postea eadem ignorantia, vel inconsideratio, aut inaduertentia siuè iuris, siuè facti censeatur manere inuincibilis.

Dico primò vt ignorantia, vel inaduertentia facti in casu proposito censeatur inuincibilis, nulla alia regula tradi solet ac potest, nisi quòd diligentia in tali casu adhibenda, debet esse proportionata personæ & negotio, maior vel minor iuxta ipsorum qualitatem; ac proindè hoc totum relinquendum est prudentis arbitrio. Aduerte tamen si post talem diligentiam adhibitam, contingat aliquid præter intentionem, illud censebitur inuincibiliter ignoratum & inuoluntarium, etiam si per maiorem diligentiam illa ignorantia potuisset superari. Ratio est, quia solum est necessaria illa diligentia, quæ in similibus & circumstantijs communiter à prudentibus adhiberi solet, non autem est necessaria summa & exacta diligentia; quia nimirum quod summum est, non videtur ita proximè & moraliter possibile, ac proindè moraliter tantum videtur possibilis & necessaria di-

ligentia, quæ communiter à Viris doctis adhiberi solet in similibus circumstantijs & negotijs. Caietanus 2.2. quæst.64.artic.8. Afsorius tom. 1. lib. 1. cap. 10. quæst.6.& alij.

Dico secundò diligentia ab eo, qui sufficientem habuit vim juris ignorantia, vel inaduertentia aliquam cognitionem, nimirum aliquam confusam aduertentiam, vel dubitationem, aut scrupulum, vt postea, ignorantia, vel inaduertentia censetur inuincibilis & inculpabilis, debet esse proportionata qualitati iuris, officij & personæ, ac propterea in hac re standum est prudentis arbitrio; si enim huiusmodi diligentia adhibita sit, ignorantia, & inaduertentia erit inuincibilis; secus autem si talis diligentia adhibita non sit. Suares tom.5. in 3.par. tem disput.4. session.8. num.16. & 17.

### COROLARIA.

#### COROLARIUM I.

**P**rimò infertur virum doctum adhibere sufficientem diligentiam ad superandam ignorantiam rei, de qua habuit aliquam cognitionem, vel dubita-

tionem, aut scrupulum; si consulat de eare Viros doctos, & probos, idest qui moraliter, nec ex malitia vel negligentia, nec ex ignorantia decepturi presumantur. Suares loco citato num.18. Vasquez etiam loco citato.

#### COROLARIUM II.

**I**nfertur rusticum sufficientem adhibere diligentiam & excusari, si Parochum consulat; quem tamen consulendi, alter homo, sæpè non excusabitur. Sances lib.1.cap.16.nu.36.

#### COROLARIUM III.

**D**icitur excusari ignorantem, si ieiunia vel festa, quæ in ea hebdomada occurrunt, & ob id non seruat, si die Dominico interfuit Missæ, in qua Parochus ea consuevit publicare, nec tamen publicauit. Ratio est, quia adhibuit moralem diligentiam, communiter adhiberi solitam ad eam rem sciendam. Afsorius tom.1.lib.1.cap.12.quæst.1. Sances loco citato num. 37. & alij apud ipsum. Idem dicendum, si non interfuit Missæ; sed rogauit eos, qui interfuerunt, vt sciret. Aduerte rursùm, si non interfuit



fuit Missæ, nec alios interrogavit, nec illa per se nouit, censetur ignorantia vincibilis & culpabilis: si tamen habuit aliquam cogitationem, vel dubitationem, an aliqua festa, aut ieiunia in illa hebdomada occurrant; quòd si ad hæc non aduertit, ignorantia censenda erit inuincibilis. Sances ibidem, & alij apud ipsum.

#### COROLARIUM IV.

**I**Nfertur falsam esse illam regulam à nonnullis traditam, nimirum quotiescunque quis dat operam rei illicitæ, effectum ex ea subsecutum, culpæ imputari, nec censi inuincibilem ignorantia facti, quantuncumque diligentia adhibita fuerit. Ratio est; quia res illicita potest in ratione causæ esse omninò ignorata; ita vt nulla circa effectum eius occurrat cogitatio, vel dubitandi ratio: aut si occurrat, potest moralis diligentia adhiberi ad vitandum eundem effectum; ac proindè in talibus casibus ignorantia erit inuincibilis, atque eadem erit ratio, siuè operans det operam rei licitæ, siuè illicitæ, eo quòd effectus in utroque casu sit æquè inuoluntarius & inuictus. S. Thomas 1.2.

quæst. 76. artic. 3. Syluester ignorantie verbo, quæst. 6. Caietanus 2.2. quæst. 76. artic. 8. Suares tom. 5. in tertiam partem disput. 45. sess. 6. num. 1. & alij, Est contra Gabrielem in 4. dist. 15. quæst. 14. art. 3. dub. 2.

Petes, an excuset à peccato ignorantia, quæ vinci nequit, dum in actum prodit, & potuit antea vinci; v.g. quis sua negligentia mortali non didicit, quod ratione sui officij, vel cõmuni lege Christianorum tenebatur discere. Deindè quando nemo est, à quo instrui possit, per ignorantiam transgreditur præceptum v.g. ieiunij, vel audiendi Sacrum: similiter quando quis sua culpa mortali inebriatur, & ebrius factus committit peccata, quæ defectus vsus rationis non potest vitare; difficultas est, an hæc peccata ratione impotentia, aut ignorantia excusentur.

Dico primò; & si euentus huiusmodi soleant esse frequentes ei, qui inebriatur: si tamen tempore quo inebriari voluit, non habuit prorsus dubitationem, aut cogitationem de illis, nec in specie, nec in genere, non imputantur culpæ. Ratio est; quia procedunt ex inaduertentia naturali & inuincibili, ac proindè nec in se, nec in sua causa sunt

voluntarij vel liberi. Vasquez 1.2.disp.127. cap.3. & 4. Sances lib.1.cap.16. num.42. Est contra Caietanum verbo *ebrietas*, & Syluestrum eodem verbo qu. 4.

Dico secundò: si quis inebriari velit & in singulari, vel in vniuersum aduertat peccata, vel pericula indè consurgentia; tunc imputabuntur culpæ, si non adhibeat prudentem & cautam diligentiam, ne quid illorum eueniat. Quòd si huiusmodi diligentia adhibita, postea eueniant, non imputabuntur culpæ: immò nec imputabuntur quando iuxta temporis & loci circumstantias, nullum apparet illorum periculum; & ideò nulla diligentia adhibita est ad illa cauenda. Vasquez loco citato nu. 8.9. & 10.

Monitum: Plurima ebriorum dicta, vel facta ex se mala non reputantur culpabilia, & si præuideantur. Ratio est; quia nullum damnum inferunt, & carent malitiâ; eo quòd facta sint absque usu rationis; huiusmodi sunt verba vel facta contumeliosa, quæ tempore ebrietatis communi hominum æstimatione non reputantur contumeliosa, sed tanquàm facetiæ admittuntur: illa tamen quæ proximo damnum inferunt, imputantur

culpæ, si præuideantur. Ratio est; quia non minùs lædunt tempore ebrietatis, quàm tempore sanæ mentis facta. Sairus lib.2. cap.9.num.42. Vasquez loco supra citato cap.3.num.12.& apud eum Maior.

## DIFFICULTAS.

*Quid dicendum sit de prauis blasphemys, & iniurijs secuturis ex ebrietate?*

**R**espondeo hæc imputari culpæ, quia licet in se non sint voluntariæ; sunt tamen voluntariæ, nec eas Deus accipiat vt facetias. Caietanus 2.2. quæst.13.artic.4. dub.2. Toletus lib.7.cap.6. num.5. Sances lib.1. cap.16. num. 44. est contra Sairum, Vasquez, & Maiorem locis citatis.

Petes; quid dicendum sit de fornicatione præuisa ante somnum, vel ebrietatem, & in somno secutura vel ebrietate.

Respondeo primò, fornicationem in tali casu imputari culpæ, quia est in prolis damnum; ac proindè cauenda est, sicut dicitur de secuturis peccatis in damnum tertij. Sances loco citato, ex parte est contra Vasquez affirmantem imputari culpæ si

contingat in ebrietate, non autem si contingat in somno.

Quid sentiendum de pollutione præiussa ante ebrietatem, ut secutura in ebrietate?

Dico primò: si pollutio ex nimio illo potu vini præuideatur secutura absque ebrij intentione non imputatur culpæ mortali; quia pollutio præiussa in causa, non autem intenta, quæ ex sola gula mortali provenit, non est peccatum mortale.

Dico secundò: si pollutio præuideatur secutura ex eo, quòd ebrius tactibus, aut alijs rebus inhonestis se prouocaturus sit ad talem pollutionem; talis pollutio præiussa imputatur culpæ mortali. Sances loco suprà citato.

Petes; an hæc peccata dicenda sint in se peccata, an solùm in sua causa?

Respondeo operationem, vel omissionem, quantùmuis ex se malam, si contingant in somno vel ebrietate non esse peccata in se; licèt fuerint præiussa, nec constituere vnum peccatum cum præcedente voluntate peccaminosa eligente causam illorum, nempè somnum vel ebrietatem. Ratio est; quia tamdiù actus externus est capax malitiæ moralis existentis in voluntate interiori

mala, & potest constituere vnum peccatum cum illa, quandiù liber; at actus in somno, vel ebrietate contingentes, & quando vitari iam nequeunt, non sunt liberi; ac proindè non erunt capaces malitiæ, nec peccata: sed tantùm effectus peccati præcedentis, sicuti mors consequens, sed peccati effectus; quàmuis voluntas mala prior non sit interrupta per pœnitentiam, siuè per contrariam voluntatem. Vasquez 1. 2. disp. 64. cap. 2. & 3. Afforius tom. 1. lib. 1. cap. 7. quæst. vnica, Suares tom. 2. de Religionem lib. 3. cap. 8. num. 5. est contra alios, quorum aliqui volunt illa esse peccata in se; licèt voluntas præcedens, fuerit retractata per pœnitentiam; alij volunt non esse peccata, nisi quando eadem voluntas non fuerit reuocata, vel non pœnituerit. Horum etiam opinio iudicatur probabilis.

#### COROLARIUM.

**N**ON est necessarium exprimere in Confessione, ea peccata contingentia in somno vel ebrietate, aut in alio statu & circumstantijs in quibus vitari nequeunt: sed satis est exprimere causam illis peccatis da-

datam; non apponendo diligentiam ad illa impedienda, quando præuisa fuerunt; quando autem opus externum, est in se peccatum, eo quòd liberè semper maneat in nostra potestate, tunc non est satis actum internum voluntatis confiteri: sed etiam actus externus manifestandus est. Sances lib.1.cap.16.nu. 46. & alij apud ipsum.

Aduerte tamen, peccata illa, ante ebrietatem, vel somnum, vel quando vitari poterant præuisa, sufficiunt ad inducendum irregularitatem & excommunicationem, perindè ac si in vigilia contigissent; etiam si voluntas, quæ dedit illis causam, fuerit per poenitentiam interrupta. Ratio est; quia ad illa incurrenda (scilicet excommunicationem) satis est liberè peccato causam dedisse, & effectum esse subsequutum. Alsorius & Vasquez locis suprà citatis, Sances etiam loco citato numer.47. Item nota hoc deficit solùm in peccatis oris, ac proindè excommunicatio lata in periurium, v.g. non incurritur periurio volito in sola causa, nempe in ebrietate vel vsu iurandi inaduerterter. Ratio est, quia reuera illa non sunt in se peccata; & culpæ, quæ fuit in causa, non fuit imposita

censura, vel irregularitas. Sances loco citato, Suares tom. 2. De Religione lib.3.de iuramento cap.8.num.6.vbi docet huiusmodi periurium non comprehendendi præseruatione periurij, sed tantum comprehendendi periurium, quod in se est volitum.

*Notantur nonnulla de metu graui damni, & de eiusdem excusatione à transgressione præceptorum.*

**S**Vpponimus metum esse duplicem: alter dicitur cadens in constantem virum, qui metus appellatur probabilis & grauis; hic autem metus est, cum timeatur aliquod malum graue, & timens non leuiter & vanè, sed probabiliter & rationabiliter credit illud sibi imminere: Alter metus dicitur cadens in virum inconstantem, qui etiam dicitur leuis, iniustus, improbabilis ac vanus. Fieri autem potest, vt metus qui respectu vnius hominis est cadens in virum constantem, non sit talis respectu alterius, qui fortior, aut iunior altero non ità timidus: aliquis enim metus potest esse grauis respectu foeminæ v.g. qui respectu viri non erit ità. Gregorius de Valentia &c.

Item

Item monemus metum esse duplicem, quidam incutitur ab intrinseco, vel à causis naturalibus, vt à morbo, tempestate, feris vel bestiis; dicitur autem ab intrinseco, quia non incutitur à causis extrinsecis siue extrinsecis. Alter metus dicitur esse ab extrinsecis, idest à causa libera extrinseca, vt cùm quis minatur alicui mortem, vel ali- quod malum graue.

Aduerte etiam, quòd metus ab extrinseco proueniens est duplex; quidam est impulsus gratia extorquendi voti, v.g. *Sarà uno che hauerà un fratello, si vuol fare Religioso; s'esce dalla Religione, l'altro gli minaccia la morte.* Alter verò ob aliam causam est impulsus, vt cùm quis minatur malum, quod iustè inferri potest, vt iustam occasionem delicti.

Monitum: Certum est apud omnes transgressionem præcepti prohibentis rem intrinsecè malam, ob nullum mortis periculum posse esse licitam; ac proinde nullus metus potest reddere licitum mendacium, aut licitam fornicationem. Ratio est, quia impossibile est rem intrinsecè malam in aliquo casu esse licitam. Cerrum est etiam, quando periculum mortis intrinsecè

coniungitur cum legis præseruantia; idest quando Superior propter maius bonum commune imponit legem vel præceptum, cuius obseruationem vult esse coniunctam cum periculo mortis: certum est (inquam) talem legem vel præceptum obligare cum vitæ periculo, vt si Episcopus Parochis præcipiat tempore pestis adesse, nè fideles morientes careant Sacramentis, vel Dux militibus imperet, vt occurrant hostibus inuadentibus: Ratio est, quia tota Communitas, & illius Rector potest singulas eius partes periculo exponere; si nimirum id postulet bonum commune. Caietanus 1.2. quæst. 96. artic. 4. Valentia 1.2. disput. 7. quæst. 5. punct. 6. Assorius tom. 1. lib. 1. cap. 1. quæst. 1. Suarez 5. tom. in tertiam partem disput. 6. sess. 3. & alij.

### DIFFICULTAS.

*An lex, vel præceptum humanum, cuius obseruantia per accidens coniungitur cum periculo mortis, obliget in tali casu, & cum illo periculo mortis.*

**R**espondeo non obligare cum tali periculo. Ratio est, quia lex humana non censetur

letur procedere cum tanta seueritate, vt obliget etiam ad subeundum periculum mortis coniunctum cum ipsa legis obseruantia. Ità Auctores supracitati, Item Scotus in 4. distinct. 22. quæst. 1. artic. 4. Henriquez lib. 3. cap. 21. num. 2. Sances lib. 1. cap. 18. num. 4. & alij apud ipsum. Aduerte, multæ aliæ etiam sunt leges, siuè præcepta Iuris Diuini positiui & naturalis, quæ non obligant cum periculo mortis: integritas enim Confessionis est de Iure Diuino positiuo restituere alienum, votum implere, conferre elemosynam in extrema necessitate existenti, sunt de Iure Diuino naturali, & tamen non obligant cum periculo vitæ. Ità expressè Assorius cap. 11. citato quæst. 2.

### COROLARIA.

#### COROLARIUM I.

**S**I quis alicui mortem minatur, nisi frangat præceptum de ieiunio, vel de Missa audienda, vel de non faciendo opus seruile in die festo; is non peccat transgrediendo huiusmodi præcepta, dummodò minans mortem non intendat transgressionem eorundem præceptorum in

contemptum religionis, vel fidei.

#### COROLARIUM II.

**P**Ræceptum de suscipiendo Baptismi Sacramento vel Confessionis, non obligat adultum cum discrimine vitæ ad ea suscipienda. Ratio est, quia adultus potest sibi per contritionem consulere, nec tenetur cum illo periculo media tutiora querere, donec possit absque huiusmodi timore illa recipere; quia cum non sit intrinsecè malum huiusmodi Sacramenta non recipere, in aliquo casu, vt in prædicto, potest esse licitum. Scotus de Iustitia lib. 1. quæst. 6. art. 4. Corduba in summa quæst. 137. dicto 4. Aragonius 2. 2. quæst. 6. artic. 3. in primo dubio, est contra Assorium tom. 1. lib. 1. cap. 11. quæst. 2.

#### COROLARIUM III.

**A**duendam vitam licèt vesci carnibus humanis. Ratio est, quia hoc non est intrinsecè malum, ac proindè non est, cur in casu necessitatis extremæ non liceat. Caietanus 2. 2. quæst. 148. artic. 2. ad finem, Nauarrus cap. 23. num. 122. Emanuel Sà



verbo, *comedere*, num. 1. Tole-  
tus lib. 8. cap. 60. num. 3. est contra  
Assorium tom. 1. lib. 7. cap. 33.  
quæst. 4. Valentia 2. 2. disput. 9.  
quæst. 3. puncto 1. dicentes nun-  
quàm esse licitum comedere car-  
nes humanas.

Monitum: Et si constitutus in  
extrema necessitate possit come-  
dere carnes humanas, non ta-  
men tenetur eas comedere, etiam  
si aliàs sit moriendum. Ratio  
est, quia sicut nemo ad tuendam  
vitam tenetur pati cruris absci-  
sionem ob grauissimos dolores  
indè prouenientes; ità nec gratia  
tuendæ propriæ vitæ tenetur co-  
medere carnes humanas, quod est  
naturæ adèò horrendum. Sances  
lib. 1. cad. 18. num. 14.

#### COROLARIUM IV.

**S**I quis minetur mortem ali-  
cui in odium, vel contem-  
ptum præcepti aut religionis  
Christianæ, nisi id præceptum  
transgrediatur; tunc potius mo-  
riendum est, quàm transgredien-  
dum præceptum siuè Diuinum,  
siuè humanum. Ratio est, tùm  
quia ad hoc obligat præceptum,  
Diuinum de tuenda Religionis  
existimatione, & repellendo ip-  
sius contemptu. Tum quia,  
contrarium esset negare fidem

aut vilipendere auctoritatem præ-  
cipientem.

*Nosantur aliqua de nonnullis alijs  
excusantibus à peccato, vel  
ab obligatione seruan-  
di præcepta:  
sit.*

#### DIFFICULTAS.

*An impotentia implendi totum præ-  
ceptum excuset etiam ab obli-  
gatione implendi  
partem.*

**P**RO solutione, moneo præce-  
pta esse duplicis generis.  
Aliud enim præceptum est de re  
moraliter indiuisibili; aliud verò  
de re moraliter diuisibili. Præ-  
ceptum de re moraliter indiuisi-  
bili est illud, quo præcipitur ali-  
qua res, quæ non potest diuidi  
in plures partes, quæ moraliter  
& in communi æstimatione fa-  
ciant vnã tantùm rem præce-  
ptam: tale est præceptum de ieiu-  
nio vnus diei, præceptum de  
audiendo Sacro vno die festo; si-  
mile est etiã præceptum de re-  
citando Officio, si illud præce-  
ptum consideres respectu vnus  
horæ Canonice, v. g. respectu  
Matutini, aut respectu Primæ.  
Simile est etiã præceptum, siuè

obligatio implendi votum, quo quis promisit recitaturum semel Psalmos Pœnitentiales, vel tertiam partem Rosarij, aut certum numerum precum ob vnum certum mysterium, vt quinquies orationem Dominicam, & salutationem Angelicam in memoria quinque vulnerum Christi.

Præceptum de re moraliter diuisibili, est de re diuisibili in plures partes, quæ moraliter vel in communi æstimatione sunt plures res præceptæ. Tale est præceptum de recitando Diuino Officio absolutè, præceptum de ieiunio seruando quadragesimali; siquidem & Officium Diuinum est diuisibile in plures partes; id est in plures horas Canonicas, quæ in communi æstimatione sunt plures res præceptæ: & ieiunium quadragesimale diuiditur in plura Diuina ieiunia, quorum singula moraliter, & in communi æstimatione sunt vna res præcepta, & omnia simul sumpta censentur plures præceptæ. Simile est etiam votum recitandi Rosarium, quod diuiditur in tres circulos virginæ, quorum singuli censentur vna res: simile est votum ieiunandi per tres dies in honorem Sanctissimæ Trinitatis; illi enim tres ieiunij dies secundum communem æstimationem, sunt tria

distincta: similis est obligatio abstinentiæ à carne die Veneris; & idè quotiès quis vno & eodem die Dominico facit opera seruilia, vel die Veneris comedit carnes, totiès peccat mortaliter. Hinc sit.

### DOCUMENTVM I.

*Quando præceptum est de re moraliter indiuisibili, tunc qui non potest facere totum, quo censetur integrè moraliter implere præceptum, nec tenetur ad partem.*

**R**atio est, quia præceptum de re moraliter indiuisibili, commodè non potest diuidi; ac proindè nec impletio diuidi potest: & ità vel illi toti, vel nulli eius parti satisfacere tenetur; ergo vbi quis non potest toti præcepto satisfacere, nec tenetur satisfacere parti. Sances lib. 1. in Decalogum cap. 19. num. 5.

Monitum: Dixi in documento quando non potest implere id, quod moraliter censetur implere præceptum integrè; quia si quis possit implere id, quo moraliter integrè censetur implere præceptum, licèt non possit aliquam partem modicam  
(quæ

(quæ scienter & liberè posset esse absque peccato mortali, omittit) tunc temporis ad illud teneatur, v. g. si quis possit recitare Primam, licèt non possit recitare vltimam orationem, vt dirigere, satisfacere, &c. & Capitulum, adhuc teneretur ad illam recitandam.

### COROLARIA.

#### COROLARIUM I.

**S**I quis posset ieiunare vsque ad meridiem, v. g. vel ad certam dici horam, non vltra; nulla ratione teneretur ea die ieiunare.

#### COROLARIUM II.

**S**I quis vouit tertiam partem Rosarij, seu circuli virginei, vel Psalmos Pœnitentiales pro vna vice, nec possit totum recitare, nihil tenetur; & sic discurrendum de alijs præceptis, & alijs obligationibus de re moraliter indiuisibili.

#### COROLARIUM III.

**S**I quis non possit die festo Missæ interesse vsque ad consecrationem, is non tenetur

ad eam partem audiendam. Aduerte tamen, licèt quis non possit audire totam Missam; sed tantum eam Missæ partem, quæ Præfationem subsequitur, non potest licèt illam partem omittere. Ratio est, quia illa Missæ pars, quæ à consecratione vsque ad consumptionem sacrificij protenditur, est maxime necessaria, & per se primò intenta à præcipiente audiendæ Missæ, cum in illa Missæ parte substantia sacrificij consistat; reliqua verò sint accidentariò annexa ad Missæ perfectionem, maioremquè solemnitatem. Suardus tom. 3. in tertiam partem disp. 88. sess. 2. Sances loco suprâ citato.

#### COROLARIUM IV.

**S**I recitandum esset Matutinum nouem Lectionum, & quis defectu Breuiarij, v. g. non posset recitare Lectiones, nec Responsoria; is nec Psalmos, nec reliqua teneretur recitare, licèt eos memoria retineret. Ratio est, quia nouem Lectiones & octo Responsoria omittenda, sunt notabilis pars Matutini, qua omissa non satisfacit integrè moraliter præcepto, & ideo præceptum

prum de recitando Matutinum ad nihil obligat in tali casu. Sances lib. 1. cap. 19. num. 18. videtur esse contra Nauarrum in capitulo, quando de consecratione distinct. 1. cap. 11. num. 16.

Aduerte tamen, si recitandum esset Matutinum ferix, vel alicuius Sancti simplicis; si quis possit recitare Psalmos, tenetur eos recitare, licet defectu Breuiarij, v. g. non possit recitare tres Lectiones, ac Responsorialia (vt tria, vel duo.) Ratio est, quia Lectiones & Responsorialia requisita ad integritatem talis Matutini, sunt materia parua, siue leuis; ac proinde recitando reliquas partes illius eiusdem Matutini

potest integrè moraliter satisfieri  
præcepto

de  
eo recitando. Sances in loco  
iam citato.



## DOCUMENTVM II.

*Quando præceptum est de re moraliter diuisibili, nimirum in plures partes, quarum singule in morali & communi assimatione sunt plures res integræ; tunc, si pars præcepta, quam quis potest implere, sit certa, ad eam implendam tenetur, v. g. si defectu Breuiarij non possit quis recitare totum Officium: tunc tenetur ad recitandam quamcunque horam, quam possit recitare.*

**R**atio est, quia cum obligatio talis præcepti sit moraliter diuisibilis, & constat commodè posse impleri aliquam partem certam, quæ habet rationem vnius rei moraliter integræ præceptæ; non est cur ab ea implenda quis excusatur, cum id possit fieri abs.

que perplexitate & scrupulo.

Sances lib. 1.  
cap. 19. num.  
9.

## DOCUMENTVM III.

## DIFFICULTAS.

*Si quis non possit implere totum, præceptum de re moraliter diuisibili, sed tantum eius partem, qua non sit certa, tunc seruanda est hæc regula.*

## REGVLA.

**M**Aior pars trahit ad se minorem, atque ita impotens ad maiorem partem, excusatur etiam à minori, ad quam fortassè est potens; econtrà verò potens ad maiorem partem tenetur ad illam, non tamen tenetur ad minorem partem, ad quam est impotens. Constat, quia conforme est Iuri ut maior pars trahat ad se minorem. Ratio est, quia cum in tali casu pars, ad quam est potentia, non sit certa; non potest commodè diuidi obligatio, quin multi existant scrupuli & perplexitates in dignoscenda quantitate, siuè parte ad quam est potentia: cessabunt autem scrupuli & perplexitates, si talis regula seruetur. Nauarrus in capitulo, *quando de consecratione* dist. 1. cap. 1. num. 13. Sances loco citato num. 9.

*Quid si quis possit implere partem æqualem præcepti diuisibilis, non autem maiorem?*

**R**espondeo, tunc tenetur ad illam partem æqualem implendam, v.g. si quis vouit ieiunare per duos dies, nec possit nisi vnum ieiunare, ad id tenetur; quia nulla est ratio ob quam excusari possit. Filiarchus de officio Sacerdotis tom. 1. part. 1. lib. 1. cap. 10. num. 1. Sances loco citato.

Aduerte autem quàmuis valedudinarij & infirmi debeant stare iudicio Medici prudentis circa recitationem Officij, & ieiunium quadragesimale: si tamen Medicum non possint consulere, & reipsa constet ipsos non posse recitare maiorem partem Officij, vel ieiunare dimidium Quadragesimæ, crederem in tali casu posse eos uti illa regula, ut maior pars trahat ad se minorem; quia communiter in talibus casibus pars rei diuisibilis præceptæ, quam quis potest implere, non est certa, & ideò nisi tali regula vteretur, scrupuli & perplexitates existerent. Hinc Nauarrus

uarrus tom. 1. lib. 10. cap. 13. quæst. 4. Filiarchus loco suprâ citato; simpliciter docent, ægro, qui non potest recitare maiorem partem Officij, seruandam esse eam regulam.

Aduerte rursùm idem dicendum est, de his qui ex graui dolore capitis, vel graui dolore oculorum non possunt recitare maiorem Officij partem.

### DIFFICULTAS.

*Qua ratione, infantia, amentia & infidelitas excusent à peccato, siue ab obligatione implendi præcepta, vel legem Ecclesiasticam.*

### DOCUMENTVM I.

*Infantes & pueri ante rationis usum nulla lege Diuina vel humana obligari possunt.*

**R**atio est, quia cùm per se sint in ea ætate incapaces vsus rationis, sunt etiam incapaces legalis vinculi, quod est quoddam præceptum rationale. Paludanus in 4. distinct. 15. quæst. 5. artic. 1. num. 7. Sotus lib. 2. de Iustitia quæstione 3. artic. 4.

### DOCUMENTVM II.

*Amentes pro eo tempore, quo sunt amentes, excusantur à transgressione præceptorum.*

**R**atio est, quia amentia tollit libertatem & deliberationem actionis, ac proindè illum excusat à quacunque malitia morali. Sances lib. 1. cap. 12. num. 3. Aduerte autem qui simpliciter & in omni materia amentes sunt, pro tempore talis amentia excusantur à transgressione cuiuscunque præcepti; qui autem in aliqua solum materia amentes sunt, & in cæteris fruuntur vsu rationis, non excusantur à legum obseruatione in ea materia, in qua sunt sui compotes, vt egregiè probat Sances lib. 1. de Matrimonio disp. 8. num. 23.

### DOCUMENTVM III.

*Infideles & Cathecumeni nullius Ecclesiæ legibus tenentur, sed tantum præceptis & legibus naturalibus.*

**R**atio est, quia sunt extra Ecclesiæ potestatem.



## COROLARIA.

## COROLARIUM I.

**I**nfantibus & pueris ante vsum rationis possunt licite quibusvis diebus porrigi carnes, & lactinia etiam Sabbato sancto, quia nullis legibus tenentur. Caietanus 2.2. quæst. 147. artic. 8. dub. 1. Afforius tom. 1. lib. 7. cap. 28. quæst. 3. Sances lib. 1. cap. 18. num. 9. doctrina hæc est ex parte contra Tolertum lib. 6. cap. 3. num. 4. dicentem esse licitum quocunque die porrigere infantibus lactinia, non autem carnes. Aduerte etiam, si alicubi non sit consuetudo porrigendi pueris ante vsum rationis tales cibos omnibus diebus (remoto tamen scandalo) poterunt illis porrigi. Ratio est, quia ut diximus, nullis legibus adstringuntur. Sances loc. cit. est contra Cordubam in summa quæst. 60. dicto 4.

## COROLARIUM II.

**P**Veri vsum rationis carentes, possunt Diuinis assistere tempore interdicti sola assistentia humana, & rationalis interdicitur. Pueri autem ante vsum

rationis non possunt assistere humano modo, sed tantum ut bruta. Suarez tom. 5. in 3. partem disput. 34. sess. 1. num. 34.

Petes, quid si dubium sit; an pueri peruenerint ad vsum rationis, nec ne. Respondeo, si tale dubium contingat antequam illi sint septennes, tunc possunt interesse Sacris tempore interdicti, & possunt illis porrigi lactinia & carnes quocunque tempore; si autem illud dubium contingat, quando septennes pueri sunt, tunc ea non licebunt. Ratio est, quia cum vsum rationis communiter accadat septennio completo, non præsumitur in dubio ante id tempus accidisse, secus autem postea. Sances lib. 1. cap. 12.

## COROLARIUM III.

**A**Mentes, & ebrij rationis vsum omnino destituti, possunt tempore interdicti interesse Diuinis officijs; quia non possunt humano modo interesse, sed tantum ut infantes. Sances loco citato num. 10.

Monitum: Nec infantes, nec amentes tempore interdicti possunt in loco sacro sepeliri; quia locus interdictus nullum corpus potest admittere. Suarez tom.

5. in tertiam partem disp. 35. sels. Baptismum ligatur Ecclesiasticis  
 1. num. 2. Afsorius rom. 1. lib. 7. legibus. Afsorius loco citato.  
 cap. 28. quæst. 3.

### COROLARIUM VI.

#### COROLARIUM IV.

**L**icitum est cibos vetitos quocumque die ministrare amentibus; nimirum pro tempore amentiae, atque hoc verum est, licet non sint amentes nisi ad tempus, vel in vna sola materia, aut lucidis interuallis. Ratio est, quia si sint perpetuò amentes, non sunt capaces præcepti; ac proinde nec ad aliud seruandum obligantur; si verò non nisi ad tempus, vel in aliqua materia sint amentes, indigent cibis salutaribus, idest carnibus, vel vt curentur, vel ne humor malanchonicus augetur, simul augeat amentiam.

Monitum: Ebrijs non possunt cibi vetiti ministrari, ratio est; tum quia ebrietas non indiget talibus cibis, tunc quia ebrietas est brevis priuatio vsus rationis. Sances ibidem.

#### COROLARIUM V.

**I**n fidelibus & Cathecumenis possunt die ieiunij, & quocumque alio die dari carnes, & alij cibi vetiti; quia nemo ante

**I**nfertur amentes, & per consequens etiam ebrios ita excusari à præcepto audiendi Missæ; vt illorum curam gerentes, non teneantur efficere, vt illi Missæ intersint. Ratio est, quia hoc præceptum obligat interesse præsentia humana & rationali, qua illi interesse nequeunt. Nauarrus capite 21. numero 2. Sances libro 1. capite 21. numero 17. Aduerte tamen si quis esset amens in aliqua particulari materia, non pertinente ad Missam; sed circa illam Missam habeat vsum rationis, peccat nisi Missæ intersit.

### DIFFICULTAS.

*An esse extra locum proprii domicilij, ipsum peregrinum vel hospitem excuset à legibus & consuetudinibus proprii domicilij, vel illius loci, in quo peregrinus, vel hospes reperitur. Sit.*

## DOCUMENTVM I.

*Quando quis diuertis ad aliquem locum animo mutandi domicilium, & in illo commorandi; postea non tenetur proprijs & peculiaribus legibus proprij domicilij, quod reliquit, sed tantum posterioris.*

**R**atio est, quia efficitur subditus tantum posterioris loci. Aduerte autem constituto domicilio in aliquo loco, tunc per solam mutationem animi habitandi illic, & recedendi illinc, non desinit obligari legibus illius loci; sed tantum desinit obligari una cum illa mutatione animi reipsa recedit. Ratio est, quia domicilium semel acquisitum non amittitur solo animo recedendi; sed etiam requiritur ipse recessus. Lessus lib. 4. cap. 2. dubitatione 7. num. 46.

Sances lib.

3.

de Matrimonio  
disput. 23.

num.

2.

## DOCUMENTVM II.

*Vagi, qui nullibi habent certam, vel fixam sedem; sed hinc inde vagantur, tenentur omnino legibus, & consuetudinibus solius loci, in quo etiam obiter reperiuntur.*

**R**atio est, quia cum nullum peculiare domicilium habeant, domicilium quod ad omnia sortiuntur in loco, in quo reperiuntur. Sotus in 4. dist. 18. quaest. 4. art. 2. Sances lib. 1. in Decalogum cap. 12. num. 23. est contra Lessum lib. 4. cap. 2. dubitatione 7. num. 49. ubi docet idem dicendum esse de vagis, & de peregrinis habentibus alicubi domicilium; ac proinde re- tenta sententia dicente peregrinos non teneri loci transitus, vel hospitij ad breue tempus, de vagis idem sentiendum esset.

Monitum: Pristinum domicilium deferentes, nauigantes, aut iter facientes, quarentes ubi sedem collocent, siue nondum destinauerint, & nondum illuc peruenerint; tenentur legibus ac consuetudinibus loci, in quo reperiuntur. Ratio est eadem. Sances loco citato, & lib. 4. de Matrimonio disput. 25. num. 1. 2. & 3.

## DOCUMENTVM III.

*Quando quis est extra proprium domicilium, & transiit per aliquem locum, in quo sunt eadem leges, siue consuetudines, quae sunt in loco proprii domicilij; ille tenetur seruare leges illas, siue consuetudines.*

**C**onstat ex usu, siue consuetudine inducta quasi communi jure gentium, & communi consensu omnium fidelium Principum, & Pastorum: ita omnes Doctores. Aduerte tamen si quis iam impleuisset in loco sui domicilij aliquod huiusmodi praeceptum, vel legem non tenetur amplius ad illud seruandum in loco, ubi est hospes, vel peregrinus; ac proinde si quis ratione noui Kalendarij recepti in loco sui domicilij expleuerit ieiunium quadragesimale, & postea tanquam peregrinus transeat per locum, ubi nondum illud sit expletum iuxta nouum Kalendarium ibi receptum, non tenetur amplius ieiunare, vel de nouo explere ieiunium quadragesimale. Ratio est, quia talia praecepta solum obligant ad semel explendum, cum sint omnia eadem ubique,

Lessius lib. 8. cap. 2. dubitatione 7. num. 12. Sances lib. 1. in Decalogum cap. 12. num. 22.

## DOCUMENTVM IV.

*Peregrini, cessante scandalo, non tenentur peculiaribus legibus vel consuetudinibus loci proprii, & domicilij; quando nimirum ipsi sunt extra locum proprii domicilij.*

**R**atio est, quia leges & consuetudines locales respiciunt per se & directe territorium, & ibi morantes, & illi sunt affixae; & ideo non obligant personas subditas, nisi dum existunt intra limites eiusdem territorij. Sairus in Clauis regia lib. 7. cap. 3. num. 11. & 12. Suares tom. 1. de Religione lib. 2. cap. 14. num. 25. & numero hoc ultimo. Lessius lib. 4. cap. 2. dubitatione 8. num. 54. Afforius tom. 1. lib. 7. cap. 30. Emanuel Sà verbo, *questum*, num. 9. Sances lib. 3. de Matrimonio disp. 18. num. 17.

Monitum: haec vera sunt; etiam si, qui sunt extra locum proprii domicilij, ad illum sint reuersuri nocte sequenti. Ratio est, quia cum leges & consuetudines locales sint terminis talis

lis loci adstrictæ, ad exemptionem illarum non spectat duratio absentia à proprio territorio; sed præcisè absentia. Suares loco cit. num. 25. Lessius etiam loco cit. num. 55. Sances lib. 1. in Decalogum. cap. 12. num. 27.

Aduerte deniquè doctrinam traditam esse veram, etiam si leges in proprio territorio peregrinorum vel hospitem obligantes, sint juris communis; quando enim hi perueniunt ad locum, in quo per contrariam consuetudinem leges illæ sunt abrogatæ, non ligantur huiusmodi legibus. Ratio est, quia relaxatio juris communis per contrariam consuetudinem inducta in illo loco, introduxit priuilegium quasi locale, quo uti possunt omnes, qui reperiuntur in illo loco. Suares tom. 1. de Religione lib. 2. cap. 14. in fine, Rebellus part. 2. lib. 2. quæst. 7. sess. 3. num. 15.

#### COROLARIA.

##### COROLARIVM I.

**H**ispani, Itali, & alij exteri possunt Matrimonium absque Parocho & testibus contrahere in loco, ubi Concilium Tridentinum non est receptum.

Ita Auctores superius citati.

##### COROLARIVM II.

**G**Alli v.g. transeuntes per Regnum Castiliæ possunt ibi die Sabbathi comedere interna animalium, etiam si jure communi hoc sit vetitum in Gallia. Ratio est, quia illud jus commune per contrariam consuetudinem abrogatum est in Hispania. Ità iidem Doctores.

##### COROLARIVM III.

**A**lienigenæ possunt Mediolani comedere carnes duobus primis diebus Quadragesimæ, duobus verò sequentibus oua & lacticia, quo in loco tales cibi comeduntur dictis illis diebus. Hoc verum est, etiam si alienigenæ id non possint facere suis in territoriis propter jus commune ibi vigens, si prohibetur talia comedere. Ratio est eadem. Lessius loco cit. num. 59. Sances lib. 1. in Decalogum. cap. 12.

##### COROLARIVM IV.

**I**nfertur, quod si nondum transacta Quadragesima in aliquo territorio, aliquis illius Oppi-

Oppidi vel territorij se conferat ad aliquem locum, vbi Quadragesima iam transacta est (vt potest contingere propter nouum Kalendarium, non vbique receptum) non tenetur eam complere in hoc posteriori loco; sed potest carnibus vesci. Sic præfati Auctores iam citati.

### COROLLARIUM V.

**L**icitum est recedere à loco proprii domicilij, in quo est dies festus, in locum vbi non est festus; recedere (inquam) ad seruilia ibi exercenda. Ratio est, quia præceptum de seruando illo festo, non prohibet seu interdicit exitum à loco, in quo obligat; nec incolas illius loci obligat extra eundem locum. Sairus in Clauis regia lib. 7. cap. 3. num. 12. Suares tom. 1. de Religione lib. 2. cap. 12. num. 6. Emanuel Sa verbo, *festum*, num. 9.

Monitum: Quando festum est in vna Parochia, in altera verò non est; possunt subditi Parochiæ, in qua est festum, exercere seruilia extra illam Parochiã. Lessius lib. 4. cap. 2. dubio 8. Sances lib. 1. in Decalogum cap. 12. num. 13.

Petes; an qui è sua Parochia, vel territorium vbi est festum,

manè illius diei egreditur ad alium locum, vbi non est festum, teneatur eo die Missam audire. Respondeo, non tenetur ad audiendam Missam, si durante adhuc commoditate eam audiendi, sit futurus extra fines Oppidi aut Parochiæ, in quibus est festum. Ratio est, quia in proprio Oppido vsque ad tempus discessus, poterat auditionem Missæ differre; quando autem peruenit ad alium locum, vbi non est obligatio audiendi Missam, iam est deobligatus omnino ab illo præcepto. Sances lib. 3. de Matrimonio disput. 18. num. 21. & lib. 1. in Decalogum cap. 12. num. 32. Idem censet probabile esse Lessius lib. 4. cap. 2. dubitatione 8. num. 56. & alij Viri docti neotherici apud Sances loco cit. Est contra Suares tom. 1. de Religione lib. 2. cap. 15. num. penult. Sairum ac Emanuel Sã supra cit. Horum opinio est probabilis.

Monitum: Tunc quis tenetur præuenire audiendo Missam manè die festo, quando manente vi præcepti & subiectione ad illud pro aliqua temporis parte futurus est impeditus, nimirum in loco vbi præceptum de audienda Missa obligat; secus verò quando intra præcepti tempus



ab eodem præcepto, est eximendus.

## DIFFICULTAS.

## COROLARIUM VI.

**D** Iscedentes ex Oppido, ubi non ieiunatur, nec esus carniū est prohibitus; possunt ibi licitè carnibus vesci, etiamsi meridie peruenturus sit ad locum proprii domicilij, ubi ieiunatur: in loco tamen sui domicilij ea die non poterit vesci carnibus, siuè in alio loco eas comederit, siuè non; si tamen comederit alibi carnes, poterit in loco sui domicilij quotiè voluerit ibi ea die non prohibitis vesci. Sances loco cit. num. 33. Lessius loco etiam citato supra num. 57.

## COROLARIUM VII.

**D** Iscedens manè à loco proprii domicilij, & illa die peruenturus ad locum, ubi nec ieiunium seruatur, nec carnes sunt prohibitæ; potest manè ientaculum sumere, non potest tamen comedere carnes, donec sit in loco, ubi comeduntur. Sances loco cit.

n. 54.

\* \*

*An excusetur, qui data opera de uno loco, ubi aliqua lex vel consuetudo obligat ad ieiunium v.g. vel ad Missam, vel ad aliquid aliud transit ad alium locum, ubi non est talis lex vel consuetudo; transit (inquam) ut fugiat onus talis legis vel consuetudinis, ut non teneatur ieiunare vel audire Missam.*

**R** Espondeo illum excusari à transgressione talis legis & consuetudinis. Ratio est, quia dum ille à loco, in quo obligat talis lex vel consuetudo, data, opera recedit in alium locum, in quo illæ leges non obligant, utitur jure suo; ac proinde propriè non dicitur fraudem committere, sed fugere obligationem talis præcepti, ad quam fugam habet jus, cum non sit prohibita, per legem solum obligantem, dum non receditur ab eo loco. Suares tom. 1. de Religione lib. 2. cap. 13. num. penult. Sances lib. 1. in Decalogum cap. 12. num. 35. & lib. 3. de Matrimonio disp. 28. nu. 29. est contra Rebellempart. 1. lib. 2. quæst. 7. sess. 3. num. 16. & alios dicentes fore irritum Matrimonium contractum ab Hispano

pano in Gallia absque Parocho & testibus, quando solum (vt sic contrahere posset) in Galliam se transulisset.

Ex dictis infertur fugam illam voluntariam præcepti, siue legis obligantis in vno loco ex se esse indifferentem, ac proindè posse esse bonam, vel malam ex fine adiuncto. Itaque si quis è loco vbi propter legem, vel consuetudinem eius peculiarem ieiunatur, transeat ad locum vbi non est talis lex vel consuetudo ieiunandi (transeat, inquam, præcisè in hunc finem) non tenetur ieiunare, peccabit tamen venialiter peccato gulæ.

#### DOCUMENTVM.

*Quando alie sunt leges, aut consuetudines in proprio territorio, alie in loco ad quem peregrini diuertuntur siue per modum transitus, siue per modum hospitij ad breue tempus non tenentur (cessante scandalo) seruare leges, aut consuetudines, quæ obligant in loco transitus aut hospitij, dum in eo morantur.*

**H**inc si in loco proprii domicilij, vel territorij non sit dies festiua, aut dies ieiunij; in loco autem transitus vel ho-

spitij sit dies festus, aut ieiunij; peregrinus siue hospes ibi commorans per modum transitus vel hospitij, non tenetur seruare festum aut ieiunium. Ratio est, quia qui transit, aut breui tempore diuertitur ad alium locum, non dicitur moraliter esse in eo; ac proindè cum transeuntes non dicantur moraliter esse in illo loco, non est æquum vt astringantur peculiaribus legibus, vel consuetudinibus illius loci, quæ solos in eo loco existentes obligant. Siluester verbo, *ieiunium*, quæst. 2. Antoninus 2. parte, titulo 6. cap. 2. §. 3. Toletus lib. 6. cap. 5. num. vltim. Assorius tom. 1. lib. 7. cap. 30. quæst. vlt. Sances lib. 1. in Decalogum cap. 12. num. 38. & lib. 3. de Matrimonio disp. 18. nu. 6. & alij multi apud ipsum. Est contra Nauarrum cap. 13. nu. 5. & cap. 23. num. 120. Henricum lib. 7. cap. 13. num. 8. Emanuel Sà verbo, *ieiunium*, num. 1. Suares tom. 1. de Religione lib. 2. cap. 14. & num. 9. ac alios multos, quos habes apud Sances lib. 1. in Decalogum cap. 12. num. 37. & lib. 3. de Matrimonio disput. 18. num. 4.

Oppones contra documentum, quod consuetudo videretur esse in contrariū. Respondeo negando

gando esse talem consuetudinem obligantem, quia si aliqui se obligatos existimant, aut hoc ex ignorantia prouenit, sicut credunt se ad Missam audiendam teneri ex solo transitu, vel breuissima mora in loco, ubi seruatur festum ex peculiari lege, vel consuetudine, aut si sint viri docti, id existimabunt; quia sequuntur contrariam sententiam, sed e contra oppositum sentiunt, & docent Auctores nostræ sententiæ, ut benè notauit Sances lib. 1. in Decalogum cap. 12. num. 38.

Monitum: Doctrina à nobis suprâ tradita tres patitur exceptiones.

Prima exceptio hæc est: ab omnibus seruanda sunt circa contractum, quæ in loco contractus obligant, excepto tamen contractu doctis, cui peculiare est; ut sit ineundus iuxta leges domicilij, ut rectè ex Iuribus & Auctoribus probat Sances lib. 3. de Matrimonio disp. 18. num. 10. & 11.

Secunda exceptio est, ut peculiares loci ordinationes ad bonum commune illius, quarum legum transgressio cederet in peculiare damnum eiusdem loci, in quo est tanquam peregrinus vel hospes, etiam ab eo ser-

uentur; ut si lex prohibeat extrahi inde triticum, vel merces, aut si propter bonum commune talis loci prohibeat peregrinos ibi subsistere ultra tale tempus. Ratio autem, cur etiam peregrini & hospites obligentur huiusmodi legibus peculiaribus ordinatis ad bonum commune loci, in quo sunt tanquam hospites, est; quia communi consuetudine iure communi gentium inducta est ex consensu omnium fidelium Principum & Pastorum recepta, effectum est, ut huiusmodi leges ordinatæ ad bonum commune talis loci, obligent omnes existentes in illo loco. Sances lib. 3. de Matrimonio disp. 18. num. 14. & alij apud ipsum.

Tertia exceptio, quando leges loci, in quo quis est tanquam peregrinus vel hospes, obligant ex iure communi; quamuis in proprio domicilio vel loco peregrini, non obligent, eo quod sint ibi abrogatæ per contrariam consuetudinem, tenetur peregrinus & hospes, quandiu est extra proprium domicilium seruare illas easdem leges, quæ in loco, in quo est, obligant. Ratio est, quia consuetudo Ius commune abrogans est odiosa instar legis corrupto-

rix; ac proinde cum in eo solo loco sit, & ibi excuset, non est extendenda, vt sit quasi priuilegium personale, idest consequens personam quodcumque iuerit: sed est potius restringenda, vt sit quasi priuilegium locale, quod extra locum non prodest. Henricus lib. 9. cap. 29. num. 20. in Comment. sub littera S. Medina 1. 2. quæst. 96. artic. 5. Sairus in Clauis regia lib. 3. cap. 4. num. 5. Suarez tom. 1. de Religione lib. 2. cap. 14. num. 27. & 28. Sances lib. 1. in Decalogum cap. 12. num. 39. qui tamen prius lib. 3. de Matrimonio disput. 18. num. 7. contrarium docuerat vnà cum Palatio.

### COROLARIA.

#### COROLARIUM I.

**L**icet in Castilia non sit prohibitum comedere intestina animalium in die Sabbathi, Castilianus tamen in Lusitania, v.g. vbi iure communi illud prohibitum est, non poterit illa comedere.

#### COROLARIUM II.

**Q**uamuis Mediolani per cō. contrariam consuetudinem

abrogatum sit Ius commune ieiunandi primis quatuor diebus Quadragesimæ; immò & Ius abstinendi à Carnibus prima & secunda die, & ab ouis atque lacticijs tertia & quarta die: Mediolanensis tamen transiens per alia loca, in quibus seruatur Ius commune, non poterit edere carnes vel oua & lacticia, aut omittere ieiunium primis illis quatuor diebus Quadragesimæ.

### DIFFICULTAS.

*Quid dicendum sit, si quis habites aequaliter in duplici Paroecia, in qua utraque sint diuersæ leges, vel consuetudines.*

**R**espondeo, tenetur seruare leges & consuetudines Parochiæ, in qua præsens fuerit; tenetur (inquam) pro tempore præsentis. Ratio est, quia tunc est verè illius incola. Lessius lib. 4. cap. 2. dubio 7. numero 46.

Monitum: Hoc intelligitur de tempore, quo in illa Paroecia habitat; secùs autem quando habitans in vna Parochia, venerit in aliam tanquàm hospes

ad breue tempus, quia tunc non censetur habitator illius Paroeciæ, in quam venit, cum ibi ad modicum tempus hospitetur: illæ autem leges, vel consuetudines sunt locales; & ideo non obligant nisi habitantes in eo loco.

### DIFFICULTAS.

*Qua mora in loco hospitij reddat peregrinum, vel hospitem habitatorem, ita ut legibus, vel consuetudinibus eiusdem loci teneatur.*

**R**espondeo; ad hoc sufficit & exigitur, ut quis incipiat habitare, & habeat animum habitandi ibi maiori anni parte. Ratio est, quia moraliter & prudentis arbitrio, habitaturus dicitur in aliquo loco, qui per maiorem anni partem ibi commoraturus est. Sanchez lib. 3. de Matrimonio disput. 18. num. 9. & alij apud ipsum.

Monitum: Accedens animo habitandi maiori anni parte, tenetur à prima die accessus seruare leges, & consuetudines Oppidi vel loci, ad quem accedit; quia tunc contrahit quasi domicilium, ac proinde ex tunc ha-

bet conditiones requisitas, ut ita sit ac dicatur habitator. Suarez tom. 1. de Religione lib. 2. cap. 14. num. 1. Lessius lib. 4. cap. 2. dub. 7. num. 47.

Monitum: Non desinit obligari, licet postea mutato animo decernat se breui recessurum ex illo loco. Ratio est, quia hoc quasi domicilium contractum ex priori animo habitandi ibi maiori anni parte, non potest deperdi per solam illius animi mutationem: sed simul cum illa requiritur recessus ab eodem loco, sicut ad illud quasi domicilium constituendum, exigitur animus ac etiam habitatio. Sanchez lib. 3. de Matrimonio disput. 23.

*Notantur nonnulla de actione, vel intentione requisita ad implenda precepta.*

### DOCUMENTVM.

*Ad implendum preceptum siue Diuturnum, siue naturale requiritur actio humana, qua quis volens efficiat id, quod preceptum iniungit.*

**R**atio est; quia cum præceptum imponitur hominibus, humano modo implendum

est. Pandanus in 4. distinct. 15.  
quæst. 5. artic. 2. num. 24. Sotus  
lib. 2. de Iustitia, quæst. 3. artic. 9.  
Assorius tom. 1. lib. 7. cap. 2.  
quæst. 6.

### COROLARIA.

#### COROLARIUM I.

**I**dem exigitur in adimpletio-  
ne votorum, iuramentorum,  
ac poenitentiae Sacramentalis;  
quia de his omnibus eadem est  
ratio. Sances lib. 1. in Decalogum  
cap. 13. num. 2.

#### COROLARIUM II.

**R**ecitans Officium sola le-  
gendi, vel discendi vo-  
luntate, non satisfacit præcepto  
recitandi Officij: sed tenetur  
iterum recitare, quia cum non  
habeat voluntatem orandi, non  
orat; ac proinde non facit id,  
quod præcepto iniungitur. Na-  
uarrus in capitulum, quando  
de consecratione, distinct. 1. cap.  
13. num. 15. Assorius tom. 1.  
lib. 10. cap. 8. quæst. 7. Lessius  
lib. 2. cap. 37. dubitatione 11.  
num. 67.

#### COROLARIUM III.

**S**i quis Diuina contemplans,  
casu interfit Missæ, non ha-  
bens animum illam audiendi;  
tunc nec præcepto, neque voto,  
nec iuramento, nec etiam poe-  
nitentiae Sacramentali satisfacit  
per talem assistentiam ad Mis-  
sam. Ratio est, quia hoc non est  
audire Missam; cum desit volun-  
tas audiendi. Sances lib. 1. cap. 13.  
num. 3.

#### COROLARIUM IV.

**N**on satisfacit præcepto,  
nec voto, neque iuramen-  
to, nec etiam poenitentiae iniun-  
ctæ, qui ebrius vel dormiens Of-  
ficium recitet, aut Sacro interfit,  
vel rem promissam, aut poeni-  
tentiam iniunctam, exequatur.  
Nauarrus loco supra citato.

#### COROLARIUM V.

**P**ræceptum de ieiunio non  
implet, qui omnino inui-  
tus ieiunct; neque satisfacit poe-  
nitentiae Sacramentali, flagella-  
tionis, v.g. qui omnino inuitus  
vapulet, aut flagelletur; quia  
hæc non sunt ieiunare, vel se  
flagellare, sed pati per vim.  
Sotus



Sotus lib. 2. de Iustitia quæst. 3. artic. 9. Medina l. 2. quæst. 100. artic. 9.

### COROLARIUM VI.

**M**inimè præceptum implet, qui omninò coactus Missæ interest. Ratio est, quia hoc moraliter, non est audire Missam; cùm desit voluntas audiendi. Suarez tom. 1. in tertiam partem disput. 88. sessione 3. Sotus, & Medina locis suprà citatis.

Monitum: Hoc non potest verificari de his, qui inuitè recitant Officium. Ratio est, quia lingua humana non potest ulli vi omninò compelli ad recitandum; sed solo metu, qui voluntarium non aufert. Sances lib. 1. cap. 13. num. 5. Est contra Afforium tom. 1. lib. 10. cap. 12. quæst. 9.

### COROLARIUM VII.

**C**ontra præceptum Iustitiæ peccat interiùs mortaliter, qui omninò inuitus debitum soluere cogitur; quia deest omninò voluntas soluendi: satisfacit tamen debito, nec iterùm tenetur soluere, quia quomodocùnque pecunia deueniat in ma-

num creditoris, satisfit debito; ità vt cesset obligatio iterùm soluendi. Sotus lib. 2. de Iustitia, quæst. 3. art. 9.

Infertur; metu quantùmvis graui implentem præceptum, votum, Iuramentum, aut poenitentiam Sacramentalem, satisfacere. Ratio est, quia metus non tollit libertatem; ac proindè talis impletio est actus humanus, & consequenter est sufficiens, vt obligatio illa iterùm implendi cesset. Sances loco suprà citato num. 7.

Monitum: qui metu implet præceptum, aut votum; ità vt habeat voluntatem non implendi, si esset in omnimoda sua libertate, peccat mortaliter. Ratio est, quia habet animum faciendi contra præceptum, si per metum liceret; quòd si talem animum non habeat, licèt metu impleat, & Deus videat, quòd ille non impleret, nisi metus insurgeret, non peccat mortaliter. Ex his constat famulos & pueros, qui metu Dominorum, vel Parentum aut Pædagogorū assistunt Missæ, non teneri iterùm assistere; licèt habuerint expressum animum non audiendi Missam, si metu non cogercantur. Sances loco cit. num. 8.

Petes, an sicut ad præcepti imple-

impletionem requiritur intentio exequendi opus præcepto iniunctum, v.g. audiendi Missam; ita etiam requiratur intentio satisfaciendi præcepto per tale opus. Respondeo, ad implendum præceptum non requiritur intentio satisfaciendi; ac proinde, si quis immemor, obligatus de audienda Missa, aut ignorans esse diem festum, volens interfit Missæ, satisfacit. Ratio est, quia per leges præcipitur libera executio operis externi, non autem ut fiat ex intentione satisfaciendi præcepto. S. Thomas 2. 2. quæst. 104. artic. 3. Ad secundum. Valentia secunda secundæ disp. 6. quæst. 2. punct. ult. Suarez tom. 3. in tertiam partem disput. 8. sess. 3. Afsorius tom. 1. lib. 7. cap. 2. quæst. 6.

Oppones: Præcepta obligant ad obedientiam, quæ non videtur adesse, ubi non est intentio satisfaciendi præcepto. Respondeo, præcepta non obligant ad obedientiam formalem, sed tantum ad obedientiam materialem; nimirum ita ut fiat, quod præcipitur, quantumvis non fiat eo, quo præceptum sit. Hinc habetur, satisfacere Iuramento, voto, poenitentiae Sacramentali, qui exequitur opera promissa, vel etiam poenitentiam iniunctam;

& si non habeat intentionem implendi votum, vel Iuramentum, aut poenitentiam.

### D I F F I C U L T A S.

*An quando quis facit aliquod opus cum expressa voluntate & intentione non satisfaciendi præcepto per illud opus, adhuc verè satisfaciat, v.g. si quis ex devotione in die festo Missam audiat, & expressè intendat non satisfacere obligationi per huiusmodi Missam, an, verè impleat præceptum.*

**R**espondeo, etiam cum tali intentione satisfacere. Ratio est, quia per præcepta & leges solum præcipitur libera & humana executio operis externi, non autem ut fiat ex tali intentione satisfaciendi: hinc sicut præcepta non obligant ad habendam intentionem illis satisfaciendi, ita non violantur per contrariam intentionem noliendi satisfacere, cum in operantis voluntate non sit præceptis non satisfacere, supposito quòd opera præcepta exequantur; ac proinde cum in casu proposito, ille actu libero & humano Missam audit; verè præcepto satisfacit, quàmvis nolit satisfacere.

Ara-

**Aragonium** 1.2. quæst. 83. art. 13. Valentia 2.2. disput. 6. quæst. 2. puncto ult. Suarez tom. 3. in tertiam partem disput. 82. sess. 3. Vasquez 1.2. quæst. 100. artic. 9. in expositione textus. Lessius lib. 2. de Iustitia cap. 37. dub. 10. num. 59. Sances lib. 1. in Decalogum cap. 13. num. 13. est contra Palatium in 4. distinct. 15. disput. 10. Nauarrum in capitulum, quando de consecratione, distinct. 1. cap. 13. num. 15. 27. 28. & alij in locis: Afsorium tom. 1. lib. 7. cap. 2. quæst. 6. & alios, qui dicunt non satisfacere præcepto quotiescunque adest intentio non faciendi. Horum etiam opinio mihi probabilis.

**Monitum:** Ut exequens opus præceptum cum intentione non satisfaciendi præcepto, verè satisfaciatur eidem præcepto; non requiritur, ut post executionem talis operis deponat illam intentionem intra tempus obligationis præcepti, & velit per opus præcedens, satisfacere præcepto. Ratio est, quia nihil conferre potest ea voluntatis mutatio, cum efficere nequeat, ut opus præteritum ex obedientia processerit, vel in se vlla ratione varietur; ac proinde si ille credat se non satisfecisse, ad evitandum peccatum sufficit, si

eam conscientiam erroneam, deponat sciens se satisfecisse, etiam si nullam habeat intentionem satisfaciendi per opus iam factum. Sances lib. 1. cap. 13. num. 14.

## DIFFICULTAS.

*Qua ratione peccet implens præceptum cum intentione illi non satisfaciendi.*

**D**ico primò: si habuit animum satisfaciendi per illud opus, v. g. per aliam Missam, & aliam verè audire possit, nulla ratione peccavit habendo intentionem satisfaciendi per auditionem prioris Missæ; nec tenetur postea habere intentionem non satisfaciendi per illam priorem Missam, nec aliam Missam tenetur audire: sed sufficit, ut sciat se satisfecisse, non obstante contraria intentione non satisfaciendi. Ratio autem, cur non peccaverit, est; quia verè & plenè satisfecit illi præcepto, nec vllum aliud præceptum transgressus est, cum habuerit intentionem audiendi illam Missam. Sances loco citato numero 15.

**Dico secundò:** si habuit intentionem-

tionem non audiendi aliam Missam, aut certè sciebat vel putabat se non posse audire, peccauit mortaliter; non quidem contra illud præceptum speciale (v. g. de audienda Missa) quia illud tantum obligat ad exercendum actu humano tale opus iniunctum: sed contra præceptum naturale Diuinum, quo quis tenetur subiectus esse legi, ac Legistori; nimirum non eliciendo actum, quo nolit illis esse subiectus.

### COROLARIA.

#### COROLARIUM I.

**S**I quis horas Canonicas recitat cum intentione non satisfaciendi per hanc recitationem, sed per aliam; ille verè satisfacit per primam recitationem, quia intentio illa non satisfaciendi minimè impedit, quominus præceptum impleatur per eandem primam recitationem. Lessius lib. 2. de Iustitia cap. 37. dubio 10. num. 59. Sances lib. 1. cap. 13. num. 16.

#### COROLARIUM II.

**V**erè impletur obligatio pœnitentiæ Sacramentalis, si

opus iniunctum executioni mandetur cum expressa intentione non satisfaciendi illi obligationi, nec opus est, vt ea intentio mutetur in contrarium; sed satis est scire per illud opus iam esse satisfactum illi obligationi. Ratio est, quia cum pœnitentia ex quodam Confessoris præcepto debeat, idem de illa dicendum est, quod dicitur de impletione præceptorum reliquorum. Sances ibidem num. 17.

#### COROLARIUM III.

**V**otum & Iuramentum impletur; si quis opus voto, vel Iuramento promissum exequatur etiam cum intentione non satisfaciendi per tale opus, nec tenetur iterum hoc implere, nec tenetur habere intentionem satisfaciendi per illud opus iam factum. Ratio est, quia cum votum & Iuramentum instar præceptorum obliget, solum ad substantiam actus, siue operis promissi obligat; ac proinde non est in vouentis, vel Iurantis potestate, voto, aut Iuramento non satisfacere, posito quòd opus iam promissum expleatur. Sances loco citato num. 18. Est contra nonnullos negantes, quorum etiam opinio est mihi probabilis.

*Notantur aliqua de nonnullis  
alijs pertinentibus ad  
impletionem præ-  
ceptorum.*

## D I F F I C V L T A S.

*An præcepto satisfieri possit per  
actum, qui sit peccatum; v.g.  
an præcepto de ieiunio possit sa-  
tisfieri ieiunando ob vanam glo-  
riam, vel ob alium malum  
finem.*

**R**espondeo, legi & præcepto satisfieri potest etiam per actum, qui sit peccatum. Ratio est, quia leges præcipiunt substantiam actus, non autem modos, nisi modus sit de intrinseca ratione actus præcepti, ut attentio aliqua est de orationis essentia, aut pro ut cadit sub præcepto; ac proinde cum impleatur substantia actus præcepti, v.g. ieiunium etiam si ordinetur in malum finem, satisficit præcepto: peccabit tamen contra aliud præceptum, nimirum contra illud, cui malus finis opponitur. Sotus lib.2. de Iustitia quæst.3.art.9. Nauarrus cap.210. num.7. Covarruias in Capitulum, *Alma*, parte 1. §. Quinto. Ledesma 2. parte quarti quæst.

16. artic.6. Assorius tom.1.lib.7. cap.7.quæst.1. & alij multi. Est contra Adrianum in 4.in materia Confessionis dubio 4. Minorem in 4. dist.15.quæst.3. Antonium 2. parte titulo 9. cap.10. §.2.

## C O R O L A R I A.

### C O R O L A R I U M 1.

**E**tiam per opus malum, & peccaminosum potest satisfieri poenitentiae sacramentali; immò & obligationi voti, & iuramenti. Ratio est, quia cum votum & iuramentum sit quædam lex particularis, quam homo sua sponte sibi imponit, ista obligat instar aliorum præceptorum ad exequendam solam substantiam actus promissi. Sances lib. 1. in Decalogum capit. 14. num.13.

### C O R O L A R I U M II.

**Q**ui semel in die ieiunii comedit, curans ita stomachum replere; ut nil prorsus famis patiatur, implet præceptum de ieiunio, licet defraudet intentionem legis ac præcepti, quæ intentio est macerare carnem aliqua fame. Sances lib.1.cap.14.num.4.

## DIFFICULTAS.

*An vnico actū ſatisfieri poſſis  
diuerſis præceptis.*

**R** Espondeo affirmando, v.g. ſi ieiumum alicuius vigiliæ voueatur, & imponatur in pœnitentia à Confefſore, vnico ſatisfieri poteſt voto ac pœnitentiæ ſacramentali, nec non præcepto ieiumij. Similiter ſi quis ratione ordinis & beneficij teneatur recitare horas Canonicas, vnica recitatione poteſt ſatisfacere vtrique obligationi. Ratio eſt, quia hæc eſt differentia inter debita realia iuſtitix commutatiuæ & debita legalia, vt ibi, legis ac pœnitentiæ iniunctæ, quòd in illis debitis attenditur æqualitas rei ad rem; & ideo cùm vna ſatisfactio non poſſit eſſe æqualis pluribus debitis, nec vnica ſolutione pluribus debitis poteſt ſatisfieri: ecòtrà verò cùm debita legalia pendeant ab intentione Legislatoris, fieri poteſt; vt intentio legis, voti & pœnitentiæ tendat in vnum & idem opus. Aduerte autem regulariter, & vt plurimum vnico actū poteſt ſatisfieri pluribus præceptis quando plura illa præcepta imponuntur pro

eadem re, vt eſt; ſi feſtum alicuius Sancti incidat in diem Dominicam, vnica Miſſa ſatisfit vtrique obligationi.

## DIFFICULTAS.

*An quando alicui abſolutè imponitur aliquid, v.g. ieiumum in pœnitentia Sacramentali; tunc per ieiumum aliàs debitum, voto, aut præcepto poſſit ille ſatisfacere pœnitentia Sacramentali.*

**R** Espondeo; ſi ex mente Confefſoris aliud non colligatur, ille veræ pœnitentiæ Sacramentali non ſatisfacit per ieiumum alio titulo debitum. Ratio eſt, quia intentio Confefſoris communiter intelligitur de opere voluntario, ac proindè etiam in dubio mens Confefſarij de eodem opere voluntario intelligenda eſt. Afforius tom. 1. lib. 1. cap. 14. quæſt. 1. Sairus in

Clauſi regia lib. 6. capite 3.  
numero 22. Suares 4.  
tomo in tertiam  
partem  
diſputat. 38. ſeſſ. 6.  
numero 5. &  
alij.



## DIFFICULTAS.

*An quando omittitur opus duplici præcepto iniunctum, sit duplex peccatum.*

**R** Espondeo : interdum est duplex peccatum, interdum vnum, v. g. si omittatur ieiunium vigiliæ incidentis in Quadragesima, aut omittatur Missa in incidente festo in die Dominico, non erit duplex peccatum; quia hæc præcepta sunt de eadem materia ob idem motuum virtutis, ac proindè nec circumstantia illa duplicis præcepti, erit explicanda in Confessione.

Econtrà verò si præcepta pertineant ad diuersas virtutes, & sint de eadem; contrà verò si præcepta pertineant ad diuersas virtutes, & sint de eadem materia, vel de eodem opere, si tale opus omittatur erit duplex peccatum, v. g. si omittatur Missa debita ex die festo, & ex poenitentia Sacramentali: similiter erit duplex peccatum, si omittatur opus debitum ex diuersis præceptis pertinentibus ad eandem virtutem, sed habentibus diuersa motiua; vt si omittatur Missa debita ratione festi & vo-

ti, vel ratione voti & iuramenti. Afforius tom. 1. lib. 4. cap. 2. q. 6. Sairus in Clauì regia lib. 2. cap. 5. num. 14. & 15. Sances lib. 1. cap. 14. num. 7. Hinc habes nec multiplicationem eiusdem obligationis, v. g. eiusdem voti aut iuramenti sufficere, vt illius transgressio sit duplex peccatum, vel talis transgressio confitenda; atque hoc etiam verum est, etiam si repetens votum intendat sibi imponere nouam obligationem. Ratio est, quia voluntas vouentis non est satis ad multiplicandas obligationes diuersas; quando materia, circa quam versatur, est vna & pertinet ad vnâ virtutem, & voluntas fertur ex vno motiuo in eandem obligationem. Aliàs si quis repetendo idem omninò votum posset sibi opponere diuersas obligationes, posset etiam vnica vice vouendo imponere sibi mille obligationes, quod est falsum. Sances lib. 1. cap. 14. num. 10.

## DIFFICULTAS.

*An & qua ratione eodem tempore possit quis diuersis actibus satisfacere diuersis.*

**R** Espondeo: potest quis diuersis actibus vno, & eodem

dem tempore satisfacere duplici præcepto; quando nimirum satisfacere vni præcepto, non impedit quominus simul alteri satisfaciatur. Ratio est, quia tunc non præcipitur vt diuersis temporibus satisfiat illis præceptis, ac proinde potest quis eo tempore, quo Missam audit in die festo recitare horas Canonicas & quascumque alias preces, ad quas teneatur ratione Ordinis, voti, iuramenti, aut poenitentię sacramentalis. Caietanus verbo, *festorum violatio*, Sotus in 4. dist. 19. quæst. 2. artic. 1. Nauarrus cap. 21. num. 8. Afforius tom. 1. lib. 10. cap. 12. quæst. 10. Suares 4. tom. in tertiam partem dist. 38. sess. 6. num. 5. videtur esse contra Angelum verbo, *feria*, nu. 46. & alios.

Oppones: Non potest quis simul attendere ad Missam, & horas Canonicas, igitur non potest quis simul & eodem tempore satisfacere præcepto de audienda Missa, & præcepto de recitandis Horis: quia si attendat ad verba Missæ, satisfaceret quidem præcepto de Missa audienda; non tamen præcepto de recitandis Horis, vel econtrâ.

Respondeo; ad hoc vt quis satisfaciatur illis duobus præceptis simul, non est necesse, vt

attendatur etiam ad verba Missæ: sed sufficit, si attendat ad Deum, vel res Diuinas; atque ita vna & eadem actione satisfaceret præcepto de audienda Missa, & præcepto de recitandis Horis Canonicis. Ratio est, quia Missa auditur, vt animus ad Deum excitetur: Item Horæ Canonicæ recitantur, vt animus Deo præstetur intentus; ac proinde si quis dum recitat Horam, & Missam audit, cogitet aliquid de Deo, vel rebus Diuinis attendat, verè vtrique debito & vtrique præcepto satisfacit. Afforius tom. 1. lib. 7. quæst. 3. & 4. Sances lib. 1. cap. 14. num. 11.

Aduerte tamen quàmuis perdifficile sit attendere simul ad verba Missæ, & ad verba Officij; si quis tamen sit adedò capax, vt verè ad verba vtriusque attendat, vtrumque præceptum implet etiam absque peccato veniali. Ratio est, quia talis attentio est sufficiens ad satisfaciendum singulis illorum præceptis, nec est vlla necessitas implendi eadem præcepta diuerso tempore. Henriquez lib. 9. cap. 25. num. 5. Afforius lib. 7. cap. 50. quæst. 3. Nauarrus capit. 21. numer. 8.

## DIFFICULTAS.

*Qua ratione peccet, qui absque necessitate, & magna utilitate admittit impedimentum, quo præceptum implere non potest.*

**R** Espondeo; ad dignoscendum, an admittens tale impedimentum peccet mortaliter: consideranda est vis & rigor præcepti, quædam enim non adeò strictè obligant, & minoribus causis excusantibus indigent; alia verò præcepta obligant fortius & arctius ac rigidius, requiruntque grauiore causas necessitatis, vel utilitatis, ut admittens impedimentum, seruandi illa, excusetur.

Rursus perpendendum est, an impedimentum, quod admittitur proximè, vel remotè obstat impletioni præcepti: denique, videndum est, an tale impedimentum per se & intrinsecè pertineat ad rei præceptæ materiam, ut Breuiarium pertinet ad recitandum officium Canonicum; vel per accidens, ut bona valetudo se habet respectu eiusdem. His autem computatis, diuersimodè in singulis iudicandum.

erit de amissione impedimenti obstantis obseruationi præcepti. Sances in Decalogum lib. 1. cap. 15. num. 14. ubi rectè monet certiore regulam assignari non posse.

## COROLARIA.

## COROLARIUM I.

**P**roiciens Breuiarium, ex qua proiectione sit impotens ad recitandum officium, peccat mortaliter; quia Breuiarium per se pertinet, ad illud recitandum.

## COROLARIUM II.

**Q**VI manducat nimium, aut nocivum cibum, præuidens ob morbum se commissurum Missam, Horas Canonicas, & ieiunium; non peccat contra hæc præcepta dando causam omissionis illorum, nisi hoc faceret in fraudem præcepti. Ratio est, quia huiusmodi præcepta obligant solos sanos, nec obligant ad conseruandam sanitatem illis implendis necessariam. Henriquez lib. 9. capite 21. numer. 11. in Comment. sub lit. P.

## COROLLARIUM III.

**C**VM quis facilè excommunicationis absolutionem consequi potest, non tenetur ad illam procurandam, ut possit audire Missam in die festo; est res certa, & ferè communis apud omnes. His omnibus præmissis, reuertamur ad solutionem disputationis, vnde sit.

## PROPOSITIO I.

*Adam potuit primò peccare venialiter.*

**P**ROBATUR: nam ex D. Thoma tertia parte quæst. 41. articulo 4. in corpore; Diabolus, non statim tentat hominem spiritua-lem de grauib, sed paulatim à leuioribus incipit, ut postmodum ad grauiora perducatur. Ibidem notat Angelicus Doctor, quòd cum tentationis ordinem seruauit Diabolus, quando tentauit Christum Dominum in deserto, & quando tentauit Adam in statu innocentiae; subinfero, ergo Adam potuit peccare venialiter in statu innocentiae. Consequentia indè facili negotio liquescit, quia nunquam Diabolus prius tentasset Adam in sta-

tu innocentiae de leuioribus, nisi certus extitisset potuisse cadere Adam in leuiora peccata. Ad quid perditio illa (tentationis videlicet de leuioribus) si sciuisset Dæmon (sicut sine vlla controuersia sciuisset) perfectionis status innocentiae incompossibilia extitisse leuiora peccata? Accedat altera ratio, pro cuius intelligentia notamus, quòd peccatum veniale potuit contingere tunc; nedum ex eo quòd omis- suè, & commissuè inordinari potuisset circa illa, quæ ex genere suo non sunt mortalia, sicut sunt vtilia tantum ad salutem, (videlicet opera forsam supererogationis) sed etiam circa opera præcepta, quæ ex genere suo sunt mortalia: non tantum transgrediendo præceptum secundum omnem ipsorum latitudinem, includendo videlicet etiam vltimum illorum gradum, in cuius transgressione consistit lethalitas, sed infra gradum supernum, ubi stat venialitas dumtaxat. Exempli gratia, si tota latitudo præcepti obseruandi sit ut octo, nunquam in eius transgressione reperitur lethalitas, nisi transgressio sit eius ut octo; si enim esset ut septem, esset venialitas. Cur igitur Adam ex libertate sua nequiuisset remissè agere circa præ-

præceptum occurrens, & transgredi illud ut vnum, & duo, & non ut octo? Quando fuisset Adam hoc modo liberior, & Deus cur ipso indulgentior quam restringere, & limitare illum ad mortaliter duntaxat peccandū. Cur necessariò deliberatio debuit esse plenaria; nonnè ex libertate sua potuisset semiplenè deliberare? Et estò quòd plenarissimè deliberasset; vndè (quæso) sequitur, quòd plenum etiam debuit præstare consensum, quando in potestate sua erat præstare nullum? aliàs primum peccatum non potuisset esse omissionis; sicut ergo potuit non præstare consensum, ita potuit præstare tantum vel tantum, & ita peccare venialiter.

Dico ergo, quòd primum peccatum Adæ poterat esse veniale saltem ex obiecto: Ita Scotus in 2. dist. 21. quæst. 1. Probatur primò, quia Eva cùm primò locuta est serpenti, non videtur mortaliter peccasse; ergo videtur venialiter peccasse. Consequentia patet, quia illa locutio non fuit actus indifferens, nec mortaliter malus: tenebatur enim Eva advertere, quòd serpens fortè ad eam decipiendam alloquebatur, ac proindè tenebatur quærere virum, ut eam

defenderet, vel non admittere colloquium. Urgetur ratio; quia se exponens periculo peccandi mortaliter, peccat ad minùs venialiter. Facit ad hoc, quòd Adam poterat iure optimo arguere Euam, quòd locuta erat cum serpente; ergo illa locutio erat mala, non mortaliter, ergo venialiter. Item Adamus potuit habere hoc iudicium; dicere mendacium iocosum est malum, non tamen auertens à Deo, & hoc iudicio stante potuit Adam dicere mendacium iocosum.

Dices Deum hoc non permissurum; contrà, Adam liber erat, & non ostenditur reuelatio; quòd uti non posset sua libertate ad veniale, sicut ad mortale. Item iustitia originalis non potuit efficere, quòd Adam non peccaret mortaliter, quod est maius; ergo nec quòd non venialiter, quod est minus. Item Augustinus & glossa in Timotheum secundò aiunt Adamum fuisse deceptum, quòd putauit commissum peccatum fuisse veniale; ergo Adam putauit se posse venialiter peccare.

Respondet D. Thomas sumi veniale pro peccato facilè remissibili, licèt sit mortale: Contrà, violenta glossa est explica-

re veniale, scilicet mortale. Item ex eo quòd Adam putauit peccatum Eux fuisse leue, ipse consensit in peccatum; ergo putauit suum peccatum ita leue, quòd non redderet ipsum miserum, & Dei hostem: alijs enim non incitaretur ad peccandum ex leuitate peccati. Item Augustinus 14. de Ciuit. ait primos homines permanfuros in foelicitate, si non commisissent iniquitatem, qua damnationem acciperent; ergo supponit iniquitatem committi potuisse, quæ non damnaret, ac proindè potuit primum Adæ peccatum esse veniale.

Sit altera ratio: Adam meretur abstinendo à venialibus; ergo veniale potuit committi. Consequentia patet; quia nemo meretur, nec demeretur omitendo illud, quod facere nequit. Antecedens probatur, quia, quando demeritum est in commissione, meritum est in omissione opposita; & econtrà.

Respondet Zumel, quòd prædeterminatio, quæ tunc interueniret, hoc impediret nec læderet libertatem. Contra hoc rotum gratis dicitur, quis enim hoc illi reuelauit?

Respondet Salaz, quòd Adam non mereretur abstinendo

à venialibus, nec id debet videri inconueniens; quia nec Christus meruit præcisè abstinendo à peccato (non enim potuit non abstinere) licèt meruerit voluntate positiua, quia voluit abstinere à peccato. Contrà primò; ergo Christus non meruit eliciendo actus bonos. Consequentia patet, quia non potuit non abstinere ab eis, sicut non potuit non abstinere à peccato. Item datur pura omissio mala; ergo & pura omissio bona. Consequentia patet, quia non potuit non abstinere ab eis, sicut non potuit non abstinere à peccato. Item datur pura omissio mala; ergo & pura omissio bona.

Respondet Vasquez aliquem mereri posse abstinendo à malo (vt patet in Christo) licèt non possit facere malum; quia necessitas, quæ interuenit, est consequens, quæ libertatem non lædit. Contra quod nisi Vasques ostendat reuelationem sibi factam de non permittendo peccato veniali in Adamo, semper voluntariè loquitur; non enim quærimus, quid potuisset fieri de potentia Dei absoluta; sed disputamus de facto, vndè discursus Vasquesius nil habet contra nostram Propositionem. Item cum gratia sanctificante de facto



compatitur peccatum veniale; ergo etiam compati poterat cum gratia originali. Probatur consequentia; quia excessus, quem habet Iustitia originalis, in ordine ad gratiam non consistit in hoc, quod cum ista possit simul stare peccatum veniale, non autem cum illa. Respondet Vasquez totam rationem repugnantiam provenire ab extrinseco, scilicet ex speciali Divina providentia vel lege, qua ordinatum fuit; quod si primus Parens à Iustitia originali non excideret, teneretur Deus ab omni alio peccato eum protegere.

Contrà, quia si status innocentia non exposculavit protegi à lethali aduersitate peccati statum illum foelicissimum destruere; cum magis exposculavit protegi à culpis venialibus prædictum statum non excludentibus? Huius certè nulla potest assignari disparitas cum fundamento; ergo responsio Vasquez est omninò chimerica.

Respondent alij, peccatum veniale duobus tantum modis posse contingere. Primo, quia mens aduersa est ab ultimo fine. Secundo, quia potentia inferiores non perfecte subduntur potentijs superioribus: sed ante peccatum mortale commissum

ab Adamo, iustitia perfecte subdebat mentem Deo, ut non posset esse aduersa ab ultimo fine, & ex alia parte perfecte quoque subdebat corpus animæ, & vires inferiores rationi; ergo nullo modo potuit in statu innocentia esse peccatum veniale.

Contrà est, quia quantum ad primum caput, non erat necesse ad peccandum venialiter, mentem esse aduersam à Deo; quia ut ex superioribus constat, stante ordine necessario ad finem, potest destrui ordo non necessarius, sed utilis tantum ad finem: sed quàmuis non possit quis auerti à medijs necessarijs ad finem, quin à fine auertatur, bene tamen potest esse auersio à medijs non necessarijs sed utilibus, quin à fine auertatur; ergo etiam si mens non sit auersa à Deo in statu innocentia, adhuc potest ibi esse peccatum veniale. Quantum ad secundum caput dico, quod neque concludit, quia tunc solum probaret, quod peccatum veniale tantum foret in parte inferiori, & ratione illius in parte superiori; hoc autem est falsum, quia in parte superiori potest esse immediatè peccatum veniale, ut velle dicere mendacium officiosum.

Respondent alij, quod ad per-

fectionem illius status pertinebat nil posse hominem velle nisi ex perfecta deliberatione; peccatum autem commissum cum perfecta deliberatione in parte superiori, semper est peccatum mortale, & ita non potuit esse veniale.

Contra, quia hæc responsio solum militat contra peccata venialia per accidens ex defectu deliberationis, non autem contra veniale ex genere, quod potest fieri cum perfecta deliberatione, absque eo quod euadant mortalia. Deinde probandum est contrarijs hominem in illo statu nil posse appetere, nisi ex plena deliberatione, cum Scotus in 2. dist. 21. *Ad secundum*, id neget his verbis: *Estò verum sit, quod in inferioribus viribus potueris esse deordinatio, nisi praeuisset in superiori; tamen dico, quod non omnis deordinatio in virtute superiori est peccatum mortale: nam levis motus de opinione aliqua circa articulos fidei est deordinatio in portione superiori, & tamen levis metus est ibi peccatum tantum veniale.* Sed adhuc dato non posse esse ibi peccatum veniale ex imperfecta deliberatione; negari tamen nequit dari alium actum inordinatum solum venialem ex plena deliberatione ra-

tionis, ut mendacium officiosum, verbum otiosum &c. cum talis actus nullo modo repugnet rectitudini illius status ex proximo modo, quo secundum Scotum non repugnat peccatum veniale esse cum summa gratia, vel cum actu maximè meritorio, & excellenti, quem absque repugnantia comitari potest aliqua vana gloria, quæ sit peccatum veniale.

## PROPOSITIO II.

*Proponuntur motina aduersariorum.*

**A**ngelicus Magister prima secundæ quæst. 79. art. 3. tenet non potuisse hominem in statu innocentiae peccare primò venialiter. Idipsum docet etiam de Angelo viatore in subsequenti artic. 4. docet etiam idipsum de homine adulto existente in solo originali. Verum quàmuis Angelicus Doctor impossibilitatem hanc peccandi primò venialiter uniformiter tribuat Adamo, & Angelo originaliter innocentibus, ac homini etiam adulto, atque solo originali existenti; id tamen non ex eodem, sed ex diuersis principijs, quæ non communia, sed propria sunt illis, deducit.

Ratio, cur memoratam impossibilitatem tribuat Adamo originaliter innocenti, est; quia in statu innocentiae vires inferiores fuissent adeò firmiter, ac infallibiliter subordinatae in operando supremæ in anima rationi, seu portioni (existenti tamen & contentæ sub Deo, seu Divinae voluntatis imperio) ut nunquam in proprias operationes erumpere potuissent, nisi ut præventæ, præmotæ, dictæ & regulatæ à prædicta animæ portione suprema. Infallibilem autem firmitatem huiusmodi subordinationis inferiorum iurium ad illum deducit prima parte quæst. 95. artic. 1. in corpore, ex rectitudine in qua in eo statu productus fuit Adam: nullatenus igitur (inquit) potuit perseverante in suo esse integritate, & rectitudine illius status contingere deordinatio in iuribus inferioribus, nisi secuta prius deordinatione in dicta superiori portione; huiusmodi tamen deordinatio, cum carentiam dicat ordinis, & conformitatis ad Deum eius in anima portione, quæ summa & suprema in ipsa est, nequit esse nisi lethalis, cuius ratio à priori est secundum ipsum prima secundæ quæst. 74. artic. 10. quia quàmvis memorata portio supe-

rior duplicem habeat actum circa obiectum proprium, simplicem alterum, alterum verò deliberatum; secundum simplicem tamen non consulit regulas, & leges æternas, sed secundum deliberativum dumtaxat, secundum quem solum per consequens movet, dirigit, & regulat inferiores vires in proprias earum operationes; & cum in simplici actu, & intuitu nequeat esse lethalitas, tùm quia ut (Caietanus explicat in 1. 2. quæst. 89. artic. 3.) eadem potentia ut simpliciter operans inferior est sibi ipsi deliberativè operans, & per consequens quatenus subordinata superiori impossibilis deordinari, nisi deordinata Superiore. Tùm quia quàmvis operari posset sine præmotione superioris, nec esset in simplici eius intuitu lethalitas, quia ex eo quòd subitanè productus, non esset plenariè voluntarius, cuius tamen oppositum requiritur ad lethali- tatem actus. Cum igitur (inquam) nequeat esse lethalitas in simplici operatione, & ut subordinata potentia deliberativa, ad quam solam quatenus talem spectat consulere regulas, & leges æternas, ac immediatè per consequens uniri, & subordinari Deo

quantum ad plenarium usum libertatis ; ipsa etiam sola , & sola ipsius operatio capax est lethality , & per consequens si contingat , quòd facta consultatione de obiecto , de quo facienda est ab eo deliberatio , & ferenda finalis sententia per negationem conformitatis ad regulas , & leges æternas deordinatur , quia talis deordinatio ex vi deliberationis esset plenariè voluntaria , necessariò etiam , esset lethalis .

Vis igitur & efficacia præmissi discursus , quo D. Thomas contendit probare Adam in statu innocentie non potuisse peccare primò venialiter , in eo principaliter consistit ; quòd sola deliberans ratio sit suprema portio in anima , & quòd non est talis , nisi quatenùs deliberans , & quòd quatenùs dumtaxat deliberans est immediatè subordinata Deo in operando : sed quatenùs immediatè subordinata Deo firmiter , & invariabiliter subdebat sibi omnes inferiores vires in operando ; ergo sola ipsa potuit tunc primò deordinari , cuius tamen deordinatio , & quatenùs immediata auersio à regulis , & legibus æternis , & quatenùs plenariè voluntaria , necessariò fuisset lethalis .

Impugnant aliqui nostram Propositionem , & probant quòd omne peccatù tunc fuisset mortale . Fundamentum eorum est , quia sine ignorantia & passione fieret ; friuolus discursus ; quippe datur veniale ex genere suo sine ignorantia , vel passione .

Secundò alij probant ; quia tunc omne peccatum expelleret gratiam , & iustitiam . Friuola est hæc probatio , est etiam contra bonitatem Dei , qui iuxta commune axioma punit citra condignum , & præmiat ultra condignum .

Tertiò alij probant , quia tunc non posset esse veniale ex imperfectione actus , quia nulla esset surreptio ; nam appetitus & imaginatio in nullo rationem anteuertent , & non datur deliberatio intellectus sine defectu in appetitu , vel imaginatione ; ità Zumel & alij , sed contrà , quia quando intellectus à somno solueretur , posset aliquid ità imperfectè cognoscere , quod non esset deliberatio sufficiens ad mortale .

Valeat quantum potest hæc argumentatio , saltem nihil probat de peccato veniali ex obiecto .

Quartò alij probant ; quia Deus statuit conseruare hominem

nem in illo statu sine omni malo animæ, quandiu ipse statum conseruaret. Suadent hoc: Primò, quia tunc nullum fuisset malum corporis; ergo nec animæ. Secundò, quia teste Augustino 14. de Ciuit. cap. 10. & 17. in illo statu, nil pœnale esset. Tertiò, oporteret esse Purgatorium, quo venialia purgarentur.

Consequentia istæ nil conuincunt contra nostram Propositionem. Ad primam, Patres & Scriptura testantur, quod non essent mala corporis; tamen de malo animæ nil dicunt. Ad secundam, Augustinus illo capit. 10. ait, quod ibi non erat mors, nec mala corporis valetudo. Adde, quod deuotio illa tranquilla in statu innocentia benè potest explicari de peccato mortali; quia hoc tantum est simpliciter peccatum, vel voluit quod ibi non erat surreptio ad peccandum, idque colligitur ex sequentibus, vbi ait non fuisse ullam perturbationem. Cap. 17. Augustinus tantum agit de nuditate primorum Parentum, quâ ipsi viderant post lapsum. Ad tertiam, nego necessitatem Purgatorij pro eo statu, remitterentur enim venialia per actus bonos, sicut fortè modò ante mortem remittuntur.

Obijcies: si potuit Adam in statu innocentia venialiter peccare; sequeretur, quod potuisset habere errorem iuxta illud: *Errant, qui operantur iniquitatem*; sed hoc est falsum, quia error est pœna supponens culpam. Respondetur negando maiorem: sicut enim de facto primus homo peccauit mortaliter absque errore vel ignorantia, sed ex electione; vt docet Scotus in 2. dist. 22. ita etiam potuit ex electione absque errore vel ignorantia, tantum, peccare venialiter. Ad illud Scripturæ dico, quod vel loquitur de errore aut ignorantia tantum consequente, quæ vt sic est pœna peccati, vel quod sensus est: omnes illos, qui operantur iniquitatem, errare; scilicet deuiare à Diuina lege.

Oppones: si esset veniale in statu innocentia sequeretur, quod ex reiteratione illorum generaretur habitus vitiosus, qui postea generaret facilitatem ad malum & difficultatem ad bonum: sed perfectissimus status innocentia nullam patitur difficultatem ad bonum, quinimò prorsus includit facilitatem. Respondetur, estò ex peccatis venialibus replicatis posse generari prædictus habitus vitiosus pariens aliquam difficultatem ad

bonum; quia tamen in statu innocentiae plures alij ponuntur habitus boni, hinc de facili posset vinci illa difficultas orta ex venialibus replicatis.

### PROPOSITIO III.

*Peccatum veniale potest reperiri cum solo peccato originali.*

**S**olutio præsentis difficultatis totaliter pendet ex solutione alterius difficultatis; an scilicet pueri cum primò perueniunt ad vsum rationis teneantur se conuertere ad Deum vltimum finem; taliter quòd si prædictam conuerſionem non habeant per actum dilectionis vltimi finis, peccant mortaliter. His difficultatibus per duas subsequentes conclusiones fiet satis.

Sit prima: nullum datur præceptum obligans adultum ad se couertendū meritoriè in Deum vltimum finem in primo instanti vsus rationis. Ità P. Vulpes, Felix, Suarez, Vasquez & alij recentiores impugnantes in hoc Angelicum Magistrum asserentem cum suis sectatoribus, puerum primò peruenientem ad vsum rationis esse obligatum sub pœna lethali ad se conuertendum in Deum finem vlti-

um. Supponit primò: Conclusio per vsum rationis non intelligi nudum intellectum simpliciter intelligentem, nec nudam voluntatem simpliciter volentem; sed intelligi intellectum discurrentem, & discernentem inter bonum honestum, & malum oppositum: Similiter intelligi voluntatem agentem ex electione, & deliberatione, & vtramque potentiam sic sumptam constituere vsum rationis. Supponit secundò prædictum vsum rationis in homine interdum esse ligatum vel impeditum, vt patet in amentibus, dormientibus & in pueris: Huius ratio est, quia cum intellectus pro hoc statu dependeat à sensibus non solum quantum ad abstractionem specierum intelligibilium, sed etiam quantum ad intellectum, cum nil possit intelligere nisi per connexionem ad phantasmata iuxta illud Aristotelis: *Oportet intelligentem phantasmata speculari.* Hinc fit, vt impeditis sensibus interioribus & exterioribus, impeditur etiam vsus intellectus, & voluntatis; & quia in pueris pro nimia humiditate cerebri impeditur perfecta operatio sensuum interiorum; nam ex illa abundante humiditate pueri, vt infirmiter accipiant, species illas



retineant, & infirmiter iudicent de his, quæ apprehendunt; hinc quoque sensus interni non habent firmum iudicium de sensibilibus, nec etiam in intellectu & voluntate reperitur perfectus usus rationis: hinc loquitur conclusio de pueris adultis peruenientibus ad usum rationis; in illo scilicet primo instanti non habere præceptum conuertendi se ad ultimum finem. Accedant probationes.

Sit prima: quia tale præceptum se conuertendi ad Deum ultimum finem in primo instanti rationis, vel est id præceptum diligendi Deum super omnia, vel distinctum. Si secundum, deberet necessariò in sacra Scriptura reuelari à Deo, ne via salutis sit nobis incerta, & dubia, quia vt docet Scotus in 2. quæst. Prologi in calce, Deus in sacra Scriptura sufficienter nobis reuelauit Mathæi 11. finem ultimum nostrum supernaturalem, & media ipsum consequèdi iuxta illud: *Si vis ad vitam ingredi, serua mandata*; & Lucæ 2. *Hoc fac, & viues*. Ergo prædictum præceptum distinctum à præcepto charitatis debuit nobis à Deo reuelari, nè via salutis fuisset nobis dubia, & incerta: at in sacra Scriptura præceptum no-

bis non reuelatur, cùm multi Viri doctissimi negent prædictum præceptum reperiri, quia si constaret, hæreticum esset negare; ergo præceptum conuertendi se ad Deum in primo instanti usus rationis non datur vt aliquod distinctum à præcepto charitatis.

Quod nec præceptum conuertendi se ad Deum, vt est idem præceptum charitatis, obliget pro primo instanti usus rationis. Probat, quia præceptum charitatis obligare pro primo instanti rationis, non constat ex sacra Scriptura, quia hoc est in controuersia apud Theologos; ergo non est de fide. Adde, quòd apud Theologos est controuersia in quonam determinato tempore prædictum præceptum obliget, quando quidem aliqui affirmant solum obligare in mortis articulo. Alij cùm magnum beneficium à Deo recipitur. Alij semel in anno, scilicet in sumptione annuali Eucharistiæ. Alij cum Scoto docent obligare in diebus festiuis, in quibus præcipitur abstinentia à seruilibus, vt mens commodius vacare possit Deo, ipsum diligendo super omnia; ergo certò nobis non constat ex Scriptura prædictum præceptum Charitatis obligare pro primo instanti usus rationis.

Adde,

Adde, quòd ex aliquo solido fundamento colligi non potest; tùm quia de tali præcepto nullus distinctam cognitionem habet; tùm quia nullus Pastor animarum, vel Parens est, qui de tali præcepto admoneat suos: Nullus etiam timoratae consciëntiæ, qui de transgressione talis præcepti confessus sit, nequè Confessarius de prædicta ratione inquireret. Adde, quòd de facto nullum reperitur præceptum obligans lethali ter ut peccator post peccatum mortale commissum, sine vlla mora temporis teneatur se convertere ad Deum; quia ut docet Scotus in 4. dist. 17. artic. 2. supra G. præceptum recuperandi gratiam est affirmatiuum, & consequenter non obligat pro omni tempore; ergo nequit dari præceptum obligans puerum adultum in primo instanti vsus rationis ad se conuertendum ad vltimum finem. Consequentia patet, quia non videtur maior necessitas in secundo casu, quàm in primo; cùm in utroque casu intelligatur auersio ab vltimo fine.

P. Alvarez negat paritatem: Primò, quia Ecclesia in *C. Omnis viriusque sexus &c.* declarat præceptum affirmatiuum pœnitentiæ obligare solum semel in an-

no, non autem declarat vel determinat tempus adimplendi præceptum conuertendi se ad Deum. Secundò, quia nulla videtur necessitas obligans adultum post peccatum commissum, statim se conuerrere ad Deum; reperitur tamen maxima necessitas in primo instanti vsus rationis, in quo tenetur homo sub mortali deliberare se, cùm sit agens propter finem, & ità tenetur se ordinare ad debitum finem.

Sed contrà insurget noster Vulpes; quia quòd ad primum quòd dicit Alvarez, malè ipse confundit præceptum annualis confessionis cum præcepto contritionis, & ità non sequitur: Ecclesia in cap. citato obligat ad annualem confessionem; ergo similiter ad præceptum contritionis. Quòd ad secundum, malè docet Alvarez nullam reperiri necessitatem obligantem ad pœnam post peccatum commissum; quia quæ maior necessitas, quàm carere Diuina gratia, & subire reatum mortis æternæ? Nec valet disparitas secundò assignata; quia si tenetur homo primo instanti vsus rationis se dirigere ad debitum finem, viuere secundum rationem, acceptare legem euangelicam, illi subiicere &c.

à for-

à fortiori tenetur ad prædicta etiam post peccatum mortale commissum. Patet, quia in utroque casu, est agens propter finem; ergo in utroque casu tenetur ad suum debitum finem homo redire, ergo disparitas assignata non valet.

#### PROPOSITIO IV.

*Declaratur perfectio status innocentia.*

**S**Tatus ille erat non omnium, sicut & status gloriæ, sed multorum bonorum aggregatione perfectus; inter alia, quæ præcipuè includebat, erat innocentia, idest interruptio acceptæ Iustitiæ, & Sanctitatis, seu continuatio, & perseverantia in ea; hoc enim est id, quod propriè, & formaliter importat innocentia. Quo fit, ut idem sit dicere nos amisisse in Adam statum innocentia, vel innocentiam illius status, ac dicere nos incurrisse priuationem continuationis Sanctitatis, & Iustitiæ acceptæ in ipso: Sanctitatis inquam, non quæ sanctificantem gratiam dicit; sed quæ negationem cadendi ab ea, importat.

Dices, communiter secundum Theologos: Sanctitas importat

habitum sanctificantem; ergo falsum est, quòd dicat permanentiam, & perseverantiam in ea. Confirmatur, quia originalis innocentia dicit habitum, ut patet; ergo etiam & actualis.

Ad hanc instantiam respondetur, quòd & si verum sit Sanctitatem significare, & importare habitum sanctificantem, non tamen præcisè; quia importat aliqua alia, & per consequens primò dicit excellentiam omnium heroicarum virtutum, vel virtutes omnes theologicas, & morales in suo gradu heroico, & ipsarum concursus, ac splendorem in hominem ipsis insignito, ut dicit ac explicat Mayronius in 3. dist. 3. quæst. 1. art. 1. Mirum igitur non sit, si dicamus; quòd in citato loco Concilium, sess. 5. in decreto de peccato originali, canon. 1. & 2. accipitur pro negatione cadendi ab ea, vel affirmatione permanendi & perseverandi in ipsa; eò vel maxime, quia ex Tridentino sess. 6. cap. 1. idem est, quòd innocentia quæ ex formali ac primario significato importat negationem interruptionis acceptæ Iustitiæ, & Sanctitatis; eò vel maxime in super, quia Sanctitas opponitur per se, & formaliter peccabilitati, sicut Sanctus peccatori; ergo

go quemadmodum peccatum non solum dicitur formaliter culpam, sed interruptionem etiā Sanctitatis, à quo homo qui peccat, per peccatum cadit: ita e- contra Sanctitas non solum dicit formaliter Iustitiam; sed interruptionem etiam, seu continuationem illius, vel existentiam, atque permanentiam in ea. Unde quando Adam peccavit cum eo, quod amisit habitum Iustitiæ originalis, & habitum gratiæ sanctificantis, amisit simul innocentiam, idest utriusque habitus continuationem, seu permanentiam & perseverantiam in illis.

Certum est in omnium sententia; quod innocentia (idest nunquam cecidisse in peccatum) maximum est Dei beneficium, & longè maius quàm sit poenitentia. Hæc de mente Scoti in 4. dist. 22. quæst. vnic. sub lit. N. singularem ponit & dicit in Deipara Virgine gloriam, & ornamtum.

Hanc innocentiam sibi, & nobis perdidit Adam, ea tamen, ratione, & lege; ut in huiusmodi innocentia amissione perdidit sibi originalis, simul & Iustitiæ sanctificantis gratiæ habitum, nobis verò originalis, Iustitiæ dumtaxat.

Dices: amisit nobis habitum

originalis Iustitiæ; ergo etiam & gratiæ sanctificantis. Consequentia patet, quia nulla potest assignari ratio; cur magis illius, quàm istius habitum nobis amiserit.

Ad huius instantiæ dissolutionem, & evidentiam notandum est; quod Adam non perdidit nobis nisi ea, respectu quorum constitutus fuit à Deo morale, caput & fideiussor pro nobis: fuit autem constitutus fideiussor pro nobis respectu totius status innocentia, respectu (inquam) illius status totius non quantum ad omnia simpliciter; quæ in eo Deus præstitit in Adamo; sed respectu illorum dumtaxat, quæ veluti propria, & connaturalia illius status exhibuit ipsi. Ea verò quæ propria, & connaturalia fuere status illius, sunt originalis Iustitia, & omnes effectus illius, videlicet immortalitas, impassibilitas, perfecta tranquillitas in omnibus potentijs animæ, quæ consistit in subordinatione rationis, & voluntatis ad Deum, & aliarum inferiorum potentiarum ad ipsas impeccabilitas; posse nempe non peccare, & innocentia, interruptio videlicet acceptæ Iustitiæ, seu permanentia, & perseverantia in ea.

Huiusmodi innocentia, talis (secundum communiorē Theologorū sententiam) ac tanta extitisset in eo statu, vt ferē de facto (hoc sit in gratiam Doctorum probabiliter dictum, siue præiudicio rationum, quibus probauimus nostram Propositionem) vt nulla penitus ratione admisisset secum lapsum in veniale peccatum. Hoc ipsum puto posse dici de mente Scoti: nam & si in 2. dist. 21. quæst. 1. mordicus defendat, potuisse Adam (salua perseuerante innocentia) peccare venialiter; non tamen asserit ipsum de facto lapsurum quandoque in peccatum veniale, salua (inquam) perseuerante innocentia: quia secundum ipsum & secundum veritatem non erat tanta perfectio illius status, vt redderet homines exituros in eo omninò impeccabiles; hoc enim vni, ac soli statui gloriæ competit: & si namque felix ille status innocentie maximam includeret perfectionem, non tamen omninò possibilem; eam videlicet quam secum trahit, & claudit beatitudo, quæ est comprehensorum status, & terminus: ea siquidem innocentie status perfectio non effecisset, quin verè, & proprie status viæ viatorum hominum,

videlicet habentium corpora, ab intrinseco, & ab extrinseco passibilia atque corruptibilia, & reipsa obnoxia interioribus, ac naturalibus passionibus causatis ex continua caloris natiui actione in humidum radicale; ad quas passiones de facto vt subsequuta fuisset illorum hominum mors, nisi præuenisset eam è terrestri illo ad cœlestem Paradisum à Deo facta ipsorum translatio. Id ipsum contigisset etiam in actu exteriorum, ac violentum passionum, nisi præuentæ fuissent omnibus illis modis, quos explicat Scotus in 2. dist. 19. quæst. vnica sub lit. A. B. C.

Quantūuis ergo homines exituri in eo statu, habituri essent corpora impassibilia nec non immortalia; impassibilitas tamen, & immortalitas illa, actus patiendi, & moriendi negationem posuisset in eis: habuissent enim posse non pati ab extrinseco, & posse non mori; non tamen habuissent non posse pati, & non posse mori. Dato etiam quòd ea ipsorum impassibilitas, & immortalitas negationem etiam potentie patiendi, & moriendi posuisset in illis; posuisset ad summum negationem proximæ, non autem remotæ, potentie patiendi, & moriendi. Indè factum

ctum est, ut D. Augustinus dixerit corpora hominum futurorum in statu innocentiae, extitura mortalitati non morti obnoxia: nostra verò corpora mortalitati, & morti; Beatorum autem nec morti, nec mortalitati.

Gloriosum igitur corporum impossibilitas, & immortalitas de mente D. Augustini excludunt ab illis nedum propinquā, sed remotam etiam potentiam, ad pati, & corrumpi; à corporibus verò extituris in statu innocentiae excludit, propinquam duntaxat.

Ad huius clariorem notitiam distinguendum est de triplici potentia ad pati, & corrumpi; propinqua, remota & remotissima. Triplex hæc potentia reperitur in corporibus existentibus in hoc miserabili statu, ubi & externis violentibus, ac internis naturalibus obnoxia sunt actionibus. Secunda & prima extitisset in corporibus in statu innocentiae futuris, prima duntaxat erit in corporibus gloriosis. Triplicis huius potentiae distinctio, & ipsius existendi diuersitas in dictis diuersorum statuum corporibus, inde faciliè desumitur; quia corpora nostra in præsentis miseriæ statu multiplicibus, & violentis externis ac naturalibus passioni-

bus internis reipsa obnoxia sunt.

Quid ex acris inclementia, ex temporum iniuria, ex inimicorum inuidia, odio, insidijs &c. Quid ex oppositarum qualitatum in assumptis alimentis diuersis continua pugna, ex perpetua caloris natiui in humidum radicale actione, ex domestica congenitorum venenorum feritate, ex animi iustitiarum sæuitia non patiuntur? Adeò ut verum sit, quod D. inquit Gregorius: *Præsentium hominum vitam nil aliud esse, quam mortis prolixitatem.*

Corpora verò hominum in statu innocentiae futurorum, obnoxia quidem extitissent passionibus internis, nedum natiui caloris actiones in humidum radicale, & repassionis simul ab ipsa; verum etiam alijs adinuicem partium organicarum actionibus, & repassionibus, ut Scotus declarat & substat in 2. distinct. 19. quæst. unica sub lit. A. Immo potest probabiliter sustineri, quòd etiam tunc aliqua fuissent in eis congenita venena; libera, nihilominus & immunia fuissent ab omni extrinsecarum passionum violentia, & tandem nec internarum vi actionum morti succumberent, ex terrestri in coele-



coelestem Paradisum translatione præuenta. Is insuper qui in ipsis ad internas debilitantes, & corrumpentes actiones, & repassiones subsequuntur, esset in eis defectus; statim reparatus fuisset per esum ligni vitæ. Ex his omnibus patet iam, quod & si innocentium hominum corpora remotam habuissent ad pati & corrumpi potentiam, propinquâ tamen omninò à seipsis exclusissent: corpora verò gloriosa nedum, quia nutritione non indigebunt; verum insuper, quia, quatuor subtilitatis videlicet, impassibilitatis, agilitatis, & claritatis dotibus insignientur & decorabuntur, omnem prorsus & corruptionis umbram longè abijcient.

Internarum actionum & repassionum cessatio, in ipsis non ponetur in esse, ex eo quod non assument alimentum: sed ex eo formaliter & adæquatè quod voluntas Diuina non coaget causis secundis, à quibus pati possent & corrumpi, ut docet Scotus in 4. dist. 49. quæst. 13. sub lit. D. quod omninò intelligendum est tum de corruptiuis causis intrinsecis, tum etiam extrinsecis; scilicet quod Deus ne dum intrinsecis, sed extrinsecis etiam corruptiuis causis suum denega-

bit concursum ingloriosorum, corporum corruptionem.

Ex his manifestè liquefcit longè remotiora futura ab omni passione, & corruptione corpora gloriosa, quàm corpora extitura in statu innocentia; nedum, quia hæc reipsa obnoxia fuissent actionibus, & repassionibus internis: verum etiam quia immunitas ipsorum à passionibus extrinsecis non prouenisset ex negatione Diuini concursus cum causis secundis in ipsorum corruptionem, sicut continget, & fiet cum corporibus gloriosis; sed tantummodò ex negatione applicationis & approximationis corrumpentium causarum ad illa, ut Scotus explicat in citato loco 2. dist. 19. quæst. vnica sub lit. C. & D. quibus si reipsa applicata & approximata fuissent, infallibiliter corripissent ea: supposito ex alio capite, quod Deus non denegasset illis causis proprium concursum; stante tamen Diuino beneplacito de non exhibendo illum causis secundis ad gloriosorum corporum corruptionem, quantumuis scilicet causæ corruptiuae approximentur, & applicentur ipsis: nunquam tamen ne minima quidem læsio sequeretur in illis, sicut contingit tribus pueris positis in

camino ignis ardentis, qui quantumvis undique igne circumdati exitissent intentissimis flammis; quia tamen decreuerat Deus suum denegare concursum in ipsorum combustionem, nullam penitus ex comburente igne læsionem trahere.

Satis superque nunc elucescet corpora gloriosa, nedum propinqua sicut corpora exitura in statu innocentiae; verum etiam, & remotam potentiam ad pati, & corrumpi ex seipsis abiectura. Retinebunt nihilominus remotissimam potentiam ad utramque, illam videlicet, quæ consuevit desumi ex contradictionis potentia, quam materia quomodolibet perfectissima, sub forma existat, inuoluit; uti Scotus demonstrat in 2. distinct. 14. quæst. 1. per totum. Et licet Scotus in 3. dist. 16. quæst. 1. §. *Rationes istæ &c.* videtur respuere rationem hanc desumptam ex potentia contradictionis, & privatione materiae; non tamen respuit illam absolute, sed arguendo dumtaxat ad hominem contra opinantem, ut Sole limpidiùs patet ibidem. Retinebunt etiam dictam potentiam remotissimam, quia certum est nullum ipsa dictura repugnantiam ad pati & corrumpi; cum posset Deus sub-

trahere ab illis manutentionem, & statum miseriae, vel ad nihilum etiam reuocare & red gere illa.

Dices: Scotus in citato loco quarti dist. 49. quæst. 13. sub lit. D. inquit: *Dico ergo, quod causa impassibilitatis & voluntas Divina non coagens causa secunda corruptiva; & per hoc est illud impassibile, non potentia remota, sed propinqua &c.* ergo omnino falsum est, quod corpora gloriosa, excludent à se remotam potentiam ad pati & corrumpi.

Ad apparentem hanc instantiam responderetur primò; quod quando diximus corpora gloriosa abiectura esse à se remotam potentiam ad pati, & corrumpi, intelligendum est non absolute, sed relatè ad corpora exitura in statu innocentiae, sicut supra probatum est ex eo; quod corpora gloriosa longè remotiora erunt ab actione causarum corruptentium, quam exitura in statu innocentiae, longè etiam remotiorem retinent ipsa potentiam ad pati & corrumpi, quam illa.

Secundò responderetur, quod Scotus in citato loco quarti per potentiam propinquam intelligit remotam, & per remotam remotissimam; sicut nos utramque

quæ superius explicauimus, & hoc quia subintelligenda est ibi de mente Scoti ante propinquā potentia proxima ad pati & concumpi. Nos ordinauimus tres prædictas potentias incipiendo à prima, scilicet propinqua: Scotus verò incipiendo à proxima, ad quam contextuit propinquam & remotam. Hæc explicatio non parum habet fundamentum in eodem Scoto in 3. dist. 16. q. 1. sub lit. A. ubi hæc habet formula verba: *Primo modo, comparando verbum assumens ad naturam gloriosam assumendam; quia potuit accepisse naturam simpliciter gloriosam, & illa nullo modo habuisset causam simpliciter corruptionis &c.* Ponderanda illa verba, *ly nullo modo*, & *ly simpliciter*.

Oppones nobis contra asserta de possibilitate, & mortalitate primorum Parentum in statu innocentia. Molinam in tractatu de Opere sex dierum disp. 28. conclus. 3. & 4. existimantem mortalitatem illam prouenturam à quodam habituali dono diffuso per totum corpus humanum, ratione cuius redderetur homo expers mortis & aliarum molestiarum. Probat primò, quia impossibilitas & immortalitas in statu innocentia non forent miraculosæ, aut ad breue tempus;

ergo non prouenirent à solo Deo, sed ab alia causa secunda: Probatur consequentia, quia huiusmodi diuturna opera non consuevit Deus facere sine interuentu causæ secundæ. Secundò probat; quia in appetitu sentiente habebant primi Parentes qualitatē, qua redderentur immortales. Tertiò probat, quia Beati reddentur immortales & impassibiles media qualitate supernaturali corporibus inhaerentibus: hæc enim erit vna ex quatuor dotibus corporis gloriosi, & prætereā damnatis confert Deus qualitatem, qua nequeant mori, pati tamen possint; ergo etiam potuit Deus conferre homini in statu innocentia qualitatem corpoream, qua corpus efficeretur incapax actionis afflictivæ, aut destructivæ. Quartò denique probat, quia in statu innocentia mulieres pariturae erant sine dolore, & salua integritate virginali; ergo in corpore mulieris erat qualitas, qua cum opus esset, sese relaxaret ad conceptum & partum sine villo dolore, ergo etiam erat, ut esset impassibilis.

Hic tamen dicendi modus non est amplectendus: Primò, quia in statu innocentia homo exercet actus facultatis nutriti-

tis; ergo non poterat habere qualitatem corpori inhaerentem, à qua proueniret immortalitas ac impassibilitas. Antecedens est omninò certum, quia in eo statu comederet; cum ad eum finem creauerit Deus arborum fructus, ipsa sacra Scriptura testante. Et posterius eius non aliter, quam per nutritionem auferentur, & debitam magnitudinem attingerent: consequentia verò probatur, quia dum homo nutritur, sicut partes alimenti conuertuntur in substantiam alibi, & acquiruntur; ita partes praeexistantes paulatim alterantur ab ipso cibo, & naturali calore deperduntur, quod quidem adeò verum est, ut post annorum numerum deperdisse so- leat, immò secundum alios tota quantitas primogenitae substantiae.

Ex hoc autem planè deducitur non fuisse in corpore primorum Parentum corpoream qualitatem, qua immortale, & impassibile redderetur: nam partes, quibus inhaerebat, alterabantur; ac proinde patiebantur, & paulatim deperdebantur, vitamque amittebant: non enim habebant qualitatem, quae morti, & passibilitati obstarat. Vrgetur ratio ex Scoto in 2. dist. 19. quia

homo constitutus est partibus, qualitates contrarias habentibus, quae in se necessariò agerent; etenim calor naturalis ageret in humidum radicale. Præterea deberet homo nutrirī in illo statu iuxta illud Genesis: *De omni ligno Paradisi comedes*; & hoc fit per deperditionem partium aliti, earumque restaurationem per vim nutritiuam, quae agendo paulatim debilitaretur per repassionem; nec constat, quòd Deus statuerit miraculosè impedire actiones, & passiones huiusmodi. Hinc dicebamus ad eum statum sufficere, quòd Deus transferret eos ante mortem ad Paradisum, quo sensu forent immortales.

Dices: quòd virtus ligni vitae redderet homines illius status omninò incorruptibiles non potentes mori, quod adeò verum est; ut etiam si post peccatum eius ligni vitae permetteretur, manerent, omninò immortales: ita videntur sensisse Ioannes lib. 3. cap. 26. Augustinus 6. de Genesi cap. 23. & 13. cap. 23. Huic sententiae votum dat Durandus: facit etiam pro hac sententia illud Genesis 3. *Ne foris mittat manum suam, & etiam sumat de ligno vitae, & uiuat in aeternum*. Respondetur tamen Patres tantum

tum voluisse immortalitatem, conuenire illi statui nō ex natura rei, sed ex ligno vitæ & Deo simul prouidente nē morentur.

Præterea euidens est; quod lignum non posset eos tueri ab extrinsecis corruptionibus. Propter hoc alij dicunt virtutem illam esse supernaturalem; sed mera fictio est hæc; vndè talis reuelatio? Quinimodò tale supernaturale repugnat, vt suprâ probauimus. Dices virtutem naturalem ligni supernaturaliter eleuari ad illos effectus.

Contrâ: eleuatio talis si est moralis, idem est ac Deum decreuisse homines illæsos conseruare interuentu fructus illius ligni; sicut decreuit dare gratiam per Sacramenti susceptionem. Si verò dicitur fructum eleuari, ita vt phisicè causet illos effectus, id putamus impossibile; sicut etiam docuimus in materia de Sacramentis in genere, esse impossibile aquam eleuari ad causandum gratiam phisicè.

Ad illud ex cap. 3. Genesis; responderetur verba illa sicut & præcedentia: *Ecce Adam quasi vnus ex nobis factus est*, ironicè esse dicta; certum est enim Adam non fuisse factum similem Deo esu pomi, quinimodò ab

eo potius amotum. Hinc patet solutio ad ea, quæ nobis opponi solent, & sic restant soluta argumenta Molinæ. Ad quartum ipsius addendum est, licet mulier in statu innocentia paritura, esset sine dolore; non esse certum illæsam mansuram, quod ad virginalem integritatem. Et quidem Thomas, Sances lib. 7. de Matrimonio disput. 14. numer. 1. & disp. 113. num. 10. ex sententia Medicorum contendit, quid sit claustrum, seu signaculum virginale; an scilicet sit quædam membrana pellis, quæ per coitum scinditur, seu rumpitur; an potius naturalis quædam angustia, seu constrictio.

S. Thomas 1. part. quæst. 98. artic. 2. *Ad quartum*, cum S. Augustino sentire videtur non amittendam in eo statu virginitatem; estò per copulam naturalem filij gignerentur. Valentia disput. 7. quæst. 5. part. 1. *Ad secundum*; non corrumperetur (inquit) claustrum virginale; sed solum fatetur laxandas & dilatandas illas corporis partes.

Alij autem non solum sentiunt amittendam virginitatem; vt Molina de Opere sex dierum disput. 29. circa secundum, & Vasquez 3. part. tom. 2. disput. 121. cap. 3. sed etiam non man-

secundum Deum creatus est, quemque nouiter renati per Baptisma induunt per Christum, efficit eosdem renatos innocentes immaculatos, puros innoxios, atque Deo dilectos; hæredes quidem Dei, cohæredes autem Christi, ita vt nihil prorsus eos ab ingressu Cœli remoretur &c.

Ita decreuit idem Concilium, sessione 5. in decreto de peccato originali: sed non videtur probabile, quod ea Iustitia, quam Tridentinum asserit Adamum perdidisse sibi & nobis, insigniri posse re & nomine primæ stolæ; quia non videtur continuasse in se omnes effectus, quos vbi suprâ Concilium emunerat, vt ex Scoto etiam colligitur in 2. dist. 29. quæst. vnica, vbi ponit differentiam inter gratiam sanctificantem, & Iustitiam originalem.

Notandum est insuper Concilium in citato loco sess. 6. cap. 7. non asserere Adamum perdidisse nobis dumtaxat Iustitiam illam, pro qua in Baptismo tribuitur nobis prima stola: sed asserit perdidisse illam sibi & nobis, vt declararet non loqui de Iustitia veluti diuersa, sed velut omninò eadem in Adamo & nobis; atque adeò in decreto de peccato originali per Sancti-

tatem, & Iustitiam explicuit nobis Iustitiam, seu innocentiam illam, quæ Adamo & nobis fuisset communis secundum eam, tamen specialem rationem communitalis, qua accipiens illam Adamus pro nobis, nos etiam accepimus illam in ipso, & cum ipso.

Secunda responsio est; quod si Sanctitas, & Iustitia non sunt nomina sinonima; sed asseratur Concilium intellexisse, per Sanctitatem gratiam sanctificantem; & per Iustitiâ, Iustitiâ originalem: tunc ante omnia examinandum erit, & inquirendum quando fieri possit vt relatiuum, quo Tridentinum in citato loco sess. 5. in decreto de peccato originali bis vitur, non æquè referatur ad Sanctitatem & Iustitiam; dùm primò inquit: *Si quis non confitetur primum hominem Adam, cum mandatum Dei in Paradiso fuisset transgressus; statim Sanctitatem & Iustitiam, in qua constitutus fuerat, amisisse &c.*

Secundò, si quis Adæ præuaricationem sibi soli, & non eius propagini asserit nocuisse, & acceptam à Deo Sanctitatem & Iustitiam, quam perdidit sibi soli & non nobis, etiam eum perdidisse &c. Libenter fateor meâ ignorantiam in hoc, cum ex tenui-



mittendum est in Angelis simile donum, ut Scotus probabiliter sustinet in 2. distr. 32. in responsione ad secundum principale 2. Immo primus status ipsorum excessit in perfectione, primum statum Adami, quia de mente Scoti in 2. distr. 3. quæst. 9. sub lit. H. & inde, ac præcipue sub lit. O. fuit illis concreta species distinctè repræsentans essentiam Diuinam, in cuius speciei virtute nedum naturaliter, sed supernaturaliter etiam fuerunt beati; eo tamen pacto, quotalis beatitudo assequi potest in via. Videas, quid dicat in eodem 2. distr. 4. quæst. 1. proponendo primum argumentum, principale de naturali Angelorum beatitudine per hanc speciem.

Ex hac doctrina colligitur euidenter bonos Angelos retinere nunc bonum illud naturalis rectitudinis; atque adeò excedere in eo omnem puram animam quantumvis beatam, excepta Deiparæ anima, cui probabilissimum est collatum fuisse originalis Iustitiæ donum in primo suæ conceptionis instanti.

Citatū ex Tridentino sess. 5. in decreto de peccato originali testimonium, non dissimulan-

dam subministrat nobis difficultatem; ex eo quod inquit Adam perdidisse sibi, & nobis Sanctitatem & Iustitiam, in qua constitutus fuerat: si per Sanctitatem, importetur gratia sanctificans; & per Iustitiam, Iustitiam originalem, & ratio difficultatis est: nam & si Adam extiterit morale caput posterorum suorum, quantum ad rationem, vel conseruandi, siue perdendi ipsis originalem Iustitiam; non tamen institutus fuit caput moralium, quantum ad rationem conseruandi, vel amittendi sibi & posteris gratiam gratumfacientem: quia quantumvis acceperit pro se, & pro filiis naturaliter ex ipso propagandis Iustitiam originalem; minimè tamen accepit etiam pro posteris suis gratiam sanctificantem: tum quia Theologorum est nemo, qui id asserat, nisi fortè illi si consequenter loqui velint, qui nullam admittunt distinctionem realem inter gratiam gratumfacientem, & Iustitiam originalem: nec etiam est, qui asserit nos accepisse in Adam gratiam Sanctificantem, sed Iustitiam dumtaxat originalem; aliàs nasceremur debitores non tantum originalis Iustitiæ, sed gratiæ insuper gratumfacientis, & per consequens originale pec-

men hoc ea sibi lege præstitum fuit, ut præmissis omnibus positis & concurrentibus, omnino liber & indifferens remanserit ad vtrumlibet operandi videlicet, vel non operandi bonum.

Adam igitur fuit sufficientissimè constitutus in actu primo, nedum ad vitanda omnia peccata, verum etiam ad semper operandum bonum; ea tamen oppositi conditione, si vellet: in huiusmodi namque perfectissima sui constitutione in actu primo, relictus fuit à Deo in manu consilij sui, & in plenaria libertate faciendi, quod ipsi magis placuisset.

### MONITVM.

**N**Ota, quòd & si ex communi Scholasticorum sententia ij, qui exituri fuissent in statu innocentia, confirmandi erant in gratia post deiciam primam tentationem; quo sit, ut post adeptam victoriam, pacatum obtinuisset Christus Regnū in eis, quantum ad exclusionem proximæ potentia peccandi mortaliter, non autem venialiter: ex qua doctrina deducitur manifestè duplex intercessisse dissidium inter Deiparam, & exti-

turos in statu innocentia quantum ad gratiam. Primum; quia gratia, præstita Deipara ab initio, confirmavit eam in ipsa: gratia verò, quam habuissent homines futuri in statu innocentia, non confirmasset eos in illa; nisi post deiciam primam tentationem. Secundum, quia gratia Virginis Deipara adeò immobilitavit eam in illa; ut omnem excluserit ab ipsa proximam potentiam peccandi mortaliter, & venialiter: gratia verò futurorum in statu innocentia, non exclusisset potentiam peccandi venialiter.

Ex eo etiam capite perfectius regnavit Christus in Virgine, quam in Angelis viatoribus, ac in hominibus futuris in statu innocentia; quia probabile est, ut Scotus sustinet in 2. dist. 5. quæst. 1. sub lit. G. & quæst. 2. sub lit. N. Angelos fuisse creatos in puris naturalibus, & probabile est etiam de mente Scoti, ut ex testimonio secundo loco citato patet, Angelos malos nunquam affecutos fuisse gratiam: de primis verò Parentibus maius dubium est, quia Tridentinum sess. 5. in decreto de peccato originali, inquit Adam perdidisse sibi & nobis Sanctitatem, & Iustitiam, in qua constitutus fue-

morula, posset fieri quæstio: An ea dispositio habuerit rationem meriti de congruo, an verò de condigno. Quòd habuerit rationem meriti de congruo patet; quia supponitur elicita sine gratia gratum faciente, à qua dimanat, & refunditur in actum omnis condignitas. Contrà tamen est, quia tunc nulla intercederet differentia inter meritum, quo homo peccator contritus mereatur gratiam sanctificantem, & Angeli in puris naturalibus creatum, qui per præstitum sibi tunc speciale auxilium disposuit se ad eiusdem inhærentis gratiæ receptionem; quod tamen videtur omninò falsum: nam sicuti latissima est differentia per habitudinem ad Deum inter hominem peccatorem attritum, & Angelum in præmissò statu productū & constitutum; ità etiam latissima debet esse inter ipsos differentia in ratione merendi gratiam sanctificantem. Antecedens patet manifestè, quia homo attritus, ut præcisè & formaliter talis, ante videlicet sanctificantis gratiæ infusionem in ipsum, spectatus est Deo inimicus; & indè fit, ut de congruo dumtaxat sanctificantem gratiam mereatur: de congruo inquam, quia quantumvis summam habeat at-

tritionem, semper gratia sanctificans indebita est ipsi titulo iustitiæ (quia in probabili sententia inter Deum, & creaturam nulla datur iustitia) licèt sit debita illi titulo fidelitatis, Diuinæ videlicet promissionis, qua misericorditer dūtaxat voluit Deus certiores reddere peccatores, quòd si Diuino adiuti auxilio sufficienter de proprijs ipsoꝝ peccatis attererentur, protinùs sanctificantem infunderet ipsis gratiam. Angelus verò in suis naturalibus creatus, gratumfacientem dumtaxat gratiam excludentibus, includentibus nihilominùs nedum pura ac nuda ipsius naturalia: verùm etiam illa omnia gratuita, seu gratis data, quæ perfectò naturalis Angelicæ vel humanæ rectitudinis statui debentur, inter quæ connumerari potest originalis iustitia, quæ debita fuit homini in statu naturæ integræ, seu in statu innocentie posito; & æquiualens etiam alius habitus integritati naturæ vel innocentie, seu primæ naturalique Angelorum rectitudini debitus. Veritatem hanc non obscurè Diuina Scriptura expressit de homine productò ac constituto in statu innocentie, dum dixit: *Ab initio fecit Deus hominem rectum &c.*

rectitudine importante integritatem dumtaxat naturæ; verum etiam concursum & concomitantiam reliquorum omnium gratiarum datorum ad naturalem illius status perfectionem attinentium. Hoc ipsum à fortiori asserendum est de nobiliori natura Angelica; quod videlicet ab initio produxerit illam Deus rectam utraque præmissa rectitudine: Angelus igitur in huiusmodi status perfectione conceptus, & si non sit adhuc filius Regni; non est tamen filius perditionis, sicut homo attritus ante infusionem gratiæ spectatus. Est etiam in eo statu Angelus, negativè saltem, amicus & gratus Deo; immò verò (salvo semper meliori iudicio) dici potest, quod virtute illius doni sibi in sui creatione præstiti æquivalentis originali Iustitiæ & perfectè illius potentias subdantis imperio Divinæ voluntatis sit Angelus aliquo pacto positivè gratus & amicus Deo, nedum ut auctori naturæ; quia, ut sic est ipsi adæquatè amicus & gratus: verum etiam & ut auctori gratiæ; quoniam primæva huiusmodi Iustitia communiter asseritur à Scholasticis esse donum supernaturale. Nec valet si dicas quod cum id nequeant præstare fides & spes, quæ sunt

habitus longè supernaturaliores, quàm sit originalis Iustitia; longè minùs id præstare poterit ipsa Iustitia. Consequentia patet, nec non antecedens; quia illæ perficiunt & ordinant habentem ad Deum finem supernaturalem, & supernaturaliter attingendum: & rigorosè propterea ipsæ dumtaxat supremam perficiunt animæ portionem, ut docet Scotus in 3. dist. 26. quæst. unica sub lit. G. Non valet inquam, si hoc dicas: quia, qui per mortale peccatum amittit gratiam sanctificantem; fit statim filius perditionis, & positivè Deo inimicus; & per consequens fides & spes, non concurrente cum eis charitate, non habent unde seipsis reddant aliquo pacto subiectum, in quo sunt, Deo amicum & gratum. Oppositum tamen secundum aliquam rationem videtur dicendum de Angelo, secundum superius dicta, creato: nam & si primæva illa Iustitia & rectitudo, non sit forma rigorosè supernaturalis, sed secundum aliquam dumtaxat rationem sit talis, ut de Angelica specie distinctè representantem Divinam essentiam, inquit Scotus in 2. dist. 3. quæst. 9. sub lit. D. existens nihilominus in subiecto non inui-

fo & ingrato ; immò naturaliter benè viſo gratoque , & in ſubiecto inſuper immediatè diſpoſito ad receptionem gratiæ ſanctificantis facit cum eo compoſitum ſic Deo dilectum , vt gratiam ſanctificantem in ſecunda morula , vel in ſubſequenti inſtanti ei communicandam , merito longè altioris ordinis , quàm ſit meritum merè ac purè de congruo aſſequatur .

Non eſt cur reuocari poſſit in dubium præmiſſorum meritòrũ diuerſitas , meriti videlicet de congruo , quo peccator perfectè attritus ſanctificantem obtinet gratiam ; & meriti , quo Angelus cum ea dumtaxat rectitudinis excellentia creatus , quæ perfectione ſtatu innocentie Angelorum debetur ſanctificantem gratiam , mox poſt primum inſtans creationis ipſi exhibendam , aſſequitur : præſatus enim diſcurſus maniſeſtius probat , poſterius hoc Angelicum meritum maximoperè merito peccatoris attriti . His tamen non obſtantibus non eſt explicatu facile , in quo propriè & formaliter cõſiſtat ipſorum diuerſitas : nam quantum memoratur Angelicum meritum longè nobilius ſit , quàm meritum peccatoris attriti ; quia tamen non ponitur pro-

ceſſiſſe à voluntate , informata charitate , nullatenùs igitur tribui poteſt ipſi ratio meriti de condigno , ergo non excedit ſphæram meriti de congruo . Conſequentia patet , quia meritum in communi prima ſui diuſione adæquatè diuiditur in meritum de condigno & meritum de congruo : cùm non detur , nec excogitatum ſit adhuc aliud meritum ab utroque præmiſſo diſtinctum ; ergo non apparet , in quo prædeclaratum Angeli meritum nobilitate præſtet merito peccatoris attriti , ſi formalis v. triuſque ratio ſpectetur , cùm ambo vnus eiſdemque ſpeciei ſpecialiſſimæ ſint ; non enim facilis erit negotij diſtinctionem effingere ſpecierum in meritis de congruo ; cùm non appareat , unde deſſumi poſſet ſpecificarum in eis differentiarum diuerſitas : nam ſi recurrimus ad eos , qui merentur ; aut ad illos , de quibus merentur non aliud indè in actus meritorum de congruo reſcindi reperiemus , quàm vel habitudinum , aut extrinſecarum denominationum diuerſitatem : ſemper tamen inuariata manente , & perſeuerante intrinſecaratione meriti de congruo , quæ in eo formaliter conſiſtit , vt condeſcentie dumtaxat ponat in ip-

so debitum respectu præmij exhibendi; penes quam condescenditiam specificè contradistinguitur à merito de condigno, cui ex Iustitia correspondet, & debetur præmium. Et si enim utrūque meritum debitum importet ad præmium, debitum, tamen, quod ad illud trahit secum meritum de congruo, secundum, quid dicitur: debitum verò quod ad præmij redditionem inuoluit meritum de condigno, simpliciter est; sed quod merito de condigno ex Iustitia debeatur præmium, non ex eo provenit, quod debeatur illi ex lege, quia tunc etiam deberetur ex Iustitia merito de congruo peccatoris attriti: cum infinitiès ferè expresse-rit Deus in sacra Scriptura legem promissionis de admittendo & iustificando peccatorem sufficienter attritum; sed provenit ex eo, quòd ex liberali Dei donatione constituitur homo iustus verè proprietarius, & Dominus suorum actuum. Vndè fit, ut is qui opus efficit de condigno meritorum vitæ æternæ, aliquid de bonis proprijs tribuat Deo, cuius intuitu econtrà ex Iustitia tenetur Deus retribuere illi ut mercedem & coronam, vitam æternam, iuxta illud 1. ad Tim. 4. *Bonum certamen certavi,*

*cursum consummaui, fidem servavi; in reliquo reposita est mihi corona Iustitiæ, quam reddet mihi iustus Iudex &c.* Iustitiam hanc, Dominium ac proprietatem, quam secum trahit & inuoluit meritum de condigno desertis verbis ex epistola Cœlest. 1. cap. 12. docet Concilium Tridentinum sess. 6. capit. 16. ubi sic inquit: *Cuius tanta est erga omnes homines bonitas, ut eorum velit esse merita, quæ sunt ipsius dona &c.* Clariùs id ipsum definit can. 32. Dominium, ac proprietatem huiusmodi excludens meritum de congruo, excludit etiam præmij retributionem ex Iustitia.

Verùm cur meritum de condigno includat, meritum verò de congruo excludat memoratum Dominium, & in promptu poterit esse ratio; quia videlicet homo iustus ex vi gratiæ sanctificantis, nedum admittitur ad Dei amicitiam: verùm etiam ad eius hæreditatem, cohæreditatem autem Christi, & per consequens tribuitur ipsi eiusdem hæreditatis dominium, & proprietas; quia hæres verè Dominus, & proprietarius est paternorum bonorum. Contrà verò accidit homini peccatori, qui quantumvis sit attritus, nunquam ante sanctificantis gratiæ



infusionem intelligitur admissus ad amicitiam & hæreditatem Diuinam : & per consequens nulum tunc intelligitur assecutus Dominium & proprietatem propriorum actuum, & per consequens non exhibet tunc Deo acceptum, qui sit proprium eius meritum; ergo non exhibet tunc Deo aliquid, quod sit ei ratio merendi ex Iustitia, ergo nec etiam quod sit illi ratio merendi de condigno gratiam sanctificantem. Iustus demùm operatur ut amicus, & viuum Christi Domini membrum; peccator vero attritus antecederet ad sanctificantis gratiæ infusionem, operatur adhuc ut inimicus, ac veluti mortuum Christi Domini membrum.

Examinandum est nihilominus, qui sunt qui mereantur, & pro quibus mereantur; quatenus hinc elucescat aliquid amplius quæ, qualisue sit inter sese meritorum diuersitas.

Primo loco ponitur Christus Dominus, qui est finis & scaturigine omnium gratiarum, & meritorum. Secundò Deipara Virgo. Tertiò comprehensores. Quartò Viatores iusti, & hoc vel Iustitia seu rectitudine naturali, si defendatur sententia, quæ asserit nec Angelos neque pri-

mos Parentes fuisse creatos & productos in gratia; vel Iustitia, & gratia sanctificante. Quintò viatores peccatores. De Christo Domino verissimum est, quod quidquid meruit pro seipso & pro alijs, siuè Angelis, siuè hominibus rigorosè de condigno meruit. Virgo Deipara de condigno etiam meruit quidquid pro se ipsa meruit, etiamsi inter ea, quæ meruit, connumeratur Maternitas Diuina, supposito quod fuerit concepta in gratia; habuit igitur in primo conceptionis instanti principium merendi de condigno, ergo quidquid pro seipsa meruit, de condigno meruit. Sed an pro alijs meruerit aliquid de condigno, dubium est, ratio autem dubitandi in promptu est; quia si de condigno meruit pro alijs, hoc non potuit esse, nisi intuitu & virtute principij merendi de condigno, nempe gratiæ sanctificantis: sed hoc ipsum principium habent in se omnes iusti, siuè comprehensores, siuè viatores sint; ergo omnes iusti de condigno etiam merentur pro alijs. Consequentia falsa est, ergo aliqua præmissarum; non minor, ergo maior: ergo non ideo mereri potuit de condigno pro alijs; quia habebat in se gra-

gratiam sanctificantem. Contra tamen est, quia cum certum sit condignitatem meriti non posse præcisè reuocari ad personam operantem secundum inclinationem gratiæ sanctificantis, quam habet; aliās omnes iusti de condigno mererentur pro se, & pro alijs: cum etiam quando pro alijs orant secundum inclinationem sanctificantis gratiæ, quam secum habent, Deum exorent; ergo necessariò reuocari debet ad aliquod aliud etiam principium, ad Diuinam videlicet voluntatem, quæ decreuit vt habens gratiam sanctificantem, & operans secundum inclinationem illius mereri possit, & mereatur pro se ipso de condigno, minimè verò pro alijs, nisi de congruo. Consequentia patet, quia huiusmodi diuersitas merendi de condigno & de congruo in homine iusto; de condigno pro se, & de congruo pro alijs, non potest penitus reuocari ad aliud caput, quàm ad voluntatem Diuinam; si homo iustus ex vi vnius & eiusdem gratiæ sanctificantis meretur pro se, & meretur pro alijs; patet etiam, quia ad idem omninò principium reuocatur, quòd Beati mereri possint pro alijs de congruo pro seipso, tamen nullatenus nec

de condigno, nec de congruo; Scotus enim sustinet probabiliter in 3. dist. 18. quæst. vnica Christum Dominum meruisse, nedum per actus partis sensitivæ, verùm etiam & partis intellectivæ, & hoc secundum actus vtriusque portionis inferioris & superioris; idest etiam secundum actum beatificum, quod ad nullum penitus aliud caput reuocari potest, quàm ad beneplacitum Diuinæ voluntatis: sed nulla potest alia assignari ratio, cur voluntas Diuina deuenerit, vt Christus Dominus per omnes ipsius actus mereretur, etiam superioris portionis partis intellectivæ, nisi quia persona merens erat infinitè dilecta; ergo ex isto eodem capite, quia videlicet persona Virginis Deiparæ & si non infinitè, erat tamen summè dilecta, rationabiliter potuit Deus decernere, vt Virgo Deipara mereretur de condigno etiā pro alijs. Minor subsumpta patet; consequentia etiam patet; tùm quia Virgo Deipara nedum est summè dilecta intensiue, id est longè plusquàm quæuis alia creatura; verùm etiam extensiue, idest longè plusquàm omnes aliæ creaturæ simul; tùm quia secundum probabilissimam sententiam longè plus meruit ipsa sola,

sola, quàm vniuersæ aliæ creaturæ simul: tùm demùm, quia secundum communiter SS. Patres ipsa est collum corporis mystici totius Ecclesiæ, per quod omnes & singulæ gratiæ dimanantes à Capite Christo transeunt, & transmittuntur in omnia & singula eiusdem corporis membra. Beati, cùm sint in termino & perfectissimè coniuncti vltimo fini, sunt extra statum merendi pro se; non tamen pro viatoribus, vt in confesso est apud omnes Catholicos, & docet Scotus in 4. dist. 45. quæst. 4. in responsione ad vltimum principale, dicens: *Oratio enim Beati est dispositio de congruo, vt propter eam Deus concedat illud, quod impetrat illi, cui petit; & istud est meritum non istius pro se, sed pro illo, cui redditur &c.*

Iusti verò viatores merentur pro se de condigno, vel vt Concilium Tridentinum inquit, ac definit sess. 6. cap. 16. & canon. 32. *Verè augmentum gratiæ, vitam æternam, & ipsius vitæ æternæ; si tamen in gratia decesserint consecutionem, atque etiam gloriæ augmentum &c.* Pro alijs autem non nisi de congruo mereatur, sicut etiam Angeli & primi Perentes in primo eorū creationis & productionis instanti, si creati & pro-

ducti fuere in rectitudine naturali demtaxat, de congruo meruerunt sanctificantem gratiam in subsequenti instanti ipsis præstandam.

Dices in homine iusto merente pro alijs concurrant omnes conditiones necessariò requisitæ ad meritum de condigno, ergo non de congruo; sed de condigno merentur pro illis. Consequentia patet; antecedens etiam patet ex Tridentino vbi suprâ sess. 6. can. 32. vbi docet atque diffinit; *Ideo hominem iustificatum verè, hoc est de condigno mereri per bona opera augmentum gratiæ, vitam æternam &c.* Quia procedunt à voluntate informata charitate & secundum inclinationem charitatis, & dependenter ex influentia meritorum Christi Domini, sed istæ eadem conditiones concurrunt in homine iusto merente pro alijs; ergò iustus de condigno meretur pro alijs. Maior patet ex Tridentino: minor etiam patet; quia certum est, quòd quando iustus orat pro alio ex motiuo, & inclinatione charitatis orat pro illo concurrente semper cum ipsius ratione Christi Domini meritorum influentia. Iste idem discursus à fortiori concludit de comprehensore orante, & intercedente

dente pro alijs : & licet in neutro concluderet condignitatem meriti pro alijs, si actu in mortali existant, quia in eo causa indignitas subiecti excluderet eam ab oratione iusti, nequit tamen id dici; si mereatur pro alio iusto; à quò nedùm omnis semouetur obex; verùm etiam immediata ponitur dispositio ad recipiendum effectum meriti hominis iusti orantis pro ipso. Præterquàm quod puto, quòd si verum esset hominem iustum de condigno mereri pro alijs, quantum esset ex se, & ex parte sua mereretur de condigno etià pro homine existēte in peccato mortali; quia & si indignitas eius impediret receptionem memorati effectus, non tamen tolleretur de medio illam merendi facultatem, quam ex præfatis causis secum clauderet iustus. Aptum sumi potest exemplum ad hoc declarandum ex virtute producendi gratia, quam Sacramentum Baptismi, vel Pœnitentiæ secum claudit: nam quantumvis non causet illam in homine, obicem ponente; & per consequens non dicatur causans gratiam, nihil minùs dicitur, quantum est ex se causatiuum illius ex opere operato.

Nec valet, si dicas; quòd ideò

iustus non meretur de condigno pro alio iusto; quia susceptio effectus meriti de condigno debet esse voluntaria, quod tamen non contingeret in homine iusto, personaliter distincto à iusto merente, quia iustus personaliter distinctus à iusto merente inuincibilem haberet ignorantiam alterius iusti merentis pro se: nihil (inquam) valet, si dicas hoc; tùm quia si ratio voluntarij necessaria est ex parte suscipientis effectum alterius de condigno merentis pro ipso, erit etiam necessaria ex parte suscipientis effectum alterius de congruo merentis pro eo; quia non est maior ratio de illo, quàm de isto; ergo meritum de condigno, & de congruo non diuersificantur à se inuicem. Consequens est falsum; ergo & antecedens; falsitas consequentis patet, consequentia probatur; quia si condignitas meriti ponetur compleri per voluntariam suspensionem effectus prouenientis ab eo, qui de condigno meretur pro alio; cùm per rationis paritatem, non minùs necessaria sit voluntaria susceptio ex parte vnus; quàm ex parte alterius, pro quibus iustus meretur. Tùm quia & si verum sit, quòd multoties contingat, iustum; pro quo  
alius

alius iustus meretur inuincibilem habere ignorantiam illius iusti, qui meretur pro ipso; bene tamen contingere potest, sicut pluriès reipsà contingit, vt certam habeat notitiam; quòd iste, vel alius iustus orat pro eo. Tum denique quia reipsà datur in aliquibus susceptio effectus meriti de condigno, quæ tamen nullatenùs voluntaria est in ipsis suscipientibus illum, vt manifestè patet in infantibus recipientibus Sacramentum Baptismi, quibus Christus Dominus de condigno meruit & Baptismi, & baptismalis gratiæ communicationem.

Sed quòd iustus orans pro alio iusto non mereatur pro illo de condigno, ad nullum aliud caput reuocari potest, quàm ad Diuinam voluntatem, quæ decreuit puram creaturam non posse mereri de condigno pro alijs; sed pro seipsa dumtaxat. Verùm vbi in sacro eloquio expressum sit huiusmodi decretum non difficulter occurreret, eò vel maximè quia cum non obscurè reperitur expressum in Tridentino sess. 6. cap. 16. & can. 32. omninò dicendum est expressum etià reperiri debere in sacro eloquio; certissimum siquidem est, sacrosanctum Synodum ex Verbo, & ex Apostolicis, & Ecclesiasticis

traditionibus Catholicas hausisse, ac depròpssisse veritates, quas declarat atque definit. Veritatem hanc Catholicam, quòd videlicet Dominus meritoriorum actuum Deus ex sua beneuolentia & liberalitate constituerit iustos, quatenùs bonis eorum operibus verè ac propriè de Iustitia retribui debet eternæ gloriæ præmium ex sacris paginis deprompsit, ex illo præcipuè Apostoli testimonio 1. ad Tim. 4. vbi inquit Apostolus: *Bonum certamen certauit, cursum consumauit, fidē seruauit; in reliquo reposita est mihi corona iustitiæ, quam reddet mihi Dominus in illa iustus Iudex &c.* Conciliū siquidem tractans vbi supra c. 16. de fructu iustificationis, seu de merito bonorum operum monet, ac statuit proponi debere iustificationis hominibus Apostoli verba 1. Cor. 15. & Hebr. 6. & 10. *Abundate in omni opere bono scientes, quòd labor non est inanis in Domino; non enim iniustus est Deus, ut obliuiscatur operis vestri & dilectionis, quam ostendistis in nomine ipsius &c. Et nolite amittere confidentiam vestram, quæ magnam habet remunerationem &c.* Quatenùs de infallibili præmij retributione certiores effecti, frequentiori bonorum operum exercitio incumbant.

## DISPVATIO IV.

De virtutibus hominis in statu  
innocentiæ.

**V**IRES humanas, quales erant in statu innocentie, per peccatum imminutas esse ac debilitatas; veritas indubitata est apud Theologos. Probaturque auctoritate D. Augustini super illud Psalmi 50. *Ego dixi Domine miserere mei, sana animam meam, quia peccaui tibi &c.* Subinfert Augustinus: *Quid sanatur, si nihil est vulneratum, nihil sauciatum, atque vitiatum?* Ex Chrysostomo Homelia 30. ad Populum Antiochenum: *Ex peccatis duplicia sunt mala, vnum quidem quod offendimus; secundum vero quod peiores euadimus.* Idem asserunt duo Concilia; Arausicanum videlicet, & Tridentinum. In Arausicano c. 1. dicitur: *Si quis per offensam prauaricationis Adæ non totum; id est secundum corpus, & animam in deterius dicit hominem &c.* Pelagij errore deceptus, aduersatur scri-

*ptura dicenti &c.* In Tridentino sess. 5. can. 1. *Si quis non confitetur primum hominem Adam cum mandatum Dei primum in Paradiso fuisset transgressus, statim Sanctitatem & Iustitiam, in qua constitutus fuerat amisisse &c. totumque Adam per illam prauaricationis offensam secundum corpus & animam in deterius commutatum fuisse, anathema sit.* Fuerunt ergo vires humanæ per peccatum gratuitis spoliatæ. Veritas hæc satis probatur, meminando Constitutiones Pij V. & Gregorij XIII. definire, quod Iustitia originalis erat perfectio supernaturalis, donum gratuitum & excellentia superaddita perfectioni naturali hominis; quemadmodum dicimus diuitias & felicitates hominis sani facere ad tuendam valetudinem, & ad præstantiorem benè viuendi rationem. Pro hac re facit id Luca 10. de homine descendente ab Ierusalem in Ierico, incidit enim



in latrones, hoc est in Dæmones, ut Ambrosius ibi exponit; qui etiam expoliarunt eum bonis gratuitis, Ambrosio dicente: *Hi (subaudi Dæmones) ante despoliant, quæ accepimus indumenta gratiæ spiritualis, & sic vulnera inferre consueverunt; caue ergo nè ante nuderis, sicut Adam nudatus est, & sic lethale vulnus accepit.*

Maximum propter Adami peccatum incurrit homo damnatum, quia originalis Iustitiæ fræno, & gubernaculo priuatus, nedum rationi rebelles habet vires inferiores; verum etiam, veluti naturali impetu propriæ complectionis sequitur impulsus, & motus; vnde fit ut secundum complectionis diuersitatem, alius sit inclinatus ad luxuriam, alius ad superbiam, &c. Hominis igitur motus primò primi saltem incipiunt deordinari, & accedente voluntatis consensu reipsa deordinantur tum ex inferiorum virium inobedientia & rebelliones ad superiores; tum etiam ex sequela seu potius conformitate ipsorum ad complectionem, vel ad luxuriam inclinantem: Videas ad hoc Scorum in 2. dist. 6. quæst. 2. sub lit. E. In præsentî Disputatione nostrum est explicare vires humanas in statu innocentie.

Rem claram dabimus beneficio nonnullarum Propositionum, pro quarum clariori intelligentia præmittimus.

## DOCUMENTVM.

*Varij sunt hominis status.*

**M**agnus Pater Diuus Augustinus lib. de prædestinatione Sanctorum cap. 3. tres status naturæ humanæ solummodo numeravit; scilicet in quo natura humana condita fuit à Deo, in quem incidit per peccatum, & in quem restituitur per gratiam Christi; Caietanus art. 2. & Sotus 1. de natura & gratia cap. 1. & 2. docent in sex statibus hominem considerari posse. Primus est hominis in puris naturalibus, sine peccato scilicet & sine gratia & sine alio dono supernaturali, hunc statum, nunquam homo habuit, nec unquam habebit: Philosophi tamen naturales crediderunt in eo hominem esse conditum, nec aliud sine Diuina reuelatione intelligere potuerunt. Secundus status est naturæ integræ, qui est status consonus rationi cum vigore scilicet rationis ad vires inferiores continendas sub ipsa ratione. Tertius status est Iustitiæ

originalis, in quo credimus hominem fuisse conditum, qui etiam appellatur status innocentiae. Quartus est status naturae lapsae, in quo homo consideratur per peccatum iam prolapsus. Quintus est status gratiae, per quam iustificamur in Christo Salvatore nostro. Sextus est status beatitudinis in Patria.

Status definitur à Scoto in primo dist. 3. quæst. 3. §. *Sed restat unum dubium*, quod sit *stabilis permanentia legibus Divina sapientia firmata*; retenta hac status definitione, triplex tantum humanæ naturæ status fuit. Primus innocentiae, in quo fuit creata. Secundus peccati & poenalis, ad quem per peccatum primi hominis devenit. Tertius est gloriæ, seu termini. Quartus imaginari potest status naturæ puræ cum integritate tamen naturali sine ordine ad supernaturalem finem, siuè intrinseca per elevationem gratiæ, siuè extrinseca per Dei propositum & electionem. Hic status præter uniuersalem Dei providentiam & facultatem naturalem, includit etiam dona naturalis ordinis, ut species & habitus naturales, tam speculativos, quam morales, subiectionem somitis, siuè per mantenentiam

Dei, siuè per donum intrinsecum, & reliqua omnia quæ collata sunt primo homini, & Angelo præter merum esse supernaturale gratiæ & ordinationis ad gloriam. Quintus status potest esse hominis in pura natura creati cum solis facultatibus naturalibus consequentibus eius essentiam, sine alijs donis gratuitis, & sine peccato.

## PROPOSITIO I.

*Vires humana si fierent in puris naturalibus, perspicaciores essent, quam post peccatum.*

**C**Aietanus & Scotus ubi supra, & Medina in introductione ad tertiam partem D. Thomæ nullam esse differentiam dicunt in ipsis viribus secundum rem, sed tantum secundum rationem, habereque se sicut se habet homo nudus ab initio, & spoliatus vestibus, quibus erat ornatus, & se defendebat à temporis iniurijs; sicut ergo non est magis nudus, qui est nudus ab initio, quam qui est expoliatus: ita non est magis destituta natura quò ad potentias naturales post peccatum, quam si esset impuris merisque naturalibus.

Pro-

Probat Caietanus hanc sententiam, quia destitutio hæc quod ad potentias naturales solum est effectus per accidens expoliationis & priuationis iustitiæ originalis sicut remouentis prohibens, de quo dicit Aristoteles 8. Phisicorum cap. 4. quod est causa per accidens. Sublato autem remouente non solet sequi maior effectus: non enim mouetur graue velocius, quàm sit eius principium extrinsecum propter hoc, quod remoueatur prohibens. Confirmat Caietanus, quia manifestum est, quod corpus post peccatum, non est magis corruptibile in puris merisque naturalibus: certissimum etiam est peccatum non fuisse per se causam mortis corporalis nec rebellionis carnis aduersus spiritum, nec aliorum defectuum corporalium; sed per accidens, sicut remouens prohibens est causa descensus lapidis: quia enim originalis iustitia impediebat huiusmodi effectus, ideò peccatum primi Parentis per quod ipsa amissa fuit, sublata est causa per accidens istorum effectuum; causa verò per se est contrarietas appetituum sensitiui, scilicet & rationalis: causa autem per se mortis naturalis est resolutio continua, quæ sit

ex vi caloris naturalis, qua tandem consumitur humidum radicale, vt docet Galenus lib. 1. de sanitate tuenda cap. 1. circa finem.

Differunt ergo, homo in puris naturalibus, & in statu naturæ lapsæ secundum rationem; quia in puris naturalibus dicta destitutio tantum est negatio ordinis & rectitudinis potentiarum: post peccatum verò est priuatio, & ita habet rationem præniæ, sicut ignorantia Theologiæ in eo, qui tenetur illam scire, differt à nescientia Theologiæ in alio, qui eam scire non tenetur, & illa habet rationem culpæ; hæc verò non, quia talis destitutio in natura lapsa, dicitur vulnus naturæ iuxta illud Beati super Lucam cap. 10. ab omnibus receptum. *Homo per peccatum spoliatus est gratuitis, & vulneratus in naturalibus.*

Veritas tamen nostræ Propositionis probatur primo auctoritate D. Thomæ 1. part. quæst. 85. artic. 1. vbi cum quæsisset, vtrum peccatum diminuat bonum naturæ; respondet affirmatiue, & dicit: Bonum naturæ humanæ potest tripliciter dici. Primo ipsa principia naturæ, ex quibus ipsa natura constituitur, & proprietates ex his causatæ sicut po-

tentiæ animæ, & alia huiusmodi. Secundo; quia homo à natura habet inclinationem ad virtutem, ipsa inclinatio ad virtutem est quoddam bonum naturæ. Terrio modo potest dici bonum naturæ donum originalis Iustitiæ, quod fuit in primo homine collatum toti naturæ; primum igitur bonum naturæ nec tollitur, nec diminuitur per peccatum; tertium verò bonum naturæ, scilicet ipsa inclinatio naturalis ad virtutem diminuitur per peccatum; per actus enim humanos fit quædam inclinatio ad similes actus, oportet autem per hoc quod aliquod inclinatur ad vnum contrarium virtuti ex hoc ipso, quòd homo peccat, diminuitur bonum naturæ, quod est inclinatio ad virtutem.

Concordat in hoc discursu S. Thomæ Alexander de Ales parte 2. quæst. 94. membro 5. articulo 4. in corpore, dicens; quoddam est bonum naturæ, quod potest minui vel tolli per malum culpæ vel pœnæ, & huic bono aduersatur diminuendo vel tollendo: cum autem diminuit, ali- quid est quod remanet, & in illo dicitur esse sicut in subiecto; v. g. anima habet aliquod bonum naturæ, quo est anima, & habet bonum naturæ, scilicet

habitudinem quandam naturalem ad bonum moris, vel gratiæ. Nec D. Bonauentura ab his discordat in 2. sent. dist. 30. art. 1. quæst. 1. ubi quærit, an corruptio humanæ naturæ insit à sui conditione, an ex peccati merito? Respondet, quòd non ex sui conditione; sed ex peccati merito, quia à summa æquitate, & Iustitia nulla procedit curuitas, vel obliquitas; sed humana natura non solum corrupta est corruptione pœnalitatis, verum etiam corruptione carnis, quæ est corruptio culpabilis; quia videmus homines ex corruptione sibi indita inclinari ad malum &c. Et quæst. 2. ibidem ostendens quòd humana natura meritò trinxit transgressionis fuerit pœnaliter & culpabiliter corrupta, inter alias rationes inquit: *Erubescencia etiam rationis hoc manifestat, nullus enim rationabiliter erubescit de his actionibus; quas habet à natura nisi insit ei per aliquam culpam; sed omnis homo naturaliter erubescit ex genitalium membrorum motu.*

Scotus ipse quoque pluribus in locis nostræ adhæret doctrinæ. Accedant rationes ad Propositionem nostram stabiliendam: Diuus Augustinus 15. de Trinitate cap. vltimo inquirens cau-  
sam,

ſam, cur pro ſtatu iſto nequeat intellectus videre lucem ipſam acie fixa, vel vt Scotus exponit in 1. diſt. 3. quæſt. 3. ſub lit. G. & in 2. diſt. 3. quæſt. 8. ſub lit. I. inquirens cauſam cur intellectus noſter pro ſtatu iſto nequeat immediatè, ſed ſolùm dependenter à phantaſmatibus intelligere vniuerſalia, & ſinceras veritates, inquit loquens in ſe ipſo: *Quæ cauſa cur ipſam lucem acie fixa videre non poſſis, niſi utique infirmitas; & quæ cauſa infirmitatis, niſi iniquitas?* Ex quibus verbis euidenter deducitur, hominem conſtitutum in puris naturalibus, vel ex mero beneplacito Diuino priuatum originali Iuſtitia; poſſe acie fixa videre ipſam lucem, & cognoscere ſinceras veritates ſpeculatiuas & practicas naturales, ad quarum cognitionem concludit ipſe Scotus contra Henricum in 1. diſt. 3. quæſt. 4. non requiri ſpecialèm illuſtrationem; ſed ſufficere ſolam generalem influentiam; quia neuter ipſorum eam habere ſubordinationem & dependentiam, quam pro ſtatu iſto experimur in cognoscendo naturales veritates, quæ dependentia ortum ducit ex illa infirmitate, quam nobis adduxit iniquitas; immò verò ſine vlla dependentia & cum

communi libertate à phantaſmatibus immediatè cognosceret, & fixa & neutiquàm palpitante acie lucem ipſam, hoc eſt ſinceras veritates cognosceret, aliter non ſuſtineret id quod inquit Auguſtinus: infirmitatem illam in cognoscendo ex iniquitate Adami inueſtam eſſe in poſteros eius, & licet Scotus in præcitatís locis videatur reuocare infirmitatem illam, etiam ad ordinem & concordiam potentiârû; inquit tamen ordinem talem non competere potentijs, niſi pro ſtatu naturæ lapſæ.

Et ſi dicas, quòd etiam homo exiſtens in puris naturalibus, vel alius ex mero beneplacito Diuino priuatus originali Iuſtitia, tandem aliquando peccaret, vt patet; ergo tunc eſſent æquales in concupiſcendo immoderatè cum naturali filio Adæ. Ad hæc breuiter reſpondetur, negando in primis antecedens, quia ſi probabiliter ſuſtinetur poſſe hominem in ſtatu naturæ lapſæ ex naturalibus ſuis ſeruare omnia præcepta naturalia; quantò magis id aſſerendum eſſet de homine conſtituto in puris naturalibus, ſi verum eſt id quod ſuprà de ipſo concluſum fuit ad mentem D. Auguſtini? Reſpondetur deindè negando conſequentiam;

tiam: nam dato quòd homo existens in puris naturalibus, tandem aliquando peccaret, non tamen colligeretur indè æqualitas concupiscentiæ in ipso & in naturali filio Adæ: Tùm quia, naturalis filius Adæ habet in instanti suæ conceptionis, quando trahit originem peccatum, causam suæ imbecillitatis in cognoscendo, & homo existens in puris naturalibus nonnisi postquàm perueniret ad annos discretionis, quando posset peccare actualiter, & forsan post multum temporis spatium à puncto discretionis; quia posset, licèt non semper saltem per aliquod tempus conseruare se immunem ab omni præceptorum transgressione. Tùm quia peccatum hominis existens in puris naturalibus non concluderet theologicam, sed solum moralem malitiam, quando quidem non esset transgressio impositæ, sed naturalis legis dumtaxat; & per consequens non incurreret incommoda, damna, & pœnas illas, quas per peccatum (quod fuit Diuini præcepti transgressio) Adamum incurrisse declarat Concilium Tridentinum sess. 5. in decreto de peccato originali canon. 1. dicens: *Ipsam ultra Sanctitatem & Iustitiam amissam, in-*

*currisse insuper per offensam prauaricationis iram & indignationem Dei, mortem, captiuitatem sub potestate Diaboli, ac tandem secundum se totum in deterius iuisse.* Homo namque in puris naturalibus constitutus nullam amitteret Sanctitatem & Iustitiam, & cùm nullum impositum transgrederetur præceptum, quantumuis naturalia non seruaret, non incurreret iram & indignationem Diuinam; & licèt mors necessario sibi cōtingeret vt corruptibilis naturæ conditio, non autem vt pœna contingeret sibi. Nullam etiam incurreret sub potestate Diaboli actiuitatem, quam ex transgressione impositi præcepti Diuini Adamum incurrisse declarat, decernitque Concilium in loco citato; quo fit vt homo existens in puris naturalibus omninò immunis, & liber simul existeret ab vniuersis tentationibus Diaboli, quibus non solum sollicitari, sed etiam impelli multoties consuevit naturalis hominis pronitas & concupiscentia, quam habet ad appetendum immoderatè delectabilia: immò insuper concupiscentia in puris naturalibus, quia ex peccato non esset, non diceretur ad agonem relicta, quemadmodum in citato loco fatetur

Con-



Concilium Tridentinum relinquit in posteris Adam, nec etiam ad peccatum inclinare sub ijs rationibus, quas intendit Concilium ibi; quia non inclinaret ad peccatum, ut sollicita diabolicis tentationibus, & per consequens remissius, nec inclinaret ad peccatum, quod esset inducivum damnorum, quæ canone 1. enumerat Concilium Tridentinum ibidem.

Nec demum homo existens in puris naturalibus, diceretur & secundum corpus & animam in deterius commutari, saltem sub ijs rationibus, sub quibus ex prævaricatione sua Adamum commutatum fuisset, fatetur Concilium ubi supra. Quantum ad animæ, vel potius quantum ad potentiarum eius determinationem patet; & primo respectu actuum naturalium, quia ut supra probatum de mente Augustini, hominem existentem in puris naturalibus non habere in cognoscendo naturales veritates speculativas & practicas, dependentiam & subordinationem illam ad phantasmata, quam habet pro statu isto naturalis filius Adæ: Sole limpidius lucefcit longè perfectiorem, & sublimiorem esse statum animæ hominis existentis in puritate natu-

ræ, quàm hominis existentis in statu destitutæ naturæ, & consequenter esse longè remissiozem facultatem & usum concupiscentiæ hominis illius, quàm hominis istius: eò vel maximè, quia cum pronitas appetitus intellectui non haberet in illo, sicut in isto coniunctionem & connexionem illam cum appetitu sensitivo, quam peccatum induxit; non haberet tunc, vnde intellectuius appetitus natus esset condelectari appetitui sensitivo, sicut natus condelectari sibi pro statu isto, ut pluribus in locis fatetur Scotus: & per consequens nec quasi necessariò pateretur tot titillationes & stimulationes ad actus inordinatos, quod ex vi prædictæ connexionis & colligantiæ cum appetitu sensitivo sentit & patitur pro statu isto; & per consequens pronitas eius ad concupiscendum immoderate delectabilia, non esset ita frequens, nec etiam ita vehemens, sicut modò est. Respectu verò actuum supernaturalium puto, quod non rectè possunt adinvicem comparari; quia cum homo existens in puris naturalibus, ex vi proprii status nullum diceret ordinem, & habitudinem ad actus supernaturales, nullum, etiam supernaturale tribueretur

sibi auxilium ad illorum productionem : & per consequens ex vi proprii status esset simpliciter impotens ad attingendam supernaturalium actuum productionem , ac per consequens licet esset omni supernaturali auxilio destitutus , non tamen diceretur quantum ad hoc commutatus in deterius ; quia nec unquam fuisset , nec supposito (quod producendus esset in puris naturalibus suis ) potuisset in alio statu , à cuius perfectione didiceretur fecisse transitum in defectum & prauitatem alterius , sicut contingit Adamo & posteris eius , licet posteri non trāseant : quemadmodum transiuit Adamus è statu institutæ in statum destitutæ naturæ , adhuc potest etiam de ipsis propriè verificari , non transitus qui reipsa fiat ; sed status , qui præuenitur ex peccato , quod secum ex vtero materno deducunt .

Hinc fit , quòd licet de nobis optimè verificetur id , quòd sess. 6. cap. 1. decernit Concilium Tridentinum , hominis videlicet arbitrium esse ex vi peccati viribus attenuatum , & inclinatum ; quod intelligendum est non solum de viribus supernaturalibus , & præcipuè de dono originalis Iustitiæ , sed etiam de viri-

bus naturalibus : nulla tamen ratione posset illud verificari de homine constituto in puris naturalibus ; quia cum ex vi proprii status nullum diceret ordinem ad actus , & ad auxilia supernaturalia , non propriè dici posset attenuatus , ac diminutus , seu inclinatus quantum ad naturales vires , nisi accipiendo diminutionem , vt coincidit cum simplici negatione .

Pater etiam quomodò naturalis filius Adæ , esset indè longè deterior quantum ad potentias corporales homine constituto in puris naturalibus , quia , puto ego hominem constitutum in puris naturalibus non fore subijciendum omnibus his incommodis & afflictionibus , quas pro statu isto patitur , ac sustinet in corpore suo naturalis filius Adæ . Ratio est , quia omnia incommoda , & cuncta pœnalialia fuerunt inflicta Adamo & posteris eius propter Diuini præcepti transgressionem , & propter idem commissum peccatum fuit etiam eiectus de Paradiso terrestri , vt euidenter patet Genesis cap. 3. vndè non obscurè colligitur ; quòd si produceretur homo in puris naturalibus , non deberet habere communem cum posteris Adami vallem hanc lachry-

ma-

marum, in qua sumus propter primi Parentis peccatum: quæ enim ratione deberentur homini constituto in puris naturalibus poenæ præsentis status, si nullo modo haberet in se culpam illam, cujus intuitu & motivo huic lachrymarum valli mancipavit Deus Adamum & posteros eius? Omnino dicendum est igitur, quod homini constituto in puris naturalibus, alius diuersus competeret status ab eo, in quo nunc collocantur descendentes ab Adamo: quod si verum esset, sicut probatum est, tunc consequenter asserendum foret corpus hominis constituti in puris naturalibus non futurum obnoxium tot violentis passionibus, quot nunc subduntur corpora posterorum Adami; & per consequens longè perfectiores essent in illo corporales potentia ac vsus ipsarum, quàm essent in istis, quia non remitterentur, & impedirentur sicut nunc ex violentia extrinsecarum potentiarum: quod fit, ut posteri Adami veluti obrutius violentarum passionum frequentia non possint nunc ità expedite, sicut posset constitutus in puris naturalibus uti corporalibus potentijs suis & retrahere illas à proprijs delectabilibus. Immo

hinc deducitur insuper, quòd etiam si constitutus in puris naturalibus haberet rationales potentias connexas & subordinatas in operando potentijs sensitivis, sicut habent eas posterii Adæ; adhuc haberet illas expeditiores & validiores, quàm habeant eas posterii Adæ: & ratio est, quia cum anima rationalis in illo, & in istis penderet in operando à potentijs sensitivis; eò esset in operationibus intellectivis expeditior, & validior in illo quàm in istis, quòd sensitivæ potentia essent perfectiores & expeditiores in illo, quàm in istis: sed ità esset de facto, sicut probatum est; ergo &c.

Confirmatur, quòd homini constituto in puris naturalibus diuersus competeret status ab eo, qui nunc de facto datus est posteris Adæ; quia data hypothese, quòd Deus ex beneplacito suo, nullo præcedente demerito, priuasset Adamum originali Iustitia, licet tunc non fuisset Adamus in eò innocentia & perfectionis status, in quo extitisset antecederet ad ablationem originalis Iustitiæ: non tamen debuisset exui eiusdem ablationis gratis inflictæ, expelli de Paradiso terrestri, & per consequens nec subijci incommodis

ac passionibus, quibus subditus fuit ex vi suæ prævaricationis post electionem à Paradiso terrestri; ergo à simili cum nulla præxisteret culpa in homine constituto in puris naturalibus, quantumvis denudatus esset originali Iustitia, alius sibi deberet competere status ab illo, qui nunc ex peccato Adami competit posteris eius.

Et si dicas qualis posset sibi competere status, si nec status naturæ destitutæ, nec Iustitiæ naturæ sibi congrueret? Respondendum est, debere sibi congruere statum medium, inter statum institutæ, & destitutæ naturæ, sicut mediam haberet existentiam hominis innocentis & hominis lapsi. Quis tamen & qualis esset medius ille status, Deus novit; qui novit etiâ quis, & qualis esset homo producendus in puris naturalibus.

Oppones nobis, probâdo quòd vires puræ naturæ non forent fortiores viribus eiusdem naturæ post peccatum. Primò, obedientia carnis ad spiritum fuit in primo homine supernaturalis & gratuita; ergo dempta Iustitia originali, vires humanæ æqualiter fuissent infirmæ, sicut modò. Respondetur dari gradus in obedientia, & quòd plena obe-

dientia carnis ad spiritum, idest sine difficultate mentis regulantis, & sine reluctancia obedientis, fuit gratuita; non tamen obedientia quædam inferior ad hanc, & superior ad obedientiam præsentis status: sicut enim in corporalibus, qui nunquam laboravit ex pedibus robustior est ad deambulandum, quam qui evasit ab ægritudine; ita mens humana antequam errasset, fuisset perspicacior ad intelligendum, quam post errores, & voluntas ante electionem mali promptior, fuisset perspicacior ad electionem boni.

Oppones secundò, inordinati motus fuissent in homine, nisi donum supernaturale habuisset; ergo vires humanæ forent æquales. Respondetur, quòd non fuissent adedò vehementes; sunt autem actiones & vehementiores post peccatum.

Oppones; quis negavit tunc non futuram concupiscentiam, transcendentem limites rationis? quis etiam negabit modò concupiscentiam transcendere limites rationis, ita ut captivari sentiat voluntas in lege peccati? Respondetur concedendo totum. Addimus tamen, quòd tunc non ita distractus fuisset sensus, ut modò à concupiscentia

tia abstractus & illeſtus .

Oppones ex noſtra doctrina ſequi , quòd vigor humanarum virium poſſet ità minui , vt nihil remaneret de eo , & tunc ſequeretur error Lutheri ; nempe quòd liberum arbitrium eſſet de ſolo titulo , aut etiam titulus ſine re . Reſpondeo , quòd huiusmodi vigor non minuitur per amiſſionem perfectionis naturalis ; ſed per appoſitionem contrarij , ſicut vigor vini minuitur per appoſitionem aquæ . Aduerte , nè hanc ſimilitudinem iuxta limites ſine latitudine accipias : aqua enim ſufficiens eſt ad corumpendum vinum , & non vigorem vini tantum &c.

Si hoc non placet , dicas inclinationem minui per appoſitionem impediementi , ſicut inclinatio ad videndum minuitur per appoſitionem prohibentis lucem : ſalua tamen naturali energia oculorum .

### DIFFICULTAS.

*Utrum pueri in ſtatu innocentie habuiſſent in primo animationis momento uſum rationis ?*

**N**Ota , an naſcitur homines in ſtatu innocentie ha-

buiſſent in ipſo animationis momento rationis uſum . Ratio dubitandi eſt , quia etiam in eo ſtatu habuiſſent infantuli magnam cerebri humiditatem , & conſequenter phantaſiam non expeditam ad rationis uſum , & diſcurſum . Hæc ratio adeò conuincit D. Thomam , vt ex ea colligat ; quòd immediatè poſt natiuitatem ex utero habuiſſent infantuli rationis uſum , & diſcurſum . Contra tamen eſt , quia dicta D. Thomæ ratio videtur ſupponere , quòd in ſtatu innocentie notitia intellectiua non poterit haberi niſi per conuerſionem ad phantaſmata : hoc ſuppoſitum , ſeu fundamentum non eſt ſatis certum omnibus Scholaſticis , præſertim Scoto in quaëſtionibus de anima ; ergo ſi eſſet verum , quòd extituri in ſtatu innocentie non neceſſariò habuiſſent notitiam intellectiuam per conuerſionem ad phantaſmata , eſſet etiam verum quòd non obſtante organorum indiſpoſitione , ſtatim in ipſo eorum animationis inſtanti perfectum habuiſſent rationis uſum , & diſcurſum .

Præterea D. Auguſtinus , vt refert Scotus , videtur reducere impotentiam cognoscendi ſince-  
ras veritates ad infirmitatem ex  
pec-

peccato in nobis subsecutam; ergo non existente Adami peccato, propagandi tunc ex ipso nullam incurrissent infirmitatem, & nullam per consequens incurrissent impotentiam cognoscendi sinceram veritates: hoc est, ut Scotus declarat in primo dist. 3. quæst. 4. non inuolutas phantasmatum caligine ex impuritate; ergo independenter à phantasmatibus, ergo non per conuersionem ad illa.

Dices, quòd hoc verum est post adeptum vsum rationis; cuius tamen adeptio contigisset determinato tempore post natiuitatem ex vtero.

Contra hoc est, quia pueruli tunc accedentes ad tempus vel instans, in quo perfectum affectu fuissent rationis vsum; vel habuissent imperfectas illas intellectiuas notitias, per conuersionem ad phantasmata, vel non. Si dicatur primum; tunc non poterit assignari ratio, cur perfecta notitia intellectiua non debuit esse per conuersionem ad phantasmata: imperfecta verò sic, eò vel maxime, quia nec status perfectio id admisisset; nec explicari potest, quo pacto fieri potuerit transitus à cognoscendo obiecta per conuersionem ad phantasmata, ad cognoscendum

illa immediatè independēter per conuersionem ad phantasmata.

Præterea primi Parentes in ipso primo eorum productionis instanti habuerunt perfectissimū rationis vsum; ergo etiam & posterius eorum habere debuerunt in primo ipsorum animationis instanti perfectum rationis vsum. Consequentia patet, tum quia non potest assignari disparitatis ratio: tum quia si ideò à Scholasticis communiter dicitur, quòd idcirco filij non debuerunt nasci confirmati in sua Iustitia; quia non fuisset rationi congruum, ut plus beneficij præstitum fuerit posteris in primo ipsorum animationis, quàm Parentibus in primo illorum productionis instanti.

Præterea posterius etiam in primo ipsorum animationis instanti tanquàm ij, qui concepti fuissent in originali Iustitia, & probabilissimè in gratia etiam ab eodem primo animationis instanti extitissent sine vlla penitus præcedente ingratitude, Deo grati & accepti; ergo vide-

tur rationabiliter dictum, quòd tunc  
cœperint  
mere-  
ri  
&c.



## PROPOSITIO II.

*Docens in quo differat status Iustitia originalis à statu gratiæ gratum facientis.*

**I**dem sonat, ac si diceremus: utrùm Iustitia originalis sit donum distinctum realiter à gratia gratum faciente. Nos suprâ iam examinauimus in propria Disputatione hunc punctum; de nouo tamen reuertimur ad illud punctum, vt respondeamus argumentis aduersariorum.

Prima igitur opinio, quam Sotus lib. de natura & gratia cap. 5. dicit esse D. Thomæ 1. par. quæst. 95. artic. 1. (licet oppositum sentiat Caietanus) asserit Iustitiam originalem & gratiam sanctificantem idem esse realiter. Motiua huius sententiæ hæc sunt.

Primò, quia non est ponenda pluralitas sine necessitate, sed non est necesse ponere Iustitiam originalem realiter distinctam à gratia sanctificante; ergo &c. Minor probatur, quia per habitum gratiæ poterat Deus subdere vires inferiores rationi, & rationem Deo; ergo &c. Secundò habitus infusi à Deo in statu innocentiae sunt infusi iuxta condi-

tionem naturæ humanæ eleuatæ ad finem supernaturalem; ergo Iustitia originalis verificabat in ordine ad Deum finem supernaturalem: sed habitus rectificans in ordine ad finem supernaturalem est gratia. Antecedens probatur, quia natura humana non fuit condita in ratione humanæ naturæ tantum, sed vt Deo frueretur; ergo omnes habitus infusi fuerunt in ordine ad istum finem. Patet consequentia, quia omne agens agit propter finem; sed finis naturæ eleuatæ fuit ipse Deus, vt finis supernaturalis; ergo habitus omnes omnes fuerunt infusi in ordine ad istum finem supernaturalem, atque adeò Iustitia originalis rectificabat animam & corpus in ordine ad Deum finem supernaturalem, qui effectus est gratiæ gratum facientis, ergo distinguitur. Tertiò Iustitia originalis secundum Scotum in 2. dist. 29. quæst. unica artic. 1. in fine, erat donum supernaturale, ergo non erat distinctum à gratia: si enim esset distinctum; maximè quia illud non erat ratio merendi, vt docet Scotus ibidem in solutione ad quartum; sed solum erat ratio, vt per illud donum delectabiliter adhæreret Deo voluntas magis quàm alicui sensibili, sed hæc

ratio est nulla, ergo &c. Minor probatur, quia habitus rectificans voluntatem tantum ut sic, non est supernaturalis, sed naturalis; ergo vel Iustitia originalis non est supernaturalis, quod est contra Scotum: vel si est supernaturalis ultra prædicta debet coniungere hominem cum Deo sine supernaturali; qui est effectus gratiæ gratum facientis. Confirmatur, quia illa forma est supernaturalis, quæ attingit Deum, pro ut in se est: sed Iustitia originalis, quæ secundum Scotum est donum supernaturale ultra hoc, quod est rectificare vires inferiores in ordine ad rationem, & ratione in ordine ad Deum, debet attingere ipsum Deum, pro ut est finis supernaturalis; sed hoc est munus gratiæ gratum facientis, ergo &c.

Verior tamen est sententia Scoti in 2. dist. 29. quæst. unica ad quartum, ubi expressè asserit Iustitiam originalem fuisse habitum realiter distinctum à gratia sanctificante, quod etiam sustinet Cajetanus quæst. 99. & cum eo debent tenere omnes Theologi affirmantes cum Magistro in 2. dist. 24. hominem fuisse creatum cum Iustitia originali dumtaxat, & deindè consecutum

fuisse gratiam. Pro sententia Scoti intelligenda advertendum est.

Primò secundum omnes Catholicos Prothoparentem nostrum habuisse Iustitiam originalem, nec in hoc est aliqua difficultas; nec etiam inquirimus, an illa Magistri sententia, quam retulimus, sit vera. Item notandum quòd gratia præstantior est, quàm Iustitia originalis, quia perfectiùs nos Deo coniungit, ut ait Scotus ubi suprà, & Gabriel in 2. quæst. 2. quia Iustitia originalis frænabat sensualitatem, & coniungebat Deo ut fini conuenienti & delectabili, sicut dicimus hominem perfectiorem Leone, quàmuis Leo excedat in fortitudine ipsum hominem: ità quàmuis Iustitia originalis in frænando sensualitatem, præstaret gratiæ; quia tamen gratia excedit ipsam in præstantiori proprietate, quia coniungit nos fini ultimo & summè honesto, propter se summè diligendo; ideo gratia præstantior est Iustitia; immò etiam certum est, quòd plus ad bonum inclinat & excitat, quàm Iustitia originalis; quapropter præstantiores & fortiores sunt isti Diuina gratia muniti, quàm fuit Adamus, cum consideratur sola Iustitia originalis

nali exornatus. Item aduertendum, quòd cùm finis Iustitiæ originalis & gratiæ sint diuersi, necessariò ipsi habitus debent esse diuersi: gratia enim ordinat hominem ad finem supernaturalem, Iustitia verò originalis solum ad naturalem finem; & idè illa est ad actus supernaturales, hæc verò ad naturales tantum. Duplex enim defectus in natura humana nuda reperitur, primus, quo homo patiebatur magnam difficultatem in ordine ad suum finem commensuratum; alter, quo nullum opus naturale quodcunque illud esset, poterat gratiam & gloriam promereri: contra priorem defectum, data est Iustitia originalis; contra posteriorem verò gratia. Vt melius hoc intelligas.

Monco vltimò; primum defectum hominis conditi in puris naturalibus sic esset explicandum, quòd scilicet in operando secundum rationem haberet difficultatem, tùm propter infirmum & imbecille corpus, & defatigationem in exercitio virtutum: tùm etiam propter concupiscentiam, & appetitum sensitium, quia licet ex natura sua non feratur absolutè in malum, sed in bonum sibi conueniens;

tamen quando aliqua de causa illud quod sibi conuenit, non conuenit secundum rationem, idè dicitur quòd appetitus inclinat ad malum, vt contingit in comedendo carnes: idem appetitus, qui inclinat ad esum carnis in die Iouis, est qui inclinat ad comedendas illas die Veneris; tamen die Iouis non inclinat ad malum, sed in die Veneris. Cùm ergo appetitus sic insurget contra rationem, homo in illo statu difficulter operabatur secundum rationem.

Primus defectus est, quòd per nullum opus potest in illo statu mereri gratiã & gloriam: in statu verò naturæ integræ & benè institutæ, in vtroque erat rectificata natura & ad operandum secundum rationem, & ad promerendam vitam æternam; quos duos effectus D. Thomas tribuit eidem habitui, qui simul erat Iustitia originalis & gratia: Iustitia quidem quatenus rectificabat eam in ordine ad finem naturalem, gratia verò quatenus rectificabat ipsam ad finem supernaturalem; atque adeò secundum D. Thomam ille habitus appellandus erat simpliciter donum supernaturale.

At verò secundum Scotum, munus originalis Iustitiæ tantum

erat rectificare corpus & animam, ac appetitum sensitivum ad rationem, & rationem ad Deum finem naturalem; vnde sensibilitas tunc nullam molestiam inferret rationi, nec membra hominum fatigarentur, possetque homo uti illis quoties, & quando veller, & quia hæc Iustitia concessa Adæ, erat transferenda in posteros; inde originalis dicebatur, quæ cum tantum sit ad reformandos defectus naturales, naturale donum & non supernaturale censendum est distinctum à gratia gratum faciente. Accedant rationes pro hac parte: illarum prima sit. Iustitia originalis non erat principium meriti sicut gratia, quæ principium meriti est; ergo erat distincta realiter ab ipsa gratia. Secundò potentiæ distinguuntur per actus; ergo actus plusquam specie distincti, requirunt habitus specie distinctos: sed actus naturales & supernaturales plusquam specie differunt; ergo & habitus. Tertia ratio desumitur ex Genesi 3. cap. ex quo colligitur hæc dona fuisse realiter separata, & vnum post aliud in Eva, ut notavit Angles in suis floribus Theologicarum questionum super 2. tomum dist. 29. difficult. 4. ubi hac sola ratione Scoti pla-

citum amplectitur, quia Eva statim amissa gratia post peccatum, non continuò amisit Iustitiam originalem; non enim statim sensit inobedientiam, sed amisit illam quando peccavit Adamus, cui fuit donata ratione totius naturæ: dicit enim textus; *edisse, & apertos fuisse oculos eorum &c.* Quartò probatur, quia Iustitia originalis erat habitus rectificans hominē in ordine ad Deum finem naturalem: gratia verò rectificans illum in ordine ad supernaturalem finem; ergo non erat idem habitus. Antecedens patet: nam ut optimè docet noster P. Vega lib. 2. de Iustificatio-  
ne cap. 11. Iustitia originalis data est ad reformandum defectus naturales, & ob id donum naturæ censetur, & quæ ab ipsa in homine fuissent, dicuntur naturalia: nam gratuita ea dumtaxat vocantur, quæ perficiebant in ordine ad supernaturalia, ut gratia & virtutes infusæ. Tandem confirmatur, quia Adamus per poenitentiam recuperavit gratiā; non tamen recuperavit Iustitiam originalem, ergo non sunt idem habitus, sed alius & alius. Legatur prima Disputatio huius tractatus, in qua opulentissimè de hac re disputo. Descendamus ad solutionem argumētōrū.  
Ad

Ad primum negatur minor, nam Iustitia originalis necessaria est ad rectificandum naturam in suo esse naturali; gratia verò necessaria est ad esse supernaturale, & ad operationem meritoriam. Ad secundum dico, quòd habitus infusi in statu innocentie infunduntur iuxta conditionem naturæ eleuatæ suo modo: nam cum rectitudo supernaturalis supponat rectitudinem naturalem, etiam habitus rectificantes in ordine ad esse supernaturale supponunt habitus rectificantes ad esse naturales, sicut gratia præsupponit naturam. Ad tertium dico, quòd loquendo de supernaturalitate in ordine ad agens, & quantum ad modum, sicut oculus cæco restitutus licet sit supernaturaliter, naturalis tamen in se, quam in ordine ad operationem & potentiam passivam: est tamen supernaturalis quòd ad modum, quia à nullo agente, nisi supernaturali potuit restitui; ita donum gratiæ originalis simpliciter erat naturale, & donum naturæ secundum se, quia scilicet non attingebat Deum, pro ut in se est, quam secundum operationem, quia non eleuabat naturam in ordine ad actum meritorium & supernaturale, immò etiam erat naturale in ordine ad

subiectum, in quo recipiebatur.

Doctrinam hanc explicabam Disputatione prima ex doctrina Scoti in 2. dist. 29. vbi quia Iustitia originalis non est principium merendi, ut Scotus ipse docet ibidem, computatur inter perfectiones naturales, non autem naturales: quasi verò consequantur necessario naturam eorum, quibus exhibentur, vel quòd viribus naturæ valeant obtineri, sed naturales; tùm quia dicuntur congruere toti naturæ, seu speciei; tùm quia exhibentur in ipsa productione omnium, & singulorum indiuiduorum talis naturæ seu speciei. Claram reddet hanc doctrinam id, quod habet Scotus in 2. dist. 3. quæst. 9. §. *Ad questionem &c.* vbi examinans, an species essentiam Diuinam distinctè repræsentans, quæ asserit præstitam fuisse omnibus & singulis Angelis in primo instanti creationis ipsorum, dici debeat naturalis, an supernaturalis, hæc habet formalia verba: *Et istam speciem representantem essentiam Diuinam intellectui Angelico, non videtur inconueniens ponere intellectui Angeli inditam esse à principio; ita quòd licet ipsa non sit naturalis intellectui hoc modo, quòd iste intellectus possit ex naturalibus suis eam acquirere,*

nec etiam quòd possit eam habere ex actione alicuius obiecti agentis naturaliter, quia non potest eam habere presentia litate alicuius obiecti finiti momentis, nisi essentia Divina tantum, quæ nihil aliud à se causat naturali causatione: tamen sicut perfectiones data Angelo in sua prima creatione, licet non necessario sequantur naturam eius, dicerentur naturales, distinguendo contra merè supernaturales, scilicet gratiæ & gloriæ; ita ista perfectio data intellectui Angelico, quæ essentia Divina esset ei præsens distinctè, licet abstractivè, potest dici naturalis & ad cognitionem naturalem Angeli pertinere: ita quòd quidquid cognoscit Angelus de Deo, virtute huius speciei aliquo modo cognoscit naturaliter, & aliquo modo non naturaliter; naturaliter in quantum ista non est principium gratuiti actus, nec gloriæ, non naturaliter in quantum ad istam non posset perungere ex naturalibus, nec aliqua actione naturali &c.

Originalis igitur Iustitia, & si donum sit supernaturale; quia nihilominus non est principium merendi, connumeranda erit inter perfectiones naturales. Patet ergo, quo in sensu ista originalis Iustitia sit donum naturale, & sit donum supernaturale.

His præsuppositis, accedant Propositiones. Incipiamus à prima.

### PROPOSITIO III.

*Adamus in innocentia habuit à Creatore plenitudinem scientiæ naturalis, quæ potuit cognoscere omnes cognitiones naturales tam speculativas, quàm practicas.*

**I**Ta Scholastici in 2. dist. 23. cum D. Thoma prima parte quæst. 94. artic. 3. Patet ex Genes. 2. Omne quod vocavit Adā, ipsum est nomen eius. Item Ecclesiastici 17. Disciplina intellectus replevit eos &c. Favet ratio, quia Adam non tantum fuit creatus caput propagationis humanæ, sed etiam principium instructionis & doctrinæ; ergo conditus fuit cum ornamento omnis scientiæ, & doctrinæ practicæ & speculativæ: vnde primus Pater habuit omnes septem Artes liberales, quia istæ sunt dignæ homini ingenuo, & valde nobilitant intellectum & animum recreant. Hinc non placet Caietanus in Genesi 2. ipsi denegans cognitionem elementorum, & Cælorum: nam si Deus eam contulit Salomoni, ut constat Sapientiæ 7. multò maiori titulo eam



eam contulit Adamo. Habuit prudentiam, & alias omnes virtutes morales; quia sunt consonæ statui foelicissimo: habuit artes aliquot mechanicas, non quidem omnes; sed eas quæ foelicitati illius status erant conuenientes, vt agriculturam, & quæ ministrant instrumenta agriculturæ, aliasque oblectationi seruientes: & similiter concedenda sunt eadem scientiarum ornamenta Eux, de ea enim pari modo agit Ecclesiasticus 17.

#### PROPOSITIO IV.

*Adamus in innocentia accepit à Deo habitum fidei, & per illum cognoscit multa fidei mysteria, & opera.*

**P**Atet ex Ecclesiast. 17. *Creauit illis scientiam spiritus, & lege vite hereditauit illos; magnalia operum Dei vidit oculus eorum.* Ratio est, quia sine tali notitia non potuit comparare finem supernaturalem, ad quem erat conditus: cognouit autem Deum vt Creatorem, vt trinum (vt ait Athanasius in exordio operis aduersus hæreses) vt sanctificatorem & glorificatorem; cognouit hominem esse ordinatum ad finem Dei gratia consequendū,

cognouit gratiam excitantem & gratum facientem, virtutes Theologicas, & esse necessariam obedientiam Diuinæ legis, cognouit Angelorum ruinam, ex qua non parum humilitatis & timoris poterat haurire (vt ait Caietan. Comentario in Genesim) cognouit Verbi æterni Incarnationem, vt inquit D. Thomas 2.2. quæst. 2. art. 7.

Difficultas tamen est, an Adam in eo statu habuit fidem Christi vt Auctoris summæ gratiæ tunc receptæ: negat Vasquez tom. 1. in tertiam partem disp. 12. cap. 3. Placet opposita opinio affirmans; quia & si Adā ante peccatum non cognouit Christum Redemptorem sui futuri peccati; cognouit tamen vt Auctorem gratiæ, per quam erat consecuturus beatitudinem. Primò, quia fides Christi erat ipsi necessaria ad salutem. Secundò, quia Adam ante peccatum cognouit Christum vt consummatorem gloriæ, & in eum sic credidit. Tertiò, quia in sopore Adam nouit Incarnationem; ergo habuit Christi fidem & amorem, atque adeò gratiam Christi per tales actus promeritam.

## PROPOSITIO V.

*Homo in statu innocentia eguit generali gratia auxiliante, non verò speciali ad cognoscendum omnes veritates speculatiuas & practicas, etiam supernaturales.*

**Q**uia cognitio supernaturalis fidei est ordinis superioris, ergo eget superiori excitatione, saltem generali: quòd hæc sit sufficiens absque superaddito alio auxilio gratiæ, patet; quia in statu innocentia intellectus hominis esset informatus excellentissimis principiis naturalibus, & supernaturalibus, quibus posset elicere cognitiones & non haberet impedimenta, quæ modò habet, nempe rebellionem passionum, lassitudinem organorum, & facilitatem errandi: vndè homo in eo statu cum breuitate & facilitate, ac voluptate actuales rerum notitias compararet, & hæc est prærogatiua propria illius status, vndè tunc in eum non caderet error ex speciali Dei protectione. Hanc doctrinam supponit Scotus in 2. dist. 6. quæst. 1. ad tertium, & clariùs dist. 22. quæst. vnica, ostendens errorem

fuisse poena peccati, nec peccasse primum Parentem ex ignorantia. Ratio est, quia error de facto est in poenam peccati secundum Patres & Theologos; ergo in statu innocentia non erat futurus. Quod verò hoc erat ex protectione, seu manutenentia Dei, hoc mihi probabilius.

## PROPOSITIO VI.

*Homo in pura natura constitutus viribus proprijs potest acquirere veritates naturales rerum, quæ applicarentur suo intellectui.*

**V**eritatem præsentis Propositionis docebunt rationes, quibus inferiùs probabitur hominem in statu naturæ lapsæ posse viribus proprijs acquirere veritates aliquas. Addimus, quòd homo in statu naturæ puræ valeret plures veritates ex proprijs cognoscere viribus, quàm homo in statu naturæ lapsæ. Fundamentum habet veritas ista in doctrina Scoti, qui in 2. dist. 3. quæst. 10. §. *Dico igitur*, agens de cognitione Angelorum (ait) non haberi à nobis certam regulam de intellectu

Angelico, nisi quòd non congruat ei attribuere omnes imperfectiones, quas in nostro experimur, nec ei denegare perfectionem debitam, seu non repugnantem intellectui creato. Ad rem nostram applicando, & si necessariò non possumus attribuere humano intellectui in statu puræ naturæ perfectionem Angelicam: non debemus tamen denegare aliquid supra cognitionem inferiorem, qualis est sensus; sensus autem tam abstractivè, quàm intuitivè fertur in suum per se obiectum sub ratione propria, quòd in ipso est perfectionis ex genere potentiæ cognitiæ. Probatur contra Suares putantem easdem esse vires intellectus nostri in statu naturæ lapsæ, quales sunt in statu naturæ puræ: intellectus in statu puræ naturæ acciperet cognitionem immediatè à rebus ipsis, & non defenderet à sensu; ergo tunc plura perfectiùs intelligeret, quàm in statu naturæ lapsæ. Item omnis potentia non impedita potest ferri in suum per se obiectum applicatum: sed substantia v. g. est tale respectu intellectus in statu puræ naturæ; ergo in statu illo posset cognoscere immediatè in se substantiam, quam tamen pro præsen-

ti statu minimè potest in se attingere. Minor probatur, quia obiectum habitus non excedit obiectum potentiæ: sed Metaphysica respicit substantiam secundum rationem propriam; ergo & intellectus. Item anima in corpore glorioso virtute naturali cognoscit res sub ratione propria; ergo id contingeret in pura natura. Dices hoc convenire animæ separatae, vel in corpore glorioso ratione status.

Contrà, status non variat naturam; ergo nec virtutem eius naturalem. Antecedens patet, quia est posterius adueniens: si autem variaretur natura, non esset eadem natura in diuersis statibus; ergo quòd intelligat anima separata immediatè ex rebus ipsis est naturale potentiæ ex natura potentiæ, non verò status &c. Dices in vno statu posse afferri diuersa impedimenta, qualia sunt in pura natura.

Contrà, vnio ad corpus, & operatio sensuum non statuunt hoc impedimentum, alioquin id fieret in statu glorioso in corpore, nec aliud imaginari potest; ergo &c. Dices esse ipsum corpus mortale.

Contrà, corpus mortale fuit in Christo, & tamen cognoscebat omnia in proprio genere, & in-

independentem à sensu; ergo &c. Item naturalis formæ virtus ad agendum non destruitur per eius esse per se subiectum, sed perficitur; nam quod perficit aliud in entitate, perficit etiam in operatione; sed anima est forma naturalis corporis organici, ad quod etiam habet per se appetitum; ergo corpus non tollit perfectissimum modum intelligendi, & connaturalem animæ, talis est cognoscere res in proprio genere independentem à sensu, ergo &c.

### PROPOSITIO VII.

*Intellectus in pura natura erraret,  
& falleret sine Dei protectione speciali sibi relictus.*

**R**atio est, quia subesset passioni appetitus pertusantis discursum; unde circa præsentia errare posset: item etiam circa absentia, quorum non haberet species congenitas, aut acquisitas in se, vel in alijs. Deinde indefectibilitas non debetur intellectui creato ex natura sua, sed ex dono Dei; nec intellectus noster ex natura sua potest componere, & discurrere sine erroris periculo. Adde, quod in natura pura fuissent morbi, &

aliæ necessitates corporeæ; atque aliæ occupationes terrenæ, quæ posset impedire veram cognitionem, terrena inhabitatio reprimeret sensum multum cogitantem; ergo de facili posset intellectus in natura pura errare ac falli sibi relictus, & ei non fauente Dei protectione,

### PROPOSITIO VIII.

*Homo in statu naturæ lapsæ non potest veritates omnes naturales speculativas cognoscere.*

**S**upponimus duplex esse verum, alterum naturale siue practicum sit, siue speculativum; & hoc est illud, quod non excedit lumen naturale nostri intellectus, & continetur in quidditatibus rerum naturalium, vel in primis principijs moralibus. Alterum est verum supernaturale, siue practicum sit, siue speculativum; & illud est, quod excedit facultatem intellectus humani, ut Trinitas, Incarnatio &c. Nostra Propositio est contra Caietanum, qui in prima secundæ q. 109. art. 1. loquendo de ordine ad verum speculativum, qui non dicit ordinem, seu respectum ad prudentiam & ad practicum intellectum; sed in sola cognitione

ne consistit ; dicit hominem ex suis naturalibus posse in hoc statu omnia vera speculatiua cognoscere . Est tamen nostra Propositio verissima, & communis; intelligenda est tamen de potentia non physica , sed morali : physicus enim abstrahit à difficultatibus , quæ in ipso usu occurrunt , & solum respicit obiectum secundum se ; vadè licet veritates omnes speculatiuè , etiam collectiuè sumptæ non superent facultatem intellectus humani physicè considerati; tamen si res secundum omnes circumstantias consideretur & moraliter , pro vt in re contingit , non est possibile hominem sine speciali auxilio Dei omnes cognitiones naturales collectiuè cognoscere . Accedant rationes probantes nostram Propositionem ; illarum prima sit : Experientia , quia hætenus nullus homo fuit, qui veritates omnes naturales attigerit; quod autem nunquam accidit , in moralibus, deputatur impossibile, igitur &c. Secunda ratio est , quia ad perfectionem intellectus speculatiui pertinet cognitio veritatis , & cognitio rei sine vllò errore : sed ad id requiritur puritas potentiarum ministrantium intellectui ; ergo cum phantasia

æstimatiua & imaginatiua facili negotio decipiantur , & à passionibus & sensibus concutiantur , sequitur in hoc statu hominem non posse omnes veritates naturales collectiuè cognoscere . Adde, quod nostra cognitio pro hoc statu dependet ex discursu , in quo non breue tempus infumitur ; at ingenium laxatur , ita etiam breuius est, & experimentum fallax ; ergo si de potentia morali loquamur , prorsus est impossibile veritates omnes naturaliter cognoscere .

#### PROPOSITIO IX.

*Homo potest quamlibet veritatem naturalem diuinsè cognoscere sine speciali Dei auxilio .*

**N**on multum immoror in his Propositionibus citando Doctores , & implicando rationes probantes istas nostras Propositiones ; quia de illis opulentissimè egi in tractatu de pœnitentia , de viribus liberi arbitrij .

Probatur ergo nostra Propositio . Primò , quia ex solo Dei generali auxilio omnis creatura habet efficaciam respectu alicuius effectus; ergo pari ratio-

ne lumen intellectus habet efficaciam ad cognitionem alicuius rei, aliàs non esset sufficiens ad verum cognoscendum. Item omnis potentia viribus suis potest ferri in obiectum sibi proportionatum, & connaturale: sed naturalis veritas est talis respectu nostri intellectus; ergo quamlibet veritatem diuini potest cognoscere, præsertim illas, quæ à sensibilibus ortum habent. Monitos tamen volumus Lectores, quòd cum dicimus hominem posse quamlibet veritatem naturalem sine gratia cognoscere, non intelligitur respectu cuiuscunque hominis: sūt enim aliqui tam parui ingenij, ut non attingant, nec possint attingere; quæ plerique alij acutioris & promptioris ingenij. Nec etiam intelligitur de quacunque veritate ex parte obiecti, quia, fortè veritas aliqua reperitur, quam nullus intellectus fuit assecutus.

Oppones contra Propositiones, quòd homo sine gratia potest cognoscere supremum ens, quod est Deus; ergo poterit cognoscere omnia alia, quæ inferiora sunt. Immò de gentibus dicit Paulus: *Gentes, quæ legem non habent, naturaliter ea, quæ legis sunt, faciunt*. Et ad Romanos

1. ait: *Inuisibilia Dei per ea, quæ facta sunt, intellecta conspiciuntur*. Item veritates naturales etiam collectiue sumptæ non excedunt rationem obiecti naturalis, & multò minùs capacitatem naturalem intellectus humani (cùm quævis potentia naturalis sit proportionata cum obiecto connaturali.) Cùm ergo post lapsum non amiserit homo naturalia, sequitur posse suis viribus cognoscere omnes veritates speculatiuas naturales. Adde, quòd vnaquæque res per suam formam absque aliquo speciali Dei auxilio potest producere actum suæ naturæ proportionatum: gladius enim absque speciali auxilio Dei scindit, & absque illo ignis comburit; ergo eadem ratione homo per vires naturales rationis poterit veritates sibi proportionatas cognoscere, nisi hominem velis constituere alijs rebus infœliciores. Adde, quòd intellectus humanus habet inclinationem ad cognitionem omnium rerum (omnis enim homo, inquit Aristoteles, naturaliter scire desiderat) sed naturalis appetitus frustra esse non potest; ergo &c.

Solutionem dabimus propositionis rationibus, præmissis nonnullis argumētis; quorum primū sit.



Primò certū esse debet non posse lumen naturale intellectus humani inclinare ad falsum, cū sit immediatè à Deo, aliàs Deus nos deciperet, & ad falsum induceret mediante illo lumine; ergo sicut Deus non potest immediatè infundere habitum inclinantem ad falsum, itā nec producere lumen inclinans ad falsum. Hac enim ratione fidei non potest subesse falsum, quia fides immediatè infunditur à Deo prima veritate, quæ nec fallere, nec falli potest; quòd si dicas etiam lumen naturale est immediatè à prima veritate, ergo erit tam certum & infallibile sicut lumen fidei: ea enim de causa lumen fidei infallibile dicitur, quia immediatè est à veritate prima; quæ nec fallere, nec falli potest. Negatur consequentia, non est enim utrobique eadem ratio: primò, quia licèt utrunque lumen certum sit & infallibile, præstat tamen certitudo luminis fidei propter maiores causas suæ certitudinis; quoniam una veritas, ut constat, maior est & certior alia. Et secundò, quia certitudo luminis fidei nobis apertè constat propter anteriorem regulam infallibilem, scilicet Ecclesiam, quæ est columna & firmamentum verita-

tis: at de lumine naturæ non ita certè nobis constat; cū multi arbitrentur se ex illo conclusiones elicere, qui tamen sæpè decipiuntur. Nunc descendamus ad responsiones argumentorum.

Ad primum negatur consequentia, licèt enim intellectus possit supremam veritatem cognoscere: imperfectissimè tamen cognoscitur, vbi nullus effulget radius Diuini luminis aut reuelationis, & hac ratione etiam, imperfectissimè veritates alię cognosci possunt aliquo modo, sub ratione quadam communi; non tamen particulari exactè, & sine ænigmate.

Ad secundum dico, quòd licèt veritates naturales sint omnes commensuratae & proportionatae naturæ; nihilominus necessarius labor ad earum investigationem, non est proportionatus viribus humanis. Rem, difficilem reddunt defatigatio, & conuersio ad reliqua sensibilia exteriora, & alia multa. Dicimus ergo argumentum concludere de potentia phisica, non autem de morali iuxta explicationem datam superius. Ad aliam dicimus concludere de omni vero naturali diuisiuè sumpto non collectiuè. Ad vltimum respondeo, naturale

appetitum solum inclinare ad cognoscendum omne verum, quantum fieri potest: non tamen inclinare ad omnem collectionem moraliter loquendo, sed ad veritates singulas, quae respicit, & in quas fertur ut in rem sibi possibilem, sicut homo naturaliter semper sibi appetit vivere, & licet videatur appetere impossibile, non ita est; quia in quacunque temporis differentia appetit vivere, & non respicit totius temporis collectionem, quod est impossibile; non enim est inconueniens appetere aliquid, quod totum simul collectione consequi est impossibile; alioquin visus frustra inclinaretur in visibile, & visibile est, quia omne collectione non potest percipere, aut substinere.

### PROPOSITIO X.

*Homo in natura lapsa potest aliquas veritates practicas suis viribus cognoscere.*

**T**Angit nostra Propositio difficultatem de veritatibus practicis & moralibus, quae ad rectam institutionem pertinent; an scilicet possit homo omnes illas sine speciali Dei auxilio cognoscere, & loquitur de

homine in natura lapsa.

Non posse hominem intelligere omne verum speculabile, propter peccatum, apertissimis verbis docuit Ecclesiastes cap. 1. *Cuncta res difficiles, nec potest eas homo explicare sermone.* Aliquantò inferius dicit; *Ego Ecclesiastes fui & Rex Israel in Ierusalem, & proposui in animo meo querere, & inuestigare sapienter de omnibus, quae fiunt sub Sole.* Hanc occupationem pessimam dedit Deus filijs hominum, ut occuparentur in ea &c. Ponderandum hic, quod dixit inuestigare de omnibus, minus, quippe est inuestigare aliquantulum de re, quam rem totam perscrutari; humanum studium ad quid occupatio dicitur, ad quid pessima? hò, idest laboriosa & molesta, ut exponit Hieronymus. Fauet huic discursui Diuus Thomas parte prima, quæst. 101. articul. 1. dicens: *Pueri in statu innocentia non nascerentur perfecti in scientia, sed eam in processu temporis absque difficultate acquisuissent inueniendo, vel addiscendo &c.* ergo nunc cum difficultate etiam addiscendo peruenimus ad veritates speculabiles. Diuus etiam Bonaventura in primum sententiarum super Prologum Magistri dubio 5. literaliter inclinatur in hanc partem,

partem ; comparat quippe spiritua-  
 lem visionem corporali , &  
 dicit quòd triplex est causa , qua-  
 re aliquis non videt visibile : vel  
 quia non vult , aut quia si vult ,  
 impeditur propter defectum or-  
 gani , aut propter absentiam lu-  
 cis , & applicando ad rem no-  
 stram dicit hanc provenire ab  
 absentia lucis ; verba Seraphici  
 Doctoris sunt hæc : *Licet enim  
 lux increata se non substrahat  
 quantum ad essentiam , vel quan-  
 tum ad qualemunque influentiam ;  
 substraxit se tamen homini , cum  
 peccavit quantum ad influentiam  
 perfectam , unde dicitur influxisse  
 ei ignorantiam : unde sicut oculus  
 in tenebris erat , sic hodiè mi-  
 ser humanus intellectus ; cum au-  
 tem plenè restitueretur in lucem ,  
 sicut oculus videre potest omne  
 visibile , sic intelligere omne intel-  
 ligibile .*

Concordat etiam Scotus , nam  
 in secunda quæstione Prologi  
 cum argumentatus fuisset sic ,  
 cognitio necessaria nunquam  
 defuit generi humano : sed sacra  
 Scriptura non erat in lege natu-  
 ræ ; ergo non est necessaria . Huic  
 difficultati respondens Scotus  
 dicit ad primum argumentum  
 principale : *Ad minorem respondeo ;  
 quòd lex natura paucioribus fuit  
 contenta ; qua moraliter ad filios*

*per Patres devenerunt , illi etiam  
 magis erant præditi naturalibus  
 &c.* Ex hoc ultimo dicto infero ,  
 quòd modò propter peccata gra-  
 viora & plura , attenuatæ sint vi-  
 res mentis ad intelligendum ;  
 ergo & tunc attenuatæ erant ,  
 quàmuis minùs : quia sicut ma-  
 gis ad magis , ita simpliciter ad  
 simpliciter ; nunc magis attenua-  
 tæ sunt propter peccatum quàm  
 in lege naturæ , ergo in lege na-  
 turæ erant simpliciter attenua-  
 tæ .

Nec prætereo hic , quæ habet  
 Scotus in eadem 2. dist. 33. quæ-  
 stione de paruulis mortuis in so-  
 lo peccato originali ; an passuri  
 sint aliquam poenam damni , ubi  
 tenet nullam poenam sensus ex-  
 terioris , nullamque tristitiam  
 esse passuros . Nullam etiam  
 habebunt poenam interiorem ut  
 tristitiam , quia si tristarentur de  
 statu suo , & tristitia secundum  
 Augustinum sit de his , quæ no-  
 bis inuitis accidunt ; ergo ipsi  
 inuoluntariè sustinerent statum  
 suum , & vellent oppositum , &  
 ita murmurarent contra disposi-  
 tionem Dei , & ita haberent  
 inordinatam dispositionem vo-  
 luntatis , quod videtur absur-  
 dum , nam sententia Divina est  
 disposita : *Quòd ubicunque ceci-  
 derit lignum , ibi eris ; Ecclesiast. 11.*

Igitur cum isti nullam inordinatam volitionem habuerint in isto statu, sequitur; quod nullam tristitiam interiorem habebunt. Alias rationes si quis desiderat, legat Scotum; utrum verò habeant pueri aliquam poenam in intellectu, & quantum ad cognitionem; subinfert Scotus: *Et si queratur de eis quantum ad cognitionem sine assertione, potest concedi, quod cum non habeant intellectum impeditum corpore corruptibili in tantum, quantum noster intellectus impeditur in isto corpore, nec etiam erit impedimentum per tormenta, sicut habebunt damnati; poterunt habere cognitionem naturalem rerum, & hoc de nouo acquisitam, quia hoc non repugnat immobilitati spiritus eorum: cum hoc non repugnet etiam immobilitati status beatorum, quod de nouo intelligat aliqua facta contingentia; igitur à simili non repugnat infirmitati status eorum, quæ est in videndo verum, quod de nouo intelligant aliquod verum necessarium, & ita possint addiscere aliqua vera necessaria de necessarijs in genere proprio.* Huc usque Scotus &c. Ex his verbis habetur, quod status illorum erit medius, quod ad vires intellectus, inter statum innocentie, & statum nostrum, nunc: carebunt enim Iustitia,

originali, & longè viuent, vnde poterunt proficere; carebunt etiam corruptibili corpore, ut dixit Scotus, nimirum corpore aggrauante & deprimente, quale est nostrum nunc propter peccatum, patet ergo Scotum non discordare à nostra doctrina. Notandum vnum pro corolario, quod mens humana in statu naturæ integræ secluso omni dono speciali non potuisset cognoscere omne verum collectiue pertinens ad ordinem naturæ; ita ut omnium speculabilium simul in particulari habuisset notitiam, quia omnes veritates speculatiuæ sunt ei proportionatæ diuisim non coniunctim, eò quod est virtus limitata possibilis diuertere à cognitione vnius propter cognitionem alterius &c. Dixi in particulari; quia methaphisicè & in vniuersali non est, neque impossibile, nec inconueniens, cum talis cognitio sit aliqualis tantummodò &c. Fatendum est igitur; quod vires humanæ mentis attenuatæ sunt ad cognoscendum verum speciabile infra ordinem naturaliter speculabilium causa peccati. Redeamus ad nostram Propositionem.

Pro cuius explicatione præmittenda est eadem distinctio, quam

quam suprà proposuimus. Aliud est cognoscere omnia , quæ ad veritates morales, & earum actus pertinent ; quòd scilicet quauis posita earum prosequendum, vel fugiendum sit. Aliud verò vnam, aut aliam veritatem cognoscere, quod alijs verbis dicitur : aliud est cognoscere singulas veritates diuisiuè , aliud verò collectiuè . Monemus de his veritatibus duplicem posse haberi cognitionem , aliam imbecillem & imperfectam permixtam ; quæ magis dubitationibus , qualis non est sufficiens ad induendam efficaciter voluntatem erga honesta , nec efficaciter euitandam ab inhonestis . Alia est perfecta, & constans, quæ certò & efficaciter sine dubitatione aliqua indicat de honesto & turpi .

Dicimus ergo quòd homo in natura lapsa potest aliquas veritates practicas suis viribus cognoscere . Primò quia dato opposito, sequeretur quòd intellectus humanus ex peccato primi Parentis non esset infirmatus , sed prorsùs abolitus & extinctus , consequens est absurdum ; ergo &c. Sequela patet : nam qui ægrotantur , licèt grauiter ; possunt tamen aliquas operationes exercere , soli enim mortui sunt , qui nullam actionem ha-

bere possunt . Secundò , quia homo suaptè natura est rationalis & politicus ; ergo ex viribus proprijs saltem diuisiuè potest habere sufficientem cognitionem moralem ad instructionem rationis . Item quia etiam in natura lapsa cognoscit homo has veritates ; *quod tibi non vis, alteri nè feceris* : bonum est prosequendum , malum verò fugiendum , sed ex his principijs moralibus potest colligere & inferre ; ergo modò non est adulterandum , ergo nec alienum retinendum , & sic de reliquis, ergo &c. Item ex opposito nostræ Propositionis sequeretur , quòd homo non peccaret , si nec diuisiuè posset cognoscere veritates morales , hoc ostendo ; quia nemo peccat in eo, quod inculpabiliter ignorat : sed homo inculpabiliter ignoraret , quid esset agendum ; ergo &c.

Probatum etiam nostræ hæc Propositio ex Scripturis . Primus locus est Psalmi 4. *Quis ostendis nobis bona? signatum est super nos lumen vultus tui Domine ;* scilicet lumen rationis, vt explicat Cyrillus lib. 1. in Ioan. cap. 9.

Secundus locus est Pauli ad Romanos 1. *Inuisibilia Dei ipsius à creatura Mundi per ea, quæ facta sunt, intellecta conspiciuntur; semper-*

*piterna quoque eius virtus & Dignitas, ita ut sint inexcusabiles, quia cum cognovissent Deum, non sicut Deum glorificaverunt. Vnde sic arguo: Philosophi ex D. Paulo cognoverunt cognitione naturali aliquam veritatem practicam; ergo saltem aliquod verum practicum cognosci potest sine auxilio gratiæ. Antecedens probatur: nam cognoverunt Deum esse glorificandum cognitione naturali; dicit enim Paulus à Creatura Mundi per eas, quæ facta sunt &c. & cognitione practica; dicit etenim Paulus propter hoc esse inexcusabiles; quia scilicet Deum non glorificaverunt, cum iudicarent esse glorificandum. Datur ergo aliqua cognitio naturalis veri practici.*

Tertius locus est ad Romanos 2. *Cum enim gentes, quæ legem non habent naturaliter ea, quæ legis sunt, faciunt, eiusmodi legem non habentes, ipsi sibi sunt lex, qui ostendunt opus legis scriptum in cordibus suis. Hæc Paulus; vnde omnes Gentiles naturaliter eas, quæ legis sunt facere, quod saltem debet intelligi quò ad aliqua præcepta legis. Quòd si naturaliter, ergo ex naturali dictamine rationis, quod explicatur magis per verba sequentia; qui ostendunt opus legis scri-*

*ptum in cordibus suis, & ita explicando explicat Chrysostomus, & Theodoretus hic, S. Cyprianus lib. 5. ad Quintum cap. 19. Augustinus lib. de Spiritu & littera cap. 19. Hieronymus in 3. epistola ad Alganiam & alij.*

Monemus tamen nostrum intellectum minus posse viribus propriis inquirere veritates practicas, quàm speculativas; ac proinde in illis incurrat maius periculum, quàm in istis. Est hoc nostrum monitum conforme doctrinæ Scoti, qui quodlibet. 18. docet; quòd bonitas tam moralis, quàm naturalis est aggregatio omnium, quæ ad talis esse integritatem requiruntur; bonum enim ex integra causa, non est ergo bonitas aliquod simplex (non loquimur de passione entis) sed aggregatio naturalis bonitatis in actu dicit convenientiam cum efficiente, sine, obiecto & forma. Bonitas moralis dicitur aggregatio eorum, quæ conveniunt actui non absolute; sed secundum rectam rationem. Legatur ibi Scotus. Accedat Ratio pro hoc nostro asserto: tunc dictamen est simpliciter rectum & verum practice, quando completè dictat omnia, quæ faciunt ad integritatem moralem actus hic, & nunc; sic enim erit  
com-



completa regula operandi ipsi voluntati. Si deficiat in vno, non est rectum nec verum ex solis principiis practicis, nec ex Conclusionibus, quarum veritates sunt evidentes intellectui; ergo non est tanta securitas non errandi in practicis, quanta in speculatiuis. Minor probatur, quia prima principia sumuntur à solo fine; intellectus autem solum sillogizatur tantum à fine ad media, seu ea quæ sunt ad finem, vt rectè Scotus in 2. dist. 6. qu. 1. ad primum, & 3. dist. 36. §. Etiam istud docens prudentiam procedere à fine ad media: sed rectitudo completa moralis non est à fine tantum, nec ex his quæ sunt ad finem; ergo quantumcunque dictamen possit esse rectum circa finem & media, potest adhuc contingere error circa formam actus circumstans vltiores &c. Veritates autem speculatiuæ non dependent ab huiusmodi extrinsecis, sed solum à principiis & terminis ritè dispositis. Adde quod dictamen morale est circa materiam virtutis exercendæ, quæ in arduo consistit, atque difficili repugnantibus concupiscibili & irascibili, ex quarum passione facilè turbatur ratio circa bonum in particulari, atque circumstan-

tias, quæ ex principiis finis non habent euidentiā; ergo potest contingere error ex inconsideratione omnium, quæ ad rectitudinem operis faciunt, ex mutabili conditione tam operantis, quam circumstantiarum; vnde oritur varietas, & indè fit, vt ea quæ in vno loco & tempore conueniebant, alijs non conueniant. Nostrium ergo dictum maximè verificatur in prosecutione boni, in fuga autem mali minus reperitur; quia vndecumque ostendatur rationali, sufficit vt intellectus sine errore dicat esse abstinendum ab opere simpliciter, quantumuis aliquæ conditiones eius ignorentur, siue bonæ, siue malæ.

Oppones probando hominem pro isto statu non posse sine speciali Dei auxilio aliquam veritatem moralem cognoscere. Primo, quia homo per peccatum traxit ignorantiam rerum agendarum, & non potest eam à se repellere viribus proprijs; ergo indiget speciali Dei auxilio, vt cognoscat quid fugiendum sit, quid verò prosequendum. Consequentia patet: Antecedens verò probatur ex D. Augustino lib. 1. retractationum cap. 9. dicente: *Ad miseriam iusta damnationis pertinet ignorantia difficul-*

*tas, quam homo patitur ab exordio natiuitatis suæ, nec ab isto malo quisquã liberatur sine Dei gratia.* Idẽ docet lib. 6. contra Iulianũ, & lib. de Baptismo paruulorum cap. 1. Respondeo infirmitatem naturæ in eo consistere, quòd non omnes veritates collectiue potest attingere; & idẽd petimus à Deo, vt sua gratia suppleat, quòd natura ipsa præstare præcisè nequit. Quare argumentum probat non posse hominem suis viribus sine speciali auxilio certum habere iudiciũ, & directionem de eo, quid faciendum sit in omni euentu circa mores: Nihilominus potest homo lapsus diuini verum aliquod morale cognoscere. Ad argumentum dicendũ, quòd loquitur de intellectu pro vt subijcitur prudentiæ, quæ supponit in appetitu virtutes omnes morales: nam virtus huius prudentiæ est fixè se habere ad appetitum rectum, & hæc explicatio est Caietani vt suprã; cum ergo per peccatum appetitus factus sit rebellis, pariter intellectus ignorantiam incurrit & destitutionem habet cognitione directiua siue in exequendo & operando: hinc est, quòd non potest aliquando non errare in tali cognitione. Ad pleniorẽ in-

telligentiam.

Moneo, quòd homo pro statu naturæ lapsæ non potest sine noua gratia, & noua illustratione Dei habere certam & constantem cognitionem omnium veritatum, quæ ad vitam studiosè dirigendam pertinent. Itaque non potest homo habere directiuum iudiciũ quid faciendum sit, quid verò fugiendum in omni re ad veritates morales pertinente; atquẽ adẽd non potest omnes illas collectiue cognoscere. Hanc defendit Durandus, Aegidius, D. Bonauentura. Legatur noster P. Vega super Concilium Tridentinũ cap. 12. & 13. fauet sacra pagina nostræ doctrinæ, vt euidenter patet ex illo Sapientiæ 9. *Cogitationes mortalium timida, & incerta prouidentia nostra &c.* hoc est nostra iudicia de moralibus rebus agendis sunt nobis incerta & ignota: & reddit continuò rationem, dicens; *corpus, quod corrumpitur, aggrauat animam.* Et Ecclesiastes 1. *Cuncta res difficiles, non potest eas homo explicare sermone.* Quibus testimonijs Sapiens apertè dicit iudicia nostra incerta esse & fluctuantia errore & falsitate permixta, ius causa, est commercium animæ cum corpore, & falsitatis rebellio con-

contra rationem. Fauet ratio, quia ad non errandum indiget homo diligentia non parua, & ordinatione appetitus; & licet in singulis operibus possit attendere, non tamen omnibus collectiue: laxatur enim animus, & distrahitur pluribus intentus; ergo moraliter est impossibile, vt homo aliquando non decipiat, immò hoc est vulnus ignorantie, quod incurrit homo per originale peccatum. Confirmatur, quia in hoc differt homo sanus ab aegroto; quòd ille potest suum munus integrè & perfectè exercere, hic verò minimè: sed munus intellectus huiusmodi in vnaquaque re agenda sine errore videre & cognoscere, quid bonum sit aut malum; ergo cum intellectus pro hoc statu æger sit & infirmus, sequitur quòd per se non potest integrè & perfectè hoc officium exercere, atque adeò indiget speciali Dei auxilio.

Nec potest homo in statu naturæ corruptæ cognoscere sine auxilio gratiæ omne verum morale, docet Bellarminus tom. 4. lib. 2. de gratia & lib. arbit. cap. 3. in responsione ad quartam rationem. Curiel hic dub. 2. §. Tertiò. Vt res planè percipiatur.

Suppono totam difficultatem

fitam esse in hoc, vt assignetur differentia inter verum speculatiuum & morale: nam cum, vtrumque sit verum naturale, atque adeò intra obiectum potentie naturalis non videtur maior ratio, cur potentie naturalis possit tendere (in multorum sententia) in omne verum speculatiuum, & non possit in omne verum practicum. Quæ differentia vt assignetur, suppono intellectum practicum dici per ordinem ad praxim, scilicet ad actionem; vnde fit vt à voluntate, cum obiectum non est euidens, magis inclinetur ad vnā partem, quàm ad aliam: nam, quòd voluntas inclinetur ad aliquem finem, aliquāliter trahit etiam intellectum ad assensum; quòd talis finis sit prosequendus. In quo sensus est axioma Aristotelium, qualis quisque est, talis ei finis videtur; scilicet iuxta propriam inclinationem. Iam probeatur nostrum dictum.

Iudicium practicum rectum, pendet maximè à rectitudine voluntatis, quæ intellectum iuxta propriam inclinationem non deflectat à vero: sed hæc rectitudo voluntatis haberi non potest, saltem in omnibus sine auxilio gratiæ; ergo iudicium pra-

eticum veri non potest haberi in omnibus sine auxilio gratiæ, & sic patet disparitas inter verum, speculativum & practicum: nam primum non pendet à voluntate, & etiam voluntate deviante ad malum, potest intellectus per se loquendo versari circa bonum speculabile, quod parum refert ad voluntatem; an ita se habeat. Contrà verò non potest circa omne verum practicum, quicquid hoc ordinetur ad praxim, seu actionem imperandam à voluntate; maximè pendet à bona inclinatione voluntatis, quæ haberi non potest in omnibus sine gratia.

Oppones secundò, quòd Sancti petunt à Deo, ut illos illuminet, petuntque huiusmodi cognitionem iuxta illud Psalmi 142. *Notam fac mihi viam, in qua ambulem.* Et 118. *Da mihi intellectum, ut discam mandata tua &c.* Et Sapientiæ 9. *Da mihi sedulum tuarum assidricem sapientiam &c.* ergo non potest illam viribus naturæ homo cognoscere, aliàs frustra illam peteret homo. Simili argumento utitur Augustinus contra Pelagium. Responderetur esse donum singulare, quòd Deus suo speciali auxilio hominem adiuvet ad cognoscendas veritates natura-

les; ut certius & expeditius, & absque erroris consortio veritates omnes cognoscat. Quapropter S. Thomas 1. par. quæst. 1. artic. 1. ostendit fuisse necessarium, ut aliqua quæ ratione naturali possunt cognosci, nobis proponerentur per fidem credenda, & Divina nobis revelatione innotescerent; ut certius, expeditius, & absque erroris periculo veritates cognosceremus.

Oppones tertio, non potest homo cogitare sine speciali auxilio aliquod bonum secundum illud Pauli 2. Corinthior. 3. *Non sumus sufficientes cogitare aliquid ex nobis.* Et ad Romanos 8. *Spiritus adiuvat infirmitatem nostram; ergo sine gratia non possumus cognoscere quid volendum, vel nolendum sit.* Eodem utitur Augustinus lib. de gratia Christi, & de peccato originali; & præcipue confirmatur ex insigni testimonio Augustini ad Sixtū Presbyterum dicentis: *Rectè velle, rectè sapere, rectè intelligere nemo potest; nisi habuerint spiritus sapientiæ & intellectus.* Responderetur testimonia illa intelligi debere de veritatibus supernaturalibus; videlicet de cognitione, & cogitatione conducente ad finem supernaturalem. Vndè Concilium Arausicanum ait: *Si quis*

*quis dixerit per natura vires hominem cognoscere aliquod verum, vel bonum quod pertineat ad vitam eternam, haretico fallitur spiritu; quia non intelligitur illud Ioan.6. Sine me nihil potestis facere. Et idem nouissimè in Concilio Tridentino sess.6. cap.1.2. &*

3. vel possunt etiam intelligi non de cognitione alicuius veri diuisiuè: sed de cognitione totius veri collectiuè, vt patet expressè ex iisdem Concilijs, & eandem solutionem habet secunda confirmatio ex Diuo Augustino.



## DISPVATIO V.

De productione primorum  
Parentum.

## PROPOSITIO L

*Adam fuis immediatè productus  
à Deo, ex quadam mixtura  
terra, & aqua.*



IDETVR colligi  
ex ipso Genesis  
textu, vbi legun-  
tur hæc verba :  
*Formauit igitur  
Deus hominem de*

*limo terra; & verisimile foret,*  
quòd vniuersorū Creator corpo-  
ris humani simulachrum prius  
effecerit, postea verò sufflauerit  
in eo spiraculum vitæ, rationa-  
lem dumtaxat creando animam;  
itaque luteum corpus illud prius  
exitit carneum, quàm anima  
fuerit infusa, idque totum in  
ipso temporis momento. Veri-  
similius est mihi, quòd Angeli,  
concursum haud habuerint ad  
humani corporis efformationē,  
licet aliquo functi fuerint mini-  
sterio; sicut exempli causa ter-

ram hinc indè colligendo, ve-  
luti quoque continget in carnis  
resurrectione, cineres nimirum  
colligendo vt homines resur-  
gant.

Inferes Adamum eiusdem  
fuisse speciei reliquis cum ho-  
minibus: at homines isti ex qua-  
tuor componuntur Elementis;  
ergo & Adam. Respondetur,  
Adam etiam in facto esse ex qua-  
tuor componi elementis, veluti  
de facto componuntur homines  
cæteri, etiamsi in fieri sic mini-  
mè fuerit: id verò haud foret ne-  
cesse, sicut ait Scotus in 2. dist. 18.  
lit. K. per Diuinam enim virtu-  
tem mixtum produci valet vni-  
co ex elemento; itaque solum  
ex aqua pisces fuere producti.

E limo terræ fuit æquum for-  
mari corpus Adami, quia me-  
dium adhibere quoddam cōue-  
niebat ad elationem reprimen-  
dam ac superbiam, quam ha-  
bere poterat Adam ex innume-  
ris naturalibus, nec non superna-  
turali-



turalibus bonis, quibus à Deo decoratus extitit.

Poteris opponere: si ex nihilo corpus Adæ productum fuisset, in illius productione magis appareret omnipotentia Diuina, quoniam maiori opus est virtute ad productionem rei ex nihilo, quàm ad productionem rei ex præsupposito subiecti; ergo Adami corpus ex nihilo produci magis conueniens erat, quàm ex terræ materia. Antecedenti concesso, consequentia negatur: etenim quàmuis ad productionem corporis Adæ ex nihilo, magis apparet omnipotentia Diuina; quoniam ad maiorem omnipotentia Diuinæ manifestationem ex vna parte haud opus erat ex nihilo producere corpus Adæ, cùm sufficienter in animæ rationalis productione satis manifestata fuerit, & congruum fuerit ex altera parte illud fieri ex terræ materia, ergo &c. Inquies cæterorum corporum nobilissimum esse corpus humanum, cùm ad formam ordinatam sit nobilissimam, rationalem videlicet animam; igitur conueniens fuerat ex nobiliori materia fieri, non autem è terræ limo. Antecedens concedendo, negatur sequela; quòd enim ex hac, vel illa materia, corpus com-

ponatur, ad maiorem haud conducit perfectionem aut eius nobilitatem, neque ad minorem: nam corporis nobilitas, à materia non prouenit, sed forma; lapis enim & aurum eiusdem rationis habent materiam (siquidem cunctis in sublunaribus eiusdem speciei est materia) & nihilominus eiusdem non sunt nobilitatis: vnde cùm ex vna parte corpus humanum fieri ex materia corporis cœlestis, ignis, vel alterius corporis perfectioris, ad maiorem illius nobilitatem minimè conducat; ex altera verò parte ad humiliandum hominem, decebat ipsum fieri è limo terræ, licet perfectissimum sit corpus: magis attamen conueniebat ex ea materia terræ, ipsum efformari, quàm ex alterius perfectioris corporis materia.

## PROPOSITIO II.

*Congruum erat ex aliqua parte Viri, mulierem fieri.*

**H**uius Propositionis probat veritatem, quia exinde hominis dignitas demonstratur; ergo eapropter congruum fuit. Probatur antecedens ex hoc; quia omnium mulierum prima à Viro

Viro fuit desumpta, prouenit Virum esse naturæ humanæ principium, nec vllum etiam esse individuum illius, quod ab ipso principiatum non fuerit; veluti verò Dei dignitas apparet in eo, quod rerum omnium sit principium, quod etiam nil existat quod ab ipso minimè proueniat & initium sumat; ità Viri dignitas proportionabiliter apparet in eo, quod naturæ humanæ sit exordium; ergo congruum fuit, quod omnium mulierum prima fieret ex aliqua viri parte, manifestandi gratia hominis dignitatem. Addas insuper hoc conducere, vt inter virum ac mulierem facilius seruetur mutua dilectio: debet enim homo naturaliter inclinari ad amandum seipsum ac omnem sui partem, cum verò mulier sit pars à viro desumpta, ad ipsam diligendam naturaliter inclinari debet; mulier etiam reciproce inclinari debet naturaliter ad virum amandum, cum sit pars ipsius. Fuit ergo Eua producta ex vna costâ Adæ.

Inferes, ergo Adam portentosus homo existit, quod duplicem habuerit costam. Difficultas vrgetur: sequeretur enim vel quod Adâ plures haberet costas, quàm nos habemus, & ità portentosus foret, aut si vnica so-

luna fuit illi, deducitur quod illa deficiente Adam extitit defectuosus. Propter illam difficultatem Caietanus ait: *Aedificauit costam, quam tulit de Adam in mulierem &c.* hoc metaphoricè intelligendum est. Caietani sententia displicet: Primò, quoniam historica est Moyſis narratio; ergo propriè sumi debet. Secundò, quia Sancti Patres fatentur vnà cum D. Augustino lib. 9. super Genesim cap. 17. *Fidelitate credimus primam faminam ex primo viro factam esse.* Difficultati responderetur consequentiâ negando, seu Adamum fuisse portentosum: ratio est, quod Adam censendus non esset velut homo particularis, immò sicut vniuersalis humanæque naturæ Princeps; eapropter ista opus erat illi costâ. Vel si gratum non est istud responsum, cum Catherino aias Adamum plures non habuisse costas; sed pro illa costâ à Deo ablata per Euam, aliam ibi ædificasse

carneque eam imple-

nisse iuxta illud:

*Et repleuit eam.*

*carne pro*

*ea.*

\*, \*

# DIFFICULTAS.

*Quomodo corpus Eue ex una sola  
costa formatum fuerit.*

**R**espondeo hoc intelligendum esse quantum ad principaliorem partem fundamentalem: nam deinde Deus totam machinam corporalem Eue per creationem fortassis effecit, vel ex alia materia adiungendum ossa ad ossa, & carnem ad carnem.

Petes, ad quid Deus Euam ex Adæ costa formavit, cum ex alia materia posset illam formare? Respondeo multis de causis hoc factum: Primò, ut præfiguraret Ecclesiam ex latere Christi in Cruce oriendam iuxta illud ad Ephēscos 5. ex verbis Adæ: *Hoc nunc os ex ossibus meis, & caro de carne mea*; ego autem dico in Christo & Ecclesia: eò vel maximè quia ex Adamo dormiente fuit formata Eva, sic figurabatur Christus mortuus in Cruce, eò somnus ille non fuerit verus, sed potius extasis; nam ut ait Augustinus: *vigilabat intrinsecè Adam videndo per revelationem hoc altissimum mysterium Ecclesie in Christo*. Secundò, fuit Eva formata ex costa Adami, ut

ostenderet Deus Euam esse sociam Viro non verò Dominam vel ancillam; quod difficultaretur, si ex capite, vel ex pedibus esset effecta: Tertio, sic voluit Deus significare mulierem (velut debilioris naturæ) esse debere sub tutela & protectione Viri, sicut costa manet sub tutela brachij. Adde (si placet) non ex dextro, sed sinistro latere fuisse formatam Euam; ut cum ex parte cordis producta fuerit, homo ad eam amandam vehementius inflammaretur, & sic indissolubile fieret Sancti Matrimonij vinculum.

## PROPOSITIO III.

*Probabilius est corpus Eue fuisse factum ex costa Adæ tanquam ex subiecto transmutationis, quàm ex ea fuisse productum per transsubstantiationem.*

**M**onco; quòd subiectum seu materiam, ex qua aliquid fit, est in duplici differentia; nam alia est materia partitæ, & est alia quæ remanet in re producta tanquam pars eius intrinseca, sicut materia prima in corpore humano. Alia est materia transmutationis, & est illud corpus, quòd corrumpitur

ad productionem alterius, & in cuius materia introducitur noua forma; v.g. quando ex aqua generatur aer, materia transmutationis in productione aeris non est illa materia prima, quæ prius fuit sub forma aquæ, & quæ remanet sub forma aeris; sed ipsa aqua quæ fuit corrupta, & in aerem transmutata.

Secundò monemus; quòd dum dicimus mulierem esse factam ex costa Adæ, hoc posse intelligi dupliciter. Primò tanquam ex subiecto, & materia transmutationis. taliter, quòd forma costæ fuerit corrupta, & in eius materiam introducta miraculosè forma corporis humani nullo agente naturali concurrente. Secundò potest intelligi corpus mulieris fuisse formatum ex costa, nempe per transsubstantiationem taliter; quòd costa fuerit transsubstantiata in corpus mulieris, sicut de facto panis in altissimo Eucharistiæ mysterio transsubstantiatur in corpus Christi.

Nunc probatur nostra Propositio: aliquid quod fuit in corpore Adami debuit remanere in Eua, sed si fuisset facta ex costa per transsubstantiationem nihil ex ea in illa remaneret, sicut in mysterio Eucharistiæ nihil panis

transsubstantiati remanet in corpore Christi; ergo probabilius est corpus Eux fuisse formatum ex costa per transmutationem, quam per transsubstantiationem. Accedat altera ratio, tunc aliquid sit ex aliquo per transmutationem, quando vnum corrumpitur, & materia eius transmutatur ad essendum in alio composito, vt patet quando ex aqua generatur aer, sed cum conueniens fuerit, vt aliquid Adami in Eua remaneret, probabile est quòd forma costæ, & per consequens totum fuit destructum & materia eius transmutata ad essendum sub forma corporis, vt aliquid Adami in muliere remaneret; ergo probabilius est, quòd Eua fuit facta ex costa per transmutationem, quam per transsubstantiationem.

Oppones, vt corpus fieret ex costa per transsubstantiationem non erat aliquid inconueniens, quòd illa fuerit minor, vt patet de pane, qui transsubstantiatur in corpore Christi, licèt illo sit minor; sed vt corpus Eux fieret ex costa per transmutationem, inconueniens erat, quòd illa esset minor; ergo cum ista fuerit minor corpore mulieris, inconueniens est, quòd ex ea fuerit factum.

PROPOSITIO IV.

*Adam fuit productus extra Paradisum.*

Aut per transmutationem, & proinde probabilius est fuisse ex ea factum per transsubstantiationem. Minor probatur, maior non potest fieri conuenienter ex minori sine additione: sed costa Adami fuit minor corpore Euæ, & conuenienter non debuit fieri additio materiæ, quia sic non magis diceretur mulierem fuisse factam ex costa Adami, quàm ex illa materia superaddita; ergo vt corpus mulieris fieret ex costa per transmutationem, erat inconueniens quòd illa fuerit minor, & proinde non est probabile ex ea fuisse factum per transmutationem, sed per transsubstantiationem.

Respondetur concedendo primam maiorem, & negando minorem: nam licet fuerit minor minusque materiæ habuerit, quàm corpus Euæ exigebat; illa tamen fuit à Deo supernaturaliter creata & multiplicata, vt sufficeret ad formandum illud corpus in quantitate perfecta exigit à virili ætate, sicut panes Euangelici in manibus Christi fuerunt miraculosè multiplicati.

**P**Ræmittimus non conuenire Doctores inter se; an Paradisus terrestris fuerit corporeus? Aliqui dicunt spiritualementem, & methaphoricum: alij verò partim corporeum, & partim spiritualementem. Communissima Theologorum & SS. Patrum sententia est, quòd etsi Paradisus in sua significatione denotet locum, vbi foeliciter vivitur; & in sacris litteris interdum sumatur spiritualiter iuxta illud: *Hodie mecum eris in Paradiso.* Et hoc tripliciter: primò pro Paradiso analogico, qualis est Beatorum aggregatio. Secundò allegorico, qualis est status Ecclesiæ militantis. Tertiò pro tropologico seu morali, qualis est amœnitas virtutum in anima, seu bona conscientia; aliquando verò sumitur corporaliter, & hoc dupliciter. Primò pro Paradiso corporali cœlesti, vt est Empireum, sedes beatarum mentium: Secundò pro Paradiso terrestris, de quo modò loquimur, qualis est locus quidam in quo Deus posuit Adam, & hoc

reuerà est locus in terra corporeus iuxta illud Geneseos 2. *Plantauerat autem Dominus Deus Paradisum voluptatis, in quo posuit hominem, quem formauerat, &c. Produxitque Deus de humo omne lignum pulchrum visu, & ad vescendum suauē, lignum quoque vite in medio Paradisi.* Paradisum hunc fuisse corporeum demonstrant verba Sacre pagine, quæ quando sub historico sensu possunt accipi, sunt intelligenda secundum propriam & vsitatam significationem, nec est recurrendum ad sensus mysticos. Ex rebus autem ibi actis (vt est introductio, & expulsio Adami) colligitur esse locum corporeum, qui ob eximiam bonitatem, amœnitatem, ac fecunditatem erat hortus quidam amœnissimus, & tanquàm Paradisus.

Oppones, aquæ diluuij quindecim cubitis ascenderunt altius quouis monte, & tamen ad Paradisum non attigerunt; ergo spiritualis, & non terrestris. Respondetur, quòd ille aquarum ascensus fuit miraculosus, ad punitionem peccatorum ordinatus; ideò non accesserunt ad Paradisum, in quo non erat peccatum puniendum. Dices, ille terrenalis Paradisus dicitur

Paradisus voluptatis: sed voluptas est in mente; ergo Paradisus est mentalis, seu spiritualis. Respondetur, quòd dicitur Paradisus voluptatis effectiue, pro vt est locus quidam delitiosus, nostris sensibus exterioribus valde delectabilis. Habebat hic Paradisus pro sua dignitate pulchriora obiecta, & animalia, vt aues benè cantantes, & quadrupedia elegantiora: cetera, verò non fuerunt adducta nisi ministerio Angelorum, quando iuxta eorum proprietates Adam eis nomen imposuit, quibus impositis statim fuerunt expulsa.

Si verò petas de modo, quo ab Angelis tot animalia fuerunt adducta in Paradisum terrestrem. Sanctus Augustinus ait lib.9. Genes. cap.14. quòd Angeli posuerunt aliquid in imaginatione ipsorum, per quòd statim cum mansuetudine illuc omnia faciliter veniebant ex omni genere masculus & fœmina. Alij Patres alia excogitant, vt quòd Angeli absque impressione ea conducerent: Alij varia, & diuersa dicunt. Quid nobis probabilius appareat, dicemus in subsequenti discursu, in quo agitur.



*De loco & situ Paradisi.*

**V**ariæ extant in hoc sententia Sanctorum Patrum ; aliqui dixerunt Paradisum immenso penè Oceano distare à terra ; vt statim responderent cur hominibus foret inaccessus , & vsque modò à nullo repertus. Alij dixerunt Paradisum esse in loco altissimo & orbi lunari proximo , & hoc propter tres causas : prima ob salubritatem habitationis , locus enim Cœlo vicinus est tranquillissimus , temperatissimus , & ad producendam vitam commodus ; quia à nullo extrinseco ortu potest infici . Secunda , vt vindicarent Paradisum ab illo exitio vniuersali diluuij , quod operuit omnes montes . Tertia , vt ostendere possent , quomodò quatuor illa flumina irrigant terram nostram : si enim prope Cœlum non essent , non possent flumina illa ità fluere per totum.

Prima opinio nullum habet stabile fundamentum , cùm certum sit non esse tale Oceanum , nec terra infra illud ; eò vel maximè quia Paradisus ponitur in Edon , quæ regio procul distat à Mesopotamia , vel Arabia .

Secunda est incredibilis , nam ille locus est inconuenientissimus habitationi tùm propter vicinitatem Solis ac stellarum , tùm propter elementum ignis . Item dicit Ptolemæus , quòd interuallum inter Cœlum Lunæ , & terræ est ferè septiès ac deciès maius diametro terræ , hoc est ipsius terræ longitudine ; quæ distantia computata in ordine ad nostra milliaria , continet milliaria centum millia , &c. ergo si Paradisus culmine suo attingit Cœlum necesse est ipsum habuisse pro basi vniuersæ terræ longitudinem quod est ridiculum . Tostatus ex Alexandro dicit Paradisum esse in tertia aeris regione , vt dicatur excedere terminos huius nostri aeris caliginosi , & turbulenti . Mihi improbabilis opinio ista ob dictas rationes , nulla regio est ineptior habitationi quàm tertia ob nimiam siccitatem , ingentem ardorem ; atque vertiginem Cœlorum sphaeræ ignis , &c. Quod dicunt de montibus altis Olympo , &c. fabulosa sunt , vel si verum est , patet esse ineptos habitationis propter aeris siccitatem .

Oppones ; si Paradisus non fuit in alto positus , tunc aquis diluuij fuisset perditus ; nam excessit

cessit quindecim cubitis altissimos montes. Scotus dicit illam inundationem fuisse miraculosam, ac proinde non debuisse obruere Paradisum, qui immunis mansit, sicut in Iordanne & mari rubro.

Seraphicus Bonauentura ait fuisse sub, vel non procul ab æquinoctiali; nam ibi est summa temperies ob æqualitatem dierum, ac noctium. Scotus impugnat, quia illa regio ob vicinitatem zonæ torridæ Solis ardore vehementer infestatur, & in Hyeme est proximior ibi Sol, quàm nobis in summa Aestate, minùsque aptus est locus ille humanæ habitationi.

Concludunt aliqui propter rationes dictas, Paradisum esse, vel fuisse in ijs regionibus, quas Tigris & Eufrates præterlabuntur non longè à Mesopotamia. Scotus ait Paradisum terrestrem esse conuenientissimum locum humanæ habitationi, ex parte sua nimis idoneum ad præseruandum à corruptione. Patet, quia debebat esse voluptuosus cum aere temperatissimo, dulci, ac suauis, nec extremè calidus, neque frigidus, nec summè humidus, neque siccus: quæ sunt qualitates primæ, quæ temperatæ faciunt optimum tempe-

ramentum; non potuit ergo esse sub Aequinoctio.

Inimò ille locus adèò conseruatiuus ac nutritiuus est, vt Scotus dixerit Enoch & Eliam non miraculosè, sed naturaliter ibi viuere vsque in fine Mundi: si enim Adam, & Mathusalem extra Paradisum potuerunt tamdiù viuere naturaliter, cur illi non in Paradiso?

*De quantitate, scilicet latitudine  
& longitudine Paradisi;  
Et quare illum tam magnificum  
condidit Deus?*

**A**liqui dixerunt esse magnum, & amplissimum locum; tum ex parte flumini, qui eum irrigabat, quem maximum, & amplissimum declarant quatuor illa flumina, quæ indè scaturiunt. Tum quia si Adam non peccasset, debebat esse domicilium omnium hominum illius status; ergo propter tantam multitudinem debebat esse amplissimus. Alij, vt Tostatus, cum valdè angustant, nec longitudine fuisse plus duodecim miliarium; quia non debebant ibi manere, nisi qui nascebantur electi, & isti sunt paucissimi: non enim erat locus bestiarum ad fœcundandam terram, quæ

erat fertilissima. Quidam Ioannes Anglius apud Sibillam dicit habere amplitudinem trium Insularum, Angliæ scilicet, Siciliæ & Sardinia: sed cum res sit omnino incerta, dicant hi, qui sciunt.

Mihi credibile est Paradisum non fuisse locum adeo parentem & spatiosum, cum appelletur hortus in sacra Scriptura, & collocatum dicat in regione Edon, ad plagam eius orientalem, eiusque in medio fuisse lignum vitæ scientiæ boni ac mali. Nec tam angustum, ut censet Tostatus, sed esse tantæ capacitatis, quanta erat necessaria pro habitatione hominum illius status, qui rouerâ fuissent multi, & longam vitam vixissent: sed credendum non est, semper omnes in illo Paradiso habitaturos.

*D V B I V M.*

*Quare paradysum tam magnificum  
condidit Deus: qui non debe-  
bat esse humano vsui ni-  
si per breuissimum  
tempus ?*

**V** Arij diuersas assignant rationes: præcisâ est, quia omnium Creator non gubernat, & disponit secundum præscientiam, sed secundum exi-

gentiam naturæ & status; quoniam autem status Adami erat perfectissimus, quando fuit sine peccato, idè debebatur locus ei correspondens secundum exigentiam sic dispositus, ac ordinatus. Quantumuis ergo Deus præstauerit Adamum peccaturum, ac eo loco priuandum; voluit tamen per illud breuissimum ibi permanere, ut raperetur hinc indè ad contemplandum, quod si in terris erat aliquid corporeum, & spectabile tam iucundum: multò fortius in Coeli Paradiso esse iucundiorum, ac pulchriorem credo.

*CVRIOS A DIFFICVLTAS.*

*Cum Paradysus sit corporeus, magnum quid videtur nullo tempore à nemine fuisse inuentum..*

**A** Ssignant aliqui rationes, quia est extra nostram terram habitabilem, & ultra amplissimum, ac mortalibus inuigabile Oceanum: alij dicunt esse inaccessum propter eius altitudinem, utpotè qui lunarem orbem tangit. Hæc fabulosa puto.

Dicunt alij, qui magis sobriè loquuntur, tribus de causis Parat-

Paradisum esse inaccessum, & inaccessibilem. Primò propter altissimos, ac insuperabiles montes, qui illum circumcunt; Secundò propter inuias interpositas solitudines, ferocissimis atque cœnenosissimis bestiis repletas; tertiò quia circumcirca quædam sunt loca spiritum exhalantia quendam exitiarum, non solum hominibus, sed superuolantibus etiam auibz læthalem.

Chrisostomus dicit ante diluuium notam esse Paradisi viam, sed inaccessum propter illam terribilem Cherubini custodiam; post diluuium verò illa inditia, seu viæ aquis abruptæ, & deletæ prorsus rationent, seu modum illuc perueniendi occultarunt, ac abstulerunt.

Secundum veritatem, Paradisus terrestris sua natura inaccessibleis est; si enim sua natura inaccessibleis est, ad quid arce re hominem ab eius introitu, & adhibere sic munitam custodiam? Sed cur requisitus, vel non repertus? à quibus, si ab infidelibus nequaquam; quia omnia ista dicunt esse fabulosa, ergo ad quid quærere si à fidelibus nec etiam; nam ex fide habent tale iter esse hominibus interclusum, ac Paradisi lo-

cum adiri non posse; tu ergo, &c.

## PROPOSITIO V.

*De dominio hominis in statu innocentie.*

**M**Onemus, quòd triplici modo potest exagitari quæstio de hominis dominio; respectu innocentie, respectu animalium, respectu hominum, & respectu sui. Quantum ad primum dominium satis est notum ex sacra Scriptura hominem illud habere, statim enim post hominis creationem dixit ei Dominus: *Præst pisces, & volatilibus Celi.* Hic notandum est, quòd primo loco posuit pisces; videlicet quòd homini omnium animalium minimè dociles, minimè humani imperij capaces, ac nostræ consuetudinis, atque disciplinæ participes esse videntur; quòd si eis præest homo, quantò magis cæteris animalibus dominari credendum est? Hinc non laudamus sententiam Theodoretii asserentis Cætes, ac Balenas pisces magnos propter homines non esse factos, ac proindè ab hominis dominio prorsus immunes; nam causa propter quam dicitur homo præ-

præfse animalibus est prudentia, & mentis ratio, quam non habet minùs respectu aliorum, piscium, quàm Cætorum, & Balenarum; & quàmuis non posuit expresse Moyse, implicite tamen intellexit sicut implicite de cæteris bestiis terræ locutus est: & Iacob tertio habetur, omnem naturam bestiarum, volucrum, ac serpentum, &c.

Hic primò noto, quòd duplex est dominium, seu potestas: vna in actu primo, quæ vocatur Ius dominij, ac potestatis; alia in actu secundo, quæ vocatur executio seu vsus dominij. De Iure dominij non est dubitandum, quin in statu innocentie non præfulserit homo ex locis Scripturæ: non enim aliaratione cunctos animantes ad Adamum adduxit pro impositione nominis, nisi quia exprimere volebat Ius dominij, & potestatis quod super eas sibi tradiderat; eò vel maximè quia, rectitudo ordinis naturalis, & ratio Diuinæ prouidentie id postulat, vt quæ imperfectiora, sunt perfectioribus subijciantur, & inferiora per superiora regantur.

Potestas ista, seu Ius dominij etiam post peccatum remansit in homine; nam sibi debetur pro-

pter rationalis naturæ excellentiam, quam non perdidit homo propter peccatum, quod non destruit, nec destruere potest naturalia dona: patet, quia post diluuium dixit Deus; *Terror vester, ac tremor sit super cuncta animalia terræ*. Accedie, quia si per peccatum hoc Iure dominij expoliatus fuisset homo, non liceret animalia capere occidere, & ad libitum facere, quod velit.

Tota difficultas est de vsu, & executione huius potestatis, & imperij, & quidem ante peccatum, & in beato illo statu plenissimus erat, & amplissimus huius potestatis ac dominationis vsus, nec vlla in animalibus repugnantia, minimèque laboriosus aut difficilis; quia nec ex parte hominis erat impedimentum, aut difficultas. Patet, nam omnes Sancti Patres dicunt in illum locum Genesis subiecta, fuisse animalia homini illo statu, sicut pars sensitiua inferior intellectiua: sed tunc ratio plenissimè dominabatur sensibus & affectibus, ita vt sine molestia eos retraxisset à suo delectabili obiecto; ergo similiter animantia sub perfecto dominio sibi subdebantur. Signum huius dominij visum est quandoque in

Sanctis , vt Daniel imperauit Leonibus , Elisæus Vrsis, noster Seraphicus Franciscus, ac Antonius de Padua piscibus , auiusque , &c.

Verùm hoc interest inter statum hominis ante , & post peccatum , quòd hæc animalium obedientia in illo statu fuisset perpetua , & ordinaria sine vllò miraculo ; post peccatum extraordinaria est , sed breue , & particulare tempus non sine miraculo , & respectu quorundam Sanctorum Virorum. Dices, quomodò animalia erant humani imperij capacia in illo statu , & sibi obediebant etiam ferocissima animalia : nec enim in illo statu erant ratione prædita ; vt intelligerent , & quid imperaret homo, & quomodò mandata eius exquerentur ? Certè animalia erant, sicut modò, substantialiter in suo esse vel ferociæ, vel mansuetudinis .

Ex duplici capite proueniret huius dominij animalium obedientia : Primò ex solertia , sagacitate , industria , & prudentia humana , quam tunc habebat perfectissimam , & noscere poterat ingenium , & vim cuiuscunque animalis ; & cognouisset omnes vias ac rationes , quibus animalia etiam ferocissima atque

sæuissima mitigari , domari & sub potestate eius subijci posset , & hac ratione homo in illo statu potuisset , immò de facto perfectè imperasset cunctis animantibus .

Moneo quatuor modis efficì posse , vt animal quantumuis sæuum mansuefiat , & sub potestate ac dominio hominis redigatur . Primò per arcanos quosdam modos , qui certis verbis , & carminibus constant , vt sunt incantationes : secundò per commutationem regionis , atque consueti victus variatione ; si enim Leones in partes frigidas transferantur , & cibis mollioribus nutrantur , paulatim ferocias Leonum præmittitur . Tertiò per consuetudinem eorum , qui animalia ferocia curant , alunt , educant , & benignè tractant ; adeò rabiem , & ferociem suam exuunt , vt illis blandiantur , alijs verberentur , timeant , &c. Quartò arte , industria , & consuetudine non solum fauent hominibus, sed ad eorum verba , & nutus morem gerant ; quia in parte sensitua potest habitus generari ex frequenti actuum exercitio .

Secundo modo est ratio, quam possumus accipere hanc animalium promptam obedientiam in statu



statu innocentiae tota sumitur, & pendet ex singulari quadam, erga hominem in illo statu providentia, & cura, qua factum est; ut non solum ei non nocerent, sed parerent ad nutus. Dixerunt aliqui huiusmodi singularem providentiam exerceri per Angelos, quorum ministerio fiebat; ut humano imperio cuncta animalia sine impedimento, difficultate, & repugnantia subessent. Dicerem ego, quod immediate parebant animalia, quia Deus speciali favore faciebat; ut animalia non apprehenderent tanquam eorum inimicum hominem, sed amicum ac beneficientem, ut modò est de cane, &c. Cæterum post Adami peccatum huiusmodi hominis imperium quantum ad eius usum, & executionem, licet non sit totaliter extinctum: tamen in partem diminutum, & angustatum: licet enim imperet aliquibus animabus, cum labore est, & difficultate. Erravit Vgo de Sancto Victore hominem ex peccato amisisse dominium huiusmodi in duobus præcisè generibus animalium, in maximo ut sunt Leones, Ursi, Tygres, Pantheræ, &c. ut se intelligeret, hac excellentia dominandi spoliatum respectu excellentium

animalium, & in minima vilissimaque animalia ut sunt muscæ, pulices, pediculi, &c. quæ minus quam maiora illa & ferocia animalia domari possunt, & imperio nostro submitunt; hinc agnosceret in quantam utilitatem propter peccatum delapsus & abiectus est homo.

Nota, quod quantum ad secundum dominium respectu hominum est difficultas; an in eo statu homo homini imperasset? videtur, quod nonnam loquens Deus de hominis imperio solum ad animalia restrinxit; ergo non debet dilatari, & extendi. Accedit, quia ea ratione homo cæteris animantibus imperat, quia rationalis, & ad Dei imaginem factus est: sed hoc est æquale in omnibus hominibus; ergo nulla ratio est, cur homo homini imperasset. Item subijci aliorum imperio, & ex alieno iudicio, & voluntate pendere, cum sit contra hominis inclinationem, non potest esse quin sit involuntarium, nolitum, acerbum, & odiosum; quod procul fuisset ab illo foelicissimo statu. Tandem servitus nata videtur ex peccato, etenim post peccatum dixit Eux: *Sub potestate Viri eris, & ipse dominabitur tui.* Fauet

Augustinus lib. 9. de Ciuitate Dei cap. 15. *Conditio quippè seruitutis Iure intelligitur imposita peccatori.*

Nihilominùs tamen statuendum est fuisse in illo statu, hominum quorundam in alios homines, imperium. Probatur, nam cum homo naturaliter appetat societatem, gaudeatque de humana societate: & cum certum sit tunc homines multiplicatos non in solitudine futuros, sed congregatos, & consociatos; nè qua perturbatio, & præpostera confusio fuisset in tanta hominum multitudine: necesse erat aliquis ordo superiorum, & inferiorum, regentium, & rectorum, & mandata exequentium, & sic consentaneum erat; vt illi præessent, & imperarent istis. Item in Angelis adest huiusmodi ordo hierarchialis, vt alij inferiores, & alij superiores sint: hi mandantes, & illi exequentes; ergo similiter in statu innocentiae inter homines. Certè negari non potest: Patres in eo statu filijs debuisse imperare, & maritos vxoribus.

Pro solutione argumentorum monemus; quòd duplex est dominium, dispoticum scilicet, & politicum: seu vnum seruile, &

aliud ciuile. Primum est respectu Dominorum in seruos, & vtique est coactum & violentum, inuoluntarium, & acerbum: secundum est Patrum in filios, & voluntarium atque iucundum est; quia ad propriam vtilitatem, ac bonum electum, & assumptum est. Primum totum dare respectum ad bonum, & emolumentum dominantis, quapropter non potest non esse onerosum & odiosum subditis: contra enim voluntatem, & inclinationem est laborare, & non in suam, sed in alterius vtilitatem cedere. Secundum imperium non refertur ad bonum dominantis, sed subditorum, & ad bonum publicum, & commune: in illo igitur statu vni præfuisent alijs non præfectura seruili, sed ciuili; quæ nihil violenti, inuoluntarij, & acerbimixtum habuissent eo modo, quo iusti dicuntur dominari apud Augustinum: non enim iusti dominandi cupiditate imperant, sed officio consulendi; neque principiandi superbia, sed prouidendi misericordia. Hoc naturali ordine præscribitè, Deus hominem condidit.

Ad rationes in oppositum; ad primam dicimus, quòd Scriptura

ra non dixit : *Dominamini hominibus* ; quia hoc non est vniuersale omnibus , sed aliquibus sapientibus , & prudentibus . Sed respectu animalium erat ordo vniuersalis imperandi , eo quòd Dei imago : & sic ad secundum , tale dominium non competit homini ; quia homo est ad Dei imaginem , sed propter eius prudentiam , potentiam , & excellentiam in gubernando . Ad aliam , patet ex dictis de duplici dominio .

Oppones ; cur ergo in pœnam datum est mulieri esse subiectam Viro , si tunc etiam subijceretur illi ? Respondetur , quòd tunc propter integritatem naturæ talis subiectio fuisset sibi iucunda & suavis ; quia maritus non imperasset nisi bona delectabilia , ad quæ exequenda naturaliter inclinabatur . Modò est molesta , & onerosa , quia non semper mariti bona imperant ; & si imperant , cum tristitia & dolore fiunt propter resistantiam appetitus sensitui , qui ad bona commoda inclinatur .

De tertio dominio hominis respectu sui in statu innocentia , multæ tractantur difficultates , & præcipuè ; an ità subderetur sibi appetitus sensituius , vt absque

difficultate , & tristitia potuisset illum retrahere à suo proprio delectabili , nè immoderatè condelectaretur .

Certè donum originalis Iustitiæ , quod decoratus erat homo in illo statu , hoc habebat pro adequato effectu , scilicet internum bellum partis sensitivæ aduersus rationem tranquillare ; ità quòd non erat sibi nec arduum , nec difficile virtuosè vivere ac Diuinas leges implere : nam hæc iustitia faciebat vt vires inferiores perfectè subderentur rationi , ac per subiectionem ipsius rationis Deo . Probatur , nam in primo homine erat huiusmodi perfecta tranquillitas per illud supernaturale donum sibi exhibitum , quod reddebat Deum delectabiliorem quocunque obiecto sensibili creato , & sic partem superiorem perfectè Deo subiciebat ; sicut & potentia inferior perfectæ rationi subiciebatur per id donum , nè immoderatè condelectaretur suo proprio de-

lectabili , & retrahebatur sine tri-

stitia .

\* \*

## PROPOSITIO VI.

*In statu innocentia forent tentationes externa.*

**P**Rimos Parentes habuisse Angelos Custodes in statu innocentia docet Suarez lib. 86. cap. 17. num. 20. secutus D. Thomam prima parte 113. artic. 4. *Ad secundum*. Ratio est, quia habuerunt impugnatorem; ergo debuerunt habere defenso- rem.

Hinc, ut animaduertit, Luciferum Deumque ad cuiuscunque hominis custodiam deputasse Angelum; ille ad perdendos homines cuiuscunque destinauit (Deo permittente) Dæmonem tentatorem præcipuum; iste ad saluandos custodem. Diaboli ministerium esse homines tentare, & quanta mala attingere ea omnia illis inferre varijs Patrum testimonijs ostendit Suarez lib. 8. de Angelis cap. 18. à num. 4. Tribus autem modis Dæmon, ad tentandum aggreditur, ut cum Angelico Doctore tangit Ouiedo prima secundæ tract. 5. controuer. 7. part. 7. vel proponendo obiectum, ex cuius cognitione eliciatur voluntas ad cadendum, aut exterius per-

suadendo actum prauum, vel excitando interiùs tales cognitiones; ita ut illis voluntas trahatur, hoc est eliciatur ad peccatum: sic dixit Gregorius Homella 16. in Euangelia: *Tentatio tribus modis agitur, suggestione, delectatione, & consensu*. Et videndus est D. Augustinus 4. de Trinitate cap. 14. prima tentatio euenit, cum Dauidi proposuit Dæmon pulchritudinem Bersabæ, quasi exterius excitando per illam pulchritudinem ad luxuriam. Secunda tentatio, cum Christo suasiset Sathanas, vel ut ieiunium frangeret; aut ipsum Diabolum adoraret, vel ut se mitteret deorsum. Tertia tentatio exemplificatur, quando se immisit in cor Iudæ, & ibi excitauit humores per applicationem ad passiuam; quorum humorum excitatione insurgunt motus primò primi, ex quibus vel ita efferuescit, vel concupiscentia allicitur. Benè enim verum est iuxta communio- rem Theologiam non posse Angelum in intellectu humano creare speciem intelligibilem, vel intellectum actualem, de quo Scotus in 2. distinct. 11. quæst. 1. à §. *Ad quæstionem* num. 4. mediata tamen potest causare illas species applicando actiua passiuas, vel

vel infundendo tales species in sensu, aut reuoluendo sensum communem, & proponendo efficacius has aut illas species.

Nota tentationem esse duplicem: vna dicitur probationis, qua experimur quid boni, vel mali, quid scientiæ vel quid ignorantiae, quid virtutis vel vitij occulteretur in homine. Altera dicitur tentatio seductionis, vel subuersionis ad decipiendum; vel ad inducendum hominem ad malum culpæ. Hinc patet solutio multarum auctoritatum Sacræ Scripturæ dicentis nunc Deum, nunc Diabolum: sed loquendo de tentatione dicendum est proprium ac præcipuum malorum Angelorum ministerium, seu occupationem esse homines ad peccandum inducere, seu tentare; ita quod ex officio solius Dæmonis est, licet ex imitatione conueniat etiam hominibus malis, hinc illud: *Inuidia Diaboli mors intrauit, &c. Cur tentauit Sathanas cor tuum, &c.* nam totus conatus Diaboli est ædificare Ciuitatem suam; ergo non nisi suggestionem ac tentationem. Item, *vos ex Patre Diabolo estis*; scilicet per imitationem, quia desideria Patris vestri vultis facere, inducendo scilicet homines ad peccandum; ecce

quomodo per imitationem, conuenit etiam hominibus tentare.

Si dicatur, vnusquisque tentatur à concupiscentia sua, &c. ergo non à Dæmone tanquam sit proprium eius officium. Respondetur, quod concupiscentia solum materialiter inducit hominem ad peccatum propter fomitem illum, qui est tyrannus animæ nostræ; sed Diabolus formaliter tentat dirigendo tentationem ad peccatum. Si dicatur, tentare est officium ignorantis, qui vult periculum facere & experiri vt sciat, quod ignorat: sed Dæmon est sapientissimus, sciens quid est in homine; ergo non tentat. Respondetur, quod tentatio absolute concepta importat periculum facere; non autem indeterminata specie, ad peccata scilicet inducendi. Sicut etiam dicitur Deus tentare, non quasi ignoret (qui omnia scit) sed ad probandum, & præbeat occasionem coronæ: immò potest dici, quod licet Angelus sibi dimissus perfectissimè possit nosse quidquid est in homine; de facto tamen regulariter nescit, & sic tentat etiam vt ignorans. Dices, tentatio ad peccatum non fit sine mutatione voluntatis; quia peccatum volun-

luntarium est: sed Dæmon non potest humanam voluntatem immutare; ergo, &c. Respondetur, quod licet non possit immediatè immutare, potest mediantibus phantasmatibus illam inflectere, & allicere: immò potest immediatè partialiter obiectiuè immutare intellectum, &c.

Oppones, omnis potestas à Deo est; ergo Deus dedit potestatem talem Dæmoni: sed hoc alienum est à Diuina bonitate, quod scilicet dederit ei facultatem inducendi hominem ad peccandum; tunc enim auctor, & particeps esset tanti mali. Respondetur, quod in Dæmone potest concipi naturalis virtus physicè, & moraliter: physicè est à Deo, & sic non est nisi facultas ad exercendas illas actiones, per quas hominem tentant; nempe virtus immittendi malas cogitationes, vel interiùs phantasmata mouendi, vel exterioriùs obiecta sensibilia ad malum incitantia offerendo: & talis facultas conueniebat sibi ex conditione naturæ; nec est peccaminosa, sicut in nobis voluntas peccandi peccaminosa non est. Si concipitur moraliter, adhuc dupliciter, positiuè & negatiuè; positiuè, quasi verò Deus

consilium, iuuamen aut obligationem imponat Dæmoni, vt tentet, & hoc falsum: negatiuè, non prohibendo sed permittendo, relinquendo voluntatem liberam, vt possit tentare; & hoc non est dubium, Deum facere.

Si dicatur; cur Deus permittit Angelo malo hanc generalem licentiam tentandi? licet enim saluari possit, quod per eam non sit auctor mali; nihilominus nimis videtur esse alienum à suauitate Dei, constituere humanum genus in tam euidenti periculo peccandi. Respondetur, quod summa bonitate hoc factum est, & sapientia: primò vt excellentia Diuinæ gratiæ illustrior fiat, per quam homines Dæmonem superent. Oppones, quod plerumque homines superantur; & sic gratia redditur minùs illustris, & efficax. Respondetur, quod Dæmon non superat ex inefficacia gratiæ; sed ex defectu liberi arbitrij, quod non vult resistere. Secundò ex parte hominis; vt maior sit eius gloria, quæ resultat ex victoria tentationis. Tertiò ex parte Dæmonis, ad maiorem sui confusionem.

Monemus esse latum discrimen inter esse causam peccandi,



di, & tentandi; quia ista semper præcedit, & licet Dæmoni conueniat: esse tamen causam nostrorum peccatorum sibi non conuenit ut causa, nec proximè nec remotè; quia non potest efficere in nostra voluntate consensum, ergo, &c. Patet ergo Dæmonem solum esse causam tentationis: remotissimè quando est occasio seu dispositio valde remotè, & sic Dæmon concurrir, & est causa omnium tentationum humani generis; patet, quia tentando primos Parentes fuit causa lapsus illorum, ex quo orta sunt omnia peccata, & tentationes, ergo remotissimè à Dæmone tentationes originem trahunt. Proximè concurrir, quando immediatè applicat, vel offert obiectum, à quo tentatio incipit, ut quando offert sensibile obiectum, quod excitet prauam cogitationem, & hoc intrinsecè, vel extrinsecè per locutionem repræsentando prauum obiectum, & suadendo consensum sub apparentia obiecti boni, vel excitando imaginatiuam per solum internam humorum motionem; ex quibus phantasmatis excitatur sensibilis cogitatio, & corporis alteratio. Remotè tantum concurrir, seu

mediatè, & tunc per accidens; cum inter propriam Dæmonis actionem tentatiuam, & peccatum semper mediat cogitatio, in qua propriè, & formaliter consistit ipsa tentatio, & sic mediatè attingit illam tentationem.

*Petes; an fuerit verus serpens, qui primos Parentes tentauit?*

**F** Verunt, qui negarent eum fuisse verum serpentem; horum duplex ratio videtur. Aliqui existimant Dæmonem serpentis effigiem, ac speciem sumpsisse, quod videtur significare Origenes homelia 6. in Ezechielem; & apertè dixit Franciscus Georgius Venetus in suis problematibus Problem. 46. Alij id totum ad allegoriam transferunt, ut nomine serpentis intelligatur voluptas; quod copiosè docet Philo Iudæus libro de opificio Mundi lib. 2. de legis allegorijs, & libro de agricultura. Similis autem est voluptas serpentis: primò, quod tacitè serpat, & sine pedibus, quod facit serpens; voluptati enim dediti semper humi serpunt, nihil altum sapiunt, nunquam ad alta feruntur: Secundò

ut serpens terra vescitur, ita voluptuosi nullum nisi in fordinibus peccatorum delectationis gustum percipiunt. Tertio quia sicut serpens veneno occulte necat, sic voluptas occulto quodam suo veneno perimit: illi vero serpens humana voce locutus dicitur, quia habet voluptas sapientes, ac studiosos propugnatores. Quarto deinde quemadmodum Eva seducta facile in eandem criminis societatem pertraxit Adam, sic sensus a voluptate superatus facile rationem ad sceleris consensum adducit: voluptas enim sensum decipit, sensus menti, ac rationi porrigit, qui quemadmodum serpens Euam duxit in fraudem; ita voluptas falsis atque mentitis oblectamentis sensum allicit; unde plerumque amatores a fallaci, ac mentita specie decipiuntur. Quinto denique de hoc serpente putat intelligi illud Genes. 49. *Fiat Dan & Luber in via, Ceraſtes in semita*; nihil enim est, quod magis a virtutis via reuocet, quam voluptas; ideo filij Israel sepe a voluptate allesti de reditu cogitabant, quod serpentum morſu significabatur, contra quos erigitur serpens æneus, scilicet fortitudo, & temperantia. Ita-

que ille serpens insipiat cal-  
caneo reuocans a recto itinere, ut a viris fortibus calcatur: Danis autem serpens mordet ungulas equi, scilicet vitiosum affectum.

Sed hæc ut ingeniosè dicantur, quemadmodum & illa, quæ indicantur ab Ambrosio libro de Paradiso, non longè a principio; non tamen ita animum nostrum occupare debent, ut allegorias sectantes historiam negemus. Itaque ut minimum videtur, temerarium asserere, fuisse verum serpentem.

Alij fuerunt in contraria plañe sententia; cum dicerent fuisse verum serpentem, qui propria calliditate Euam deceperit, atque ob id usu humanæ vocis fuisse spoliatam atque alijs pœnis aſiliatam. Huius sententiæ fuit Ioseph Libro antiquitatum cap. 1. ista sententia est penitus falsa, & fabulosa; nec enim habuit serpens usum humanæ vocis, nec potuit ipse inuidere, aut tanta præditiū esse astutia, ut Euam falleret. Videantur Chrysostomus, & Ambrosius libro de Paradiso.

Communis ergo sententia, est, verum fuisse serpentem a  
Damo-

Dæmone assumptum vt instrumentum ad fallendum; ita docent Ambrosius libro de Paradiso, Augustinus 11. de Genesi ad literam, Theodoretus in Genesim, Rubertus in Genesim, Chrysostomus ibidem in particulari sermone: iudicat D. Thomas 1.2. quæst. 165. artic. 2. Hi omnes ostendunt serpentem assumptum à Dæmone incitasse ad peccatum, & facile probari potest ex sacris literis, quæ docent Diabolum fuisse authorem peccati, Sapientia 2. *Invidia Diaboli mors intrauit in orbem Terrarum.* Apocalypsis 12. dicitur: *Draco magnus serpens antiquus, qui vocatur Diabolus.* Idem repetitur cap. 20.

Cum verò dicitur serpens calidior cunctis animantibus, intelligit tunc Augustinus de naturali quadam malitia, tum de ea quam ei Dæmon instillauerat; ex quibus refellitur Manichæorum Commentum, qui (vt scribit Augustinus de hæresibus cap. 48.) dicebant in serpente figurari Christum, qui primos Parentes voluit ab ignorantia liberare. Apparet enim serpentis nomine significari Dæmon, quod ostendit Theodoretus ex illo Isaia 27. *Visitauit Dominus in gladio, &c.* de quo loco

multa in hanc sententiam adducit Gregorius 4. Moral. 11. 12. & lib. 18. Moralium.

Quod verò spectat ad vocem humanam non est credendum, vt loco citato dixit Iosephus, serpentem propria vi, ac naturali facultate humana voce locutum; nam fabulosum est opinari fuisse aliquando bestiis vsum sermonis concessum.

Nec existimamus (vt alij dixerunt) serpentem sibilis tantum significasse quod volebat, quomodo bestia inter sese suis vocibus significabant suos affectus: nam id quod serpens dixit, ad naturales affectus non pertinebat, neque ijs poterat vocibus significari; loquebatur igitur Dæmon per serpentem eo modo, quo per animal Numeror. 22. locutus est Angelus: cum tamen, vt ait Augustinus, & Albinus, verborum sonum minimè perciperet. Cur non sit Eva voce humana perterrita, multis videtur mirum: Magister in 2. distinct. 25. ait id propterea accidisse, quod Eva re ignara, atque inexperta existimaret omnes bestias more hominum loqui. Alij dixerunt serpentem fuisse humano vultu ac specie, quod auctore Beda asserit auctor Scholastica historia: ali-

qui dicunt eam intellexisse eius orationis auctorem fuisse Dæmonem, atque id fortassè fuisse eius primum peccatum, quòd loquentem Dæmonem audierit. Primum illud repugnat perfectæ scientiæ, qua ante peccatum primi Parentes præditi erant: alterum nec etiam placet, & videtur pertinere ad fabulas Poetarum. Tertium non placet, nisi commoda aliqua ratione explicetur.

Itaque existimaui Dæmonem à recto serpente cœpisse coram Eva curiosè cuncta spectante, miris se motibus commouere, & ad mansuetudinem ac placabilitatem inducere, ut eam in admirationem rapuerit: tùm varios edidisse sonos, deindè humanam vocem efformasse; vnde illa penè extra se posita, non modò non territa est; sed magnam etiam cœpit animo voluptatem. Hoc iudicat Robertus in Genesim, &c.

Rectè autem Dæmon aggressus est feminam, ut minùs cautam ac prudentem Viro; vnde ait Paulus ad Timotheum 2. *Adam non est seductus, mulier autem seducta in prauaricatione fuit.* Quibus verbis Augustinus 14. de Civitate cap. 11. existimat Paulum voluisse significare Adamum

non ità fuisse seductum; ut ignorarit, quod sibi mulier persuadebat, esse peccatum.

Alij dicunt Euam fuisse seductam eo modo, quo fœmina, speravit scientiam Diuinam; Adam autem cùm sciret id esse falsum, & contra Diuinum præceptum, sibi tamen facilè poenitentiam pollicebatur.

*Petes curiosè, cuius esum pomi Deus interdixerit?*

**Q**uidam veteres existimant fuisse ficum, quod affirmant Gregorius Nazianzenus in Cantica, Theodoretus quæst. 28. in Genesim, Isidorus Perusiota apud Lipomanum in Catena Genesis 3. idèòque Christus Math. 21. maledixit ficui, quod alijs non placet; quòd quasi de alia quadam arbore dictum sit; *Consuerunt folia ficus, & fecerunt sibi perisomata.*

Sed quale tandem pomum fuerit, certum est (ut ait Gregorius Nazianzenus loco citato) non fuisse prohibitum; quia aliquid in se immundum contineret; nam Christus dixit: *Non quod intrat in os, coinguinat hominem.* Idem verò Gregorius lib.

lib. 1. Philosophiæ cap. 2. ait fuisse in eo pomo vim quandam insitam inferendi cognitionem; itaque eius esum Deum prohibuisse, nè homo suæ naturæ imbecillitate cognita tantam rerum corporearum curam gereret, vt Diuina negligeret: sed hoc videtur repugnare naturæ plantarum, vt in animis hominum scientiam ingenerare possint. Idem lib. 2. de creatione hominis cap. 20. verba illa interpretans: *De omni ligno Paradisi comede, de ligno autem scientiæ boni, & mali nè comedas, &c.* Hanc legem in duas partes distribuit; in prima nomine omnis ligni intelligit lignum vitæ, quo significatur Diuina sapientia, in qua est omnis sincera, & casta voluptas. In secunda prohiberi lignum aliquod contrariæ qualitatis; quod tamen & colore & voluptatum illecebris serpens respexit, vt ad eius esum alliceret eam.

Ambrosius libro de Paradiso cap. 2. existimat in eo pomo fuisse vim aliquam naturalem hominibus nociuam, atque idcirco eius esum fuisse hominibus interdictum. Hoc non multum mihi probatur: nam eadem ratione debuissent prohiberi multa alia, aliaque venena; Dein-

dè non est verisimile in medio Paradisi hanc arborem nociuam collocasse. Si plura de hac re desideras, consule Doctores, apud quos multas, nè dicam infinitas, reperies, vel fabulas, vel speculationes.

## PROPOSITIO VII.

*In statu innocentie fuisset generatio cum coitu cum sensuali delectatione.*

**P**Ræmittimus certum esse, quòd in statu innocentie foret vera generatio naturalis: nam necessarium erat complere illud præceptum à Deo impostum Genes. 1. *Crescite, multiplicamini, & replete terram;* & licet illa multiplicatio indiuiduorum pro illo statu non esset necessaria ad conseruationem speciei humanæ, quia saltem ab extrinseco homo esset immortalis, & sic in vno tantum indiuiduo posset perpetuò conseruari: tamen necessaria erat, & ab auctore naturæ intenta propter tres rationes. Prima, ad communicandum suam bonitatem pluribus indiuiduis eiusdem speciei: Secunda ad restaurandam ruinam Angelorum; nam cum plerimi Angeli peccando de Cœlo ceci-

ceciderunt, congruum erat quòd plurimi homines generarentur; quòd in eorum loco in Cœlo collocarentur. Tertia ratio est, quia omnes à primo Parente debebant contrahere Iustitiam originalem, quod fieri non posset; nisi ab ipso descenderent per naturalem generationem.

Monemus secundò probabile esse ex Scoto in 2. distinct. 2. quæst. 2. quòd cum mares, & fœminæ haberent vera communia realia, tot essent viri quot fœminæ; ità quòd numerus Virorum non excederet numerum fœminarum, nec è conuerso: sed vnusquisque haberet propriam vxorem, & vir diutius viuens transita vxore ad statum beatificum, aliam vxorem non duceret; nec è contrario vxor diutius viuens marito, alium maritum non duceret: cum enim secundæ nuptiæ in hoc statu naturæ lapsæ non sint laudabiles, multò minùs essent laudabiles pro illo statu perfectissimo, & ab omni imperfectione libero.

Iam probemus nostram Propositionem; passio naturalis necessariò consequens ad coitum pro omni statu, debet eum comitare: sed eiusmodi est delectatio sensibilis respectu coitus carnalis; ergo in statu innocen-

tiæ esset cum sensuali delectatione. Monemus tamen, quòd illa delectatio non esset in illo statu adeò immoderata, nec perturbans vsu[m] rationis, sicut in statu naturæ lapsæ.

## PROPOSITIO VIII.

*Soli illi, qui nunc sunt electi & predestinati in statu innocentie fuissent nati, & nullo modo reprobi damnandi.*

**M**onemus cum communi consensu Theologorum, quòd licet actus Diuini intellectus, & similiter actus Diuinæ voluntatis sit vnus simplicissimus actus; admittit tamen prioritatem, & posterioritatem naturæ in attingentia obiectorum, ità quòd prius natura illi actus terminantur ad aliqua obiecta, & posterius ad alia: etenim in primo signo naturæ Deus ab æterno cognouit seipsum; in secundo signo seipsum amore beatifico amauit. In tertio signo scientia simplicis intelligentiæ, cognouit omnes creaturas possibiles: in quarto signo decreuit certum, & determinatum hominum numerum, & Angelorum, quos cognouit possibiles, ordinare



nare ad gratiam, & gloriam, negatiuè se habens ad reprobos. nam per illud decretum non determinauit aliquem numerum reproborum fore; nec etiam determinauit non fore. In alio signo postèriori decreuit Adamum procreare, & ab eo descendere totum genus humanum per naturalem generationem illi, omnibusque ab eo descendentibus iustitiam originalem promisit; dummodò perseuerarent in obseruatione sui præcepti. In alio postèriori signo decreuit permittere lapsum primi Parentis, & totius generis humani; vndè cognoscens ipsum peccaturum, in alio signo decreuit remedia adhibere, vt posset saluari: & postremò decreuit totum numerum futurorum hominum in toto decursu temporis vsque ad extremum diem; inter hos principaliter intellexit illum determinatum numerum electorum, quem in quarto signo prædestinauit, & concomitanter alios, quos pro nullo signo positiuè non elegit, nec positiuè exclusit à gloria.

Hinc habetur reprobos non fuisse futuros antequàm Deus præuidit, & præcognouit lapsum generis humani, & deperditionem innocentiae & iustitiae origi-

nalis: etenim non decreuit formaliter totum numerum futurorum hominum, nisi postquàm præuidit lapsum totius generis humani. Quod autem vltimo loco debuit Deus facere decretum de futuritione hominum in actuali existentia pro aliqua differentia temporis constat ex hoc, quòd ordinatè volens (qualis est Deus) primò vult finem, & postea media ad illum, & inter illa media priùs vult, & intendit illa, quæ sunt proximiora; & posteriùs ea, quæ sunt remotiora à fine, & quæ priùs in executione ponuntur: sicut enim illud, quod est primum in ratione, est vltimum in executione; sic illud, quod est primum in executione, debet esse vltimum in intentione: ac inter illa, quæ Deus exequitur in tota serie, & ordine prædestinationis, & ordinationis hominum ad gloriam, primum est, dare illis actualem existentiam (priùs enim debent actualiter existere, quàm possint recipere actualiter media ad finem consequendum) ergo in illa serie prædestinationis, & ordinationis hominum ad gloriam, vltimum, quod debuerit Deus decernere, & determinare, erat futuritio hominum in actuali existentia.

Iam ergo probemus nostram Propositionem, quæ docebat solos illos, qui nunc sunt electi ac prædestinati; in statu innocentiae nascituros, & nullo pacto reprobos damnandos. Propositionis nostra est Scoti in 2. distinct. 20. quæst. 2. Probatur auctoritate D. Gregorij in Moralibus lib. 4. cap. 22. in fine, ubi nostram Propositionem clarissimis terminis docet. Probatur secundò, quia ex suprâ notatis Deus ante prævisionem peccati primi Parentis, ac lapsus totius generis humani determinavit certum numerum electorum, qui necessariò esset complendus in statu innocentiae; cum decretum Dei fuerit efficax, & infallibile, & soli illi essent nati, qui de illo numero futuri essent, quia nullus reprobis in illo statu nasceretur: sed illi soli, qui nunc nati sunt electi, potuissent esse de illo numero; ergo illi soli in statu innocentiae fuissent nati, & non illi qui nunc sunt reprobi; sed qui nunc nati sunt reprobi, nequissent esse de illo numero (nam licet quilibet reprobis in particulari non necessariò habeat, quòd mereatur excludi à numero electorum; habet tamen quòd illud infallibiliter mereatur) ergo

illi soli, qui nunc nati sunt electi, potuissent esse de numero electorum à Deo determinato, ac proindè illi soli in statu innocentiae essent nati.

Sit altera ratio: Deus non decrevit illos futuros, qui nunc reprobi sunt, nisi postquam prævidit lapsum generis humani; & tunc decrevit illos futuros, ut si non cooperarentur cum auxilijs, in eis manifestaretur Iustitia punitiva, ergo, &c. Item in statu innocentiae non essent nati plures homines, quàm forent necessarij ad complendum numerum electorum à Deo determinatum: sed soli illi, qui nunc nati sunt electi forent sufficientes ad complendum illum numerum, & plures non requirerentur; ergo soli illi essent nati, & nullo modo reprobi.

Oppones; in statu innocentiae sicut nati essent homines, qui nunc nati sunt electi, ità & eorum Patres necessariò essent nati: sed Patres, ex quibus generantur multi electi, sunt reprobi; ergo in illo statu essent etiam reprobi, & non electi tantum. Respondetur distinguendo maiorem; pro illo essent nati alij Patres eorum, qui nunc nati sunt electi: concedo maio-

maiolem, nati essent Patres reprobi, ex quibus nunc generantur; nego maiolem: illi enim electi, qui nunc nati sunt ex reprobis, in statu innocentiae ab alijs electis nati essent, & non ab iisdem numero Patribus, ex quibus nunc generantur; nec hoc est inconueniens: docuimus enim in Physica, quòd causa secunda non est determinata ex natura sua, nec sese determinat ad hunc numero effectum; quin immò illum determinatur à solo Deo, & proinde idẽ numero effectus, qui producitur ab vna causa, potuit produci ab alia eiusdem rationis: nam Deus potuit aliam causam ad illum numero effectum potius, quàm ad alium determinare; & per consequens posset efficere, quòd iidem electi qui nunc sunt nati ex reprobis, in statu innocentiae nascerentur ex electis.

Oppones secundò. Ex hoc dicimus, quòd in statu innocentiae essent nati soli illi, qui nunc sunt electi; quia Deus præfiniuit, ac prædeterminauit numerum prædestinatorum ante præuisionem lapsus primorum Parentum, ac totius generis humani: & cum ille numerus esset tantum futurus in gloria, & illi tantum qui nunc nati sunt electi illam adim-

pleant, illi soli nati essent, sed Deus non præfiniuit numerum prædestinatorum ante præuisionem lapsus primorum Parentum; ergo in statu innocentiae non tantum electi essent nati. Minor probatur, prædestinatio fuit facta ex massa naturæ humanæ iam corruptæ per peccatum originale, iuxta illud Apostoli Romanorũ 1. cap. 9. *Nonne habes potestatem figulus luti ex eadem massa facere aliud quoddam vas in honorem, aliud in contumeliam?* ergo prædestinatio nõ fuit facta ante præuisionem lapsus primorum Parentum, nec numerus electorum à Deo præfinitus; Concessa maiori, negatur minor; ad probationem distinguo antecedens: prædestinatio fuit facta ex massa naturæ humanæ iam corruptæ, quòd ad executionem concedo antecedens, quòd ad intentionem nego antecedens; & hoc est, quod Apostolus loco citato intendit. Ad pleniorẽ intelligentiam aduertendum est, quòd prædestinatio quòd ad intentionem est illud decretum à Deo factum in quarto signo à nobis suprà assignato ante præuisionem peccati primi Parentis; quò scilicet prædeterminauit certum numerum hominum futurorum in gloria, non determinando hunc, aut illum determi-

natè, & in particulari futurum de tali numero: vnde hæc prædestinatio fuit facta ante præuisionem lapsus primi Parentis, & totius generis humani; prædestinatio autem quò ad executionem est ista, qua Deus ordinauit, & elegit hunc, & illum in particulari ad gloriam, & ad essendum de numero illius, quæ prius prædeterminauit futurum in gloria, hæc autem prædestinatio fuit facta ex massa iam naturæ corruptæ, quia postquam Deus præiudicauit lapsum generis humani, & decreuit adhibere remedia, & hominibus tribuere auxilia, vt saluarentur; respexit ad eorum opera, & elegit, ac prædestinauit ad gloriam hunc, & illum in particulari, quem præsciuit cooperaturum cum auxilijs, & finaliter perseueraturum in gratia.

### PROPOSITIO IX.

*Primi Parentes habuerunt species infusas rerum naturalium in uniuersali, seu quò ad earum essentias, & quidditates genericas atque specificas.*

**V**otum dat Scotus Propositioni in 2. dist. 20. quæst. 3.

nam ibidem inquit; an filij ex primis Parentibus naturaliter nascituri in statu innocentie creuissent in corpore, & scientia sicut modò: si autem non supponeret primos Parentes habuisse perfectam magnitudinem corporis, ac rerum naturalium cognitionem, & per consequens infusas earum species, sine quibus scientia infusa haberi non potest; frustra inquireret, an eas habuissent filij ab eis nascituri, nam tamquam, certum deberet supponere filios non futuros in illo statu præfectiores primis Parentibus. Eadem Propositio colligitur ex eodem Scoto dist. 3. quæst. 11. vbi asserit Angelos habuisse species infusas rerum omnium intelligibilium, seu cōcreatas; rationes, quibus docet congruū fuisse Angelos accepisse species rerum omnium intelligibilium concreatas; conuincunt congruum fuisse primos Parentes habuisse illas.

Probatur igitur nostra Propositio: scientia infusa non habetur nisi per species infusas, sed primi Parentes habuissent scientiam infusam rerum naturalium quò ad earum essentias, & quidditates genericas, & specificas; ergo habuerunt species infusas earum. Probatur illa maior: nam ipsæ species intelligibiles infusæ rerum sunt

sunt ipsa scientia infusa habitualis, quia scientia seu cognitio habitualis nil aliud est, quàm qualitas intellectui adhærens, & constituens ipsum in actu primo potentem actualiter cognoscere obiectum, seu habere cognitionem de illo, sed species intelligibiles, infusæ sunt qualitates intellectus adhærentes, & ipsum constituentes in actu primo potentem habere cognitionem actualem de illis obiectis quorū sunt species; ergo sine specibus infusis nequit haberi scientia infusa. Minor prioris syllogismi probatur ex capite 15. Ecclesiastici, ubi de primis Parentibus asseritur Deum illos scientiam implevisse; probatur etiam ex cap. 2. Genesis, ubi narratur Adam omnibus animantibus terræ, & vniuersis volatilibus Cœli congrua suis naturis nomina imposuisse; quod fieri non posset; nisi haberet cognitionem, & scientiam de illorum naturis, & quidditatibus: sed illa scientia non erat acquisita, siquidem animantibus nomina imposuit prima die, qua fuit creatus, & antequàm fuit à Paradiso expulsus. Nec est credibile, quòd in tam breui spatio temporis possit acquiri scientia de illis; ergo illa scientia erat infusa, & cum ipso concreata, est per con-

sequens primi Parentes habuerunt scientiam, & species infusas rerum naturalium quòd ad eorum essentias, & quidditates genericas, & specificas.

Oppones primò ex tertio Genesis; ubi dicitur de primis Parentibus, post esum fructus prohibiti aperti sunt oculi amborū, quod nihil aliud est, quàm dicere eorum intellectus fuisse illuminatos ad cognoscendum eam, quæ prius ipsis fuerunt ignota: nam ibidem non est sermo de oculis corporis (cū non fuerint primi Parentes procreati cæci) sed de oculis mentis, nempe intellectus; ergo aliqua fuerunt ipsis ignota in statu innocentiae, & proindè non habuerunt scientiā infusam omnium rerum naturalium. Concesso antecedente, negatur consequentia: quippè verba sacre Scripturæ solū inſinuunt apertos fuisse oculos primorum Parentum; hoc est illuminatos fuisse eorum intellectus ad cognoscendum turpitudinem peccati ab ipsis cōmissi in particulari, quam licèt antea non cognouerint: tamen indè non consequitur, quòd non habuerint scientiam, & cognitionem infusam omnium rerum naturalium quòd ad earum essentias, & quidditates genericas, & specificas;

nam licet non habuerint in statu innocentiae cognitionem practicā illius peccati in particulari eiusque turpitudinis, habuerunt tamen scientiam peccati in communi, & quò ad eius rationes genericas, & específicas, sicut & aliarum rerum naturalium.

Replicabis; Adamo dictum est à Domino Gen. 3. post peccatum: *Ecce Adam quasi unus ex nobis factus est, sciens bonum, & malum &c.* ergo ante peccatum nullo modo habuit cognitionē mali. Negatur consequentia; nam ibi Deus locutus est ironicè tantum, reprehendens Adam.

Obiicies secundo; Deus increpans Adam se abscondentem eo, quòd nudus esset, dixit: Quis indicavit tibi, quòd nudus es? ergo ante peccatum Adam suā nuditatem veluti paruulis ignorabat; & consequenter non habuit scientiam infusam omnium rerum naturalium. Negatur consequentia: nam Adam ante peccatum cognouit se fuisse nudum, nec verba scripturæ indicāt post peccatum tantum, & non ante cognouisse suam nuditatem; sed solum significant non concepisse verecundiam de sua nuditate, nisi post peccatum: in statu enim innocentiae cum nulla esset verecundia homines esse nudos, quā-

diū Adam perseruauit in innocentia, nullam habuit, nec cognouit de illa verecundiam; hinc verba Scripturæ nihil aliud significant, quàm quòd Adam non aliundè fuit, quòd verecundiam concepisset de sua nuditate, nisi ex hoc quòd transgressus Diuinum præceptum comedendo fructum, quem Deus ei præceperat, nè comederet.

Oppones tertio; serpens decipit Euam promissione scientiae boni & mali dicens: *Eritis sicut Dii scientes bonum, & malum &c.* Sed si sua habuisset rerum naturalium scientiam non fuisset decepta ex illius promissione, quia cognosceret se iam illam habere; ergo primi Parentes non habuerunt scientiam infusam rerum naturalium. Respondetur Euam non fuisse deceptam ex promissione scientiae naturalis, quam iam habebat; sed alicuius scientiae alterius ordinis, quam credebat serpentem posse sibi dare.

Oppones quarto: Adamus non imposuit nomina astris, nam hoc soli Deo reseruatam credimus iuxta illud Psalmi 146. *Qui numerat multitudinem stellarum, & omnibus eis nomina vocat;* ergo indè clarè colligitur Adamo nequitiam communicata esse cognitionem astrorum, quippè tunc



eis nomina imposuisset . Debi-  
lis est, & Spurius hic discursus,  
vndè & si ex eo, quòd Proto-  
parens imposuerit animalibus  
nomina, deducatur eum habuisse  
eorumdem cognitionem (nam  
valet tamen) Astris nomina non  
non imposuit; ergo illa minimè  
nouit . Primo quia utique po-  
tuit illa cognoscere, & eis no-  
mina non imposuisse; quia iam  
anteà nomina habuerunt à Deo  
imposita . Item Christus eis no-  
mina minimè imposuit; cùm ta-  
men eorum notitiam habuerit;  
nec est verum cognitionem As-  
trorum esse propriam solius Deis;  
ità quòd nequiuert à Deo com-  
municari Adamo, cùm talis scien-  
tia fuerit communicata Salomo-  
ni, vt legitur Sapientix 7. *Ipsè  
dedit mihi horum, quæ sunt vera*

*scientia, vt sciam dispositiones or-  
bis Terrarum, & virtutes elemen-  
torum, &c.* Hinc colligo, quòd  
rationabiliter astrorum scientia  
debut communicari Adamo in  
illo foelicissimo innocentix statu;  
erit enim Magister, & caput to-  
tius humanæ propaginis. Minus  
nocent nobis verba illa de Salo-  
mone dicta 4. Regum: *Dedi tibi  
cor sapiens, & intelligens taliter;*  
*vt nullus ante te similis tui fue-  
rit, nec post te similis tui fuerit  
surrecturus.* Intelliguntur quip-  
pè hæc verba de hominibus par-  
ticularibus, non vniuersalibus;  
quo in sensu poterat dici homo  
vniuersalis Adam, cùm cuncto-  
rum hominum foret caput. Me-  
mento talem cognitionem fuisse  
communicatam Christo.



# DISPVATIO VI.

## DE CREATVRA MERE MATERIALI.



ATIS de creatione Angelorum, & primorum Parentum productione, sicut & de Innocentiæ statu, diximus: modo de creatura merè corporali, instituendus est sermo.

Omnium rerum materialium,

& corporearum creationem expressit Moyses; dum ita orditur Genesim: *In principio creauit Deus Cælum, & terram*, Harum corporearum rerum creationem, claram dabimus beneficio nonnullarum Propositionum. Præmittimus tamen nonnulla documenta de Cœlo.

## AD BENEVOLVM LECTOREM.



Ediocris illa utilitas, quæ nobis breui tempore in terra commorantibus aduenit, ita animum pulsat nostrum, indefesso studio inquirat, quænam sit corruptibilis mundi natura, quæ proprietates. Multò magis allicere animum nostrum debet Cœli pulchritudo,

atque perpetuitas; cum inter varias, quæ nos maximè pungunt animi perturbationes, & spinosos dolores, sola spes exeundi aliquando ex hoc fœtido carcere, & in cœlestia corpora transmigrandi, vt perpetua quiete fruamur, nobis iuamento, & leuamento est.

Est Cœlum, æternum animæ rationalis domicilium; necessum est

est paulò curiosius indagare, quale sit illud futurum domicilium . Non est vna, eademque huiusce dictionis significatio, vt optime docet Aristoteles lib. de Cœlo cap. 9. textu 95. & sequentibus, vbi traduntur tres significationes huius dictionis (Cœlum) . Prima huius nominis significatio, & propriissima est, vt significet omnia illa corpora, quæ partem superiorem mundi occupant, & supra elementum ignis sunt . Secunda est, quæ corpus illud significatur solum, in quo sunt omnes illæ stellæ, quæ nocturno tempore lucent, & appellari solet Cœlum stelliferum, ita vt pars, totius nomen retineat . Tertia est, eaque impropria, quæ, non illa superior mundi pars, incorruptibilis, & immortalis, sed insuper omnes aliæ partes mundi, mortales, & corruptibiles, idest, vniuersus mundus significatur . Notanda est distinctio hæc, quæ Cœlum aliquandò propriè, aliquandò improprie sumitur: nam multa dicuntur de Cœlo improprie dicto, tam in libris de Cœlo, quam metaphysicorum Aristotelis, quæ nullo pacto conuenire possunt Cœlo propriè nuncupato . Quæret fortasse aliquis quare corpus illud superius, nomen

Cœli acceperit? sed huius nominis impositionis, triplex reddi potest ratio. Prima vt Cœlum dicatur, quia cælatum est varijs figuris atque imaginibus: quid enim ornatum est imaginibus, cælatum dici solet . In Cœlo stellifero mille viginti duæ stellæ, ad quadraginta octo imagines sunt redactæ, & quilibet planetarum, imago dici potest . Secunda à, cælando Cœlum, dictum est; cælatur enim, circumdat, & contegit vniuersum sublunarem mundum, vt non allucinetur ille, qui mundum dixerit domui similem, cuius terra, fundamentum sit, & Cœlum sit tectum . Tertia, Cœlum à concavitate nomen habet . Duæ sunt in Cœlo superficies, scilicet concaua, quæ terram respicit, conuexa, quæ sursum est; & quia concauam partem videmus, conuexam non videmus; nihilque est in mundo eiusdem figuræ, Cœli nomen, concauo Cœlo inditum est . Nos, qui deinceps de Cœlo disputaturi sumus, nihil de Cœlo secundum tertiam significationem dicemus, contenti autem erimus duabus primis significationibus . Fate-mur non vnius esse scientiæ explicare mirabilia, quæ in Cœlo sunt; nam Theologi creationem illius,

illius ; atque perpetuitatem , ita sibi vendicant , vt etiam explicent supremi Cœli naturam , in quo Deus est , in quo beatificantur Angeli ; in quo animæ benedictæ sunt in perpetuum futuræ.

Metaphysica abstinere non potest à Cœlorum speculatione , cum nisi , per eos ad Intelligentiæ naturam , & numerum non perueniat . Peculiaris tamen illa scientia , quæ Astrologia , seu Astronomia dicitur , sibi hoc totum vendicat munus , vt Cœlorum , & siderum in eis existentium , admissim , & exactè inquirat naturam , & proprietates . Diuiditur autem Astrologia in duas partes , quarum prima , quæ est speculatiua , speculatur materiam , formam , numerum , situm , accessum , regressum , variosque influxus tam Cœli , quam siderum . Secunda , quæ est practica , & iudicatiua , effectus examinat , & de futuris iudicat , quorum Cœli causa sunt . Effectus in duplici sunt differentia ; Alij enim sunt merè naturales , & à causis naturaliter proueniunt ; De his , sine peccato , & errore disferit Astrologia iudicatoria , cuius iudicium , valdè est vtile , vt sciatur , quando Eclipsis Solis , & Lunæ futura sit , quæ aliquid semper portendit mali ; vt etiam

sciatur an sit futura terræ sterilitas , an abundantia , an morbi futuri , & cuius naturæ atque malignitatis . Effectus alij spondanci sunt , & liberi , vtpotè , qui à voluntate libera fiunt , quorum nulla alia potest reddi causa , quam ipsamet voluntas ; hinc damnosa est , & ab Oecumenicis Concilijs prohibita , Astrologiæ iudiciariæ pars , qua , futura contingentia , se posse diuinare gloriaturum . Hanc partem ( vtpotè diabolicam ) prætermittimus intactam , & ea parte contenti erimus , quam explicat Aristoteles in lib. de Cœlo , & qui de Sphæra disputant ; habet enim ea pars authorem Deum , primo Parenti eam reuelantem , quamque præcæteris , Abraham sanctus , & iustus , est professus ; Authore namque Iosepho lib. 1. antiquitatum Iudaicarum cap. 6. Abraham hanc docuit nostram Astrologiam .

His præmissis , Cœlum conscendamus , illiusque naturam speculemur ; quia materia prima est pars cuiuscumque compositi , estque Cœlum compositum ; à materia exordia  
mur.

*Discurritur de materia Cœli.*

**I**ncipiamus à primo documento.

*DOCUMENTVM I.*

*Cœlum compositum est ex partibus  
integrantibus.*

**P**Atet, quia sicut est quantum, ita habet plures partes substantiales, ex quibus componitur; in singulis autem partibus Cœli substantialibus, recipiuntur singulæ partes substantiales.

*DOCUMENTVM II.*

*Cœlum est dupliciter compositum.*

**P**rimò, est compositum substantiale ex partibus substantialibus integrantibus. Secundò est compositum per accidens. Nam Cœlum etiam est compositum ex substantia cœlesti, ex quantitate accidentali.

*DOCUMENTVM III.*

*Cœlum potest esse simplex simplicitate materia, & forma.*

**S**ensus est, posse dari Cœlum, quod non sit compositum

ex materia, & forma. Probat-  
tur: quia nulla potest esse affirmim-  
plicancia contradictionis. Adde  
grauissimos Doctores docere,  
Cœlum de facto esse simplex  
simplicitate materia. Ita Auer-  
roes tract. de substantia orbis  
cap. 1. Zimara theoremate 107.  
Zabarella lib. de natura Cœli à  
cap. 6. Durandus in 2. distin. 12.  
quæst. 1. Gabriel, Aureolus, Mai-  
ronus, & alij, fauet Scotus in  
2. distin. 14. ubi docet ad men-  
tem Philosophi Cœlum non  
constare materia. Suadetur: quia  
ex transmutatione substantiali  
nos inuenimus materiam in sub-  
lunaribus; sed in Cœlo non da-  
tur transmutatio substantialis, ut  
infra probabimus; ergo in Cœlo  
non datur materia prima. Confir-  
matur primo, quia natura est  
maximè amica unitatis: sed ma-  
gis vnum est Cœlum, si careat  
materia prima, si enim compo-  
nitur ex materia, tunc etiam com-  
ponitur ex forma; ubi enim est  
materia, ibi est forma, cum qua  
facit vnum per se compositum,  
& consequenter Cœlum compo-  
neretur ex pluribus entibus sub-  
stantialibus. Confirmatur, quia  
ponere materiam in Cœlo, est  
diuinare, & ponere sine vlla ne-  
cessitate, siuè talis materia po-  
natur diuersi specie à materia

sublunari, siuè eadem specie cum materia sublunari; nullum enim est sufficiens signum ponendi materiam in Cœlo. Confirmant autoritate Aristotelis, qui teste ipso Scoto in 2. dist. 14. tenet istam sententiam esse ad mentem Aristotelis: nam 8. metaph. textu 14. docet materiam conuenire tantum rebus generabilibus, & corruptibilibus, & textu 22. docet substantias naturales perpetuas, fortassè non habere materiam, vel non talem materiam, sed solùm, quæ secundum locum mobilis est, & 9. metaph. docet in perpetuis non esse potentiam, scilicet materiam: quia perpetua non possunt corrumpi, sicut est Cœlum. Ita discurrunt supracitati Doctores.

Quod si illis obiicias, quod ex Aristotele datur materia in Cœlo; nam 7. Metaph. textu 8. diuidit substantiam in materiam, formam, & compositum ex his; at Cœlum, non est materia, neque forma: ergo est compositum ex his. Item primò Cœli à textu 92. probat Cœlum esse vnum, quia Cœlum est ex tota materia, & 9. Metaph. textu 17. probat Cœlum habere materiam, eo quod mouetur.

Respondent præcitati autho-

res, negando antecedens. Ad primum locum Aristotelis dicunt cum Durando, ibi Aristotelem esse loquutum de substantia corruptibili; sicut enim Angelus est substantia incomposita ex materia, & forma, ita Cœlum est substantia incomposita ex materia, & forma. Ad secundum dicunt cum Auerroe, Cœlum aliquando sumi pro toto mundo, qui mundus componitur ex elementis tamquam ex materia. Ad tertium dicunt cum Sancto Thoma, quodlibet subiectum posse dici materiam; quoniam igitur Cœlum recipit in se motum, quantitatem, & reliqua accidentia; ideo in hoc sensu habet materiam, vel potius est materia.

Replicabis. Cœlum est à Deo transmutabile substantialiter, ergo habet materiam: quippè transmutatio substantialis requirit materiam, quæ dicitur esse potentia contradictionis adesse & non esse. Respondent, transmutabile sumi dupliciter; & primò, quod per creationem deus non esse substantiali, ad esse substantiale: vel per annihilationem transit abesse substantiali ad non esse substantiale. Secundò, quod ab vna forma physica substantia li transit ad aliam formam. Pri-



modò tantummodò Cœlum est transmutabile substantiale; vndè negant consequentiam; materia enim facta est propter transmutationem substantialem ad formas; sed ista transmutatio non datur in Cœlo: ergo nec materia: etenim nihil ponendum est frustra, & sine causa in natura.

Replicabis. Subiectum & materia conuertuntur: sed in Cœlo est subiectum: ergo materia. Respondent materiam sumi dupliciter. Primò, est subiectum receptivum formæ substantialis tamquam compartis; Secundò est subiectum receptivum formæ accidentalis. Dicunt ergo tantum secundo modo dari materiam in Cœlo, quod recipit quantitatem, diaphaneitatem, motum, sicut etiam Angelus spiritualis est subiectum suæ intellectiōis, sui motus, sicut anima rationalis. Hinc negant simpliciter materiam. Replicabis. Cœlum est simplex carens materia; ergo est ens spirituale. Respondent quod simplex, est in triplici differentia. Primò, simplicitate opposita mixtioni; ita elementa sunt corpora simplicia; quia licet componantur ex materia, & forma, tamen singula non sunt composita ex quatuor

elementis, siuè qualitatibus omnium elementorum, sicut planta dicitur esse materia, quia componitur ex elementis. Secundò simplicitate opposita compositioni ex forma substantiali, & ex materia prima, ita elementa non sunt simplicia. Tertiò simplicitate opposita compositioni partium integrantium. Hoc tertio modo Cœlum non est simplex; vndè negant consequentiā; quia ens spirituale non componitur ex partibus integrantibus ordinatis ad quantitatem.

Oppones. Cœlum est obiectum physicæ; ergo debet habere principia physica, scilicet materiam, formam, & priuationem. Respondent negando consequentiam; illa enim principia tantum conteniunt rebus subluaribus; sufficit autem, si Cœlum sit ens immobile; nam verè est principium lationis, & alterationis; sic discurrunt præcitati Doctores.

#### DOCUMENTVM IV.

*Cœlum sua constat materia.*

**D**ocumentum hoc, hæc suadent rationes. Prima, quidquid est physicæ considerationis, si totum est, ex materia

constat: si pars, aut est materia, aut aliquid eductum de potentia materiæ, aut habet necessariam connexionem cum materia: sed Cœlum est physicæ considerationis teste Aristotele, qui quatuor de Cœlo libros inter alios de physico auditu inferere voluit; ergo totum Cœlum habet esse ex materia compositum: & altera pars, nempe forma, educta esse debet de potentia materiæ, & debet esse in materia; habereque cum ea connexionem: Accedat secunda ratio. Quidquid est per existentiam, & subsistentiam; vel est actus, vel habet actum; actus est, si forma fuerit: actum habet, si materia est, cui sit annexa forma: sed Cœlum non est actus; cum non sit nuda forma; ergo est actum habens, & constat materia, quæ actum habet, nempe formam. Tertiò. Vbi sunt accidentia, quæ materiam consequuntur, ibi & materia est: sed in Cœlis sunt accidentia quæ consequuntur materiam, ergo materia in Cœlis est. Maior propositio in dubium verti non potest ab eo, qui nouit accidentium distinctionem, quæ in hoc consistit, ut quædam sint amica formæ, eamque nunquam deserant; alia sint amica materiæ, ita ut sine illa non sint,

& ubi illa fuerit, hæc quoque adsint. Posterioris generis sunt, quantitas, & quæ sine quantitate non sunt. Minor probatur, quia extensio, & diuisibilitas, quæ inseparabiliter sequitur quantitatem, reperitur in Cœlo, sicut raritas, densitas, figura, & alia id genus multa.

#### DOCUMENTVM V.

*Cœlorum materia est eadem species cum materia rerum sublunarium.*

**I**ta habet Scotus in 2. dist. 14. & alibi. Sensus est. Secundum omnes, res sublunares, quomodocumque inter se distinguantur, siuè realiter, siuè essentialiter, non tamen diuersas habent materias, sed vna eademque est omnium rerum sublunarium materia. Simili modo, cælestia corpora, quantumuis inter se, & à rebus sublunaribus distinguantur, non tamen diuersam speciem habent materiam, sed omnium Cœlorum, omnium elementorum, omnium ex elementis compositorum, vna eademque specie est materia. Probatur hæc vnitas, & identitas materiæ ab impossibili; hoc modo. Impossibile est plures esse

se materias specie inter se distinctas: ergo vnica est materia. Probatur antecedens: quia omnis distinctio specifica prouenit ex actu formali in physicis, sicut ex differentia essentiali in metaphysicis: sed materia intrinsicè, & in se non habet formam tamquàm partem sui; ergo non habet vnde distinguatur specie, & essentialiter ab alia materia. Adde & hanc probationem. Id, quod est in vltimo gradu, vltra progredi non potest, idest, non est diuisibile in vltiores partes, quæ sint inferiores, & inter se distinguantur. Hinc fit, vt quauis genus sit diuisibile in species, & species quælibet sit diuisibilis in indiuidua; nullum tamen indiuiduum sit diuisibile in aliquid inferius, aut in plura inferiora (quia in serie prædicamentali indiuiduum occupat infimum gradum): sed materia est in infimo gradu naturæ, vnde appellatur pura potentia, & propè nihil; ergo impossibile est diuidi in duas materias essentialiter distinctas; nam hæc distinctio facit vnā materiam, altera nobiliorem, & hæc nobilior materia, non esset re vera materia: non esset propè nihil: non esset potentia pura: non esset in vltimo gradu naturæ; cum om-

ne imperfectius sit sub perfectiori.

DOCUMENTVM VI.

*Non est improbabile simpliciter materiam Cæli differre specie à materia sublunarium.*

**A**D pleniorē probationem, præmitto non carere probabilitate sententiam doctentem non repugnare plures materias specie diuersas. Probatur quia sicut non repugnat dari plures specie formas, ita nec repugnat dari plures specie materias. Secundò sicut materia potest esse vna specie, multiplex numero; ita potest esse materia, vna genere, multiplex specie. Tertiò sicut dantur diuersa specie subiecta ad diuersa specie accidentia; ita possunt dari diuersæ specie materiæ ad diuersas formas. Quartò sicut potest dari materia, quæ respiciat plures formas sub ratione formæ, ita potest dari materia, quæ respiciat vnā, vel aliquas formas sub ratione talis formæ, v. g. sub ratione formæ animatæ, vel sub ratione formæ spiritualis. Quintò, quia non potest assignari aliqua implicantiā neque ex parte

parte Dei, neque ex parte formæ. Vergetur ratio. Quidquid non implicat contradictionem, concedendum est Diuinæ Omnipotentia: sed non implicat contradictionem creari à Deo materias specie diuersas; ergo id potest facere Deus. Minor probatur, quia nulla est implicatio in eo quod faciat Deus vnā materiam, quæ solum recipere valeat formas corruptibiles, & aliam, quæ solum recipere possit formas incorruptibiles, & etiam, quæ has & illas complectatur, inter quas sine dubio dabitur specifica distinctio; cum respiciant formas specie diuersas, à quibus specifica materiarum distinctio sumitur.

Oppones. Omnis distinctio fit per aliquem actum teste Aristotele 7. Metaph. textu 49.: sed materia, cum sint puræ potentia, nullum in se actum includunt; ergo repugnant specie distingui. Respondetur, omnem distinctionem fieri per actum metaphysicum, & formalem, nempe differentiam specificam; hunc actum habet materia, licet sit pura potentia physica; & ideo potest vna specie distingui ab alia: actus enim physicus, & informativus solum requiritur ad causandam distinctionem inter

species completas; materia autem est species incompleta, & ideo non debet distingui per actum physicum, sed metaphysicum.

Oppones. In quolibet genere causarum datur vna prima causa, ultra quam progredi non liceat, vt probat Aristoteles 2. Metaph. cap. 6.; ergo in genere causæ materialis deueniendum est ad vnā primam materiam; ergo non sunt possibiles species diuersæ materiae: alioquin causa materialis non esset vna, sed multiplex. Confirmatur, quia pura potentia opponitur puro actui; sed in puro actu, scilicet Deo, non potest esse specifica distinctio, ergo nec in pura potentia qualis est materia. Respondetur, Philosophum in eo loco solum intendere, in quolibet genere causæ, necessario deueniendum esse ad aliquam, quæ in eo genere sit prima; ita vt, ipsa, à nulla alia causetur in eodem genere: v.g. in genere causæ efficientis, finalis, & exemplaris, deuenimus ad Deum, qui est prima causa omnium creaturarum in hoc triplici genere causæ, cum in illo, non fiat ab alio. Deinde in genere causæ formalis deuenimus ad formam substantialem, quæ in tali genere, à nulla

nulla alia causa causatur ; & eodem modo , materia prima in genere causæ materialis est prima causa formarum substantialium , quia ipsa in tali genere à nulla alia causa causatur . Cum hoc tamen benè comparitur posse esse plures materias specie diuersas , sicut possunt esse plures formæ substantiales specie diuersæ . Ad confirmationem respondetur : cum actus purus claudat in se omnem perfectionem , illi omninò repugnat specifica distinctio ; at verò pura potentia , utpotè , quæ continet limitatam perfectionem , non repugnat multiplicari specie .

Oppones . Si possibiles essent plures materiæ specie diuersæ , vna illarum esset necessariò perfectior altera : hoc autem fieri non potest ; ergo nec illud . Confirmatur : quia materia est ens omnium imperfectissimum , & propè nihil , quod verum non esset , si vna materia esset perfectior alia : nam materia perfectior non esset ens imperfectissimum , & propè nihil ; siquidem perfectior esset , & longius distaret à nihilo , quam materia imperfectior . Respondetur , materiam non dici ens imperfectissimum propterea quod nihil sit imperfectius illa , nam multa ac-

cidentia sunt imperfectiora materia . Dicitur ergo materia ens imperfectissimum , & propè nihil in genere substantiæ absolutæ ; quia imperfectior est omni substantia absoluta , sicut creaturæ dicuntur non ens comparatione Dei , quia valdè distant in perfectione ab illo ; cum quo tamen benè comparitur intra latitudinem materiæ , esse posse maiorem , vel minorem perfectionem essentialem , & consequenter vnā specie distingui ab alia .

Mihi etiam possibilis est materia spiritalis . Probabile enim mihi est , ( vt dixi in libris Typis mandatis de Angelis , ) Angelos , & animas rationales constare ex materia , & forma physica . Multi ex nostratibus sunt mecum hac in parte ex Scoto quæst. 15. de anima . Legatur Pater Cauellus disput. 1. sect. 6. Fateor Scotum ibi non loqui ex mente propria , sed iuxta fundamenta Aristotelis , & Sancti Thomæ , ad quorum aures materia est principium indiuiduationis ; hinc cum in eadem specie Angelica sint Angeli numero distincti , consequenter in ipsis videtur locum habere materiam . Quoniam verò subtilissimus Doctor efficaciter soluit argumenta incon-

incontrarium, videtur in illam in illam inclinare sententiam, eò vel maximè quia quolib. 9. sub littera H, ita legit: Intelligere est operatio immaterialis quia proximum receptium habet, non includens materiam *saltem corporalem*. Hinc colligo subtilissimum Doctorem implicite sentire animam constare ex materia incorporea, quod idem dicendum de Angelis. Si quis probationes desiderat, legat nostrum tractatum de Angelis. Ad dimus, huic nostræ sententiæ votum dare Seraphicum Bonaventuram in 2. dist. nct. 3. parte 1. artic. 1. quæst. 2. Ricardus ibidem, Albertus artic. 4. ibidem, Voriolion ibidem, Aureolus apud Capreolum ibidem quæst. 1. artic. 2. Alensis parte 2. quæst. 10. membro 2. Hinc mirum videri non debet, me admittere materiam in Angelis (saltem de possibili) cum tot graues Doctores illam de facto dicant locum habere in Angelis.

Oppones, quod si Angelus haberet materiam: ergo nulla, esset ratio qua possemus negare Angelum esse corporeum, extensum, & quantum. Respondemus, materiam secundum se capacem esse, cum formæ corporalis, tum spiritualis; hinc

de se neutra est, sicut superficies de se, nec nigra, nec alba. Non est ergo verum dicere materiam diuidi per quantitatem, quia sua hecceitate diuiditur.

Obijciunt alij, inde deduci corruptibilitatem locum habere in Angelis: quippè materia est indifferens ad omnes formas, & vna habita, alteram desiderat. Negamus consequentiam: quippè etsi fateamur materiam de se capacem esse aliarum formarum; tamen si informetur à tali forma spiritali, vt non admittat huiusmodi forma in nouam mutationem transire eo quod nullum creatum agens, eam alterare valet, tunc materia illa non est ratio corruptibilitatis. Adde, quod cum totum specialiter, & principaliter suam summat specificationem à forma, si hæc erit simpliciter incorruptibilis, subito incorruptibile simpliciter concluditur esse totum. Vel dicas Angelos posse dici corruptibiles de remoto ratione materiæ; qua ratione etiam corruptibilitatem admittimus in Cælo. Replicabis ergo Angelus potest desinere per separationem partium. Occurrimus negando, ex separatione partium sequi in tali casu corruptionem, quinimò potius deduci-



ducitur separatio, seu dotitio in tali casu, vel annihilatio. Verum, in rigore, quia remanerent partes in suo esse, nec simpliciter foret annihilatio, qua ratione foret appellanda alio nomine nobis ignoto. Nec hoc mirum, nam ita discurrunt Theologi de separationis panis in Eucharistia. Dices; sit casus, quod Deus separaret formam Angeli à materia; tunc illa forma spiritualis, iam haberet intelligere, & velle; ergo illa forma gauderet materia: etenim accidentia huiusmodi deberent recipi; at, non nisi in materia: ergo, &c. Sit tale argumentum: denudet Deus talem materiam, tali forma. Peto, intelligeret, & vellet nec ne? Non dicas quod non, quippè non esset maior ratio de hac, quam de illa; ergo asserenda pars affirmativa. Quo circa Deus, si iterum separaret, ergo in infinitum procederemus. Occurrimus, quod in tali casu operatio foret neganda illi formæ, cum iam sine materia supponeretur, quo circa quasi truncus maneret forma illa; sicut in sententia Angelici Magistri, anima perseveraret quando separarentur ab ea propria potentia, quæ sunt accidentia in schola Divi Thomæ; loquor de intellectu, & voluntate.

Oppones inde sequi formam Angelicam posse educi saltem, ope Divina de tali materia; Unde Angelus inter res generabiles locum haberet. Respondemus quod si sermo sit de rebus ut de facto illæ se habent, Angeli sunt termini creationis, ita docente Concilio Lateranensi. Verum si de ordinaria potentia, ad absolutam Dei fiat transitus, multi sunt opinati, nullam docere repugnantiam doctores admittentes generabilitatem in Angelos, eorumque formam educi de materiæ potentia. Alijs placet, quod cum forma Angeli præstantissima esset, non posse illam educi de materiæ potentia; quæ doctrina posset explicari exemplo habituum supernaturalium, qui etiam accidentia sint, tamen ob eorum perfectionem, eis intrinsicè repugnateductio de materiæ potentia. Oppones quod Angeli intellectio immaterialitate gaudet. Nulla ergo ratione Angelus erit materialis. Ad hæremus Durando in 2. distinct. 3. quæst. 7. negando consequentiam; docet quippè ex supposito discursu deduci hominem inter res immateriales fore connumerandum; cum eiusdem hominis operatio aliqua, immaterialitate sit dotata. Occurrit quod

Angelus adhuc dependet à concursu corporis, ut corpus cognoscat; ergo Angeli operatio minimè immaterialitate simplici gaudet. Vel si placet dico cum Scoto quolib. 9. littera G. quod immateriale triplici in sensu capi potest. Et sic dicitur operatio animæ immaterialis, primò ut est inorganica, quatenus scilicet, ad intelligendum non petit sibi organum determinatum, sed totus homo intelligit; & hoc in sensu non benè deducitur immaterialitas in essendo; quippè etiam ignis operatur inorganicè, & tamen dependet à materia. Secundo dicitur immaterialis respectu obiecti in quantum percipere valet vniuersale; & hoc in sensu, solum terminatiuè est immaterialis, quinimò cum adhuc materialia percipere valeat, non concluditur in essendo immaterialitas simpliciter. Tandem dicitur immaterialis pro quanto in subiecto inextenso sedem habet; Hinc cum intellectio solum recipiatur in anima inextensa, deducitur quod in essendo dicatur anima immaterialis secundum inextensionem. Idem dico de Angelo, cuius operatio immaterialitate gaudet pro quanto recipitur in Angelo qui inextensus, & immaterialis est. Hinc

non concluditur materiam spirituales non posse locum habere in Angelis. Oppones receptiuum, denudatum debet esse à materia recepti teste Aristotele 3. de anima. Hinc intellectus debet esse denudatus à materia cum cognoscat res materiales. Occurrimus ex Scoto in 2. distinct. 3. quæst. 6. glosando Aristotelis dictum; dicendo, intelligendum fore de organico receptiuo, seu de potentia sensitua, v. g. de oculo qui, ut cunctos colores percipiat, à natura recepti debet esse denudatus. Hinc visiva potentia, nullius est coloris: quia si pupilla foret viridis, cuncta viridia apparerent. Non ergo autoritas Aristotelis vrget de spiritali potentia: quandoquidem cum intellectus sit totius entis perceptiuus, si deberet esse denudatus à natura recepti, deberet & etiam non esse ens.

Oppones nostram doctrinam aduersari Diuo Dionysio cap. 4. de diuinis nominibus docenti Angelos incorporeos esse, & immateriales; Dionysio votum dant, & alij Patres ut in libris de Angelis notauimus. Respondemus, Angelos materiales dici comparatiuè, nimirum comparando illos ad Deum, in cuius comparatione creaturæ cunctæ, veniunt

veniunt asserendæ materiales. Vel dicas Angelos ita appellari, eo quod non sint mutabiles ad formam substantialem. Insurges petendo de materia illa spirituali; esset ne eiusdem speciei cum nostrate, vel foret alterius rationis? Non dicas primum, nec secundum ob rationes supra assignatas, quia indè sequeretur semper concludi admittendam fore generationem, & corruptibilitatem in Angelica natura. Vt occurramus, dico posse teneri quod materia illa sit eiusdem speciei cum nostrate. Non tamen rationabiliter indè deduci potest Angelum fore corruptibilem simpliciter. Ratio est: quia etiam in doctrina Scoti, materia Cœli conceditur eiusdem speciei cum nostra, & tamen Cœlum asseritur incorruptibile, etsi inter corruptibilia connumerandum foret quando unio propriæ formæ ad materiam, incorruptibilitate non gauderet. Ita discurrendum in re nostra. Adde Angelum etiam fore appellandum incorruptibilem ob incorruptibilitatem suæ formæ. Dices ergo, & homo erit formaliter incorruptibilis: quippè eius materia, eiusdemque forma incorruptibilis docetur. Solet responderi nullam esse consequentiam,

quia cum incorruptibilitas sit prædicatum negatiuum, nequit de toto affirmari, nisi utrique parti simul, & unioni conueniat; verum, cum unio formæ hominis sit corruptibilis, eo quod anima amissibiliter informet, non potest homo formaliter adstrui incorruptibilis. Aliter discurrendum de prædicatis affirmatiuis; hinc dicitur homo intellectiuus ab anima, minimè verò immortalis; cum tamen non minus anima ipsa immortalis sit, quam intellectiua. Insurges: ergo homo potest dici spiritualis respectu animæ: quia prædicatum est affirmatiuum. Communis est responsio negando esse prædicatum affirmatiuum secundum se, quia explicatur à nobis per negationem, vel dependentiæ à materia, vel diuisionis partium.

Non abhorremus (ut iam alias supra notauimus materiam diuersæ speciei): qua stante doctrina, distingueretur materia corporea nostra à spirituali Angelica, eo quod ista respiceret actum in ratione informandi distinctum specie à materia nostrate, eo quod inamissibiliter haberet forma Angelica informare; nostra verò informaret amissibiliter; qui modi informandi, satis

sunt ad concludendam distinctionem specificam. Contrarios habebimus multos Scotistas in hac parte. Argumentantur etenim ita. Non dantur duo primi efficientes, nec duo fines primi: ergo nec duæ materiæ distinctæ specie. Nos iam supra sufficienter responsionem dedimus huic argumento. In præsentī contra nostrates sit tale argumentum. Dantur duæ formæ specie distinctæ: ergo duæ materiæ specie distinctæ nullam inuoluunt repugnantiam. Vel dent disparitatem. Discursus desumptus ex paritate vnius solius primi efficientis, & vnius solius primi finis, nil concludit contra nos: etenim aliundè est repugnantia, & est: quia cum vnus sit Deus rerum omnium causa: ita erit rerum omnium finis. Replica- bunt Scotistæ hoc pacto. Dantur duæ materiæ specie distinctæ: ergo vna est perfectior altera; nunc ita vel erit perfectior in ratione potentiæ, vel in ratione actus; Non hoc secundum, quia nullum actum admittit pura potentia; ergo, primum, ergo magis imperfecta, quia magis erit in potentia. Non abhorrentes possibilitatem duarum specierum æqualis perfectionis, de facili se liberarent à

proposito argumento. Nos stantes in communi sententia, aimus, quod vna erit perfectior altera; non tamen in ratione actus, nec in ratione potentiæ, sed potius ex eo, quod vna ex sua intrinseca ratione exigit esse perfectioris, actus, & inamissibiliter informari; qui modus cum sit perfectissimus, & ab alio specie distinctus est. Non mirum si materia Angeli perfectior asseratur, & distincta specie à nostrate. Dices ex nostra sententia, sequi concedendas fore in anima partes entitativas integrantes, quod tamen non potest admitti, nisi & etiam admittatur maximum absurdum: quippè sicut de fide tenemus animam esse spiritualement, & immortalem, sic & indiuisibilis asserenda venit. Adde quod anima esset simpliciter in partes corruptibilis; etenim si ab homine abscinderetur brachium, tunc illius animæ pars, quæ brachium in formabat, separaretur à cæteris animæ partibus; ergo luce clarius concluditur animæ corruptio. Occurrit indè sequi posse animam, secundum vnā partem, æterna fœlicitate frui, & secundum aliam æterno supplicio damnari. Sit casus quod pars aliqua separaretur quando manet

manet in gratia, & alia separaretur dum vrget peccatum habituale; tunc pars habens sibi coniunctum peccatum, infernali igni foret tradenda; altera verò, cum separata sit in statu gratiæ; in Cœlum fœliciter euolaret.

Argumento, vt breuiter satisficiamus; negamus sequi ex compositione materiæ, & formæ spiritualis, diuisibilitatem, partium entitatiuarum: nam posset utique stare non esse spiritua-lem & constare ex materia & forma, non verò ex partibus entitatiuis, sicut & etiam nec constare ex partibus quantitatiuis infert aliquod debere constare, ex materia, & forma, sicut esset corpus simplex, quod sine materia & forma haberet partes integrantes. Tamen, licet cum communi consensu teneamus animam indiuisibilem esse in partes integrantes eo quod careat illis. Nihilominus non video repugnantiam, cur res aliqua spiritualis diuidi nequeat in partes integrantes. Mihi dant votum in hac re Suarez de Angelis libro 4. cap. 1. Arriaga disput. 1. de anima sect. 4. subsect. 8. Ouiedo, & cum istis alij; moueor; quia gratia potest diuidi intensiue, & tamen spiritualis est, ergo & extensiue; quandoqui-

dem iisdem gradus, qui per intensiorem in eadem subiecti parte sedent, valent per extensionem in diuersis subiectis sedem habere. Adde quod vnio animæ rationalis ad corpus, spiritualis est, & tamen integratur ex pluribus vnionibus partialibus: nam per nutritionem, noua materia habetur, & noua vnio; sed non totalis, vt constat, ergo partialis, ergo, &c. Si placet, idem habe argumentum de vbicationibus spiritualibus ipsius animæ in corpore integrantibus vnam præsentiam totalem; Idem dic de vbicationibus Angeli in eodem spatio ad plures partes correspondentibus (quod maximè vrget si Angelus, dum mouetur, secum ferat aliud corpus); tunc enim duæ essent relationes, vna ad corpus, alia ad spatium. Item visio exterior, integritatem admittit ex pluribus partialibus visionibus; non vnica enim visione indiuisibili video Cœlum: etenim partem propinquam, video distinctè, remotam verò confusè; igitur ita erit visio interior, v. g. spiritualis cognitio; Vnde ergo repugnantia si concedatur admittendam rem spiritualem, integrari partibus? Dices ergo sine fundamento negantur partes animæ, nec est nobis ratio cur

hoc de facto non dicamus. Respondemus ob stare commune votum Scholasticorum à quibus sine rationabili fundamento recedere non iudicamus rationabile. Si rationes tamen attendantur, absurda adducta, minimè vrgent. Et quidem ad primum, respondere possumus cum multis, non esse de fide animam fore asserendam indiuisibilem; eam tamen immortalem, spirituales, & cætera dicimus. Legatur Arriaga sect. 4. numero 139. Ad secundum posset negari sequi corruptibilitatem animæ; nam nulla fieri posset separatio partis à parte, quia in toto corpore indiuisibiliter omnes existerent, ita ut omnes in tota materia, & omnes in qualibet parte materiæ, sicut omnes partes corporis Christi sunt in qualibet parte hostiæ, & omnes in tota hostia. Hinc, abscisso brachio hominis, solum haberetur, quod omnes partes essent in minori materia, quam antea. Si quis plura desiderat illum remittimus ad nostrum tractatum de Angelis.

#### De Forma Cali.

**I**nuenta est in Cœlo materia eiusdem rationis, & naturæ cum materia rerum subluna-

rium; ex quo fit, ut sicut impossibile est de facto in rebus sublu-  
naribus reperiri materiam sine  
forma; ita impossibile sit, mate-  
riam Orbium cœlestium, denu-  
datam, & expoliatam esse om-  
ni forma substantiali informan-  
te. Qua de re, cum sint discre-  
pantes sententiæ, quarum quæ-  
libet aliam formam dat Cœlo,  
nostrum est, quod sentiamus ex-  
plicare.

#### DOCUMENTVM I.

*Cælum quodlibet forma physica,  
& naturali constat, qua sub-  
stantialis, & de nu-  
mero non viuën-  
tium est.*

**V**Nde, Cœli non sunt ani-  
mati aliqua anima infor-  
mante, nec constaret intelligen-  
tia tanquam altera parte compo-  
siti informante materiam, & dan-  
te specificum esse. Formam  
Cœli non esse de numero viuën-  
tium, ita probamus. Si Cœli  
forma est de numero viuëntium;  
vel est intelligentia, vel est ani-  
ma; neutrum dici potest: ergo  
Cœli forma, viuens non est.  
Scio grauissimos Doctores in ea  
fuisse sententia, quæ Intelligen-  
tiam facit formam Cœli, illud  
infor



informantem, eò modo, quo anima corpus informat; Vndè istius sententiæ authores, dicunt propterea Cœlum esse animatum, quia Intelligentia per modum animæ informat Cœlum. Imò ad confirmationem istius sententiæ colligunt ex Aristotele sententias plures, in quibus ipse disertis verbis appellat Cœlos animatos. Quidquid alij sentiunt, apud nos certum est, Aristotelem ex propria mente non esse loquutum, cum facit Cœlos animatos, nisi voluerit Intelligentias motrices Cœlorum, abusiue & improprie dici eorum animas, quia illis assistendo, dant motum. Vnde hæc est Peripateticorum sententia, Cœlos esse animatos improprie, scilicet Intelligentia assistente, & mouente, non autem informante. Ratio est: quia impossibile est Intelligentiam copulari Cœlo vniione illa, quæ facit ens per se, vt solet forma substantialis cum materia constituere, vt hoc suadebit argumentum. Id quod est in vltima sua actualitate, vndè per anthonomasiam appellatur ens per se singulare, & indiuiduum, non potest concurrere cum alio, vt cum eo faciat vnum per se: sed Intelligentia qualibet est in vltima sua actualitate,

cum sit ens per se anthonomastici, singularis, & indiuidua, indiuiduatione, quæ dicitur persona: ergo non potest coniungi materiæ cælesti, vt hinc resultet ens per se. Legatur Scotus quolibet. 9. Nemo autem negauerit Cœlum esse ens per se; ergo non potest constare Intelligentia.

Potest tamen Angelus assumere corpora vera, & realia, substantialia, lata, & profunda, solida, & dura. Votum dant cuncti Theologi cum Scoto, & patet ex apparitionibus in sacris litteris enumeratis, vt ex illo Tobia 2. vbi legitur Raphaelem per multos dies in forma iuuenis comitatum fuisse Tobiam. Tum quia, cum corpora obediunt Angelo, nullo apparet repugnantia. Addo Angelum solum posse assumere corpus illud, quod est suæ virtuti proportionatum, & in quo valet humanas exercere exteriores operationes, vt loqui, videre, ridere, tangere, &c. Hinc non potest, nec corpus cæleste, nec elementare, nec lapides, nec metalla assumere; & quamuis multoties auditæ sint voces in aere, adhuc tamen non est necessaria assumptio corporis; cum possit Angelus in aere formare voces. Angelus

gelus ergo potest assumere verum corpus humanum alicuius mortui nondum corruptum. Patet : quia non repugnat posse Angelum applicando passiuam aëtiā, præseruare à corruptione, sicut fit arte humana per aromata. Sit exemplum adductum à Scoto in Reportatis in 2. distinct. 8. ubi refert fuisse quemdam Regem, qui mortuus erat, & per annum continuum probatur à Diabolo, & tamquam viuens credebatur ab omnibus. Dixi nondum corruptum, quia si corruptum est, non poterit vi Angelica ad pristinum reuocari; corpus autem illud Samuelis à Phitonissa resuscitatum, vel nondum erat corruptum, vel si corruptum, aliud simile efformauit Dæmon, & assumpsit. Addimus non posse Angelos in assumptis corporibus, vitales exercere operationes, vt sunt illæ, quæ proueniunt ab anima, tum sensitiuā, tum vegetatiuā, tum rationali, vt nutritio, augmentatio, &c. Dices audiunt, loquuntur, comedunt, &c. Respondetur quod locutio est tantum motio linguæ, auditio est potius intellectio in Angelo, commestio verò est tantum mastigatio cum attractione cibi in ventriculum. Vrgebis : ergo

commestio Christi post resurrectionem non fuit efficax argumentum veræ carnis resuscitatæ. Respondemus quod ex hoc tantum, non potest desumi efficax & adequata ratio, sed benè cum alijs adiunctis. Vel dicas cum Scoto quod non repugnat corpus gloriosum in se conuertere corpus non gloriosum, & sic sine corruptione præexistentis naturæ conuertere cibum in propriam nutritionem, & ita accidisset Christo si ab instanti suæ conceptionis redundasset beatitudo in corpus. Dices, Dæmones in assumptis corporibus generant. Respondemus non esse ex vi propria, sed ex accepto semine sunt incubi, & ita sequitur generatio; Dæmon ergo in tali casu, solum motum illum localem exercet; eo quod vera generatio est ex decidentia seminis elaborati, & geniti ex propria virtute. Concludimus ergo Angelos posse assumere corpora, negamus tamen posse informare materiam.

#### SECUNDVM DOCUMENTVM.

**P**Onere animam in Cœlo diuersam ab Intelligentia error est Auerrois, omnino reici-

cien

ciendus ; siquidem anima est a-  
 ctus corporis organici , idest  
 compositi ex quatuor elementis,  
 & habentis partes dissimilares ,  
 quæ sint organa deferuentia fa-  
 cultatibus animæ : sed neque  
 Cœli ex quatuor constant ele-  
 mentis , neque habent organicas  
 partes , neque habent partes di-  
 uersas sub diuersis proprietati-  
 bus positas , quæ varijs possint  
 deferuire facultatibus . Nec oculo-  
 habent , neque aures , neque  
 alias id genus partes : ergo nul-  
 la est in Cœlis anima . Adde  
 quod Cœlum , neque augmen-  
 tatur , nec nutritur vt docet ex-  
 perientia . Non debet animam  
 vegetatiuam ; siquidem Cœlum  
 non crescit . Non sensitiuam ,  
 siquidem non habet sensus ; Ri-  
 diculum enim esset affirmare  
 Solem , & Lunam esse oculos  
 Cœli . Non habet animam ratio-  
 nalem ; repugnat quippè dari  
 animam rationalem , quæ non  
 sit simul sensitiua , & vegetatiua  
 saltem de facto .

Petes , qua censura damnanda  
 sit antiquorum Philosophorum  
 sententia ; quæ Cœlis animam  
 arrogabat 3. Respondetur senten-  
 tiam , quæ Cœlos ponebat ani-  
 matos anima vegetatiua , & sen-  
 sitiua erroneam esse in Philoso-  
 phia , vt patet ex dictis : asere-

re autem Cœlos habere animam  
 rationalem , error est in fide di-  
 uina , neque enim datur aliud  
 cōpositum ex materia & forma  
 rationali , præter humanum .  
 Cum igitur manifestè deducatur  
 ex fide , Cœlos non esse homi-  
 nes , error est fidei contrarius ,  
 Cœlos ponere animatos anima  
 rationali . Ex quibus euidenter  
 constat , neq; Deum esse animam  
 Cœli , vel mundi . Quod si di-  
 cas in sacra scriptura haberi op-  
 positum nostræ conclusionis , vt  
 patet ex illo psalmi : Cœli enar-  
 rant gloriam Dei , & ex illo Iob ;  
 cum me laudarent Astra matu-  
 tina ; at iste sunt actiones viuen-  
 tis : ergo Cœli viuent . Respon-  
 detur , per Cœlos ibi intelligi  
 habitatores Cœli , quales sunt  
 Angeli ; Ita explicat Damascenus .  
 Vel dicas quod Cœli enar-  
 rant gloriam Dei , & Astra ip-  
 sum laudant moraliter , quate-  
 nus , creaturæ eam contemplan-  
 do , inuitantur ad magni-  
 ficandam sapientiam , &  
 omnipotentiam Dei ,

quæ crea-  
 uit ip-  
 sa.

sublunaria viuentia habent alia accidentia, quæ excedunt accidentia Cœlorum, quales sunt vitales operationes. Nec præterea obstat quod cælestia corpora sint causæ viuentium sublunarium; dicimus etenim quod ratio viuentis semper reddit digniorem formam.

*De Pluralitate Cœlorum.*

**N**on hic quærimus: an plures sint Cœli genere distincti, communis definitio satis doceat hanc genericam vnitatem, quemadmodum definitio communis tribus animabus, Vegetatrici, sentienti, & rationali, ostendit eas esse eiusdem generis; quæ identitas genericæ non prohibet distinctionem specificam, & indiuiduam: hinc nostrum est inquirere Cœlorum multiplicem numerum, atque distinctionem specificam, & singulare.

*DOCUMENTVM PRIMVM.*

*Non est unum tantum Cœlum, sed plures.*

**I**ta docet communis sententia cum Scoto in 2. distinct. 14. quæst. 2. & desumitur euidenter

ex Sacra Scriptura: nam Moyse in lib. Gen. cap. 1. insinuat, primò die creatum fuisse vnum Cœlum, nempe Empyreum, asserens: In principio Deus creauit Cœlum, & terram. Dòcet secundò die aliud fuisse creatum his verbis: Fiat firmamentum in medio aquarum; & narrat quarto die fuisse producta duo luminaria, nempe luminare maius, & luminare minus, quæ quidem sunt corpora cælestia; ergo admittendi sunt plures Cœli. Accedat ratio; in Cœlo sunt plures stellæ, quæ inæquales habent motus, & difformiter ab inuicem distant: sed ad hoc, necessarium est, vt sint locatæ in pluribus, & diuersis corporibus cælestibus; ergo dantur plures cœli. Minor probatur, cum secundum Astronomos stellæ non moueantur, nisi ad motum Orbis; si essent locatæ in vno tantum corpore cælesti, non haberent nisi vnum tantum motum, & æqualem ab inuicem seruarent distantiam; si quidem non habent proprium motum, quo possint ad inuicem magis accedere, vel ab inuicem recedere; ergo, si quidem habent inæquales motus iuxta obseruantiam Astronomorum, necessariò debent habere corpora cælestia, in quibus locantur, &

proindè dantur plures Cœli.

Oppones. Genesis primo legitur, quod Deus fecit duo luminaria magna, & stellas, & posuit illa in firmamento Cœli; ergo in eodem Cœlo sunt omnes stellæ, & luminaria; & proindè propter pluralitatem stellarum, & luminarium, non sunt ponendi plures Cœli. Respondetur, quod Sacra Scriptura per firmamentum non intelligit vnum tantum, & simplex corpus cæleste, sed intelligit aggregatum illud ex pluribus corporibus cælestibus interiectis inter Cœlum Empyreum, & elementa; & sic non sequitur esse vnum tantum cœlum. Replicabis; vna est terra; ergo vnum debet esse Cœlum. Negatur consequentia; quia cum vnicus sit mundus, vnum tantum petit centrum; terra autem est eius centrum, & ideo debet esse vna tantum; at necessarii sunt plures Cœli propter pluralitatem, & diuersitatem motuum, quos obseruant Astro-nomi in Orbibus cælestibus.

## DOCUMENTVM II.

*Vndecim sunt Cœli, quorum decem sunt physica considerationis; vndecimum est Deus, atque Beatorum sedes, esseque Theologica considerationis.*

Vnica est nobis via, qua deprehendere possumus, qualis sit Cœlorum numerus; hæc via est motus localis, de quo ita ratiocinantur Astrologi. Cuiuslibet corpori simplici, vnicus naturaliter competit motus; sed septem sunt planetæ, quarum qualibet est dentior pars sui orbis, qui vario inter se moventur motu; nam aliquando sunt sibi viciniore, aliquando à se inuicem remotiores; ergo sunt in septem diuersis Cœlis: His supereminet mille viginti duæ stellæ, quæ cum semper inter se eandem distantiam, & proximitatem seruent, in vno eodemque Cœlo esse debent; istud autem Cœlum triplici agitur motu naturali, raptu, accessu, & recessu. Ex his tribus motibus vnus est sibi proprius, alij duo motus à duobus superioribus Cœlis manant, & quidem motus, qui accessus, & recessus dicitur, fit à Cœlo cristallino; motus

motus verò raptus à primo mobili, ac proinde duo sunt Cæli superiores firmamento, quibus supereminet Empyreum Cælum. Hi omnes Cæli, si enumerentur, reperientur vndecim.

*DOCUMENTVM III.*

*Cæli distinguuntur à se specie.*

**H**AEC distinctio specifica Cælorum, vnico probatur pro nunc argumento. Accidentia in duplici sunt differentia; alia enim dicuntur propria, alia communia. Propria sunt, quæ à principio fluunt intrinseco, à substantia videlicet, cui inhaerent. Vnde quælibet species, peculiaria sibi vendicat accidentia, quibus saluis, & integris, conseruatur substantia; illis verò destructis, & corruptis, consequenter destruitur substantia; quia quo se tueatur, non habet. Communia dicuntur, quæ non tantum vni speciei, sed pluribus ab extrinseco adueniunt, quibus destructis, nullum damnum patitur substantia. A proprijs accidentibus colligitur identitas, vel diuersitas specifica in substantiis; quia cum occultæ sint, & insensibiles substantiæ, propriasque eas differentias ef-

sentiales nesciamus; per sola accidentia propria nobis innotescant. Et si fateamur in singulis Cælis eadem quædam reperiri accidentia: quia tamen illa communia sunt, ex eis argumentari non licet, & colligere identitatem Cælorum specificam; sed expendenda sunt illa accidentia, quæ ita vni conueniunt Cælo, vt his contraria alijs Cælis conueniant. Vnum sufficiat pro reliquis. Solis lux calida est, & sicca, non quidem formaliter, sed virtualiter; & eadem lux in Luna, & si calida sit, non tamen sicca, sed humida valdè. Eadem Solis lux in Saturno est quidem sicca, sed tamen frigida. Hæc disparitas lucis solaris quantum ad efficientiam, notat aliam esse naturam Lunæ, aliam Saturni, aliam Solis. Sunt & alia accidentia in alijs Cælis, quæ eandem distinctionem inferunt. Hæc omnia hac vnica argumentatione concluduntur. Sufficit ad distinctionem specificam, vel vnicum accidens, vni concessum, alteri denegatum: sed quodlibet Cælum, peculiare, & proprium habet accidens, negatum alijs Cælis: ergo specie differunt Cæli, sit argumentum. Illa, quæ habent diuersa specie operationes, & proprietates con-



naturales, sunt diuersa specie essentiali; quia illa, quæ sunt eiusdem speciei, semper habent easdem proprietates, & operationes eiusdem rationis: sed corpora cœlestia habent diuersas proprietates connaturales, & diuersas operationes: ergo sunt diuersæ speciei essentialis. Probatur minor quo ad operationes. Nā Cœlum Mercurij habet diuersas influentias in rebus sublunariis ab illis, quas habet Cœlum Martis in eis, & quantum ad proprietates naturales. Alij Cœli sunt ex natura sua lucidi, & alij carent luce. Alij sunt opaci, & alij ex natura sua diaphani: ergo Cœli habent diuersas operationes, & proprietates naturales, ac proinde specie essentiali distinguuntur.

*De Ordine, quo sunt dispositi Cœli.*

**E**A fuit diuina prouidentia, vt non solum pulchritudinis causa, sed magis pro bono vniuersi, & ad hominis commodum, elementa, sine quibus non viuatur, eo disposuerit ordine, vt sine nobis, utiliora, magis vicina; non potuit eadem prouidentia diuina, nostri obliuisci in ordine Cœlorum; hinc

certissimè nobis persuadere debemus, diuinum quemdam ordinem in Cœlis reperiri, non autem tumultuarium, & sine prudentia. Restat ergo, vt hunc explicemus ordinem.

*DOCUMENTVM PRIMVM.*

**H**Oc ordine sunt Cœli dispositi, vt Cœlum Empyreum, cæteris supereminet, sitque à nobis remotissimum; huic supponitur immediatè primum mobile, deinde Cœlum cristallinum, firmamentum, Saturni, Iouis, Martis, Solis, Mercurij, Veneris, Lunæ; Empyreum Cœlum, ratione suæ immobilitatis, super omnes alios Cœlos (vt potè mobiles) poni debuit. Primum mobile, quod suo naturali motu rapit omnes alios Cœlos, eosque ad assimilem motum cogit, debet alijs supereminere, & suo ambitu illos complecti; cristallinum Cœlum debet esse superius firmamento; cum illi motum trepidationis tribuat; nec enim Cœlum inferius, superiori Cœlo suum communicat motum. Ordo aliorum Cœlorum, dupliciprehenditur via, scilicet, tarditate, & velocitate motus, qui prima via est, vt ex Eclipsi, quæ

est

est secunda via. Ex prima, ita argumentantur Astrologi. Cum cuilibet Cælo conueniat motus naturalis ab occasu in ortum, & ab ortu in occasum, iste tamen motus tardior est in quibusdam Cælis, velociter autem in aliis. Quærenda est ratio istius tarditatis, & velocitatis, quæ certè alia non est, quam approximatior, & elongatio à primo mobili. Quod mobile primum, quia contrario motu mouetur, quam moueantur alij Cæli, dum alios rapit Cælos, prohibet ne tam cito naturalem suum absoluant cursum, & quia vis agentis potentior, est in patiens propinquum, minor autem in patiens remotum: illi Cæli erunt remotiores à primo mobili, qui minus in suo naturali motu retardantur, illi verò viciniore, qui tardius suum absoluunt cursum. Huiusmodi naturali motu, Luna absoluit Cæli circuitum infra viginti octo dies, sol verò non nisi infra trecentos sexaginta quinque dies, Saturnus infra triginta duos annos; cum stelliferum Cælum, centum consumat annos in conficiendo vno gradu ex triginta in quos Cæli ambitus diuiditur. Ex secunda via ita ratiocinantur Astrologi. Eclipsis nihil aliud est, quam pro-

hibitio lucis alicuius siderum, vt à nobis percipiatur. Ex quo fit, vt ad eclipsim, oporteat illud quod patitur eclipsim, superiorem habere locum: illud verò quod infert eclipsim, esse in loco, & ordine inferiori; sed aliquæ planetæ aliis planetis, nec non stellis; inferunt eclipsim: ergo sunt illis inferiores. Luna infert Soli, relique planetis, atque etiam Stellis in firmamento existentibus eclipsim: ergo Luna infimum locum, in Cælorum ordine sibi vindicat. Infert Sol eclipsim Marti, Ioui, Saturno, & Stellifero Cælo ergo est inferix. Sol. Infert Mars Ioui, Iuppiter Saturno, Saturnus Stellis firmamenti; ergo hunc seruant ordinem, quem documentum nostrum notauit.

## DOCUMENTVM II.

*Non est recipienda Platonis sententia volentis Solem immediate sequi Lunam, ita vt Mercurius, & Venus sint Sole superiores.*

**D**estruitur Platonis error, destructo suo fundamento, quod tale est. Mercurius,

& Venus non inferunt eclipsim Soli : ergo non sunt sole inferiores . Respondetur concessio antecedente nego consequentiam . Verum quidem est , Solem , non pati eclipsim à Mercurio , aut Venere : tamen non valet consequentia , ergo hi duo non sunt inferiores Sole , quia ad eclipsim inferendum , & si necessario requiratur , ut sidus eclipsim patiens , sit superius ; hæc tamen ratio non sufficit , sed aliæ requiruntur conditiones , æquæ tres ; Illarum prima est summæ necessitatis , aliæ verò duæ non sunt ambæ coniunctim necessariae , sed tantum altera earum debet esse necessario cum prima . Prima ratio est , ut supponatur sidus eclipsim inferre sideri patienti eclipsim suppositione secundum lineam perpendiculararem , quo supposito fit ; cum duo hæc sidera ita directe superponantur , & supponantur , ut centrum unius , alterius centro respondeat , & protracta linea à centro unius transeat per centrum alterius . Secunda ratio est , ut Stella inferens alteri eclipsim , sit , aut maioris , aut saltem æqualis magnitudinis . Tertia , ut quod maximè distet Stella , quæ infert eclipsim ab ea , quæ eclipsim patitur . Ex his

tribus conditionibus ad eclipsim inferendum necessarijs , prima tantum reperitur in Mercurio , & Venere respectu Solis : at verò deficiunt aliæ duæ ; nam Mercurius , & Venus sunt minimæ quantitatis , si cum Sole conferantur , & est Venus proximè Soli ; Mercurius autem proximè Veneri ; ac proinde mirum non est , si ab his duobus , Sol eclipsim non patitur , quamvis sit illis superior in Cælorum ordine .

### De Cali figura .

**R**ebus omnibus indita est à natura non una eademque figura , sed varia , & multiplex , quam videlicet natura rei expostulat . Hoc privilegio privari non debuit Cælum , cum corpus sit , & impossibile sit corpus solidum , esse sine aliqua figura . Si quis roget cuiusnam figuræ Cælum sit , subsequantur le-  
gar nostra  
documenta .

## DOCUMENTVM I.

*Cælum est circulare , & spherica  
figura tam in parte connexa,  
quam in parte con-  
cava.*

**P**robatur duplici modo. Sit prima. Corpori perfectissimo debetur figura perfectissima: sed Cælum est omnium corporum perfectissimum; estque circularis figura, omnium perfectissima: ergo Cælum est sphericæ, & circularis naturæ. Maior patet: quia accidentia perfectiora debentur substantijs nobilioribus, Cælum est sustantia, & figura accidens; minoris pars prima probatur ex incorruptibilitate Cæli, & efficacia Astrorum, quæ in Cælo sunt. Secunda pars est inconfesso ad omnes Mathematicos, qui in figuras solidas, primatum dant globo, & inter figuras planas, dant primatum circulo; quia circularis figura, & spherica, cum sit omnium minima, est omnium capacissima. Secunda ratio est; natura non patitur vacuum tam in rebus sub lunaribus, quam in Cælis; sed sola circularis figura in Cælis, quæ contrarijs, & diuersis motibus mouentur, potest pro-

hibere vacuum; ergo debent esse circularis figuræ. Minor verò patebit ex eo, quod si duo corpora fiant alterius figuræ, quam sphericæ, & circularij, & diuersis motibus moueantur; cum enim quæcumque alia figura angulos habeat, tum solum, non erit vacuum, cum anguli, alter erunt in alterius angulis: at cum per motum separabuntur à se inuicem anguli, necessum est angulos manere vacuos.

## DOCUMENTVM SECVNDVM.

**D**Vuplici via, scilicet æquabili distantia Stellarum, firmamenti à nobis, & inæquabili magnitudine circulorum, quæ in Cælis sunt, deprehendi potest, & concludi Cælo esse circulares. Propterea Stellæ, quæ sunt in firmamento, appellantur fixæ, non quod immobiles sint: mouentur enim ad motum sui Cæli, non minus quam moueantur planetæ, idest errantes stellæ; sed quia æquabilem distantiam seruant, & numquam sibi sunt viciniore, aut remotiores, quod in planetis, scilicet errantibus stellis non est: qui planetæ numquam eandem inter

se seruant distantiam. Dum quærent Astrologi, quænam ratio esse potest, æquabilis istius sempiternæ distantix, causam hanc reperiunt, nempe circula-rem figuram, ita vt ab effectis, ad causæ cognitionem perue- niant; qua cognita, ita argu- mentantur à posteriori. Stellæ firmamenti, æqualiter inter se distant, ergo Cælum illud circu- lam est. Qui voluerit, ita argu- mentatur à priori. Cælum Stel- liferum, circulare est, ergo Stel- læ, quæ in eo sunt æquabilem inter se seruant distantiam. Hæc tamen ratio videtur concludere alios Cælos non esse circulares, cum erraticæ Stellæ eandem di- stantiam non semper seruent; aliquando enim eleuantur, ali- quando deprimantur, & sunt aliquando nobis viciniore, ali- quando, à nobis remotiores. Hinc fateri cogimur alios cæ- los, planetarum non seruare eandem figuram circularem re- spectu amplitudinis in parte connexa, & concaua; nam cir- culus partis concauæ, est multò minor circulo partis conuexæ. Altera via quæ circularis figura cælis deprehenditur, est des- criptio circulorum inæqualium à stellis firmamenti: nam, quæ sunt viciores vtrique polo, cir-

culos breuiter describunt; quæ verò remotiores sunt ab vtraque polo, maiores describunt circu- los, quod certè non fieret, nisi cælum, circularis, & sphericæ esset figuræ.

*De differentijs situs, & positionis  
in Cælo.*

**N**E ignorantia rei, de qua loquimur, excludat om- nem eruditionem à nostra dispu- tatione; monemus, nos per si- tum, & positionem intelligere has sex differentias, nempi: sur- sum, deorsum, dexterum, sini- strum, ante & verò. Quarum tres sunt præcipuè, aliæ tres sunt dumtaxat collateraux. Præ- cipuæ sunt, sursum, dexterum, antrorsum: quæ quoque sunt propria differentix in quantita- te: nam suorum est proprium lineæ, dentrum est proprium la- titudinis, antrorsum est propriū profunditatis, & altitudinis, ex quibus tribus dimentionibus componitur corpus perfectum.

Ex his collige, hic nos inqui- rere, sint ne in cælo sur- sum, deorsum, dexte- rum, sinistrum, an- te & retro.

\* \*  
\*

## DOCUMENTVM I.

*Proprie loquendo, nulla sunt in  
Cælo situs, & positionis  
differentiæ.*

**M**onet optimè Aristotiles differentias situs, & positiones, propriè in solis reperi animalibus; hinc collige, cum cælum animatum non sit, nullam esse differentiam situs, sed hoc probemus ex simplicitate, & perfectione cæli. Simplicitas cæli in hoc consistit, ut ex quatuor elementis non componatur, sed sola constet materia, & forma: quæ vnica est ratio, quæ facit, ut elementa sint, & dicantur corpora simplicia. Ex hac simplicitate fit, ut partes cæli sint omnes homogeneæ, si substantiam earum spectes; vnde quælibet pars cæli, cælum est: vbi tanta est simplicitas non potest esse differentia, quæ semper supponit partium disparitatem, ut videre est, in animalibus, in quibus admittitur positionis differentia. A perfectione cæli ita argumentatur. Differentia partium, quæ requiritur ad differentiam positionum, denotat imperfectionem, ut videre est in homine vnus

pars inferior est imperfectior parte superiori, & pars sinistra, puta dextera, est imbecilior, & pars posterior, est ignobilior anteriori; sed huiusmodi imperfectio locum in cælo perfectissimo habere, nec debet, nec potest: ergo nulla differentia positionis. Quam differentiam excludit quoque æternitas motus cælestis: nam vbi est differentia positionum, nec motus potest esse perpetuus, superueniente lassitudine, nec omnes partes in simul moueri possunt, sed alternis viribus, nunc vna, nunc altera mouetur, altera quiescere; cælum autem, & secundum se tamen, & secundum omnes suas partes perpetuo mouetur motu, nullaque ei superuenire potest lassitudo.

## DOCUMENTVM II.

*Per denominationem extrinsecam,  
& improprie loquendo, sunt  
in Cælo situs, & positiones, omnes differentia.*

**R**eliquis prætermis, de duabus differentiis positionum est nobis sermo; nempe de dextera, & sinistra parte: has duas in cælis, saltē improprie



admittimus. Impropiè dico, quia non formaliter, & in se est aliqua pars cæli dextra, altera verò sinistra, sed extrinsece tantum ad libitum eorum, qui cælum contemplatur. Tres sunt, qui cælorum contemplationi vacant, Astrologi Geographi, Poetæ: qui tamen non eundem modum seruant cum oculos in cælum vertunt, vt, quæ, sui sunt muneris spectent, & expleant. Astrologi, seu Astronomici, dum stellarum distantiam, aliasque proprietates notant, tergum vertunt polo articulo, faciem dirigunt ad circulum æquinoctialem; ex quo fit vt verum pars dextra sit versus occasum, pars verò sinistra versus ortum. Hinc fit, vt Astrologo pars dextra, sit Occidens, pars verò sinistra ortus. Geographus è contrario quia in describenda terra totum, negotium pendet à poli eleuatione, faciem vertit ad polum, & dorsum vertit ad circulum æquinoctialem: hinc fit, vt dextra, pars Geographi sit versus Orientem, & pars sinistra versus Occidentem, ac prinde Oriens est pars dextra, Occidens verò pars sinistra cæli, Geographo. Poetæ, qui de rebus Astrologicis multum disputant,

aliter se habent in cæli contemplatione: nam cum tota conarratio initium sumat ab occasu stellarum, dum cælum contemplantur, faciem vertunt ad occasum, dorso verso ad ortum, & ita dextra manum habent ad polum articulum, sinistram ad antarticum; ex quo fit, vt Poetæ, cæli pars dextra sit articus polus, pars verò sinistra antarticus. Notanda summopere est hæc varietas in assignandis differentijs positionum in cælo, ne in legendis authoribus decipiamur, neue illes ignorantia accusemus.

*De Densitate, & Duritie  
Calorum.*

**Q**uamuis cælum, simplex sit, tamen materia constat, & accidentibus concomitantibus materiam: vnde, habent quantitatem, quam, quia comitari solent densitas, aut raritas, durities aut molities, quærit iure optimo physicus, sit ne cælum densum, & durum, aut rarum & molle?

## DOCUMENTVM I.

*Cæli omnes sunt densi, &  
duri.*

**H**anc densitatem expostulat cæli perpetuitas : quia cum virtus vnita, sit fortior se ipsa diuisa, vnitas debent esse cæli partes, quæ cum sint corporæ, vniri ad se inuicem non possunt melius, quam per densitatem : cum densum illud sit, quod sub modica quantitate, multum habet materiæ. Hanc densitatem concludit maxima vis actiua, quæ in cælis est ; certum est enim densitatem augere virtutem agendi, sicut eam minuit varias. Hinc præ raritate elementorum in his vndique nos ambiens, nec nobis lucet, nec nos calefacit. Experimur è conuerso non solum Lunæ, & Stellis, sed remotissimarum stellarum in firmamento existentium, & lucem, & influxum ; quod fieri non posset si rari essent cæli. Hanc densitatem sequitur necessariò durities, quæ aliud nihil est, vt ex nominis notatione colligere licet, quam duratio : est autem duratio, resistentia, & cum res densa resistat maximè, & semper,

& necessariò, quidquid Deus non erit, erit necessariò, & semper durum.

## DOCUMENTVM II.

*Nec densissimi, nec durissimi,  
sunt Cæli, nec omni ex parte  
æqualiter densi aut  
duri.*

**N**on defuerunt, qui cælos densissimos, & durissimos esse docuerunt, quorum error conuincitur ex solutione argumentorum, quibus initebantur : Sit primum argumentum. cæli perpetuitas exigit summam densitatem in cælis, quia mouentur motu rapidissimo, quæ rapiditas cælum destrueret non minus, quam liquefit ferrū, aut plumbum, sagittæ rapidissimæ emissæ motu. Negamus cælos corrumpendos iri, quamuis densissimi, & durissimi non sint ; quia cælum non suscipit has peregrinas impressiones, & quia motus cælorum non est tantæ rapiditatis, aut velocitatis vt ex ea rapiditate, aut velocitate diffuant partes cæli. Accedat secundum argumentum. Accidens perfectissimum conuenit cælo, ergo & perfectissima partium vnio,

qua

quæ aliud nihil est, quam esse densum. Respondeo, concesso antecedende, negando consequentiam, imo & consequens; nam unio cum sit relatio non habet absolutam, sed tantum spectiuam perfectionem; ac proinde perfectio unionis non dependet ex densitate, quæ est absolutum accidens; sed dicitur unio perfecta, quæ est conueniens corpori, cuius partes unitæ sunt; ac proinde non requiritur summa densitas ad unionem perfectam. Non esse omnes cœli partes æquè densas, sed alias aliis densiores, docet vnanimis consensus Astrologorum, dicentium stellam esse partem densiorem sui tribus. Vnde colligimus, ut quemadmodum in arbore, non omnes & singulæ partes nodosæ sunt, quæ nodositas ex densitate est; ita in cœlo sunt aliquæ partes mediocriter densæ.

*De Granitate, Lenitate, & visibilitate Cœli.*

**P**eccatorum signa ex nostro documento rejicimus. Nec enim nobis persuadere possumus, tantæ esse grauitatis cœlos, ut Atlanticis humeris indigeant, quasi eo deficiente cœ-

li, deorsum ruerent. Neque pictoribus adhibemus fidem, qui inter colores, vnum audent appellare ceruleum, quasi cœlum sit huiusmodi coloris. Quid hac dere sit sentiendum, docebunt quæ subsequuntur documenta.

*DOCUMENTVM I.*

*Cœli neque sunt graues neque leues.*

**Q**Via, si vlla esset in cœlis aut grauitas aut leuitas, motus circularis, quo cœli mouentur, esset eis præter naturam, & aliquo pacto violentus, quod nullus Philosophorum admittet: nam id quod est violentum, aut præter naturam, non potest esse perpetuum; est autem perpetuus cœli motus. Adde grauitas & leuitas, si in cœlis essent, manerent perpetuò otiosæ; cum neque deorsum, neque sursum, quod est proprium leuitatis, & grauitatis, cœlum numquam feratur; nos autem monuit Aristotiles, id, quod sua in perpetuum operatione priuatur, ipso facto destrui, & amplius non esse. Vix vllus est ex sapientibus, qui cœlos fecerit graues, cum, si illi

illi graues essent, maximè peccasset natura, authorque naturæ inconuenies namque est rem grauem supereminere, & superiorem esse rebus leuibus. Ex sapientibus, quidam putarunt cœlos esse leues, hac ratione persuasi; quod cœlum supremam partem mundi occupet, quæ solis leuissimis debetur. Falluntur tamen; quia in illis solis est leuitas, quæ ex natura sua superiorem locum petunt, & si à loco proprio moueantur, suo pte impetu ad illum feruntur. Cœlum, nec ex natura sua occupat summum locum, nec si pars aliqua cœli traheretur in terram, à terra rediret in summum locum, vt optimè docet Aristotiles lib. 2. de cœlo cap. 1. Hinc collige cœlos, neque esse graues, neque leues.

## DOCUMENTVM II.

*Cœli non sunt visibiles, nulloque afficiuntur colore, aut secundum totum, aut secundum aliquas partes.*

**H**AEC duo, esequuntur mutuo, visibile esse, & esse coloratum, vt deficiente vno deficiat alterum; hinc si proba-

uero cœlos non esse coloratos, probatum erit non esse visibiles. Color in cœlo esse non potest; quia est ex secundis qualitativibus, quæ necessariò præsupponunt primas; non sunt in cœlis primæ, quia ex elementis non componuntur; ergo non sunt secundæ, ergo neque color. Huic assertioni videtur aduersari sensus: quia si quis oculos in cœlum tollat, aere omninò purgato, sapiriricius in eis color deprehenditur, & singulæ stellæ, singuli, quoque planetæ, peculiarem habent colorem. Satisfaciendum est sensui, ne de intellectu conquærat. Respondeo vtique testibus, quem in cœlo vident colorem, esse mentitum, mundacem, fictitium, & apparentem tantum colorem, qui color apparet sicut in Iride, quia transparentes, & translucidi sunt cœli, ea porrò est translucidi, & transparentis corporis natura, vt quamuis nullius sit veri coloris, tamen ex sui multiplicationem, fallacem oculis præbent colorem, vt in aqua videre est, & in vitro multiplicato. Sunt cœli diaphani, & transparentes, vt ex eo constat, quod lux stellarum in firmamento existentium, septem planetarum cœlos penetrat, non minus

quàm

quam elementa ignis, & aeris translucida. Apparentes esse cælestes colores, maximè colligimus ex stellis, & planetis: sit nobis sol testis pro reliquis, qui pro vario aspectu, & varia interpositione nubis, vaporis exhalationis, varium induit, præfertque colorem, quod certè non fieret, si verus aliquis in sole color esset.

*De Cæli actione in hæc inferiora.*

**E**Xpetuntur omnia, quæ appetibilia sunt, aut simpliciter ratione suæ perfectionis, quæ, ita in admirationem nos rapit, ut etsi nihil utilitatis ex illis percipiamus, amare tamen illa cogamur: vel propter nostrum cōmodum, & propter utilitatem, quam, aut experti sumus, aut nobis pollicemur; ubi hæc duo insimul concurrunt, appetenda res illa est maximè. Pulchritudo Cæli talis, & tanta est, ut, etsi agerent nihil, nobis tamen essent amabiles; quod si in eis, non solum actio, sed utilis actio deprehenditur, multò magis in amorem illorum ferretur animus noster; de hac actione lege quæ sequuntur documenta.

DOCUMENTVM I.

*Cæli agunt in omnia sublunaria, aut directè, aut indirectè; nec non in fieri, & facto esse simul, vel saltem in fieri.*

**I**N ea dicuntur agere Cæli directè, in quæ immediatè agunt, & in quibus eorum actio passionem inducit, tamquam in subiecto. Indirectè agunt Cæli in ea, in quæ immediatè non agunt, & passio in illis producta, non nisi remotè tribuit Cælis; hac præmissa distinctione, monemus, omnia sublunaria diuidi in corpora simplicia, in corpora imperfecta, in corpora perfecta inanimata, in corpora animata, quacumque anima, & in rationalem animam, in quam solum agunt Cæli indirectè, in reliqua autem omnia, agunt directè. In res corporeas, cuiuscumque ordinis, & conditionis sunt agunt Cæli, vel illas generando, vel augmentando, vel alterando, vel mouendo localiter, vel corrumpendo. In animam rationalem non agunt Cæli directè, vel indirectè, aliquo horum modorum, nisi sola alteratione, quæ deprehenditur tam

in

in intellectu, quam voluntate, in quas duas facultates directè non potest agere Cœlum, cum sit materiale, facultates autem immateriales sint. Indirectè tamen, & antecedente agit in intellectum quidem, in quantum agit in sensus externos, atque internos, & oportet intellectum phantasmata speculari. Cum directè Cœlum agat in sensus tam externos, quam internos, consequenter agit in intellectum. Agit Cœlum in voluntatem indirectè duplici titulo; quia voluntas non fertur nisi in rem cognitam, quæ cognitio est ex intellectu; & quia voluntas nostra à coniunctione cum corpore usque ad annos discretionis, sine ullo exercitio, regnante eo tempore appetitu naturali, cui ut plurimum voluntas complacet.

## DOCUMENTVM II.

*Cœlum agit in hæc inferiora propria sua substantia, luce cum colore eam comitante, motu, & quibusdam occultis virtutibus, & proprietatibus.*

**S**Cio non omnes Philosophos subscribere nostræ sententiæ; sunt enim qui volunt solam lucem, soloque calore, & motu,

Cœlum agere in hæc inferiora; veritas tamen nostræ propositionis satis per se patet. Ordiamur à substantia Cœli, quæ cum sit omnium substantiarum materialium nobilissima, privari non debet actione generationis, & corruptionis, quæ alijs substantijs conveniunt (si verum est quod aliàs docuimus accidens non posse producere substantiam, nec vi propria, nec substantiæ); multa corrumpuntur in terra, & generantur, quorum corruptio, & generatio ad Cœlum immediate refertur; hinc necessè est substantiam Cœli, communem esse parentem omnium substantialium, quæ ad aliam causam referri non possunt. Distantia Cœli à terra, hanc actionem prohibere non valet: cum contactus realis non sit semper necessarius ad actionem, nec semper oporteat omne agens agere primo in sibi vicinum, seu in medium, antequam agat in extremum, & distans.

Motus est, quo Cœlum agit; non quod motus vim ullam actiuam habeat; sed hoc sensu dicitur deferuire actioni cælesti: quia cum transfert stellam, aliasque partes Cœli ad varia loca, ut in illis generentur multa, &



quæ, si ea pars Cœli, aut stella non adueniret, non generarentur, neque fierent, dicitur motus Cœli causa sine qua non, eorum, quæ tunc generantur, & fiunt. Lux & calor vera sunt instrumenta agendi Cœlo: Lux sanè, ex se nullius rei est productiua, dumtaxat pellit tenebras, quæ sibi priuatiuè opponuntur; calor est effectus lucis, non quidem formaliter, sed virtualiter; cumque res omnes uiuant ex calore natiuo, corrumpantur eo extinto, dici potest lux, & calor vita rerum omnium, sicut frigus dici potest mors: occultæ proprietates non sunt negandæ Cœlo: illud enim multa generat, & producit intra viscera terræ, ad quam partem, neque lux, neque calor pertinere potest, & tamen certum est, nullam posse fieri generationem substantialem, sicut neque antecedentem corruptionem, nisi præuijs dispositionibus, quæ dispositiones, cum accidentariæ sint, ab accidentibus fiunt; ergo præter hæc duo accidentia, nempe lucem & calorem, aliæ debent esse qualitates in Cœlis, quæ, generabilia, & corruptibilia disponant; harum qualitatum ignoramus naturam, & cum peculiare nomen ignoretur, eis

communem nomen imponimus, appellamusque occultas, latentes, & reconditas virtutes. Si præter lucem, & calorem non esset alia virtus actiua, sola illa pars Cœli ageret, quæ stella & sidus appellatur; ac proinde totum Cœlum otiosum maneret, quod ratio sibi persuadere non potest.

### *De Motu Cælorum.*

**E**Vndem aspectum non seruant, tam Cœli, quam sidera Cœlo affixa; quæ diuersitas, sine motu esse, concipi non potest. Necessum igitur est, Vniuersi aliquas partes circulares, alijs quiescentibus moueri: hinc opere pretium est docere: an Cœli sint qui moueantur, & quomodo, & à quo moueantur.

### *DOCUMENTVM I.*

*Cœli sunt qui mouentur, eodemque,  
non alio motu mouentur stella  
tam fixa, quam  
errantes.*

**C**œlum immobile, terram verò moueri circulari motu ex antiquioribus aliqui somniant. Nos cum tota Astrologo-

logorum turba, aliter sapimus, & motum circularem omnibus Cœlis tribuimus; aliter enim saluari non possunt, aut intelligi Solis, Lunæque eclipsidis, senarius Planetarum aspectus, varietas noctis, & diei, quatuor partium anni successiva continuatio. Mouentur cum Cœlis stellæ, atque Planetæ: sed quo motu, an proprio, an Cœli motu, est discrepantia inter authores. Putauerunt aliqui, Planetas atque stellas esse piscium instar in lacu, & auium in medio aeris regione; ut quemadmodum immota aqua lacus, & immoto aere, mouentur piscis, & auis: ita immotis Cœlis, stellæ solæ moueantur. Alij docuerunt idem esse in Cœlis quod in mari, & in flumine, ut quemadmodum, mare, fluuiusque mouetur, & intra pisces mouentur motu proprio, & naturali, ita Cœli moueantur, & tamen intra Cœlos proprium motum habent cum stellis Planetæ. Alii sentiunt cæteri Astrologi, qui non alium sideribus motum tribuunt à motu Cœli, cui affixæ sunt. Hæc vnica est ratio certissima, & indubitata. Stellæ aliud non sunt, quam partes dentiores sui Orbis, continuæ toti Orbi, ergo impossibile est

eas moueri alio motu, quam suorum Orbium, quorum sunt integrantes partes. Nulla sententiarum aliter sentientium vera esse potest: ex vtraque enim sequitur, aut cælos scindi, quemadmodum aer, & aqua scinditur ad motum piscium & auium; aut fieri penetrationem dimensionum, quam omninò natura reiicit. Non potest moueri stella ab vna parte Cœli ad aliam, nisi scindendo Cælum, aut manendo in eodem loco cum alia Cœli parte illam penetrando; quæ duo absurda sunt, & impossibilia; sunt enim Cœli densi, & duri, & non minus reiiciunt penetrationem dimensionum, quam quæuis alia res corporea.

## DOCUMENTVM II.

*Omnes Cœli motu diuerso mouentur, qui proprius est primi mobilis, & ab ipso alijs communicatur.*

**I**Ta tamen, ut reliqui Cœli, dempto primo mobili, obliquo moueantur motu, ex aduerso, quam moueantur à primo mobili. Duplicem in Cœlisprehendunt motum Astro-

logi, nempe diurnum, & obliquum. Primus motus est, quo primò & per se primum mobile mouetur ab Ortum in Occasum, & consequenter ab Occasum in Ortum, qui absolvitur inter viginti quatuor horas, quod spatium temporis, est dies naturalis; & proindè appellatur motus diurnus, quo mouentur alij Cæli per participationem, in quantum includuntur in primo mobili. Habent reliqui Cæli proprium, & peculiarem motum, qui ex aduerso fit incipiendo ab Occasu in Ortum, & consequenter ab Ortum in Occasum, qui videtur obliquus; tum quia fit supra alijs polis obliquis positus in Cælo à polis primi mobilis; tum quia inditus est hic Cælis, vt moueatur Zodiacus, qui est obliqui positus in Cælo. Necessarii sunt hi duo motus in Cælis, vt permaneant cum successiva generatione, & corruptione res sublunares. Nunc. Idem manens omninò idem, non potest facere nisi idem; ac proindè, si Cæli vnico mouentur motu, eoque diurno, res eadem fieret singulis diebus, & singulis periret diebus; quia necessarium erat eundem seruari in rebus ordinem, cumque perpetuum, inditus est Cælis motus

diurnus, quia res non sunt permanentes, ac præ vetustate, quædam corrumpuntur, vnde necessaria sit nouæ cuiuspiam rei productio; ad hanc obliquitatem, seu vicissitudinem, necessarius est obliquus Cælorum motus; quem duplicem motumprehenderunt Astrologi, non solum metamaticis instrumentis, sed etiam experientia, & visu corporeo: Aduerterunt enim solem singulis diebus oriri nobis, atque occidere, & inuariabili motu, ita tamen vt idem sol, nunc citius, nunc tardius oriatur, & occidat; nunc sit nobis vicinior, nunc remotior à nobis; idem dicendum est de alijs Planetis, quod in Luna perspicuum est: non enim aliæ Planetæ, eandem seruant inter se distantiam, neque ad se inuicem semper habere eisdem aspectus; tanta varietas, motuum exposulat varietatem. Demonstrant familiaribus exemplis Astrologi horum motuum compossibilitatem, & nihil impedire quo minus vnum, idemque Cælum, duplici illo motu, diuerso & obliquo, moueatur. Idem in rebus sublunaribus cernitur. Erit clara, & perspicua demonstratio, si imaginemur globum quempiam moueri ab Ortum in Occa-

Occasum, & Formicam in eodem globo deambulantem ab Occasu in Ortum, ista enim formica proprio motu suo representat motum proprium cuiuslibet Cœli inferioris, & quia rapitur contrario motu, ad motum globi, quem contigit pedibus, vera est imago motus illius, quo mouentur inferiores Cœli, rapti, & tacti à primo mobili.

### DCCVMENTVM III.

*Motus diurnus, & obliquus, nec sunt sibi inimicem contrarij, nec naturales, nec violenti Cœlocuicumque.*

**M**otus duo, quibus mouentur Cœli, duobus considerantur modis; vel in se, & absolutè, ita ut vnus motus comparetur cum alio, nulla habita ratione Cœli, cui insunt, & ita contrarij non sunt; quia circularis motus, non præscribit sibi terminos inter quos sit contrarietas, saltem absoluta, sed dumtaxat relatiua quæ est omnium oppositionum minima; ut nos docuit Aristoteles partim in prædicamento quantitatis, partim capite de oppositis. Vel

considerantur hi duo motus quatenus insunt eidem Cœlo; & tunc nullam admittunt contrarietatem; quia si in abstracto, non est contrarietas, in concreto nulla erit. Mouentur Cœli varijs motibus super diuersis polis; est autem contrarietas circa idem omninò. Naturales non sunt hi motus Cœlo; quia non fluunt à principio intrinseco, nec à qualitate naturaliter inhærente; quiescent aliquando Cœli, & hæc quies non erit violenta; hinc motus non est naturalis. Violenti non sunt; quia nulla est resistentia in passo; tunc motus est violentus, cum mobile ex insita sua natura tendit ad oppositum; at Cœli, nullam habent qualitatem motricem, quæ aliud transferat illos, & quælibet pars mundi ita est propria cuiilibet parti Cœli; ut cum nulla habeat inimicitias; hinc in singulis partibus mundi sol oritur, & occidit. Proindè si quis roget, qualis sit quilibet motus, Cœlo; respondeo, neque naturalem, neque violentum, sed neutrum dici debere.

## DOCUMENTVM IV.

*Cœli nec à se ipsis mouentur, nec  
immediatè à Deo.*

**C**Oelos non moueri à se ipsis, apud eos est certissimum, qui eos faciunt inanimos, & ita simplices, vt ex quatuor elementis non fiant: nam quidquid ex se, & à se, vel est animatum, vel constat substantia, mixta, in qua sunt qualitates primæ, ex quibus, & non alijs generantur secundæ; inter secundas sunt motus, qualitates. Poterat quidem Deus influxu, & actione sua immediatè mouere Cœlos, quos sine alterius auxilio, & creauit, & conseruat; non tamen decuit Diuinam Maiestatem per se ipsum facere, quod per creaturas facere potest, & experientia docet causis secundis mundum esse repletum, quæ ex voluntate primæ causæ, suos producant effectus, quos prima causa sine secundis facere potest. Hinc decuit Cœlos ab alio, quam à Deo moueri. Lapsus propterea est Aristoteles, qui primum mobile, à primò, & immobili motore, nempe Deo, moueri docuit; & ab omnibus Christianis philo-

sophis, hæc sua sententia reijcitur.

## DOCUMENTVM V.

*Mouent Intelligentia Cœlos, &  
cuiuslibet Cœlo una addi-  
ta est Intelligentia.*

**E**T si præsentibus illæ sint Cœlo, quod mouent, non tamen ipsæ mouentur, nec fatigantur perpetuo illo motu; quia aliquando cessabit, non ex motricis Intelligentiæ fatigatione, sed ex Diuinæ voluntatis decreto. Moueri ab Intelligentijs omnes Cœlos, sententia est Aristotelis; qui propterea non plures putat esse Intelligentias, quam Cœli sint; quasi ad nulum alium finem sint Intelligentiæ, quam ad Cœli motum. Nihil in præsentiarum dicimus de Intelligentiarum numero, nisi, cum esse multò maiorem, quam sibi persuaserit Aristoteles. Sunt namque Intelligentiæ Angeli, de quorum numero, etsi nihil constet certò, tamen ex Sacra Pagina certum est eos ad millia millium, & decies centena millia numerari posse. Aristoteli dicenti ab Intelligentijs, idest Angelis, moueri Cœlos,

los, subscribunt cum Astrologis etiam Theologi, his permoti rationibus. Primum mobile, primum corpus est, quo non datur aliud, aut prius, aut superius, ergo ab alio corpore moueri non potest, illud enim corpus, à quo moueretur, esset mobile, ergo requireret aliud corpus à quo moueretur, sicque fieret processus in infinitum, nec daretur vllum mobile primum. Non concludit hæc ratio pro alijs Cœlis, qui mouentur à primo mobili motu diurno, possentque idcirco ab alio corpore moueri motu suo obliquo, nisi aliud obstarer, quod est illis commune cum mobili primo. Obstaculum istud, est motus perpetuitas: nam & si re vera, nec fuerit ab æterno, nec in æternum sit duraturus Cœlorum motus: tamen quantum in se est, hoc est, quatenus est circularis, & quatenus in statu incorruptibili est, potest æternus esse. Id, quod duratione æternum est, causam debent habere suæ durationis æternam; non solum quantum ad esse, sed etiam in ratione causæ, & operationis; nulla autem causa est inter res creatas sempiternæ durationis, & quantum ad esse, & quantum ad operari, nisi ea, quæ est

intellectualis, & immaterialis. Hinc collige Intelligentias esse vnicas, & totales causas cælestis motus; sunt enim æternæ secundum substantiam; & secundum intellectionem, atque volitionem, quod duplici actu Intelligentiæ mouent Cœlos. Tanta, est cuiuscumque Intelligentiæ vis agendi, vt vnica sufficeret ad omnium Cœlorum motionem, nec enim tantus est numerus Cœlorum, nec tam varius eorum motus, nec tanta in Cœlis resistentia, quæ nulla est, vt non posset vna Intelligentia mouere omnes Cœlos. Imò si plures essent, pluribusque motibus mouerentur, sufficeret ea, quæ inter Intelligentias est minima: attamen, & pro maiori pulchritudine totius Vniuersi, pro Cœlorum dignitate, & ad maiorem Dei gloriam, cuiuslibet Cœlo creditur Intelligentia vna concessa, quæ illius solius Cœli curam, habeat; quemadmodum, etsi vnicus sufficeret Angelus ad hominum custodias, placuit tamen diuinæ bonitati, quemlibet hominem suum habere peculiarem Angelum.

Quonam ex loco Intelligentia suum moueat Cœlum, adhuc sub iudice lis est, nihilque certi haberi potest; an ea in Cœlo  
Empi-



Empireo sit, & inde, suum moueat cœlum solo motu, & imperio, cum tanta non sit distantia, vt illam impediatur Intelligentiæ actionem, cum possit Angelus in summo cœlo existens operari in terra aliquid; vel an sit proxima cœlo suo, ita vt cum cœli sibi inuicem contigui sint, sit inter illos Intelligentia, & in eo loco existens, moueat cœlum; nullas patitur angustias ea sententia, quæ docet Intelligentias ex Empireo cœlo suos mouere cœlos quantumvis distantes; imò ea pro dignitate Intelligentiarum pugnat. Altera sententia, quæ Intelligentiam facit præsentem cœlo, quod mouet, maximas patitur difficultates; nam si, ea vera sit; querendum est, quam in parte cœli sit intelligentia mouens; hoc est, sit ne in polo sedens, & cum duo poli sint, vnusquisque altero nobilior, in quo polo sedeat pro tribunali, vel sit ne in Oriente, aut alia cœli parte. Has difficultates superat ea, in qua queritur: an, cum Intelligentia præsens suo cœlo inter duos cœlos concludatur, & illi perpetuo moueantur, illa quoque motu locali moueatur: impossibile namque videtur moueri continens, quin ex inuitabili con-

sequentia, contentum moueatur. Duo cœli continentes sunt, Angelus inter vtrumque cœlum existens, quia est ibi definitiue, & præsens secundum substantialem præsentiam, debet moueri; quo nihil absurdius, non enim minus quiesceret Intelligentia, seu Angelus, quam ipsum cœlum: dicere autem non moueri Intelligentiam videtur omnino incredibile. Soluenda est hæc difficultas in fauorem eorum, qui Intelligentias faciunt præsentem cœlis, quos mouent. Dicimus itaque ex hac Intelligentiarum præsentia non oportere illas moueri, & in quacunque parte cœli sint, eas immobiles manere, nec rapi ad motum cœlorum, in quibus concluduntur, siquidem, ad hoc vt moto continente, moueatur contentum, non sufficit præsentia, seu continentia, siue ad motum per se, siue ad motum per accidens, & quia contentum ad motum continetis non mouetur per se, sed mouetur per accidens, exponamus alias conditiones sine quibus, nec per accidens quidem mouetur contentum ad motum continetis.

Requiritur in primis vt totum continens secundum locum moueatur, & non sufficit vnus, vel plu-

plurium partium motus ; hinc anima in nostro corpore inclusa, quamuis sit tota in toto, & tota in qualibet parte, imò quamlibet partem informet ; tamen ad motum brachij, aut tibiæ, vel alterius partis, nisi totum corpus moueatur, anima non censetur moueri per accidens, alioquin duo contradictoria de eadem anima annuntiarentur, nam cum tota anima in brachio sit, & tota eadem anima in capite, totoque in corpore, quiesceret, & moueretur anima ; nam responderi non potest, eam secundum vnâ partem moneri, quiescere secundum alteram, cum non habeat partes integrantes, & quantitatiuas anima. Hæc sanè ratio nobis inutilis est in hac materia subiecta ; quia cœli, quibus affixæ sunt Intelligentiæ, secundum se totos mouentur. Quærenda alia ratio est, hæc videlicet : quotiescumque agens, sui mouens non potest mouere, aliquid per se existens, si illud alteri coniungatur, quod moueri à mouente possit, & moueatur, tamen non ad illius motum mouetur per accidens id quod per se existens, & ante coniunctionem non poterit moueri, nisi coniugatur mobili, vel vt actus potentia, vel vt pars toti,

vel vt necessariò coniunctum ei, cui copulatur ; sed Intelligentia per se existens non potest moueri localiter à quacumque re corporea, ac proindè nec ab ipso cœlo, & non coniungitur cœlo quod mouet, aut vt actus, aut vt pars, aut vt aliquid necessariò coniunctum ; ergo Intelligentia in cœlo existens, ad motum cœli non mouetur. Minor propositio est certa, indubitata, consequentia ; Maior quæ non intellecta, negari posset, intellecta negari non potest ; id circò est à nobis explicanda. Quædam sunt, quæ aut nullo pacto ab alijs moueri possunt, aut certè non ab omnibus, quorum quædam coniuncta cum alijs perseuerant in sua immobilitate, alia verò ex coniunctione, eam immobilitatem perdunt. Et perdunt, quæ coniunguntur per modum actus, vt videre est in, anima rationali, quæ separata à corpore, immobilis est, ita vt se ipsa tantum moueri possit, & ab vlllo agente corporeo localiter moueri non potest ; coniuncta tamen corpori per modum actus, mouetur à quocumque, suum corpus mouebitur. Perdunt etiam, quæ in ratione partis, alteri coniunguntur, alioquin ad totius motionem sepa-

rarentur à toto , & amplius partes non essent , induerent enim naturam totius . Perdunt etiam, quæ necessaria coniunctione alteri coniunguntur , vt videre est in graui , & penderosa re aliqua, quæ tantæ sit grauitatis, & ponderis , vt ab vno homine moueri non possit quamdiu res illa per se est , quæ tamen res in naui reposita , ab illo homine mouetur, non alia sanè ratione , quam, quia necessariò res grauis coniungitur rei illi, cui innititur; vt merces in naui . Ita explicata maior propositio nullas patitur angustias , aut difficultates . Quamuis ea omnia , quæ obijci possunt contra præsentiam Angelis ad cœlum , quod mouet , solui possunt ; tutius tamen , & facilius , & verò similis est Intelligentias motrices cœlorum . abesse à cœlis , quos mouent, & in cœlo Empirico existentes, cœlos mouere , vt sint cœlo Empirico præsentés per substantiam, & naturam , & quantum ad esse : sint verò præsentés cœlis , quos mouent, sola præsentia operationis , seu virtutis . Non fatigantur Intelligentiæ diuturnitate, & perpetuitate motus cœli : quia, omnis fatigatio prouenit , vel ex parte agentis principalis , vel ex parte instrumenti ; neutrum ho-

rum in Intelligentiis est . Ex parte Intelligentiæ non est fatigatio ; quia nulla est in mobili resistentia , & quia ipsa est sempiternæ durationis , summæque simplicitatis; ex parte instrumenti, quo Intelligentia vtitur, nempe ex intellectu , voluntate , & motiua facultate , imò ab intellectione , volitione , & actuali motione , non potest esse fatigatio ; Tunc enim solum fatigatur instrumentum , cum , aut corrumpitur , aut minuitur, aut contrahit aliquam imperfectionem ; horum nihil aduenire potest instrumentis Angelicis , quæ tantæ sunt durationis , tamdiu in sua perfectione perseverant , quantum ipsis Angelis , seu Intelligentiis placuerit . Est sanè cœlestis motus ex se perpetuus : nam sicut circularis motus non habet vndè incipiat , ita nec habet vbi finiat . Cœlum in quo iste motus ex se perpetuus tanquam in subiecto recipitur , est æternum , & incorruptibile, nullamque patitur ab isto motu læsionem , imò ex eo perficitur . Intelligentiæ mouentes cœlum , sunt infatigabiles , & accidentariam acquirunt perfectionem in motione cœlorum , quia perfectio est bono , sui ipsius communicatio ; ergo motus cœlestis ex cau-

causa efficiente nempè Intelligentia, ex causa materiali, nempè cœlo, ex causa formali, nempè à se ipso, est æternus & perpetuus. Cefsabit tamen aliquando (in finali scilicet iudicio) ita ut hæc cefsatio proueniat ab extrinseco, nempè à Diuina voluntate, quæ, cum cœlos moueri velit ad generationem, & corruptionem rerum sublunarium, illos cefsare volet post iudicium; quia ex tunc nulla est futura generatio, aut corruptio.

#### DOCUMENTVM VI.

*Nullum concentum, nullumque sonum efficiunt Cæli ex varia circumitione, varioque motu.*

**H**Æc est sententia Aristotelis, cui totus Philosophorum cætus astipulatur; siquidem non potest fieri sonus sine medio, quod aqua est, vel aer: sed intra cœlos nullus esse potest aer, nulla aqua: tum quia extra suum locum posita, putrescerent, & corrumperentur; tum quia cœli sunt sibi inuicem contigui, & ita se mutuò immediatè contingunt, ut nihil prorsus inter vtrumque cœlum esse possit, alioquin non essent contigui.

#### *De circulis caelestibus representatis in sphaera materiali.*

**C**VM sit quodlibet cœlum globosæ, ac sphaericæ figuræ, nulli propriè sunt circuli; nam si Euclidi credimus, circulus est figura plana, quam circularis linea ambit, ad quam lineam deducuntur lineæ æquales, à medio plani. Non est cœlum planum, non habet ergo circularem lineam, aut circulum. Abusuè circularis linea in se sumpta, & extra planum considerata, appellatur circulus; nec in hoc sensu sunt realiter circuli in cœlis, sed tantum imaginarij, & virtute intellectus concipientis circulos in cœlis, ac si re vera ibi essent. Circulus ergo in cœlis, aliud nihil est, quam imaginaria quædam circularis figura ad designandos periodos Planetarum, aliarumque stellarum, sit ergo.



## DOCUMENTVM I.

*Decem sunt in Cælis circuli, qui in maiores, & minores, æquè distantes, & obliquos, mobiles, & immobiles diuiduntur.*

**S** Vb hoc denario circulorum numero sunt duo Colubri, duo Tropici, duo polares, æquator, Zodiacus, Meridianus, & Horizon. Hi omnes concipi debent in cælis eo modo, quo definitur linea à metamaticis. Primò sine latitudine & profunditate, excepto Zodiaco, qui præter suam longitudinem habet latitudinem duodecim graduum. Quantum ad secundam diuisionem, illi appellantur circuli maiores, qui spheram diuidunt in duas partes æquales: quod faciunt duo colubri æquator, Zodiacus, & Horizon. Minores circuli dicuntur, qui cælum diuidunt in partes inæquales, quod faciunt duo tropici, & duo polares. Quantum ad secundam diuisionem circuli parællæ dicuntur illi, qui aut à se ipsis æqualiter distant, vel ab utroque polo. Hinc duo tropici utroque titulo dicuntur æquidistantes. Duo polares inter se

utroque etiam titulo æquidistantes, si verò conferantur tropici cum polaribus, erunt æquidistantes vno solum titulo; quia videlicet tâta est distântia vtriusque tropici ab æquatore, quanta est distantia vtriusque circuli polaris ab utroque tropico. Obliqui circuli sunt, qui inter se non seruant æquabilem distantiam. Quantum ad tertiam diuisionem: illi circuli appellantur immobiles, qui eandem sedem semper seruant in cælo, quod faciunt octo circuli; nam soli duo, nempe Meridianus, & Horizon dicuntur mobiles, quia in cælo non eandem seruant sedem, quæ omnia ex materiali sphaera deprehenditur. Hinc sit.

## DOCUMENTVM II.

*Materialis sphaera est instrumentum astrologium representans cælestes circulos.*

**H** Abent Astrologi instrumenta varia, vt sensibus omnium subijciant ea omnia, quæ in cælis fiunt, quo oculus pertingere non potest, sed omnium primum in quo iaciuntur fundamenta astrologia, & in quo addiscuntur rudimenta astrolo-

strologia, illud est quod appellatur sphaera, quam, qui componere, & fabricare voluerit, hanc sequatur viam. Eligat quā voluerit materiam, quæ possit sufficere ad circulos faciendos: faciat tres circulos eiusdem magnitudinis, tam secundum longitudinem, & latitudinem, quam crassitiem, & quemlibet illorum diuidat in trecentas sexaginta partes, quas appellabit gradus. Deinde faciat alium circulum eiusdem magnitudinis, sed maioris latitudinis, sitque illius latitudo duodecim graduum. Deinde paret duos circulus his paulò minores, & alios duos minimos, quorum magnitudo deprehendetur ex loco, & in quo poni debent. His ita præparatis, accipiat duos circulos priores, nempi ex tribus primis duos, & ita vnum in alio ponat, vt se in duobus extremis interfecent, sed quæ mutuo æqualiter diuidant. Postea ab vtraque parte interfecāt, & se contingunt, numeret nonaginta gradus, ibique ponat tertium circulum æqualiter distantem ab vtroque extremo. Ab illo circulo medio numeret viginti tres gradus cum dimidio ex vtraque parte, & in vtraque parte ponat duos alios cir-

culos. Deinde ab vtraque parte in qua se interfecant duo primi circuli, numeret viginti tres gradus cum dimidio, & ibi ponat duos minimos circulos. Deinde accipiat latum circulum, in cuius medio lineam faciat, & duodecim signa cælestia repræsentet, aptetque hoc modo, vt obliquus sit, & primus gradus Capricorni contingat vnum ex circulis vicinioribus medio, & primus gradus cancri contingat alium circulum æquidistantem à medio. Postea collocentur duo circuli minimi, quorum quilibet ponatur vigesimo tertio gradu cum dimidio ab vtroque polo, idest ab vtraque parte in qua se interfecant. His peractis, fiant duo circuli, in quorum quolibet contineri possit tota sphaera, quorum vnus appellabitur Meridianus, ille, scilicet, qui capiti supereminet, alter verò dicatur Horizon, & & hi duo se interfecant, vt de duobus coloris dictum est. Postmodum globulus fiat; qui suspensus in medio sit, terramque repræsentat; & vt in medio sphæra sit, detur ei axis pertingens ab vno polo ad alium, transeatque per medium globuli. Sunt qui addunt cælorum multitudinem, sed hoc non puto necessarium.



*De æquatore.*

**D**E singulis circulis agendum est seorsim, si primo monuerimus, illos propriè esse in primo mobili, & per quamdam communicationem in cœlo cristallino, & stellifero. Ex quo fit, ut quæcumque à nobis dicenter referenda sint ad circulos primi mobilis, & secundariò ad alios in alijs cœlis existentes. Ab æquatore incipiamus tamquam omnium nobilissimo.

DOCUMENTVM PRIMVM.  
MVM.

**V**aria sunt nomina huic circulo imposita, quæ extrinsecè illum definiunt, sed melius hæc definitio. Æquator, est circulus omni ex parte æquidistans ab utroque polo, & cœlum diuidens in duas partes æquales. Definitio hæc ex se patet; nomina explicemus. In primis appellatur æquator, eo quod sit æquabilis mēsurā motus primi mobilis, quadere postea; & quia cum ad illum sol peruenerit, noctes æquales facit diebus, & dies noctibus; quia ista æquatio dici, & noctis, duas partes

complectitur, nempe diem, atque noctem; hinc ex cogitata, duo nomina, quæ optimè possunt dici partialia; hinc dicitur æquidialis, idest diem æqualem nocti faciens, & æquinoctialis, quia noctem æqualem facit dici.

## DOCUMENTVM II.

*Multiplex est officium, atque munus æquatoris.*

**I**ncipiamus à primo: est mensura primi mobilis; cum enim moueatur regulariter, & eodem modo primum mobile, ubicumque habeat motum, mensura illius motus debet esse circulus ille, qui in cœlo illo, maiorem ambitum describit: cum perfectio motus, ex maiori distantia terminorum, & ex velocitate motus consistat; certum, autem est omnes alios circulos in primo mobile existentes, qui illud diuidunt à polo vno ad aliud polum, æquatorem esse maximum, atque ideo terminos à quo, & ad quem sui motus magis distare, quam distent termini motus aliorum circulorum, nec non suum motum esse multò velociorem reliquis, sicut oportet motu vtriusque tropici esse

esse velociorem motu vtriusque circuli polaris, quia infra viginti quatuor horas maiorem cœli ambitum perficit. Alij verò circuli minorem. Secunda proprietas; æquatuor est mensura temporis: quia est mensura primi motus, cuius motus mensura est tempus. Propriè hic loquimur de annuo motu, cuius causa efficiens est sol, qui si immobiles maneret, hoc est, non moueretur alio motu, quam motu primi mobiles, solus æquator esset mensura temporis annui: verumtamen, quia retrocedit sol, motu sibi proprio; & obliquo non potest solus æquator suo motu annum conficere; addendi sunt namque illi gradus, quos retrocedendo sol relinquit, & per quos distat à primo gradu Arietis primi mobilis. Tertia; æquatuor est regula obliquarum extensionum; Assensiones duplices notant Astrologi in cœlis, scilicet rectas, & obliquoas: omnes stellæ quæ ex altera parte mundi ad nos veniunt, ac proinde ascendunt, & nobis oriuntur, si illæ fuerint in Zodiaco, quia obliquè positus est Zodiacus, ille obliquæ ascendunt; si verò extra Zodiacum fuerint, rectè ascendere dicuntur. Omnis irregularis, & obli-

quus motus debet reduci ad regularem, & rectum motum, sed motus, seu ascensio, habet summam regularitatem, & rectitudinem, ergo omnis alius motus obliquus, omnis alia ascensio obliqua debet reduci ad æquatorem. Quarta; æquator distinguit, & ostendit æquinochia duo: æquinochium bis in anno facit sol, tunc videlicet cum reperitur directè sub æquatore primi mobilis, nempe vigesima prima die Martij, & vigesima quarta die Septembris. Hinc fit, ut æquator dicatur ostendere, & distinguere æquinochia. Hæc quamvis vera sint; sciendum tamen est, propriè nullum dari æquinochium, & nullum diem posse dici æqualem nocti, aut noctem dici, propter rapiditatem & velocitatem motus solis, quæ omninò impedit æqualitatem; Attamen aliquot dies circa vigesimam primam diem Martij, & vigesimam quartam Septembris nobis videntur æquales nocti propter terræ paruitatem, si cum cœlo solis comparetur. Huius rei exemplum sit: navis in mari, secundo vento velocissimè delata, quæ si à longinquo inspicitur apparet quasi immobilis. Sciendum insuper æquinoctia non fieri ubique terrarum, sed dum-

dumtaxat in illis partibus, quarum Horizon interfecat æquatorem, idest, quæ habent Horizontem distinctum, & diuersum ab æquatore; ac proinde infra viginti quatuor horas, noctis, & dici vicissitudinem: nam, qui sub utroque polo degunt, quia habent pro Horizonte ipsummet æquatorem, propterea quod polus capiti eorum supereminet non habere infra viginti quatuor horas noctis, & dici vicissitudinem, sed vnicum diem, per sex menses integros, & noctem per alios sex menses.

Hi nullum sentiunt æquinochium. Aequator demonstrat stellarum tam fixarum, quam errantium declinationem. Est declinatio distantia stellæ ab æquatore, versus vtrumque polum, &, cum aliquæ stellæ magis distent ab æquatore, maiorem propterea dicuntur habere declinationem: idem dicendum de gradibus Zodiaci; quorum, duo dumtaxat contingunt æquatorem, ac propterea nullam habent declinationem: omnes vero alij, cum versus numerum ex duobus tropicis, ac proinde versus numerum ex polis, ita descedantur, ut ab æquatore magis, vel minus distent, pati & habere dicuntur declinatio-

nem, & cum Zodiacus ultra vtrumque tropicum non discurrat, distetque æquator ab illis viginti duobus gradibus cum dimidio, maxima declinatio graduum Zodiaci, erit viginti duorum graduum cum dimidio. Sexta: æquator diuidit totum cælum, atque stellas in eo existentes in duas partes, quarum vna est ab æquatore versus polum arcticum, & videtur septentrionalis; Altera pars, quæ ab æquatore, se diffundit vsque ad polum antarcticum, dicitur australis, sui meridionalis, cum stellæ sint partes densiores sui Orbis, illæ dicuntur boreales, seu septentrionales, quæ sunt inter æquatorem, & polum arcticum; illæ dicuntur meridionales, seu australes, quæ inter æquatorem & polum antarchiū deprehenduntur. Ex quo fit ut cum vna eademque stella, nunc in parte australi sit, postea in septentrionalem veniat, & postmodum redeat ad austrum, pro varietate partes cœli. in qua reperitur, aliquando dicitur meridionalis; aliquando septentrionalis. Septima: æquator ostendit longitudinem, seu breuitatem dici artificialis in singulis partibus mundi, & qualibet die anni. Hoc artificio res de-

pre-

præhenditur: habeatur materialis sphaera, & illius polus eleuetur supra Horizontem, quanta est eleuatio illius ciuitatis, de qua diuinare volumus, quanta sit dici longitudo: postmodum notetur gradus in Zodiaco in quo sol oritur eo die, & ponetur præcisè in Horizonte, deinde moueatur sphaera, donec ille gradus in quo sol est notatus, contingat alteram Horizontis partem: tunc numerentur gradus in æquatore, qui in illa reuolutione sphaeræ ab ortu vsque ad occasum excurrierunt, & pro quindecim gradibus numeretur, tandem habebitur certus horarum numerus dici illius. Non dissiteor plures esse æquatoris proprietates, sed tantæ difficultatis, & tam mediæ utilitatis, sine repræhensione, præterinitti à nobis possint.

*De Zodiaco.*

**P**rima cura constituentis Zodiacum in suo situ, dum sphaera materialis componitur, est, vt contingat Zodiacus in duabus partibus æquatorem, illumque diuidat in duas partes, quod prætermittendum non est propter conformitatem vtriusque cœli, mutuam, & re-

ciprocam relationem, quam inter se habet. Ex quo fit, vt vnus sine altero explicari nequeat; quæ res me mouet, vt decurso æquatore, eoque planè inspecto; Zodiacum decurrendum, & vtroque oculo inuiscendum, immediatè post illum subiiciam.

*DOCUMENTVM PRIMVM.*

*Zodiacus est circulus maior, obliquus, diuidens cælum in duas æquales partes, ita in cælo positus vt vna pars sit septemtrionalis, alia australis, solus habens latitudinem, estque via, qua gradiuntur Planete.*

**O**Mnia ferè, quæ in hac definitione sunt, ex nostra antecedente explicatione, ita per se patent, vt sine nobis intelligi possint. A nobis hætenus intacta sunt, in præsentiarum tangenda. Zodiacum oportuit esse obliquum propter resistentiam, & vicitudinem generationis, atque corruptionis. Obliquitas vim habent resistendi ex se, vt quod obliquum est, non tam faciliter moueatur: oportebat Zodiacum non tanta velocitate moueri, quanta æquator mouetur.

tur, & oportebat illum aliquo pacto aduersari motui rapidissimo primi mobilis : ergo oportuit Zodiacum esse obliquum . Ad generationis , & corruptionis alternam successionem , oportebat solem , aliosque Planetas , nunc in partibus australibus , nunc in septentrionalibus esse . Gradiantur semper Planetæ sub Zodiaco : ergo oportuit illum esse obliquum . De latitudine Zodiaci postea dicemus , si primo monuerimus Zodiacum in tribus cœlis reperiri , nempe in primo mobili , deinde in cœlo cristallino , tandem in firmamento : & multa dici de vno Zodiaco , quæ alteri non possent competere . Quæ disparitas non impedit quo minus hi tres Zodiaci , ita inuicem superponantur , aut supponantur ; & ita secundus primo , & tertius , utriusque subiicitur , ut linea ducta à primo Zodiaco penitus secundam , & tertiam contingat .

## DOCUMENTVM II.

*Diuiditur Zodiacus secundum longitudinem, & latitudinem; quæ longitudo trecentos sexaginta gradus habet, latitudo duodecim.*

**Q**uamuis omnes circuli celestes , & in sphaera materiali hoc habent commune cum Zodiaco , ut in tot diuidantur partes ; hæc tamen diuisio propria , & peculiaris est Zodiaco , & ab eo tamquam à fonte suos gradus accipiunt alij circuli . Arbitratus Piccolominus lib. 2. suæ sphaeræ cap. 3. spontaneam esse , ac liberam hanc diuisionem , ita ut potuissent Astrologi , aut in plures , aut in pauciores gradus diuidere Zodiacum , placuisse tamen hunc numerum , quia satis numerosus est , ut per eum satisfaciat omnibus , quæ deprehenduntur in cœlis per gradus . Potuisse maiorem fieri hanc partitionem , probari ex eo potest , quod tanta sit magnitudo cuiuscumque gradus , ut decimam subdiuisionem recipiat : nam gradus , quilibet diuiditur in sexaginta minuta , & quodlibet minu-

minutum subdividitur in sexaginta secunda, & quodlibet secundum subdividitur in sexaginta tertia, perseverantque huiusmodi subdivisiones, donec quodlibet nonum in sexaginta decima diuiditur, ibique cesset subdivisio. Aliter sentit clavius caput secundum sphaere de sacrobosco putat maturo iudicio diuidi Zodiacum, aliosque circulos in trecetos sexaginta gradus. Ratio huius diuisionis hæc est: omnis circulus naturali actione, & diuisione à mathematicis diuiditur in sex partes: propterea debuit Zodiacus, qui est perfectissimus circulus primò diuidi in partes sex, quarum quælibet pars dicitur signum naturale, & physicum, & tamen continet duo signa ex illis duodecim, quæ in Zodiaco visum datur. Hanc diuisionem primam sequitur alia diuisio, qua quodlibet signum ex his sex, diuitur in sexaginta partes: quod si multiplicaueris sex per sex, integrum reperies numerum trecetorum sexaginta graduum. Missas facio alias rationes à perfectione senarij numeri petit. Hæc longitudo Zodiaci incipit à primo gradu Arietis, percurritque omnes alios gradus. Latitudo in solo Zodiaco de præ-

henditur, quæ est duodecim graduum, nam in medio latitudinis Zodiaci describitur linea indiuisibilis secundum latitudinem, quæ tantæ est subtilitatis, ut quab nullum occupet locum. Ex vtraque parte istius lineæ, quæ ecliptica dicitur, sunt sex gradus longitudinis eiusdem. Ratio, quæ Astrologus nouit ut latiore non facerent Zodiacum, hæc est: Zodiacus est via, qua gradiuntur Planetæ, ita ut sint semper sub Zodiaco; quod si sub Ecliptica linea non sint, & ab illa in vtramque partem declinent, non tamen vltra sex gradus diuidantur.

### De Coluris.

**S**Vnt hi duo circuli, qui coluri appellantur ex intrinsecis circulis, ex maioribus, seu maximis ex illis, qui non mouentur nisi ad motum cœli, atque etiam sphaeræ: hinc fit ut post Aequatorem, & Zodiacum sint explicandi. Sunt autem hi duo circuli, qui cœlum, sphaeramque diuidunt in quatuor aquales partes seque mutuo interfecant ad angulos rectos, ubi cœli sunt poli. De his fit.



## DOCUMENTVM I.

**N**on temerè hi duo circuli appellantur coluris huius nominis imposito, varijs assignatur de causis. Prodeat in medium author sphaeræ, nempè de Sacrobosco, qui Colurum putat dictum à dictione græca, quod est bos siluester; nomine membri caudam intellige; quam cum erigit bos, ea dimidiatum describit circulum, quæ est ipsamet coluri figura; si illam tantum partem inspiciamus, quæ nobis in aliqua sphaera habitantibus conspicua est. Prodeat Clavius, qui hanc nominis impositionem deridens, aliam affert, putatque colurum dictum à dictione græca, & idem sit, ac imperfectum, & mutilatum, quia habitantibus in sphaera obliqua, truncatus, mutilatus, imperfectus apparet vterque colurus.

## DOCUMENTVM II.

*Coluri omnes habent proprietates,  
& quilibet eorum suas habet proprias.*

**C**ommune habent coluri totum coelum, omnesque

circulos in eo existentes, ut in quatuor diuidant partes æquales: constituent in Zodiaco quatuor puncta, quæ appellantur cardinalia: sunt enim ea ad quæ sol cum peruenerit, nouum incipiat producere tempus, & una ex quatuor anni partibus inchoat; quæ quatuor puncta cardinalia sunt illi quatuor gradus, in quibus linea ecliptica contingit coluros, quæ de re, plura, cum de sole agemus. Vnus ex duobus coluris est peculiare sortitus nomen, appellatur enim colurus æquinoctiorum; quia scilicet sol existens in primo gradu Arietis, aut Libræ, quæ duo signa contingunt illum colurum fiant duo æquinoctia. Alter colurus dicitur solstitialis, seu solstiorum, quia cum sol peruenerit ad primum gradum cancri, & ad primum gradum Capricorni, qui duo gradus in Ecliptica linea contingunt duos coluros, videtur sol in meridiem, quasi stare; velut melius loquar, quia, cum sol ad vtrumque gradum productum peruenerit, ultra non progreditur versus polos, sed ab illis retrocedere incipit; Vnde sol existens in primo gradu Cancri, incipit à nobis recedere, & cum est in primo gradu Capri-

pricorni , ad nos redire incipit .

*De Meridiano .*

**M**Aiores circulos internos explicauimus ; sequitur , vt maiores extrinsecos explicemus ; qui cum duo sint ; se se primo offert circulus meridianus , qui est circulus maior diuidens sphæram inter duas partes æquales per polos transiens , & interfecens Horizontem ad angulos rectos . Ex quo fit vt eodem modo se habeant meridianus , & Horizon quantum ad coniunctionem , & intersectionem , & diuisionem mundi , sicut duo coluri , de meridiano circulo hæc pauca accipe documenta , plura accepturus , cum de sole agemus .

*DOCUMENTVM 1.*

*Meridianus multiplex est , suntque ad minus duodecim meridiani , & ad summum esse debent centum & octoginta .*

**C**ertum est in sphæra materiali , vnicum apponi meridianum circulum , qui est instar omnium , cum aliorum vires gerat : quia infra triginta

gradus æquatoris , mutatur hora meridiana ; propterea Cosmographi , quia duodecim sunt signa , & in duodecim partes diuiditur æquator , atque Zodiacus , duodecim ponunt circulos meridianos , ita vt inter duos sit distantia triginta graduum , omnesque illi populi , qui à polo vsque ad alterum polum sunt , & continentur intra triginta gradus , & sunt inter duos circulos meridianos notatos , tam in globo terrestri , quam in mappa Cosmographica , habent re vera eundem meridianum , quantumuis à se inuicem distent qualicumque alia distantia . Alij paulò subtilius rem speculantes , non recipiunt inter duos circulos meridianos maiorem distantiam , quam vnius gradus ; vnde fit , vt ex horum sententia sint centum octoginta circuli meridiani , qui ad vitandam confusionem , & ne sint impedimento ,

neque in mappa Cosmographica , nec in globo terrestri , dempinguntur .

\*\*\*

## DOCUMENTUM II.

*Multa sunt meridiani circuli proprietates.*

**E**st namque immobilis, maximam ostendit solis, cæterorum Planetarum, nec non stellarum omnium eleuationem, initium dici Astrologici facit.

Inmobilem dicimus esse meridianum circulum, quia ad motum sphaeræ, & cœli, ipse non mouetur, quamuis omnes circuli intrinseci moueantur. Necessaria fuit illi hæc immobilitas: quia debet ad angulos rectos interfecare Horizontem, quod non semper faceret, si moueretur. Adde aliam rationem: debet meridianus circulus ita totum ambire cœlum, ut incipiens ab vno polo, directè transeat per verticale punctum, capiti nostro perpendiculariter supereminens, appellaturque Zenith, & postmodum protrahetur vsque ad alium polum, à quo protrahitur, donec veniat ad polum primum transeundo per illud punctum, quod in altera parte cœli perpendiculariter opponitur verticali. Estque directè sub pedibus nostris, & appellatur Nadir,

& Zerith, ergo & meridianus circulus immobilis est. Hic circulus ostendit maximam cuiuscumque sideris eleuationem: siquidem quodcumque sidus à suo ortu, quo incipit nobis apparere, ascendit semper respectu nostri, donec ad nostrum meridianum venerit, à quo meridiano recedens, descendit semper, donec nobis occidat, & occultetur, ergo summè eleuatur sidus cum in meridiano circulo fuerit. Initium facit diei Astrologici; siquidem Astrologi ad vitandas obliquitates motuum cælestium, & quibus obliquitatibus varij sunt ortus, & occasus solis, sicut & aliarum stellarum, recurrunt ad aliquem circulum immobilem, & eodem modo semper se habentem; talis est meridianus circulus, unde Astrologi primam horam diei faciunt meridianam, & à meridie incipiunt diem, cuius duratio sit vsque ad alium meridiem, sicut annum incoant à vigesima prima Martij.

*De Horizonte.*

**E**st Horizon sicut & meridianus, circulus exterior, cuius propterea explicatio meridiana-

ridiani circuli , explicationem  
sequitur . De hoc Horizonte,  
hæc accipe pauca documenta.

### DOCUMENTVM I.

*Horizon diuidatur in rectum, &  
obliquum : in rationabilem ,  
scû naturalem , & visibilem ,  
scû apparentem , quorum quilibet  
suam habet peculiarem defini-  
tionem.*

**H**orizon rectus est , qui di-  
uidit hemispherium infe-  
rius à superiori ; vt hæc defini-  
tio intelligatur , sciendum est ,  
sphæram diuidi in rectam , &  
obliquam . In recta sphæra sunt ,  
qui sub æquatore habitant , quia  
vtrumque vident polum , & sub  
polo nihil vident , ac propterea  
illi vident hemispherium perfe-  
ctum , & aliud hæmispherium  
non vident ; quia illis non eleua-  
tur polus vnus , nec alter deprimi-  
tur ; dicuntur esse in sphæra  
recta . Quicumque ab æquato-  
re versus alterum polum habi-  
tant ; dicuntur esse in sphæra  
obliqua , quia illis vnus eleua-  
tur polus , alter verò deprimi-  
tur . Horizon rectus , rectæ  
sphære habitatoribus deseruit ,  
obliquus verò alijs . Horizon  
obliquus , est circulus , cuius

centrum est locus , quem homo  
pedibus calcat : circumferentia  
describit partem concavam cœli  
transeundo ab Oriente ad Occi-  
dens , donec redeat ad transiens .  
Ex quo fit vnicus sit Horizon  
rectus , sint autem multi obli-  
qui . Horizon naturalis , scû ra-  
tionabilis , complectitur rectum ,  
& obliquum Horizontem , est-  
que circulus ille , qui re vera  
cœlum diuidit in duas partes  
æquales , quarum vna nobis sit  
conspicua , altera occultetur .  
Horizon sensibilis , visibilis , at-  
que appares , ille est circulus ,  
qui diuidit cœlum in duas par-  
tes secundum extensionem no-  
stri visus ; quia noster visus in  
plana superficie vltra septem leu-  
cas non extenditur , in septem  
illarum leucarum termino vide-  
tur Horizon noster ; ex quo fit  
vt iste visibilis Horizon noster  
diuidat cœlum in duas par-  
tes multum inæquales ;

nam pars cœli , quæ  
nobis apparet ,  
minor est

ea ,

quæ nobis occul-  
tatur.

## DOCUMENTVM II.

*Horizontis proprietates sunt,  
quæ sequuntur.*

**D**ividit cœlum in duas æquales partes eo ipso modo, quo quilibet colurus. Intersecat meridianum ad angulos rectos; est mensura ortus, occasus, & apparitionis stellarum, atque Planetarum: indicat quænam sint stellæ perpetuæ occultationis, sempiternæ apparitionis, & partim apparitionis, partim occultationis; nam illæ stellæ respectu nostri sunt sempiternæ occultationis, quæ nunquam ascendunt ad nostrum hæmispherium, ac proinde non perveniunt ultra Horizontem, quales sunt omnes stellæ, quæ à polo antarctico, vsque ad quadragesimum secundum gradum versus æquatorem sunt. Stellæ sempiternæ apparitionis sunt, quæ numquam descendunt infra nostrum Horizontem, quales sunt omnes stellæ, quæ à polo arctico vsque ad vigesimum quartum gradum versus Aequatorem posite sunt. Stellæ partim apparitionis, partim occultationis sunt illæ, quæ ascendunt ad nostrum vsque hæmi-

spherium, & sub illo descendunt, ac proinde oriuntur, & occidunt. Ad nostrum veniunt Horizontem dum ascendunt à nostro, recedunt ab Horizonte dum occidunt. Sunt autem huiusmodi omnes stellæ, quæ occupant totam illam cœli partem quæ est infra numerum quadragenarium notatum supra in gradibus.

*De Quatuor minoribus  
circulis.*

**P**ræter maximos circulos antea explicatos, sunt quatuor alij circuli dicti minores, ratione quantitatis tam molis, quam virtutis: sicut enim sunt alij minores secundum quantitatem, sunt etiam secundum effectum sic.

## DOCUMENTVM I.

*Duo tropici minores sunt circuli,  
quorum hoc est munus, ad illos  
cum sol pervenerit, stare &  
retrocedere nihil cogitur,  
unde, & hæc habent  
nomina.*

**D**icuntur tropici à verbo græco, quod est, retro-  
verso, vel ab alio nomine, quod  
con-

conuerſionem ſignificat. Mox enim vt ſol aliquæ Planetæ ad vnum tropicorum venerint, redeunt ad æquatore, & ab æquatore ad alterum tropicum, à quo altero tropico redeunt ad æquatore, & tropicum. Dicuntur etiam circuli ſubſtantiales, quia cum ad illos ſol peruenit, ſtare videtur. Indicant hi duo tropici maximam ſolis, & Planetarum declinationem, non enim ab æquatore diſtare poſſunt magis, quam ſit diſtantiã vtriuſque tropici ab eo.

## DOCUMENTVM II.

*Circuli ſolares quorum alter arcticus alter antarcticus appellatur, hoc ſolum munus habent in calo, vt noſcent polos Zodiaci, qui ſunt diuerſi à polis mundi, à quibus diſtant viginti tribus gradibus cum dimidio, quantum ſcilicet circuli polares diſtant ab vtroque polo.*

**I**N terra commune quoddam officium habent quatuor minores circuli, eam enim diuidunt in tres Zonas, torridam, temperatam, glaciale. Tota illa terræ pars, quæ eſt inter vtrumque tropicum appellatur torrida, ideſt calore ſolis adu-

ſta, quam propterea antiquiores inhabitabilem indicarunt. Tota illa terræ pars, quæ eſt ab vtroque tropico uſque ad vtrumque circulum polarem, appellatur Zona temperata, vel duæ Zonæ temperatæ. Illa terræ pars quæ eſt inter vtrumque circulum polarem, & vtrumque polum, dicitur Zona glacialis ex nimio frigore, propter maximam à ſole diſtantiã. Hæc de circulis ſufficiant.

## De Cælo Empires.

**S**atis in conſideratione eorum omnium, quæ ſunt cælis communia commorati ſumus, & circulos omnes percurrimus. Expediit vt deinceps ea inquiramus, quæ cuiſlibet cælo peculiaria ſunt; ne aliquid à nobis intactum, vel prætermiſſum in Aſtrologia dicatur. Incipiamus ab eo cælo quod reliquis omnibus ſuperueniat. Sitque,



## DOCUMENTVM I.

*Præter omnes cælos mobiles admit-  
tendum est aliud cælum immo-  
bile, materia constans, &  
forma eiusdem gen-  
ris, sed distinctæ  
speciei ab alijs  
cælis.*

**Q**uod Empireum, intelle-  
ctuale dicitur. Dari cœ-  
lum aliquod immobile,  
in cuius ambitu contineantur  
omnes cœli mobiles, vix potuit  
diuinare Philosophia, quæ cœ-  
los non nouit nisi per motum;  
attamen sacra Theologia, & fi-  
des catholica, admittendum do-  
cet; vult enim ab ipso mundi  
primordio conditum esse à Deo  
hoc cœlum, & statim reple-  
tum est Angelis; estque ali-  
quando replendum, ne dum a-  
nimabus, sed etiam hominibus  
secundum animam & corpus  
beandis. Decet enim beatorum  
sedem esse aliquod cœlum sum-  
mæ perfectionis, cuius materia  
sit eadem numero cum materia  
aliorum cœlorum, rerumque  
sublunarium; ita tamen, vt for-  
ma eius substantialis, quæ ge-  
nere conuenit cum aliorum cœ-  
lorum substantialibus formis,

specie tamen ab illis distingua-  
tur; sicut, & de alijs cœlis di-  
ximus, eos à se inuicem specie  
distingui. Nobilitate superat  
forma illius cœli quamcumque  
aliam cœlestem formam; sequ-  
untur nobiliora accidentia, no-  
biliores substantias: ergo sunt  
istius cœli nobilissimæ qualita-  
tes. Immobilitas est nobilior  
mobilitate; hinc illud cœlum  
est immobile, & quia ad immo-  
bilitatem iuuat quadrata figura,  
erit illud cœlum secundum cō-  
uexam partem omninò quadra-  
tum; concaua enim eius pars  
nobis viciniore, sphæricam habet  
figuram, quia cōtigua est pri-  
mo mobili, secundum vtramque  
partem, nempe conuexam, &  
concauam sphærico; cum inter  
qualitates, nulla sit nobilior lu-  
mine, totum luminatum erit il-  
lud cœlum, lucetque secundum  
omnes suas partes non minus  
quam sol; hinc appellatur Em-  
direum, idest igneum, non  
quod, ex ignea constet natura,  
sed quod luceat instar ignis.

Dicitur intellectuale,  
quia nullo sensu per-  
cipitur, sed so-  
lo intellectu  
capitur.

## DOCUMENTVM II.

*Cælum Empireum agit in hac inferiora, non quidem per modum, sed tantum ex propria substantia, & ex innatis qualitatibus.*

ad aliquod cælum immobile, quod est Empireum; quod, cum semper immobile sit, immobiliter semper seruat eundem aspectum diuersum, pro diuersis partibus suis, diuersa propterea generantur in terra.

## DOCUMENTVM III.

*Extra, & supra cælum Empireum non datur aliquod spatium, seu imaginarium, infinita, aut finita extensionis.*

**P**ROBATUR à minori ad maius: agunt omnes cœli, qui sunt imperfectioris naturæ, & ordinis inferioris; ergo multò fortius agit cælum empireū, quod est nobilius, præstantius, & in ordine superioris naturæ. Idem docet inæqualis habitudo terræ, quæ deprehenditur ex variâ productione rerum; experientia namque docet, in eodem climate, sub eodem meridiano, quædam gigni, & produci in una parte terræ, quod in sibi vicina, & propinqua non generatur: hæc disparitas, ex terra, prouenire non potest, quæ ex se nullam habet qualitatem propriam ad rerum disparium productionem, imò neque ad simplicem rei cuiuscumque generationem. Cœli enim sunt causa istius disparitatis, cum aspectus illorum sit omnino idem respectu earum partium; ergo hæc disparitas, est reducenda

**P**ROBATUR hæc nostra assertio ex maximis angustijs, quas patiuntur authores illi, qui hoc imaginarium spatium esse volunt: siquidem interrogat quid, nam illud sit, quæ, & qualis natura illius, obmutescunt. Interrogati, sit ne corpus quantum metamaticum, negant; quia si tale esset, suscipere aliud corpus non posset; cum tamen ipsi velint in ipso spatio Deum posse creare alium, vel alios mundos. Interrogati, sit ne corpus physicum materia scilicet constans, & forma, aut ens aliud reale metaphysicum, negant; quia si tale esset, à Deo fuisset creatum; cum tamen extra hunc

mundum nihil sit creatum. Interrogati, sit ne ens rationis, negant, quia nobis etiam de eo non cogitantibus est suo modo, & in eo potest Deus quidquid voluerit creare. Adde Diui Bonauenturæ rationem. Qui dicunt esse aliquod spatium imaginarium, ponunt illud extra, aut est nihil, aut aliquid aliud? si nihil est, ergo Deum esse extra cœlum, est Deum esse in nihilo; & non est maxima laus Deo esse in nihilo, cum chime-  
ra, quæ nihil est, in nihilo sit: ergo cum Deo extra cœlum est, optima sanè societas. Si est aliquid, aut est increatum, aut creatum; dici non potest creatum, vt etiam aduersæ sententiæ authores fatentur, ergo est increatum; at qui præter Deum, nihil est increatum; ergo cum Deus dicitur esse extra cœlum, dicitur Deus esse in semetipso, ac proinde reiiciendum omninò est imaginarium illud spatium.

*De primo mobili.*

**I**lius cœli naturam, & proprietates inuestigamus; quod appellatur primum mobile, eo quod primum locum inter cœlos contineat, si à sublunaribus

partibus ad terram descendentes, cœlos numeremus, & ex eo quod vicinus sit empireo cœlo immobili, & ex eo quod omnes cœli alij, ab isto diurnum accipiunt motum; ab illis appellatur decimum cœlum (qui decem cœlos, & non plures mobiles esse volunt; ) qui autem augent, vel minuunt cœlorum numerum, ei varia imponunt nomina. Hinc constat quare ab aliquibus secundum cœlum, ab alijs decimum, ab alijs nonum, ab alijs octauum appelletur. De isto sit.

*DOCUMENTVM I.*

*Primum mobile est in cœlum, quod rapidissimo, & æquabili motu ab ortu in occasum infra viginti quatuor horas, super polos mundi monetur, circumducens omnes alios cœlos.*

**N**on est hæc quidditatiua, & essentialis definitio, sed talis tamen descriptio, vt verum contineat genus, & loco propriæ differentię nobis incognitæ, varias proprietates quæ ita primo mobili conueniunt, vt nulli aliteri cœlo conuenire possint.

Cœlum

Cœlum est genus in hac descriptione ; motus rapidissimus, & æquabilis, prima proprietas. Rapiditas primi mobilis deprehensa est ab Astrologis, & ostensa ex illius aptitudine, & extensione, quo enim illud Cœlum maius erit, eo quoque velocior erit motus. Magnitudo, sui extensio primi mobilis, colligitur ex distantia illius à terra, quæ distantia cum sit semidiametrum illius Cœli, superaddita alia semidiatio, habebitur integra diametrex, quæ si triplicatur, & addatur septima illius pars, iste numerus facit totum ambitum primi mobilis, si credimus Piccolomineo lib. 4. cap. 15. suæ spheræ, ubi distantiam primi mobilis à terra per milliaria italica explicat, erit distantia terræ à primo mobili tanta, ut contineat ducenta vnum millena millia, quingenta triginta septem millia. Aequalitas primi mobilis motus ex eo maximè provenit; quod nullo alio motu moueatur, quam diurno, & à Cœlis inferioribus nullo pacto retardetur, monetur ab ortu in occasum à sua propria Intelligentia; alij verò Cœli, etsi, hoc ipso motu moueantur, non tamen à propria Intelligentia, sed raptu

primi mobilis; unde dicuntur circumagi, & moueri, & circumdari ab illo. Mouetur super polos mundi primum mobile; polos appellant Astrologi illa duo puncta extrema supra quæ Cœlum mouetur, idque desumptum à verbo verro, unde & vertius, & cardines Cœli dicuntur. Non sine causa poli super quos mouetur primum mobile, dicuntur poli mundi, sed ad distinctionem polorum, qui in alijs Cœlis, sunt omninò ab illis diuersi. Duo sunt poli primi mobilis, quorum ille, qui capitibus nostris supereminet, appellatur septentrionalis à septem illis stellis, ex quibus conficitur vrsa minor, quæ sunt viciniore polo mundi, quam quæcumque aliæ stelle existentes in cælo stellifero. Dicitur etiam borealis à vento, qui ex illis partibus ad nos venit. Dicitur, & polus arcticus, idest vrsinus, quia latinè est vrsa. Alter verò polus nobis occultus, sub nostro Horizonte latinè appellatur antarcticus, quasi contra arcticum positus. Dicitur australis, & meridionalis, quia terminat australem, & meridionalem cœli partem, cum nulla sit stella in primo mobili & totum cœlum ita effu-

giat nostros assensus, vt nulla illius pars aliquo sensu percipi queat.

Quæret aliquis quomodo diuinare potuerint Astrologi, quam in parte cœli sunt hi duo poli; sed facilis est responsio: Notarunt Astrologi, bis in anno fieri æquinoctium, quæ fieri non possunt, nisi sole occupante mediam cœli partem, mutato isto loco in quo medietas est, pedetentim recedentes ab eo, mente, cogitatione, & oculis corporis peruenerunt facillimi ad illa duo puncta in extremis partibus cœli posita, & quæ, quam maximè ab æquatore, sui dimidia parte cœli distant, & hæc esse polos, non dubitarunt. Eadem via, & nos nostrum polum deprehendimus; cui viæ, & hanc adde, sereno cœlo nocturno tempore lucentibus, & radiantibus stellis, dexteram manum verte ad Orientem, sinistram versus Occidentem, tunc erit facies tua si tantillum eleuetur in ea positione, vt oculi tui ad polum dirigantur, & præcisè punctum illud nores, & vnum polum mundi, nota circulum, quem per totam noctem describet vltima stella, quæ est in cauda vrsæ minoris, nam cen-

trum illius circuli verè polus est.

### De Cælo Crystallino.

**P**rætermittimus illud cœlum, quod aliqui ex recentioribus Astrologis ponunt inter primum mobile, & Crystallinum. Prætermittimus autem, tum quia non est adhuc plenè cognitum, & ab omnibus receptum; tum quia authores, qui illud admittunt, affirmant illud esse eiusdem naturæ cum Crystallino; ac proinde, quæ de cœlo Crystallino dicemus, de altero quoque dicta accipiantur.

### DOCUMENTVM I.

*Cælum Crystallinum quod & aqua-  
neum appellatur, vtrum-  
que nomen sortitur per  
metaphoram, sui trans-  
lationem.*

**C**oadi fuerunt Astrologi, dare præter primū mobile, aliud cœlum superius firmamento, propter triplicem motum firmamenti: cumque cogerentur nomen non cœlo imponere, occurrerunt Theologi, qui illud, cristallinum, seu

seu aquaneum appellandum, esse censuerunt : quia in sacra legerant pagina esse aquas superiores firmamento, quæ, cum naturales seu elementares esse non possint, indicant aquarum nomine, intelligendum esse ali- quod cælum aquæ, & cristallinæ naturæ ; quemadmodum cælum Empireum, tale est sortitum nomen ab ignea luciditate, ita cristallinum, hoc est adeptum nomen ab aqua, seu cristallina diaphaneitate, atque frigiditate, est enim transparen- sicut aqua, & cristallum, continetque frigiditatem virtualiter, quam aqua, & cristallum habent formaliter.

## DOCUMENTVM II.

*Cristallinam cælum omnes habet  
circulos atque polos eodem,  
prorsus ordine, eademque  
dispositione, quam in  
primo mobili depre-  
hendimus.*

**I**N medio istius cœli, æqua- tor est, & seruata propor- tione iam antea notata, in eo reliqui circuli sunt ; ita tamen, ut circuli istius cœli nequa- quam directè supponantur cir- culis primi mobilis. Ratio est,

quia huius cœli poli distant à polis primi mobilis, seu mundi viginti tribus gradibus cum dimidio, quæ distantia facit, ut circuli eodem prorsus modo distent à circulis primi mobilis. Mouetur illud Cœlum motu diurno raptum à primo mobili, sed habet quoque obliquum motum, quem absoluit qua- draginta nouem annorum mil- lium spatio.

## De Firmamento.

**O**ctaua sphaera plus cete- ris conspicua radiantibus, & fulgentibus stellis dum suo fulgore nostros allicit oculos, illosque suauissima oblectatione replet, nostrum quoque allicit intellectum, ut mente, cogitatio- ne, inuestigatione percurramus omnes, & singulas eius partes, atque proprietates, quæ plura exposcunt documenta. In præ- senti de illius substantia, & motu dumtaxat agimus.

## DOCUMENTVM I.

*Naturam firmamenti, seu stelli-  
feri cœli, ipsum firmamenti  
nomen indicat.*

**F**irmamentum, est appellatum hoc cælum ab anti-  
quo-



quioribus Astrologis, quod illi putarent illud esse primum mobile, ac proinde primum cœlum cuius ambitu firmarentur omnes alij cœli, nec non omnia, quæ cœlorum ambitu continentur; firmamentum insuper appellatur, quia habet aliquas sui partes magis firmatas, & compactas, estque primum cœlum quod numerando à primo mobili recipit distinctionem partium. Siquidem primum mobile, & cristallinum non habent aliquas partes solidiores alijs, imò omnes partes sunt eiusdem crassitie, & soliditatis, quæ proprietas in alijs cœlis inferioribus non reperitur, & primum cœlum hanc distinctionem admittens, habensque aliquas partes magis compactas, & firmatas est illud firmamentum. Appellatur insuper firmamentum, quod stellas fixas, & situ firmatas obtineat, quæ stellæ etsi ad motum cœli moueantur, ideo tamen fixæ sunt, & appellantur; quia eamdem inter se firmam habent distantiam. Itaque definitionis loco est nobis hæc dictio firmamentum dicitur stelliferum cœlum, ab officio, quod stellas ferat.

## DOCUMENTVM II.

*Habet hoc cœlum omnes circulos,  
suosque polos similes circulis,  
& polis cristallinicali.*

**S**unt in stellifero cœlo circuli dispositi secundum præscriptas regulas in communi. Abundat ipsum cœlum polis, quia triplici motu vehetur, siquidem motus diurnus expostulat in firmamento suos polos correspondentes polis primi mobilis. Motus obliquus, quo suum absoluit cursum spatio 36000. annorum expostulat alios polos, qui dicuntur poli Zodiaci, distantque ab alijs polis viginti tribus gradibus cum dimidio. Motus trepidationis seu accessus, atque recessus, quo istud cœlum, nunc ad australem partem, nunc ad septentrionalem accedit, titubando, & ab utraque parte recedit, alios expostulat polos, quos Astrologi esse dicunt in proprio Arietis, atque Libræ.

*De Stellis existentibus in Firmamento.*

**M**irantur oculi nostri inter omnes præciosos lapides, ada-

adamantem , ratione suæ soliditatis , & luciditatis : mirabuntur magis iidem oculi gemmas in cœlo stellifero lucentes , si eas sciuerint esse maximè solidas . De his gemmis, nempe stellis, earumque quibusdam, accidentibus sit .

**DOCUMENTVM I.**

*Stella omnes fixæ in cælo stellifero sunt.*

**N**ihilque aliud sunt, quam partes densiores illius cœli, aduentitio solis homine lucentes, ita vt luce sua nunquam priuentur, dentis septem Planetis omnes aliæ stellæ sunt in firmamento , vt colligitur earum motu, & ex æquabili distantia , quam inter se perpetuò seruant . Obseruatione perpetua notarunt Astrologi stellas omnes fixas triplici motu moueri, quemadmodum, & firmamentum triplici agitatur motu . Hæc identitas motuum ostendit omnes illas stellas in eodem esse cœlo, sicut è contrario, ex vario motu Planetarum colligimus eos esse in varijs cœlis ; eandem distantiam , quam à primo habuerunt stellæ fixæ à se inuicem, retineant vsque ad

præsens tempus : hæc constans, & firma distantia ostendit illas esse in eodem cœlo, sicut è contrario inæqualitas distantiarum Planetarum ostendit Planetas in diuersis esse cœlis . Stellas esse partes densiores sui orbis lucentes ex lumine solis, ita explicamus: stella est ens per accidens, habens pro materia partem aliquam densam, & solidam, & pro forma lumen solis, quod receptum in parte densiori, cohibetur, & retinetur . Hoc enim proprium est corporis densi, solidi, terminati vt non patiatur transitum luminis, sed prohibeat ultra transire, unde sit lucidum . Res exemplo patebit : si quis speculum præmanibus gerens labefactatum, in aliqua parte, illud opponat radijs solaribus pars labefactata, quia est diaphana præbebit transitum radijs solaribus, ac proinde nõ repræsentabit splendorem solis, nec lucebit : pars vero integra quia opaca est, & densa, ratione corporis opaci vitro coniuncti, solarem splendorem retinebit, & instar solis lucida erit . Simili modo fit in cœlis, nam partes subtiliores non retinent lumen solis adueniens, hinc non lucent, sed densiores, propter suam soliditatem

ditatem, & opacitatem retinent  
superueniens solis lumen, unde  
& lucent. Hinc collige omnes  
stellas solis lumine lucere, quod  
probat Aristoteles, alijq; Astro-  
logi ex luna, quam ex se nul-  
lum habere lumen, sed totum  
mendicare à sole, eclipsis docet;  
nam si luna proprio lumine lu-  
ceret non priuaretur illo, dum  
eclipse patitur, accipe tale  
argumentum: omnes stellæ tam  
errantes, quam fixæ eiusdem  
sunt naturæ: sed luna propria  
sua non lucet, sed totam suam  
lucem à sole mutatur; ergo idē  
faciunt omnes stellæ. Hoc ha-  
bent privilegium stellæ ut non  
solum nocte luceant, sed etiam  
in die. Quod si quis quærat,  
quare à nobis non videantur in  
meridie, imo nec in aurora.  
Responde hoc non prouenire ex  
defectu stellarum, quasi illæ  
non luceant, sed à maiori solis  
lumine impedire minus stella-  
rum lumen, ne à nostro oculo  
sentiatur, ut videre est cū quis  
in meridie accensam cande-

lam affert, ubi radij so-  
lares perpendicu-  
liter lu-  
cent.

## DOCUMENTVM II.

*Stella omnes firmamenti scintil-  
lant, suntque globosæ, &  
spherica figura.*

**C**ertissimum est stellas non  
scintillare, quemadmodum  
nec Planetæ scintillant, sed  
videntur tantum nobis scintil-  
lare stellæ fixæ multiplici ratio-  
ne. Prima: Distantia est causa  
scintillantis, quæ cum sit ma-  
xima in firmamento non est mi-  
rum si multum scintillare vi-  
deantur stellæ. Secunda est ra-  
piditas, seu velocitas motus  
illarum stellarum, cum etiam  
radiantibus solis radijs tremulus  
acris appareat. Tertia interpositi  
vapores, & medij inter stellas  
& nos, eas reddunt quasi scin-  
tillantes: quemadmodum turris  
quadrata propter interiectum  
aerem, & interiectos vapores  
rotunda apparet, & baculus in-  
teger in aqua positus apparet  
oculis fractus. Admitto nullam  
harum rationem ex se sufficere,  
sed requiri plures ex illis ut  
stella scintillet. Ex quo fit ut  
concurrentibus ex illis quibus-  
dam aliqui Planetæ nonnumquā  
scintillare videantur. Figuræ  
rotundæ seu sphericæ esse stel-  
las,

## DOCUMENTVM III.

*Omnes Stella in firmamento existentes aspectu, & effectū notabiles sunt tantum mille viginti due, quas Astrologi summo artificio redegerunt ad viginti octo imagines.*

**V**eraces esse Astrologos in numerandis Stellis reperiet quicumque experimentum faciet, non plures in cœlo videri stellas, quam notantur in globo cœlesti; imò multò plures in globo cœlesti reperientur, quam notari possint in cœlo, si turbidus aliquantis per fuerit aer, aut si aliquis in oculo defectus. Scio tamen ex sacra pagina, tum ex patribus multum sibi persuadere infinitum esse numerum stellarum. His respondemus admittere nos cum ceteris Astrologis aliquas stellas esse in cœlo, nullo Astrologo visas, ratione suæ paruitatis, & exiguitatis, quarum numerum maximum, & infinitum quasi concedimus; ita tamen ut vera sit Astrologorum sententia, quia dumtaxat illi, illas enumerarunt stellas, quæ sub sensum nostrum cadunt; & sunt aspectu notabiles.

las, colligunt Astrologi ex duobus, quorum primum est iudicium visus: nam non est, qui si cœlum aspiciat, non videat omnes stellas, tam fixas, quam errantes esse globosas. Secundum est, Lunæ exemplum; nam Lunam esse globosam, & sphericam perspicuè constat ex sua eclipsi, nec non ex modo sui augmenti, atque decrementi; sunt autem aliæ stellæ eiusdem naturæ cum Luna: ergo sunt eiusdem figuræ cum illa. Magnitudinem stellarum esse diuersam docent Astrologi, qui stellas diuiserunt in sex classes. In quarum prima ponunt illas stellas, quæ alias superant magnitudine. Vnde dicuntur stellæ primæ magnitudinis. In secunda classe ponuntur omnes illæ stellæ, quæ sunt minores præcedentibus, sunt tamen subsequenter maiores, & ita consequenter in alijs classibus; ita ut in sexta classe reponantur omnium minimæ, quæ dicuntur esse sextæ magnitudinis, quæ quamuis minimæ sint, tamen quælibet earum est vicies maior terra. Hinc collige quantæ debeat esse magnitudinis stella quælibet primæ magnitudinis.

les. Obijciēt aliquis sereno cœlo apparere aliquas stellas aspectu notabiles, & tamen in globo cœlesti non sunt. Respondemus non esse veras stellas, sed tantum apparentes: apparere autem, cum duæ stellæ in debita distantia dispositæ, ad se inuicem suos transfundūt radios, qui radij, vbi coniunguntur, præferunt stellam, quam veram stellam non esse, experientia docet, nam ad breue tempus conspicitur; Ad imagines viginti octo reducuntur omnes illæ stellæ, vt hoc pacto dinisæ, & ad certum ordinem dispositæ, melius notentur. Vocant Astrologi imaginem constillationem, congregationem aliquarum stellarum, quæ à figura, quam oculis obijciunt sua sortiuntur nomina.

#### DOCUMENTUM IV.

*Stellæ in firmamento existentes habent longitudinem, latitudinem, & declinationem.*

**I**N longitudine definiendæ, discrepant recentiores Astrologi ab antiquioribus, siquidem antiquiores longitudinem stellarum dicebant esse distantiam earum à primo gradu Ari-

tis primi mobilis; recentiores verò maluerunt longitudinem stellarum esse distantiam earum ab illa stella, quæ est in cornu dextero Arietis eiusdem firmamenti. Prudentiores hac in re sunt recentiores antiquioribus: quia firmamentum obliquo suo motu recedit, à situ, & positione primi mobilis, & cum centesimo quolibet anno recedat per vnum gradum, necessum quoque est stellas fieri longiores, idest magis distare à primo gradu Arietis primi mobilis per annum quoque gradum, & ita singulis sphæræ annis variabitur longitudo stellarum, quæ inuariata manet, & semper eadem, si sumatur à stella primæ Arietis firmamenti. Latitudo stellæ est recessus, seu distantia illius a linea ecliptica; & quo fit vt illæ stellæ, quæ in ecliptica recedunt versus vtrumque polum tantum dicuntur habere latitudinem, quot gradibus distant ab ecliptica. Declinatio est distantia stellæ alicuius ab æquatore versus vtrumque polum. Imagines, constillationes omnium stellarum firmamenti, earumque longitudines, latitudines, declinationes, & magnitudines, qui volet, consulat clauium com: in sphæram de-

finito-

sacrobosco, vbi tabulam reperi-  
et hæc omnia continentem.

*De Stellis, signis, & imaginibus  
Zodiaci.*

**N**ulla est in cœlo firmamen-  
ti stella quamcumvis par-  
ua, cuius non sint multiplius ef-  
fectus, sicut sicut sunt aspectu,  
sic etiam effectu notabiles. Ad  
vitandam nihilominus prolixita-  
tem, eas tantum contempla-  
mur, ex quibus Zodiaci signa  
componuntur, quia scilicet sub  
ipsum gradiuntur. Planeta om-  
nes plurium effectuum sunt cau-  
sæ. De illis idcirco agamus.

**DOCUMENTVM I.**

*Firmamentum habet Zodiacum sex  
signis naturalibus, seu physi-  
cis, & duodecim signis ab-  
solutè nuncupatis, il-  
lustrem, & conspi-  
cuum rusticantibus,  
& fulgentibus  
stellis.*

**N**ihil ferè noui videtur hæc  
nostra propositio tiam e-  
nim alias dictum est, quemlibet  
Zodiacum diuidi in sex signa  
physica & naturalia, quæ abso-  
lutè signa dicuntur. De prima

diuisione nihil in præsentiarum  
dicemus: sed à nobis querendæ  
sunt rationes, quare Zodiacus  
distinguat in duodecim signis,  
id est quare diuidatur in duode-  
cim signa, quorum quodlibet  
in sua extensione gradus trigin-  
ta habeat. Sit hæc ratio prima.  
Notarunt peritissimi Astrologi,  
Solem, Lunam, aliosque pla-  
netas cum gradiuntur sub Zo-  
diaco subire quasdam proprie-  
tates quolibet gradu trigésimo,  
paulò curiosius speculantes fi-  
dera, & stellas deprehenderunt  
intra triginta gradus integram  
constellationem imaginem, seu  
figuram, ex quo necessarium fuit  
tam ex parte stellarum, quam  
ex parte Planetarum in duode-  
cim signa diuidere Zodiacum.  
Secunda ratio desumitur ex to-  
tius vniuersi armonia, quæ in  
hoc consistit, vt vltima primis,  
& prima vltimis correspondeat.  
Prima sunt cœlestia corpora,  
cœlestes circuli, & inter eos plus  
reliquis Zodiacus. Vltima sunt  
res omnes sublunares, & inter  
eas elementa, vt verè dicere  
possimus, elementa esse res ma-  
teriales, seu omnium rerum ma-  
teriam, Zodiacum verò esse  
causam effectricem. Inter has  
duas causas hæc est communem  
ita vt sint quatuor elementa.



quæ tribus deferuiunt, generacioni, conseruationi, corruptioni, quæ tria appellantur, principium, medium, & finis. Quod si quaternarium elementorum multiplicaueris per tria quæ ab illis manant, vel illa tria multiplicaueris per quatuor reperiens duodenarium. Simili modo in Zodiaco reperiens quatuor puncta, quæ cardinalia dicuntur, quorū duo faciunt æquinoctia, alia duo faciunt solstitia, & hæc quatuor elementis correspondēt; inter autem duo puncta, tria continentur signa, quæ triplici effectui elementorum correspondent. Horum quatuor punctorum per ternarium signorum, & ternarij signorum per quaternarium punctorum cardinalium multiplicatio, duodenarium absoluit.

## DOCUMENTVM II.

*Explicans nomina duodecim signis  
imposita, eorum figura,  
& proprietates.*

**Q**uāntum ad figuram spectat, admitto in stellis Zodiaci nullam prorsus esse figuram, nec re vera illius esse figuræ, quali describitur in globo cœlesti; attamen negari

non potest quia ratione ordinis, quem inter se eiusdem signi stellæ seruant, & propter maximam distantiam firmamenti à nobis, talem videātur habere figuram, qualem habent in globo cœlesti, vt videre est in primo signo cui nomen Aries, cuius stellæ Arietis figuram præferunt: hinc duo habet cornua, & in extremitate cornu dexteri posita est illa stella, ex qua incipit aliarum stellarum longitudo. De alijs signis idem sit iudicium. Quantum ad proprietates, quæ nomina dederunt signis Zodiaci, illæ sunt innumeræ, & mirabiles ex quibus eas dumtaxat seligemus, quæ ad vniuersi statum spectant. Plures esse rationes, atque proprietates ob quas oportuit talia nomina imponere signis, satis sit ostendere in Ariete. Aries appellatur primum signum Zodiaci, quia vt Aries animal est calidæ, & siccæ naturæ, ita sol in Arietis ingressu incipit expellere humiditatem, & frigiditatem hiemalem, & inducere caliditatem, & siccitatem vernam. Adde agnū diuidi in tot ætates, in quot diuiditur hominis ætas, & quia hominis ætas prima, est iuuentus seu iuuenilis, ita sol videtur iuuenescere in Arietis ingressu, quo

tem-

tempore agni nascuntur, quorum pater Aries est. Adde, eam esse vim signis Arietis, ut qui nascuntur homines sub eo in corporis figura aliquo pacto Arietem repræsentent; unde, & malcata fronte, & capillatum, imò quasi duo cornua in fronte apparent, & in moribus mores Arietinos præferunt, unde & primi ubique esse volunt, quasi gregis duces, & arietino more capite colluctantur. Alias misfas facio rationes, ut dicam secundum signum appellari Taurum, quia quemadmodum Taurus est corporea mole, & viribus maior quam sit Aries ita sol in Tauro existens, valentior, & calidior est. Tertium signum appellatur Gemini, quia geminatur, & ad duplum calidior est sol in Geminis existens, quam fuerit in Tauro. Quartum signum appellatur Cancer, quia, quemadmodum Cancer non directè graditur, sed per retrogradationem, ita sol in Cancro existens, ultra non progreditur, sed retrocedendo redit ad æquatorem à tropico Cancrì. Quintum signum appellatur Leo, quia sicut Leo animal est calidissimæ, & sicciissimæ naturæ, & apertis oculis, atque terribilis dormit, ita sol in Leone exi-

stens, intensissimam caliditatem, & siccitatem in his sublunaribus producit, & quasi torvis oculis terrorem incutit mundo, vel quia homines eo tempore collationi messis immorantes, nihil ferè dormiunt. Sextum signum Virgo est, quod hoc nomen habet, quia sicut virgo sterilis est, ita toto eotempore, quo sol in Virgine signo est sterilis terra, appareat, nullumque novum fructuum adducat. Septimum signum Libra appellatur, quia, sicut mercatoris æquabilitatem servant, & æquilibrium in rebus quas vehunt libra, & pondere, ita sol in signo Libra existens in hominibus diuendat noctem, & diem in æquilibrio, & æqualitate: sunt enim tunc noctes æuales dici. Octauum signum dicitur Scorpius, quia, quemadmodum Scorpius animal capite blanditur, cauda mordet, ita dum sol Scorpionum signum agreditur, blandiri hominibus videtur, & temperatum tempus pollicetur, sed à mediò illius signi ad finem usque intendat minus, humiditatem, & frigiditatem, quas odio habere qualitates humanas, incipit imitari. Nonum signum appellatur sagittarius, quia quemadmodum homo sagittarius, arcu sagittas

gittas emittit, ita sol in sagittario signo existens, glacies, nives, & aliaque id genus instrumenta figuris, aut effectus producit. Decimum signum appellatur caper, seu capricornus, tum quia sicut caper est animal erecto incedens capite, arbores montesque conscendas, ita sol dum ingreditur signum capricorni, quasi erigitur, dum tunc incipit ad nos redire ex tropico capricorni: tum quia sicut caper animal est naturæ malencolicum, ita sole in Capricornū signo existente, tempus malencolicum efficitur. Undecimum signum appellatur Aquarius, quia tunc incipit pluuere cum in eo sol extiterit. Duodecimum appellatur Pisces, quia tunc cum in eo sol est, tanta est plerique copias, ut sit terra instar maris, seu fluuij, homines verò sunt similes piscibus.

### DOCUMENTVM III.

*Esse in signo aliquo dicitur aliquid quatuor modis.*

**P**rimus modus est cum aliquid est sub Ecliptica. Quamuis in ea parte Eclipticæ sub qua illud est nullum sit signum, quod plerumque accidit

soli, quia semper sub eclipticæ linea graditur, semper dicitur esse in aliquo signo. Iste modus essendi in conuenit aliquando Planetis, quia cum erraticæ stellæ sint aliquando sub eclipticæ linea sunt. Secundus modus essendi in conuenit præcipuè Planetis, qui quia numquam sunt extra latitudinem Zodiaci, sunt perpetuo sub aliquo signo. Tertius modus conuenit omnibus stellis firmamenti, exceptis illis ex quibus componitur Zodiacus: siquidem omnes stellæ illæ quæ sunt à latere alicuius signi, siue in parte australi, siue boreali, dicuntur esse in illo signo. Quartus modus essendi in aliquo signo conuenit rebus sublunaribus, quæ aut directe supponuntur alicui signo Zodiaci, vel si à latere fuerint reduci tamen debent ad aliquod signum, sicut reducuntur stellæ.

## DOCUMENTVM IV.

*Signa Zodiaci appellantur domus, detrimenta, exaltationes, & casus Planetarum propter sympathiam, quæ inter aliqua signa, & Planetas reperitur.*

exaltationes Planetarum, quia in illis aliquid facit Planeta, quod in alijs non faceret, ac proinde signum oppositum illi signo quod est exaltatio, appellatur illius Planetæ casus.

*De Ortu, occasu signorum Zodiaci, aliarumque stellarum.*

**E**A signa dicuntur domus eorum Planetarum, quia cum in eis Planeta fuerit, valentius suas exerit vires propter antipathiam, quæ inter aliqua signa, & aliquos Planetas reperitur. Quædam signa dicuntur detrimenta Planetarum, quia, cum Planeta in illis signis fuerit, impeditur ne suam exequatur vim; ac proinde est hæc regula generalis. Quotiescumque aliquod signum est domus vnus Planetæ, signum sibi è diametro oppositum, appellatur. Alius Planetæ detrimentum. Est insuper notandum solem vnicū habere signum pro domo sua, & Luna similiter habet suum signum; alij verò Planetæ ditiores sunt, cum Planeta quilibet duas habeat domus, duo videlicet signa pro domibus, ita tamen vt prima domus mobilis sit secunda. Dicuntur signa, &

**N**Vllas inducias petunt stellaræ vt ab actione quiescant, tantaque est earum virtus, & actio, vt non solum præsentibus, sed etiam absentibus agant in hæc inferiora; fateri nihilominus cogimur, maiorem esse vim præsentis, quam absentis: sunt autem præsentibus, dum nobis oriuntur, sunt absentes, dum in occasum vergunt. Hinc de ortu, & occasu stellarum, hæc accipe documenta.



## DOCUMENTVM I.

*Ita ortus, & occasus stellis conuenit, ut inde aliqua dicuntur perpetua apparitionis, alia perpetua occultationis, alia verò ortus, & occasus participes, nunc apparent, postea occultantur.*

**P**Remittenda est ortus, & occasus definitio, signi, Stellæ, Planetæ ortus est illis ascentio ab altero hemispherio ad nostrum hemispherium, seu apparitio supra nostrum Horizontem. Occasus est descentio, etque depressio, cum nostrum deserit hemispherium, & sub Horizonte latitat. Est adhibenda altera definitio propter Poetas, qua dicimus ortum esse manifestationem stellæ occultatæ pre nimio solis splendore, & occasum esse occultationem stellæ ex splendore solis. His præmissis, dicimus eos, qui sub æquatore habitant, suntque in sphaera recta videre omnes stellas orientes, & occidentes. Habitantes sub polo arctico, quibus æquator est pro Horizonte, nullum prorsus sentiunt ortum vel occasum stellarum: nam

omnes stellæ, quæ à polo arctico sunt usque ad æquatorem, ita semper sunt conspicuæ, ut numquam Horizontem transeant, aliæ verò stellæ, quæ sunt ab æquatore usque ad polum antarcticum, numquam videntur ab hominibus habitantibus sub polo arctico, ac proinde nullæ stellæ oriuntur illis, nullæ occidunt. Alij homines qui in sphaera obliqua habitant secundum eleuationem vnicam poli, vnicas habent stellas orientes, & occidentes, nam stellæ quæ sunt à polo usque ad gradum eleuationis, sunt perpetuæ apparitionis, & illis numquam oriuntur, numquam occidunt. Aliæ stellæ, quæ sunt sub alio polo depræssio usque ad gradum depressionis, numquam sunt illis conspicuæ, sed sunt sempiternæ occultationis, numquam oriuntur, numquam occidunt: omnes verò aliæ stellæ, quæ sunt infra designatos gradus, infra viginti quatuor horas, & oriuntur, & occidunt.

## DOCUMENTVM II.

*Ortus est duplex, sicut & occasus,  
nempe poeticus, & astro-  
logicus.*

**S**ubdiuiditur poeticus in Cosmierum, Chromicum, & Heliacum. Subdiuiditur astrologicus in rectum, & obliquum; differunt Poetæ, & Astrologi in explicando ortu, & occasu stellæ, nam apud Poetam, ortus stellæ est apparitio illius, designando quo tempore apparet, videlicet, quo anni mense, quo mensis die, qua dici hora, & occasus est depressio eiusdem stellæ prædictas differentias temporis connotando. Apud Astrologum, ortus stellæ est apparitio illius, & ascentio ad nostrum hemispherium. connotando quantum temporis impendit sibi coeleste, à quo incipit nobis apparere donec appareat totum; siquidem quodlibet Zodiaci, ex varijs stellis compactum, triginta habet gradus, ac proinde non potest totum simul oriri, sicut nec totum simul occultari, proinde indiget tempore. Idem dicendum est de alijs imaginibus coelismò de Sole, & Luna. Explicemus va-

rias species poetici ortus, & occasus. Illæ stellæ cosmicæ oriuntur, quæ cum Sole oriuntur: Chrosmicæ oriuntur, quæ per totam noctem ab occasu solis usque ad illius ortum oriuntur; Heliacæ oriuntur stellæ, ex quibus sol recedit, & ex vnus recessu non prohibentur videri à Solis splendore; ergo illæ stellæ à quibus sol est, dicuntur esse in occasu heliaco, quia videri non possunt prohibente solis splendore. Explicemus Astrologici ortus, & occasus duas species, ortum videlicet rectum, & obliquum. Intelligi non possunt hæ duæ specis, nisi prius supponatur ortum Astrologium esse portionem æquatoris ascendentem cum signo & stella, siquidem Astrologi aduertentes inæqualitatem, ortum, & occasum stellarum recurrunt ad æquatorem directè semper ascendentem, & occidentem. Hinc fit ut illud signum apud Astrologos dicatur ascendere rectè, cum plures gradus æquatoris, quam Zodiaci ascendant in ortu illius signi; illud verò signum obliquè oritur, in cuius ortu pauciores sunt gradus æquatoris ascendentis, quam Zodiaci.



## DOCUMENTVM III.

*Possent Stella firmamenti quadruplici via deprahendi, & cognosci, ut illas in celo videntes nomina illarum sciant.*

**P**rima via est docti, & eruditi magistri ostentio, & manifestatio; nam, qui stellas cognoscit in coelo, illas potest alium docere, & monstrare digito. Secunda via est in illis libris, qui seruatō ordine, seruatis quoque longitudine, latitudine, & declinatione stellarum, ita illas demonstrant, ut sine alio magistro loquente, quæ in illis libris stellæ videntur, in coelo quoque videantur. Tertia via est mediante globo Cœlesti vnus polus si eleuetur secundum eleuationem poli cœlestis respectu illius loci, in quo fuerimus: sereno coelo oculos dirigentes in polum, deprehendimus ex globo stellas viciniores polo, & per illas manifestabuntur reliquæ omnes. Quarta via est Galaxia, seu lacteus circulus, qui cum totum arabiæ cœlum multas tangit stellas, & stellarum imagines ut videre est in globo cœlesti: in qua si quis

deprehenderit cassiopticam, manu duceretur ab ipsa met Galaxia ad alia signa, aliasque imagines per quas transit Galaxia, idem seruetur in coelo, quod in globo cœlesti, & cum oculis sit visibilis Galaxia, se ipsam prodet: proinde illa manifestabit signa, quæ illius ambitu continentur. His autem cognitis nullo negotio manifestabuntur alia, quia multum ab illis distant.

*De Galaxia, seu lacteo circulo.*

**P**raterrmitti à nobis non debet inquisitio illius splendoris, seu fulgoris, qui in firmamento videtur appellaturque à candore, & albore Galaxia, Viâ Lactea, circulus Lacteus, nam præter stellas firmamenti, ita lucet circulus lacteus, ut Astrologum inuitet ad sui inquisitionem.

## DOCUMENTVM I.

*Circulus lacteus est vnicus in firmamento existens.*

**A**Ristoteli non subscribimus dicenti in libris mathematicis, Galaxiam esse in aere, consistereque exhalatione,

in

in qua recepti radij solares, splendorem, & candorem efficiunt. Nec subscribimus eorum sententiæ qui duas faciunt Galaxias, vnam quidem in aere, alteram verò in firmamento; fieri namque potest, vt præter eam, quæ in firmamento est, sit alia in aere ex vapore, seu exhalatione: vt hæ probabunt rationes. Prima: Quæ in aere generantur, non deprehenduntur esse in eodem loco omni tempore, & ab hominibus in diuersis mundi partibus existentibus videri, vt videre est in cometis, qui quia in supremæ aeris regione generantur, in ea quæ permanent iudicantur à diuersis varium habere situm, variamque positionem, sed Galaxia in eodem loco visitur; nec vnquam suam mouet sedem; vnde colligimus esse in firmamento Galaxiam, sicut concludimus stellas fixas omnes in eodem coelo, quia immobiliter sunt in eadem coeli parte. Secunda ratio. Metheora, quæ in aer generantur non sunt semper eiusdem quantitatis, exigua namque sunt cum generantur, pedetentim augentur post augmentum, pedetentim minuantur, tuncque aut pereunt omnino, aut incrementum

nouum suscipiunt: sed Galaxia eandem semper seruat magnitudinem, nec augmentum, nec decretum suscipit; ergo in aere non est, aut corpus metheorologicum. Tertia ratio, nunquam deprehensi sunt circuli lactei duo, deinde sed vnus tantum videtur diuisus quidem in duas partes, quæ tamen tandem coeunt in vnum, ac proinde vnicus est lacteus circulus in firmamento similimus fonti, quia quasi in duo flumina diuiditur, vt cum in globo cælesti, quam in ipso coelo videre est.

## DOCUMENTVM II.

*Est Galaxia, vel congeries minimarum stellarum, vel pars firmamenti mediocris densitatis, quæ suscipiens radios solares, illosque aliquo pacto retinens, albescit, lucet, & splendet.*

Placuit Democrito Philosopho Galaxiam nihil aliud esse, quam multitudinem minimarum stellarum, quæ ratio est fere paruitatis; & quæ vicinæ sunt ad se inuicem, & à nobis

bis maximè distant, non possunt diuissim ad nos transmittere lumen, sed collectim: hinc solum à nobis conspicitur splendor, resultans ex partialibus splendoribus earum stellarum. Mihi valde probatur hæc Democriti sententia, nequè satis mihi impugnare videntur, qui illam hoc argumento exagitant: si (inquiunt illi), plures stellæ concurrent, & ex earum concursu fieret circulus lacteus, aliqua illarum stellarum visa fuisset, & notata ab Astrologis, & in globo cælesti posita non minus quam stellæ nebulosæ: sed nullus Astrologorum illam ex illis stellis vidit, notauit, in globo cælesti reposuit: ergo non sunt concedendæ huiusmodi stellæ. Respondemus negando consequentiam in maiore propositione inclusam; videri namque possunt stellæ nebulosæ, quia à se inuicem maximè distant, quæ si viciniore forent, non viderentur, earum namque lumina, ita miscerentur, vt distingui, & secerni stellæ non possent, idquod euenit stellis ex quibus Galaxia conflatur: hæ enim quia sibi inuicem propinque sunt, miscentur earum lumina, ita vt distincta ad nos venire non possint; quæ tamen

si à se inuicem elongarentur, non minus perciperentur quam stellæ nebulosæ. Eiusdem probabilitatis est illa sententia, quæ Galaxiam vult esse, non quidem stellarum congeriem, sed densitatem mediocrem in tota illa coeli parte, quæ Galaxia appellatur; siquidem pars illa non est tantæ densitatis, quantam requirit stellæ constitutio; nec tantæ est raritatis, vt illam penetrare possint radij solaris: mediocris est densitas, quæ sufficit ad retentionem radiorum solarium, ex qua retentione prouenit fulgor, & candor ille, qui Via lactea appellatur.

*De his omnibus, quæ communia sunt omnibus Planetis.*

**Q**Uæ de Planetis scribi, & dici possunt, in duplici sunt differentia: nam quædam sunt omnibus Planetis communia; quædam autem singulis, aut quibusdam ita peculiaribus, & propria, vt alijs conuenire non possint. Nos, quæ communia sunt, primò explicabimus loco, in sequentibus quæ propria sunt, explicaturi.

DOCUMENTVM I.

*Quilibet Planeta suum habet cœlum ex pluribus orbibus compactum, quorum alij concentrici, alij exentrici sunt, & in illis duo sunt puncta, quorum vnum appellatur Aux, aliud verò oppositum Augis.*

**I**N hoc Planetæ differunt à stellis fixis, quod firmamentum, in quo fixæ sunt stellæ, vnicum est cœlum, sicut primum mobile vnicum est, & cristallinum aliud vnicum; cœlum verò cuiuscumque Planetæ non sit tali vnitate vnum, nam constat ex pluribus cœlis, qui orbés appellantur, & insimul coniuncti faciunt vnum cœlum vnitate aggregationis. Est & alia differentia, quia primum mobile, Cristallinum, & firmamentum tres sunt cœli mundo omni ex parte concentrici, tam secundum partem conuexam, quam secundum partem concavam, nec maior crassitudo vnius partis, quam alterius; cœlum autem cuiuslibet Planetæ habet suos orbés, quosdam concentricos mundo, alios exentricos; ita ut oporteat eos ex vna parte habere maiorem spissitudinem,

ex alia verò parte minorem. Hæc ut intelligamus; sciendum, illud cœlum dici concentricum, quod secundum partem concavam, & conuexam idem habet centrum cum mundo. Excentricum simpliciter illud cœlum est quod habet aliud centrum à mundo secundum partem concavam; & conuexam. Excentricum secundum quid illud cœlum est, quod secundum vnā quidem partem habet idem centrum cum mundo, & secundum alteram habet diuersum centrum à mundo. Excentricitates videre est in singulis Planetis; etsi nullo sensu percipiantur Planetarum cœli, sicut nec excentricitalis, coacti tamen fuere Astrologi cœlos admittere excentricos, & hanc variā spissitudinem in orbibus propter exaltationem, & depressionem Planetarum; propter velocitatem, & tarditatem in illorum motu: sereno siquidem cœlo, & purgato aere, apparet idem Planeta aliquando maior, aliquando minor; certum autem est Planetam nec crescere, nec minui, & istud augmentum, seu decrementum tribui non posse nubibus interiectis; hinc querenda causa est, quæ est hæc: res in distantia, maiori, minores apparent, quæ

in minori distantia maiores apparent ; ergo cum Planeta nobis minor videtur , magis distat à nobis , eleuaturque à terra magis , & à terra recedens , accedit proprius versus firmamentum ; cum autem maior videtur , est propinquior nobis , terræ vicinior , à firmamento remotior ; atque impossibile est magis , aut minus Planetam distare à terra , si sui orbes concentrici fuerint : potest autem distare à nobis plus , aut minus si orbes sui fuerint excentrici ; ergo admit- tendi sunt celi excentrici , mirum sanè est , Planetas , qui eodem semper motu mouentur , ita vt nullus sit Planeta cuius motus sit aliquo tempore velocior , & alio tempore tardior ; tamen aliquando plures dies , aliquando pauciores in peragrandis partibus æqualibus coeli insumere , quod luce meridiana clarius in sole inspicitur ; nam , cum Zodiacus in duas æquales partes diuidatur , ita vt quælibet pars sex signis complectatur , sol plures dies in peragrandis signis septentrionalibus , quam in peragrandis signis australibus insumit ; huius inæqualitatis ratio reddi non potest , quam quia , coeli sunt excentrici ; ex quo fit vt tam sol , quam alij Planetæ

pluribus diebus vt partem spissiore confcendant , quam vt subtiliorem , absoluant . In istis coelis extrinsecis sunt puncta duo , quorum aliud vocatur Aux , aliud verò oppositum Augis . Pars illa coeli excentrici , ad quam , cum Planeta peruenit , maximè à nobis distat , appellatur Aux , prima eleuatio , seu exaltatio , & elongatio : pars illa coeli ; ad quam , cum Planeta peruenit habet summam depressionem , & terræ appropinquat , appellatur , oppositum Augis , quia opponitur diametraliter alteri parti .

#### DOCUMENTVM II.

*Sole excepto , quilibet Planeta  
habet in orbe deferente  
Epicyclum .*

**E**X varijs orbibus ex quibus constat coelum Planetæ , vnus orbis est , nempe medius , qui appellatur deferens , quia fert Planetam , illumque deferit , & transfert suo motu . Ille orbis medius qui deferens nuncupatur , habet in vna parte sui globum quemdam maximæ magnitudinis , solidum , & benè compactum , immer-  
sum,

sum, & conclusum in suo orbe, qui globus appellatur Epicyclus, & in eo est Planeta, qui Planeta est pars dentior sui Epicycli, vnde colligere licet aliud discrimen inter Planetas habentes Epicyclum, & stellas fixas, quæ nullum habent. Vnde & aliud oritur discrimen: nam stellæ fixæ sunt partes densiores sui orbis; Planeta non est pars sui orbis solidior, sed est pars solidior sui Epicycli. Non temerè Astrologi hos globos seu Epicyclos in Planetis admittunt, sed urgente veritate, quæ motu manifestatur, propter depressionem, & eleuationem Planetarum concedimus esse cœlos excentricos: sed neque eleuatio, neque depressio semper æqualis est; immodò Planeta in sui eleuatione; & Auge existens, aliquando magis eleuatur, aliquando minus, & cum idem in opposito Augis fuerit, idest in sua depressione aliquando magis, aliquando minus deprimitur; huius autem inæqualitatis pars tam in exaltatione, quam in depressione depræhenditur, non potest esse causa deferentis, & aliorum orbium excentricitas; quarendæ ratio est; quæ alia fingi non potest ab Epicyclo, qui qui solus erit huiusmodi inæ-

qualitatis causa; vt videre est comparatione facta soli cum alijs Planetis. Sol eleuatur, & deprimitur, sicut & alij Planetæ, propterea habet suos orbes excentricos, sicut & illi habent, sed tamen eleuatio solis semper est eadem, habetque in Auge eandem semper eleuationem, & in opposito Augis eandem depressionem; vnde colligunt Astrologi solem non habere Epicyclum: ergo Planetæ Epicyclum habent cum nullam seruent in Auge, & opposito augis paritatem in exaltatione, & depressione.

## DOCUMENTVM III.

*Non eodem motu mouentur orbes ex quibus conflatur unicum Planeta cœlum; & vniuscuiusque Planeta Epicyclus diuerso motu mouetur.*

**E**X varijs orbibus etsi componatur vniuscuiuscumque Planetæ cœlum, differunt tamen in ortu: nam deferens Epicyclum, seu Planetam, peculiarem sortitur motum obliquum, seu ab occasu in ortum; cum tamen alij orbes, inter quos deferens continetur eodem motu



moueantur cum firmamento : ū. g. cœlum Saturni ex tribus orbibus constituitur, quorum deferens infra triginta annos, obliquum absoluit motum, cum tamen duo orbis, nempè superior, & inferior eundem cursum non absoluant, nisi triginta sex millium annorum spatio. De alijs Planetis idem fit iudicium. Hoc solo excepto, quod eorum deferentes non tanto indigeant tempore, quanto indiget Saturnus; Epicyclus peculiarem quoque motum habet; ita ut intra concavitatem in qua continetur, moueatur circulariter, & cum Planeta sit in Epicyclo tamquam pars illius, necessum est Planetam moueri ad motum Epicycli, ac proinde tres rationes deprehenduntur in Planeta ex motu sui Epicycli; vnus namque est, & idem Planeta nunc dicitur Retrogradus, postea stationarius, demum directus. Eum Epicyclus motu suo deferit Planetam versus terram, dicitur Planeta Retrogradus, quia ad motum sui Epicycli mouetur, & contrario motu motui sui orbis; Cum Epicyclus eleuat Planetam à terra, tunc appellatur Planeta stationarius, qui quasi stare videtur. Cum Epicyclus eleuat Planetam quan-

tum eleuare potest, tunc Planeta directus dicitur; tum quia firmamentum directe respicit; tum quia perpendiculariter, & directe supereminet capitibus nostris.

#### DOCUMENTVM IV.

*Varios habent polos Planeta, diuersos, & distinctos à polis mundi, seu primi mobilis: hinc varios aspectus admittunt.*

**V**arios esse polos Planetarum, ex eo ipso colligimus, vnde conclusimus firmamenti polos non esse eosdem cum polis mundi; nam sicut firmamentum, aut stellæ firmamenti nunc maiorem, nunc minorem habent declinationem, & aliquando magis appropinquant polo aliquando ab eo recedunt, quod fieri non potest nisi concessa diuersitate polorum. Idem de Planetis est dicendum, quia subeunt eandem declinationem, & elongationem à polo, seu æquatore, nec non approximationem ad vtrumque. Poli Planetarum sunt iidem cum polis Zodiaci latitudinem. Aspectum, seu radiationem Planetarum appellant

Iant Astrologi situm, & positionem Planetarum, ex quo resultat, aut impedimentum, aut adiuamentum actionis. Quinque sunt aspectus planetarum, nempe sextilis, Tretagenus, Trigenus coniunctio, & oppositio. Sextilis aspectus, est distantia duorum signorum inter Planetas duos, vt, si sol in primo Arietis fuerit, & luna in primo Gemini, dicuntur sol, & luna habere ad se inuicem aspectum sextilem, Aspectus Tretagenus est, cum inter duos Planetas tria sunt signa, vt si sol est in primo Arietis, & luna in primo Cancri. Aspectus Trigenus est, cum inter duos Planetas est distantia quatuor signorum, vt cum sole existente in primo Arietis, luna in primo Leonis fuerit. Coniunctio est, cum in eodem gradu eiusdem signi duo Planetæ sunt, vt cum sol, & luna sub aliquo gradu coniunguntur, vt fit singulis mensibus paulò ante nouilunium. Oppositio est, cum inter duos Planetas est distantia sex signorum, cum sole existente in primo Arietis, Luna in primo Libræ fuerit.

## DOCUMENTVM V.

*Si cum sole comparentur alij Planetæ, nouas subeunt rationes, nouaque acquirunt nomina.*

**D**icuntur enim Orientales, occidentales, combusti, compressi, aucti, diminuti. Planeta, illo dicitur orientalis, qui cum sole oritur, & quia sol manè oritur, Planeta matutinus dicitur. Planeta, qui occidente sole occidit, dicitur occidentalis, seu vespertinus. Quamdiù Planeta est cum sole dicitur combusti, quia eius lux quasi comburitur, & deuoratur à lumine solis. Quamdiu Planeta non distat à sole nisi duodecim gradibus aut circa, appellatur oppressus, quia quamuis lumen solis, lumen Planetæ non abscebeat omninò, tamen opprimit, & minuit. Quando Planeta est in Auge, & in summa sua exaltatione dicitur diminutus, quia minor nobis apparet; cum autem est in opposito Augis dicitur auctus, quia maior nobis apparet.

*De tribus planetis superioribus,  
& Venera.*

**M**ulta sunt in quibus hi Planetæ conueniunt, pauca in quibus differunt, propterea insimul expediti, & explicari debent. Alij Planetæ explicabuntur seorsim, & diuissim, buia maiores habent difficultates, & magis tam à se ipsis, quam ab istis differunt.

*DOCUMENTVM I.*

*Quilibet horum quatuor Planetarum habet suum cælum ex tribus orbibus compactum, & in orbe medio est Epicyclus cum Planeta.*

**I**N hoc conueniunt quatuor Planetæ, ut quilibet eorum habeat cælum concentricum mundo buia, superficies concava cœli inferioris, & superficies conuexa orbis superioris est cœntrica mundo, ita tamen ut si orbes, ex quibus componitur cælum, considerentur quatenus orbes sunt, re vera sint excentrici mundo; nam tam superior orbis, quam inferior est excentricus secundum quid, orbis

nempè superiore secundum cœcauam superficiem, & orbis inferior secundum connexam; orbis verò medius est excentricus simpliciter, secundum vtramque videlicet superficiem.

*DOCUMENTVM II.*

*Differunt maximè in motu hi quatuor Planeta, si tarditatem, & velocitatem spectes.*

**S**aturnus suum absoluit cursum triginta annis, aut viginti nouem; Iupiter duodecim annis; Mars duobus; Venus vno solari. In hoc à reliquis Planetis Venus differt, quod alij Planetæ (Mercurium si excipias) elongantur à sole sæpè numero, quantum elongari possunt; at verò Venus ita est amica solis, ut ab illo recedere non possit per duo integra signa; eiusque maior elongatio à sole, non est nisi quadraginta septem graduum; hinc paulò ante ortu solis videtur, & paulò post illius occasum.

*De Sole.*

**E**A est solis dignitas, & præstantia, vt qui de Deo loquuntur nihil in tota natura reperiunt, quod magis præferat diuinæ naturæ excellentiam, quam sol. quem vnanimi consensu Philofophi appellant secundarum caufarum primam, vt Deo sublato, & inter caufas nō adnumerato, sol diceretur prima caufa. Hinc fit vt plura de eo dicenda sint, quæ documento vnico explicari non possunt. In hoc naturam eiusque varios effectus explicamus, qui ad Astrologiam spectant.

*DOCUMENTVM I.*

*Sol est sidus, & parte cæli constans, & luce.*

**I**N hoc conuenit sol cum stellaris firmamenti, vt quemadmodum illæ sunt partes sui cæli, quod materia, & forma substantiali constans est stella materia, habensque lucem pro forma; ita solis materia est pars sui cæli, seu orbis, in quo differt ab alijs Planetis, qui non sunt partes sui orbis, sed partes sui Epicycli, quo Epicyclo sol caret.

Forma, seu formalis ratio solis est lux, non quidem aliunde manens, sed congregata cum sole, nec enim emendicat sol lucem suam, vt faciunt stellæ, & Planetæ. Lux autem hæc, substantia esse non potest, aut completa, & per se subsistens, aut incompleta, & cum alio faciens compositum physicum. sed est accidens, tum quia sensibilis est, quod solius est accidentis, tum quia in multis entibus physicis accidens est; quod autem vni accidit, & in vno accidens est, vbicumque fuerit accidens erit. Lux accidens est de prædicamento qualitatis, estque passibilis qualitas. Esse qualitatem constat, quia intensionem, & remissionem suscipit, & per eam corpora lucida dicuntur similia, quæ duo soli competunt qualitati.

*DOCUMENTVM II.*

*Lumen est qualitas, & species intentionalis emissæ a luce.*

**N**on est substantia, aut quantitas. Certum est rem quamlibet positiuam producere imaginem, & speciem sui, per quam sentiatur, si sensibilis est, intelligatur, si intelligibi-

ligibilis est : non est lux deterioris conditionis , cum sit qualitas , & vna ex nobilissimis , propterea diffundit imaginem , & speciem sui , quæ lumen appellatur , estque ens positium , & intentionale . Positium , quatenus ens reale est , intentionale , quatenus est ratio , quæ facultas visiva tendit in rem visibilem , ipsamque lucem : habet propterea suum esse in fieri , & in perpetuo fluxu , ita vt non sit de numero rerum permanentium , & sed est sicut tempus , cuius partes priores percunt , posterioresque consequuntur . Est instar aquæ fluminis , atque fontis , quæ est in perpetuo fluxu , & instar flammæ , quæ flamma , cum sit aer ærensus , & aer sit in perpetuo motu , perit singulis momentis , nouoque succedit . Non potest lumen esse substantia contradicentibus rationibus quas habet communes cum luce . Non potest esse corpus , siue physicum , siue mathematicum , quia duo corpora insimul esse non possunt , videmus tamen lumen esse cum quolibet corpore diaphano . Obijciat aliquis , lumen subire rationes rei corporæ , quia diuiditur in rectum , reflexum , & fractum . Tamen facilis est responsio : hæ

enim denominationes non sunt propriæ , sed metaphoricæ , vnde & conueniunt speciebus emissis à quocumque corpore , quas tamen intentionales species , nemo vmquam dixerit corporeas .

## DOCUMENTVM III.

*Lumen est duplex , scilicet primum , & secundarium , cui opponitur umbra , & tenebra .*

**L**umen primum est ipse , met radius missus à corpore luminoso , est inquam ipse fulgor , splendor , & candor absque vlla diminutione sui . Lumen secundarium est quasi primarij luminis participatio quædam , imperfecta tamen , qualem videre est extra prænominatum fulgorem , & radium . Tenebræ nihil sunt positium , sed simplex & pura negatio tam primarij , quam secundarij luminis , & consequenter includit retractionem , & prohibitionem luminis . Umbra non est mura negatio , sed diminutio secundarij luminis : vel vt clarius dicam : Umbra est diminutum lumen secundarium , & consequenter includit negationem ,  
prima-

primarij luminis. Vmbra esse aliquid positium, colligo ex fine, causis, & suo effectu. Causæ positivæ non producunt nisi effectus positivi, sed umbra habet duas causas positivas, nempe lumen emissum à luminoso corpore, & corpus opacum interiectum; ergo umbra erit aliquid positium. Effectus umbræ positivi sunt, nam in illa colores videntur, qui sine aliquo lumine videri non possunt: ergo umbra habet aliquid luminis.

## DOCUMENTVM IV.

*Vmbra est duplex, scilicet recta, & versa, & ex varietate umbræ rectæ, Geographi varia imponunt hominibus nomina.*

**V**Mbram rectam appellamus eam, quæ fit à corpore in terra existente, & sursum eleuato. Vmbra versam appellamus eam, quæ fit à corpore suspenso in aere. Obseruant maximè Geographi umbras emissas variè ab hominibus in diuersis mundi partibus existentibus. Qui habitant sub Zonis glacialibus, quia habent æquatorem

pro Horizontem, sol parum eleuatur respectu illorum, & cum infra diem quæ est sex mensium, circumeat totum Horizontem, necessum est hominis illos emittere umbram in omnes Horizontis partes, vnde appellantur herotis. Qui in Zonis temperatis habitant, emittunt umbras versus vnicum polum, septentrionales in arcticum, australes in antartichum, vnde appellantur heterotij. Qui habitant in Zona torrida, modo in vnum polum, modo in alterum umbras emittunt, vnde appellantur amphitrij.

## DOCUMENTVM V.

*Sol quia est quantitate molis maior reliquis sideribus, maior quoque quantitate virtutis, cuius quasi innumerabiles sunt effectus, quos præcipuo suo colore, suæque luce efficit.*

**Q**uantum sit solare corpus non est omnino comperitum, sanior tamen sententia ea est, quæ solem facit maiorem terra centies sexagesies septies, ac proinde ridenda est Heracliti sententia, qui pedalem faciebat solem, nec maiorem, quam oculi videant. Ex  
com-



communi sententia constat solem esse maiorem quacumque stella magnitudinis primæ, quia stellarum fixarum maxima est maior terra dumtaxat centies septies. Nomine terræ illum intelligimus globum, qui ex terra & aqua constat, facit hæc magnitudo corporea solis, ut sit ille ad plures effectus producendos efficacissimus, quos recensere, nimis prolixum foret. Cuiuscumque alterius causæ effectus esse quoque solis effectus, docet vulgaris hæc sententia: Deus, sol, & homo generant hominem; idem namque dici debet de reliquis effectibus: Deus, sol, & aquila, aquilam generant, &c. Præcipua agendi vis solis, in eius luce, & calore consistit. Lux est quidem in sole formaliter, sed calor dumtaxat virtualiter. Solem nequaquam esse calidum formaliter noscet, quicumque nouerit caliditatem formalem vnâ esse ex primis qualitatibus, quæ primis corporibus, idest elementis primo conueniunt, & alibi non reperiuntur sine compositione ex elementis: cælum non componitur ex elementis, nec etiam sol, ergo non admittit caliditatem formalem. Docet item Aristoteles capite de oppo-

sitis, vbicumque fuerit vnum oppositorum contrariorum, ibidem aliud contrariorum esse debere. Ex quo fit, ut si calor formalis in cœlo, soleque fuerit, in eo quoque admittendum sit frigus, quo concessio, erit admittenda generatio, & corruptio in coelis cum antecedentibus, & consequentibus rationibus, quæ omnia pugnant cum simplicitate, & æternitate cœli, solisque. Negare non possumus solem esse calidum, cum lucem habeat, quæ lux est calefactiua, sed ita tamen ut effectiue, & virtualiter tantum intelligatur sol calidus.

*De Orbibus, cæloque  
solis.*

**I**Am abundè dictum est supra de Planetarum cœlis, atque orbibus, ut si ea applicantur soli, nihil addi; nos itaque sola hac applicatione contenti sumus.



## DOCUMENTVM PRIMVM.

## DOCUMENTVM II.

*Habet sol suum cælum ex tribus orbibus compositum, simile per omnia cælis, & orbibus trium Planetarum superiorum, excepto Epicyclo solo, quo sol caret.*

*Excentricitas orbium solis causa est, ut sol plures dies in peragrandis signis septentrionalibus, in signis australibus impendat.*

**C**œlum solis tribus orbibus constat à se inuicem distinctis, sibi que inuicem contiguus, quorum extremi duo sunt exentrici mundo secundum quid, medius autem est exentricus simpliciter : duo extremi sunt differentes Augem solis, & oppositum Augis. Medius est deferens solare corpus. Duo extremi mouentur ad motum firmamenti, medius anno totum percurrit Zodiacum, & obliquum absoluit cursum. Ex motu deferentium Augem solis constat non in eodem signo perpetuo fore Augem, idest summam eleuationem solis; hoc namque tempore est in nouo gradu Canceri, sicut oppositum Augis, idest, summa depressio solis, est in nouo gradu Capricorni. Et si iudicium finale differatur ad Deum & octo millia annorum, erit Aux solis in Capricorno, &

**R**es sanè miranda, quam docet experientia : sol ab æquinoctio verno, vsque ad æquinoctium autumnale, quo tempore perlustrat signa septentrionalia, pluries dies, quam ab æquinoctio autumnali vsque ad æquinoctium vernum, quo tempore perlustrat signa australia, consumit : nam si numerentur à vigesima prima die Martij cū ingreditur sol primum gradum Arietis, vsque ad vigesimam tertiam diem Septembris, quā die sol ingreditur primum gradum libræ, inueniemus centum octoginta septem dies ; si verò numeremus à vigesima tertiā die Septembris, vsque ad vigesimam primam Martij tantum inueniemus centum septuaginta octo dies : ex quo constat per vndecim dies tardius absolui cursus solis, per signa septentrionalia, quam australia.

Huius retardationis quæranda causa est, quam aliam inuenire non possunt Astrologi, nisi excentricitatem orbium cœli solis, hæ enim cum sint excentrici mundo habent illam partem remotiorem à centro mundi, in qua parte remotiore, quæ est maior altera parte, sunt signa septentrionalia, cumque peragrandia maior via sit, & sol eodem semper motu moueatur, plus temporis requirit.

*De Motu diurno calis solis.*

**Q**uamuis maneret sol immobilis, non tamen minueretur eius vis, quæ motu, neque inteditur, neque remittitur, nihilominus tamen, vt in varias partes mundi diffundatur eius actio, multiplex ei assignatur motus; attamen duo sunt præcipuè eius motus, diurnus videlicet atque annuus; de quibus eorum effectibus, deinceps agendum est. De motu diurno agamus primum.

*DOCUMENTVM I.*

*Raptu primi mobili mouetur sol, non secus ac omnes alij cali.*

**C**œlum solis, eiusque orbis ab ortu in occasum, & consequenter ab occasu in ortum, circulari mouentur motu. Sol cum sit pars sui orbis eundem perficit cursum, cuius varij. ac multiplices sunt effectus; Inde enim oritur altitudo solis, horarum æqualium, & inæqualium dierum naturalium, atque artificialium, climatum quoque distinctio, quæ omnia sunt sigillatim discutienda.

*DOCUMENTVM II.*

*Altitudo solis est eleuatio illius supra nostrum Horizontem.*

**Q**uamdiu sol latet sub nostro Horizonte, aliudque Emisphericum illuminat, nullam eicitur habere respectu nostri latitudinem, sed magis depressionem, quamuis re vera respectu eorum, qui in altero hemispherio habitant, suas tunc habeat latitudinis.

Illis

Illis dimissis , de nobis loquamur . Respectu nostri dicitur sol eleuari , & in altum conscendere , cum supra nostrum Horizontem incipit apparere ; augeturque illius exaltatio , sui eleuatio , atque altitudo , donec ad nostrum perueniat meridianum , in quo finit altitudo solis , quia ex tunc incipit descendere . Hinc fit ut sit altitudo solis triplex , scilicet , minima , maior , & maxima . Minima est ab ortu solis vsque ad mediam viam , qua itur ad meridianum . Maior altitudo est ipsa media via . Maximam seu summam altitudinem est meridianam , quando videlicet sol est in meridie , meridianumque occupat circulum . Sciendum insuper est , hanc ipsam summam solis altitudinem non semper eandem esse cum respectu , qui inter tropicum Cancrì , & polum habitamus , quando sol est in Cancro , maximam obtinet altitudinem , quam potest habere sol : cumque declinat à Cancro , & versus capricornum tendit , quò magis recedit à Cancro , eò minorem obtinet summam in meridie altitudinẽ , & cum in capricorno fuerit ; tunc sũma eius altitudo minima inter omnes altitudines meridianas .

DOCUMENTVM III. -

*Horas perficit sol motu diurno  
quarum alie æquales,  
alie inæquales .*

**H**oras æquales appellant Astrologi viginti quatuor illas horas , ex quibus constituitur dies naturalis . Dicuntur illæ horæ æquales , quia quælibet earum est tempus illud , quo æquator gradus quindecim supra nostrum ascendunt Horizontem , quia æquator secundum omnes suas partes æqualiter ascendit , necessum est horas illas esse æquales , quas æquator efficit . Inæquales horæ in duplici sunt differentia : alie enim dicuntur inæquales , quia efficiuntur à motu Zodiaci , qui cum obliquus sit , non eodem ascendit modo secundum omnes suas partes , & quia vna pars Zodiaci tardius , alia velocius ascendit , horæ , quæ ex hoc inæquali ascensu proueniunt , debent esse inæquales . Alie inæquales horæ sunt , quas numeramus ab ortu solis vsque ad occasum , diuidentes totum illud tempus in duodecim æquales partes . De

nocte idem sit iudicium, nam cum dies sint inæquales, horæ duodecim vnus diei, erunt inæquales horis alterius diei.

### DOCUMENTVM IIII.

*Sol motu diurno dies facit naturales, & artificiales.*

**N**aturalem diem appellant Astrologi reuolutionem rotius æquatoris, hoc est spatium viginti quatuor horarum, quia quindecim gradus æquatoris faciunt vnam horam; quod si quindecim multiplicaueris per viginti quatuor, reperies infra viginti quatuor horas reuolutionem fere trecentorum sexaginta graduum æquatoris; ex quo fit, vt dies naturalis duabus constet partibus, quarum vna retinet diei nomen, altera vero dicitur nox. Miranda est proportio inter diem naturalem & annum; siquidem annus in quatuor diuiditur partes; quarum prima est ver, & omnia virefcere, & florescere incipiunt. Secunda æstas, fructuum amica, & calida valde. Tertia est Autumnus sub obscura, humida, & parum grata. Quarta est hiems omnium pessima, frigore, & niue plena,

quam optimè pigram appellare possumus. Veri correspondet matutinus dies, ab aurora vsque paulò ante meridiem; æstati correspondet meridies vsque ad vesperam. Autumnus similis est vespere vsque ad mediam noctem: Hiemem præfert media nox vsque ad auroram. Vbique idem est dies naturalis, vbi habetur vicissitudo noctis, & diei infra viginti quatuor horas, non tamen, vbiq̃ue habet dies naturalis idē principium: Nam Babilonij, & qui insulas Maioricam, & Minoricam inhabitant principium diei primamque horam faciunt in ortu solis; Athenienses, atque Itali principium diei, & horam primam illius faciunt ab occasu solis, Iudei à media nocte; Astrologi in ipso meridie. Artificialis dies incipit in ortu solis, desinit in eiusdem occasu; appellaturque artificialis, quia prouenit ex motu Zodiaci, quia obliquocietur motu; & obliquè est positus in cœlo, præter naturam est, atque ideo artificialis, artificialia quoque quæ ex eo proueniunt. Declinatibus nihil in præsentiarum, sed de terra agetur.

*De Proprio Solis motu.*

**S**I alijs Planetis, alijsque cœlis, varij, & multiplices concessi sunt motus ad totius Vniuersi bonum, & præter communes motus, cuiuslibet stellæ cœlo assignatus est proprius; cum sit sol aliorum siderum princeps, hac multiplicitate motuum priuari non debet, imò peculiarem habebit motum, quem annum appellant Astrologi. De hoc motu, eiusque effectibus, subsequenti accipe documenta.

*DOCUMENTVM I.*

*Proprius solis est motus, quo ab occasu in ortum vergens, & ab ortu in occasum rediens, totum percurrit Zodiacum sub Ecliptica linea semper manens: ab Aequatore versus utrumque tropicum declinans.*

**S**icut alijs Planetæ certo spatio temporis procurrunt Zodiacum, ita etiam sol, qui infra trecentos sexaginta quinque dies, & horas quinque, & aliquot minuta, totum perlatrat Zodiacum. Hunc versum peragat sol sub Ecliptica linea, à qua numquam recedit. Numquam

recedere solem sub Ecliptica linea adnotarunt Astrologi. Ex quatuor punctis cardinalibus, in quibus Zodiacus contingit, & interfecat coluros, & Aequatorem, quod sit quatuor in anno, scilicet in utroque Aequinoctio & utroque solstitio, in quibus diebus, & singulis annis sol deprehenditur in illo gradu Zodiaci, qui aliquem horum circulorum contigit, qui gradus est Eclipticæ lineæ, ac proinde sol non diuagatur extra hanc lineam: alij verò Planetæ, quia non in iisdem punctis reperiuntur, singulis annis diuantur ab Ecliptica linea. Declinatio solis est eius elongatio, sui distantia ab Aequatore, quæ maior esse non potest, quam viginti trium graduum, aliquot minutorum: siquidem sol manens semper sub linea Ecliptica, non potest magis declinare ab æquatore, quam Ecliptica elongatur ab eodem: sed linea Ecliptica non habet maiorem distantiam, idest, declinationem ab Aequatore, quam viginti trium graduum, & aliquot minutorum: ergo idem de sole dicendum est. Notabis propterea nullam esse solis declinationem bis in anno, in utroque scilicet Aequinoctio, à quo cum sol re-



cedit, etiam declinet, ita ut maxima eius declinatio contingat bis in anno, scilicet in utroque solstitio.

## DOCUMENTVM II.

*Annum facit sol suo motu proprio,  
qui propterea debet esse tre-  
centorum sexaginta,  
quinque dierum,  
& horarum  
quinque.*

**A** Nnum tropicum agnoscunt Astrologi, scilicet magnum, solare, & lunarem. Annus magnus est totum illud spatium temporis, quod requiritur adhuc ut sidera omnia redeant ad illud punctum in quo creata fuere, qui reditus cum fieri non possit, nisi post triginta sex millia annorum, annus magnus est spatium triginta sex millium annorum, quem annum, quia adnotavit Plato, postquam reditura omnia, sicut antea fuerunt, videtur annus Platonius. Annus Lunaris duplex est, primus idem est quod mensis, scilicet spatium triginta dierum, quo tempore Luna totum decurrit Zodiacum, & aliquid ultra. Secundus est spatium illud temporis, quo Lu-

na duodecies Zodiacum decurrit, ac proinde iste annus constat trecentis sexaginta quatuor diebus. Annus solaris est reuolutio solis, & reditus ad idem punctum à quo recesserat. De hoc anno vsuali est maxima disceptatio, an videlicet apud omnes gentes, & ab ipso mundi primordio, annus vsualis sit annus solaris: siquidem notat Plinius lib. 2. naturalis historiae cap. 37. aliquos esse, qui mensem pro anno habent; alios, qui annum fecerunt trium mensium. Quidquid sit de Barbaris nationibus, nobis certum esse debet primos illos homines, qui à mundi primordio extiterunt, peritissimos in Astrologia fuisse, ac propterea non ignorasse verum solis cursum, cumque esse anni mensuram, ac proinde illi habuerunt similem nostro, qui constat trecentis sexaginta quinque diebus; & quia cursus solis diebus his addit quinque horas singulis annis, quæ horæ ne pereant quolibet anno, quarto additur dies integra in mense Februario, qui annus appellatur bissextilis; quia eo anno in mense Februario bis dicitur sexto calendas Martij. Apud antiquiores veri Dei cultores, & ante diluuium

luuium Noeticum annum habuisse duodecim menses, & quemlibet mensem habuisse triginta dies, aut circiter colligimus ex cap. 7. & 8. Geneseos, in quibus describitur principium, duratio, & finis diluuij annotatis diebus, mensibus, & anno, ibique legimus mensem septimum, mensem decimum, nec non vigesimum septimum diem mensis, ex quibus, alijsque descriptis colligitur æqualitas anni illius, & nostri.

### DOCUMENTVM III.

*Habet annus apud diuersos varium principium; partes habet in duplici differentia, quarum alie dicuntur menses, alie verò distincta tempora appellantur.*

**A**strologi annum incipiunt vigesima prima die Martij; alij verò mense Septembri. Iam omnes ferè mense Ianuario. Diuiditur aliquando annus in menses duodecim, quasi in partes integrantes. Est autem mensis duplex, scilicet naturalis, & ciuilis. Mensis naturalis est totum illud tempus, quod inperagrando integro signo sol impendit, ita vt mensis natura-

lis principium sit dies ille, quo sol ingreditur signum, estque in primo signi gradu: finis est vltimus dies, quo sol desinit esse in tali signo: ergo principium mensis Martij naturalis erit vigesimus primus dies Martij, & sic de reliquis. Mensis ciuilis est spatium triginta dierum, aut triginta vnus, excepto Februario, qui est viginti octo dierum, & in anno bissextili est dierum viginti nouem. Principium mensis ciuilis est ad libitum eorum, qui rebus ciuilibus præfunt. Diuiditur etiam annus in quatuor diuersa tempora, scilicet Vernal, Aestiuum, Autumnale, Hiemale, quæ diuisio sumitur ex eo, quod quatuor in anno variatur temporis dispositio, quæ varietas, quia incipit, & maximè depræhenditur sole existente in quatuor punctis cardinalibus, facit vt dies illi in quibus sol est in huiusmodi punctis, sint principia harum quatuor partium anni. Ver incipit vigesima prima die Martij, qua die sol ingreditur Arietis signum, duratque tamdiu, quamdiu sol est in Ariete, Tauro, & Gemini; scilicet à vigesima prima die Martij, vsque ad vigesimam secundam diem Iunij inclusiue. Aestas inci-

communis tamen sententia fert rebus publicis, atque Prouincijs annum periodiacum esse centesimum; Imperijs autem & Monarchijs, nec non Regnis potentissimis, periodiacus annus est quingentesimus. Quæ diximus de annis Climactericis, & periodiacis, intelligenda sunt euenire plurimum, & frequenter; impediri autem ne semper eueniant à Diuina prouidentia.

*De Mercurio Planeta.*

**P**ostulat Planetarum ordo, ut sicut sub sole Venus est, ita post solem Venus explicaretur; verumtamen necessum fuit Venerem coniungere cum Planetis superioribus in eorum explanatione propter maximam huius, & illorum affinitatem. Hinc post solem, de Mercurio agemus, de quo pauca addi possunt, his quæ de Planetis in communi dicta sunt. Hæc pauca documenta de Mercurio accipe.

*DOCUMENTVM I.*

*Quinque orbibus constat cælum Mercurium.*

**C**Vipiam sanè mirum videtur, alios Planetas tribus

dumtaxat constare orbibus, Luna excepta, quæ quatuor orbibus habet, Mercurij cælum quinque habere orbibus; sed respondebunt Astrologi necessariò tot esse admittendos orbibus propter maximam irregularitatem motuum, & eorum multipliciter, quæ in Mercurio depræhenditur. Ex hac varietate, multiplicitate, & irregularitate motuum, tot depræhenduntur apparentiæ in Mercurio, ut illis satisfieri non possit nisi plures habeat Mercurius orbibus, quam alij Planetæ. Totum cælum Mercurij ex quinque orbibus constans est quidem concentricum mundo, quia superioris orbis conuexa superficies, & orbis inferioris concava superficies est concentrica mundo: attamen hi ipsi duo orbibus sunt excentrici secundum quid, & alij sunt excentrici, aut secundum quid, aut simpliciter. Duo superiores, & duo inferiores orbibus sunt differentes Augem, & oppositum Augis, medius autem orbis est deferens Epiciclum, cuius pars est Planeta Mercurius.

videre imaginem, quæ similis est humanæ faciei, appellatur facies Lunæ. Tertia pars propositionis rem incredibilem docet, nempe lucem esse minimam, in ea tamen sunt sententia Astrologi, vt Mercurio excepto, sit Luna minima inter omnes Planetas, cuius tam parua est quantitas, vt terra sit maior quam Luna tricies novies. Quæret tamen aliquis, quare in sacra pagina appellatur luminare magnum, & tantæ magnitudinis nobis videatur; Respondemus Lunam esse luminare magnum, non quantitate molis, sed virtutis, ob varios, atque multiplices eius effectus, Lunam esse maximam effectiue. Nobis magna apparet propter minimam distantiam, quæ est inter Lunam, & nos.

## DOCUMENTVM II.

*Cælum Luna quatuor orbibus constat, quorum tres interiores similes omnino sunt tribus orbibus Planetarum superiorum; quartus qui exterior est alios inuoluens est concentricus mundo secundum utramque superficiem.*

**D**E rebus orbibus cæli Lunæ nihil habemus noui;

de quarto orbe notandum est, coactos fuisse Astrologos illum, admittere, vt rationem reddant ex qua fit vt Luna coniuncta soli non facit Eclipsim solis, & quare ipsa Luna Eclipsim non patiatur quotiescumque est opposita soli; huius ratio est, quia neuter horum Planetarum Eclipsim pati potest, nisi utroque existente in Ecliptica linea, cum Luna soli, aut coniungitur, aut opponitur, non contingit autem Planetarum reperiri sub Ecliptica linea, nisi cum duo puncta quarti orbis Lunæ fuerint in Ecliptica, & in illis hi Planetæ fuerint, quæ duo puncta appellantur caput, & cauda dragonis.

## DOCUMENTVM III.

*Duo sunt præcipui motus Luna scilicet secundum longitudinem, & latitudinem Zodiaci.*

**Q**uantum ad motum secundum longitudinem Zodiaci sciendum est Lunam circuire totum Zodiacum, & omnia percurrere signa spatio viginti septem dierum, & horarum sex vel octo. Principium istius motus sumitur ex recessu

Lunæ à sole, & desinit in conjunctione Lunæ cum Sole. Inter autem principium & finem istius motus, requiruntur dies triginta, quia Luna rediens ad gradum illum Zodiaci, in quo solem reliquerat, solem ibi non reperit, sed motu suo ultra progressus est, ac proinde requiruntur duo dies, imò etiā tres antequam Luna possit coniungi cum Sole. Motus hic secundum longitudinem Zodiaci est causa sine qua non illius varietatis, quam in Luna deprehendimus: experimur namque singulis mensibus lumen Lunæ augeri, & minui, non quod, re vera augeatur, aut minuatur, sed quia Luna proprio lumine non lucet, & tantum suum lumen mendicat à Sole, qui Sol pro vario aspectu, quem habet ad Lunam, nunc partem, unam Lunæ illuminat, nunc alteram; ita tamen ut cum Luna globosa sit, media pars sui globi luminosa sit semper. Lis manifesta fiat, si dixerimus in conjunctione Lunæ cum Sole solam illam partem Lunæ illuminari à Sole, quæ est versus Solem: quia ad illam partem saltem radij solares perueniunt; altera verò pars Lunæ, quæ terram respicit manet opaca, lumine solis priuata. Recedens Luna à Sole post

conjunctionem, & elongata à Sole, existensque in aspectu sextili, pars illa Lunæ, quæ terram respicit incipit illuminari à Sole, à quo si recesserit secundum aspectum tretagonum, magis illuminatur, & in aspectu trigono, magis luminosa apparet, donec ad oppositum veniat, tunc enim quia pars Lunæ respiciens terram, recipit radios solares ad se perpendiculariter venientes, tota luminosa apparet. Tunc incipit Luna redire ad Solem, & subire aspectus trigonum, tretagonum, sextilem, & tandem Soli coniungitur: hinc fit, ut pedetentim minuat lumen Lunæ, deficiat lumen illius in parte illa, quæ terram respicit.

Quantum ad motum Lunæ secundum latitudinem Zodiaci, sciendum est Lunam hinc, & inde diuagari per latitudinem Zodiaci, quod habet commune cum alijs Planetis; ita tamen ut Luna nunquam recedat à linea Ecliptica per totam latitudinem Zodiaci; non enim ultra quintum gradum latitudinis illius progreditur; ita ut summa latitudo Lunæ, sit dumtaxat quinque graduum.

## DOCUMENTVM IV.

*Non semper Luna videtur subito  
post coniunctionem cum sole.*

**R**etardationis triplex est causa, scilicet obliquitas Zodiaci, progressio Lunæ versus partem australem, aut septemtrionalem, & Epicycli motus. Sciendum est Nouilunia aliquando fieri eo ipso die, quo coniuncta est cum Sole, aliquando retardari vsque in diem crastinum, imò & vsque ad tertium diem. Tunc eodem die cessat antiqua Luna, & noua conspicitur, videturque tam vetus, quam noua Luna, cum Luna coniungitur cum Sole, fitque Nouilunium in sex signis septemtrionalibus, & cum Luna à Sole recedens, pergit à linea Ecliptica versus partem septemtrionalem, & cum Epicyclus Lunæ mouetur, deferiturque Luna versus partem septemtrionalem. Retardatur autem Nouilunium vsque ad tertium diem, si Nouilunium fit in signis australibus, & Luna à Sole recedens vergit ad partem Zodiaci australem, & motus Epicycli Lunæ deferat Lunam ad partem australem. Minus autem retardatur, fitque Nouilu-

nium primo, aut secundo die, cum miscentur inter se causæ retardationis, & accelerationis Nouilunij.

*De Eclipsi Solis & Luna.*

**P**otest quodcumque sidus in cœlo superiori existens, sentire Eclipsim, eamque pati à fidere existente in cœlo inferiori. Nihilominus tamen duorum Planetarum dumtaxat, scilicet Solis, & Lunæ Eclipsim annotant, eiusque causam inuestigant Astrologi. Non sunt eiusdem rationis hæ duæ Eclipses: nam Lunæ Eclipsis sola vera est Eclipsis; aut verò Solis Eclipsis non est nisi improprie & abusuè, ac æquiuocè Eclipsis, ut ex sequentibus documentis intelligatur.

## DOCUMENTVM I.

*Lunæ Eclipsis est priuatio luminis  
solaris, quo priuatur Luna ex  
interpositione terræ in-  
ter Solem & Lu-  
nam.*

**F**ormaliter loquendo Lunæ Eclipsis, est sola priuatio luminis illius quod recipit à Sole, cum enim Luna solius Solis luce



luce illustrata luceat, si contin-  
gat illam priuari, & carere di-  
cta luce, tunc est in Eclipsi. Cau-  
sam efficientem si quis quærat.  
Respondemus esse umbram ter-  
ræ, & ingressum Lunæ in huius-  
modi umbram. Hinc sciendum  
est terram esse opacum corpus,  
ac proinde sua opacitate impe-  
dit ne radij solares ultra pertin-  
gant, facitque umbram maxi-  
mam, quæ in alteram partem  
cœli ita protenditur, ut perue-  
niat usque ad cœlum Veneris;  
sitque figuræ pyramidalis, cuius  
basis est in ipsa terra, acumen  
verò pyramidis in cœlo Veneris.  
Est autem umbra terræ pyrami-  
dalis figuræ ex illa regula gene-  
rali, quæ docet corpus opacum  
minus obiectum maiori corpori  
luminoso facere umbram pyra-  
midalem. Est autem Sol maior  
quam terra, ac proinde terra  
opposita Soli, umbram mittit  
pyramidalem. Si quando con-  
tingat Lunam subintrare um-  
bram terræ, tunc Eclipsim pati-  
tur Luna, prohibere umbra ter-  
ræ ne illam illuminent. Ex his  
collige tria requiri ut Luna ecli-  
psetur. Primum est, ut Luna  
subintroeat umbram terræ, in-  
quam si tota ingrediatur, tota  
eclipsabitur; at verò si ex parte  
tantum umbram ingrediatur, il-

la sola pars Lunæ Eclipsim pa-  
tietur. Secundum est, ut Sol &  
Luna sint in linea Ecliptica.  
Tertium est, ut sint Sol, & Lu-  
na vnum in capite, aliud in cau-  
da dragonis, quod tunc fit cum  
Luna est omnino & directe op-  
posita soli, ita ut terra in medio  
sit; ex quo fit ut in solo plenilu-  
nio, & non tamen in omni ple-  
nilunio Ecclipsis fiat Lunæ.

### DOCUMENTVM II.

*Eclipsis Solis est prohibitio radio-  
rum solarium, ne ad nos per-  
ueniant sole existente in  
nostro hemisphe-  
rio.*

**N**ON priuatur suo lumine  
Soli, suaque luce in sua  
Eclipsi, sed cohibentur, & pro-  
hibentur radij solares, ne ad nos  
veniant, vnde suspicantur igna-  
ri, Solem priuatum esse suo lu-  
mine. Prohibentur radij solares  
ad nos venire ab opacitate, &  
densitate Lunæ, quæ coniuncta  
Soli, impedit ne ultra proten-  
dantur radij solares, & usque  
ad terram veniant. Hinc fit ut  
Eclipsis Solis fieri non possit ni-  
si in coniunctione Lunæ cum So-  
le paulò ante Nouilunium. Est  
altera Eclipsis Solis quæ fit, cum  
inte-

interiecti vapores opaci, & tenebroſi prohibent ne ad nos lumen Solis veniat, quod contriſſiſſe ſcriptum eſt tempore Caroli Magni, quo viuentē, & regnante, trigefimo die poſt Eclipſim Lunæ, Eclipſis quoque fuit Solis, quæ per tres horas durauit. Quæ Eclipſis à Luna fieri non potuit, cum maximè diſtaret à Sole; facta ergo fuit ex interiectis vaporibus.

*De Terra, Globo Terreſtri,  
& Mappa Geographica.*

**E**ſt terra cœli centrum, & ad terram referuntur quæ in cœlis cernuntur; ex quo fit vt in ſphæra materiali non ſoli ponantur cæleſtes circuli, ſed etiam in eorum medio ſuum terra habeat locum. Nos qui hætenus cœlum perambulauimus, cum terreſtres homines ſimus, in terra, quæ mater noſtra eſt, & futurum ſepulchrum deſcendamus, & de terra agamus; non quatenus ſubeſt alteratrici- bus, & motricibus qualitatibus, neque quatenus vnum eſt ex elementis quatuor, ſed quatenus cœli centrum eſt, illiuſque ambitum, & varias ſecti- ones, atque diuiſiones explic-  
DO-

mus, quæ tam in globo terreſtri, quam in mappa Coſmograp- hica, ſeu Geographica deſcri- buntur.

*DOCUMENTVM I.*

*Terra ambitus eſt ſeptem mil-  
lium, & ducentarum  
leucarum, aut  
circiter.*

**V**ariæ ſunt de ambitu terræ, & inter ſe diſſentientē ſententiæ, nec id mirum, cum metiri eam non poſſimus, niſi, aut conferendo eam cum cœlo, aut notando diſtantiā vnius lo- ci terræ ab altero loco, & per inductionem colligimus quod ſupereſt, ſed infida eſt vtraque menſurandi ratio. Prima qui- dem; quia terra inſtar puncti eſt ſi cum cœlo comparetur, & ta- men in trecentos ſexaginta gra- dus terra diuidatur, non minus quam ipſum cœlum: inter hos gradus quæ eſſe poteſt propor- tio, cum omnes gradus terræ non æquant milleſimam partem vnius gradus cœli. Secundæ- verò viâ, niſil nobis certi polli- cetur, eo quod menſuræ, qui- bus metiuntur homines diſtan- tiā locorum ſint inter ſe maxi- mē inæquales.

## DOCUMENTVM II.

*Prima totius terræ, & ambitus illius diuisio est in quinque Zonas.*

**T**Orridam vnam, temperatas duas, glaciales toridem, quæ omnes habitabiles sunt, & re vera habitantur: in Zonas quinque cælum diuiditur; quæ tamen in cælo non sunt nisi effectiue; sunt autem in terra formaliter, & re vera. Si cælum neque calidum, neque frigidum formaliter esse potest, non potest diuidi in partes, quarum vna calidissima sit, aliæ frigida, aliæ autem tepida, seu temperata; sola terra est, quæ cum frigida sit & solo cælesti calore incalescat, has suscipit diuisiones. Estque Zona torrida & calidissima portio illa terræ; quæ respondet Aequatori secundum mediam sui partem, cuius extrema duo corresponsdeant duobus tropicis Zone temperatæ. Sunt hæc duæ terræ partes, quæ correspondent spatio cælesti, quod est à tropicis vsque ad duos polares circulos; Zone glaciales sunt hæc duæ terræ partes, quæ correspondent

spatio, quod est inter duos circulos polares, & ipsos polos. Fuit olim maxima quæstio an hæc omnes Zone essent habitabiles: superabat eorum sententia, qui id negabant, innitebantur enim valentissimis rationibus; Aestum esse maximum in Zona torrida, & frigus esse intensissimum in vtriusque Zonis glacialibus optimè probabant, vnde colligebant tantam esse intemperiem in illis partibus, vt eam homines ferre non possent, sed experientia, quæ est scientiæ mater falsam esse hanc sententiam docuit, & has tres Zonas habitari monstrauit. Succedit experientiæ ratio, quæ docet Zonam torridam habitabilem esse ex eo quod calor illius non sit tantus, quantus credebatur; remissum, & temperatum esse calorem Zone torridæ, oportet; primò propter Zodiaci obliquitatem, quæ respectu illorum, qui sub Aequatore habitant, facit maximam solis declinationem, & velocissimum transitum Solis in meridie. Secundò ex Aequinoctio perpetuo, cum enim æquales ibi sint semper noctes diebus, impedit nocturna frigiditas ne tanta sit diurna caliditas. Tertiò etiam ex rapidissimo Solis cursu, quæ rapiditas maxi-

ma oritur ex maximo ambitu æquatoris, ad cuius velocissimum motum<sup>t</sup> velocissimè sol mouetur, quia non longe ab illo recedit. Quarto, ex eo quod interditi ex diuina prouidentia spirant refrigerantes venti. Zonas glaciales habitari docet experientia, quæ addit incolas istarum partium frigidarum, solem habere artificialem, scilicet ignem, & calidissimam vestes, & exercitia corporis maxima. Has Zonas carum habitationes docebit Mappa Geographica, & globus cælestis, in utrisque namque media ponitur linea, quæ est æquator, & ex utraque illius parte in distantia viginti trium graduum ponuntur duæ lineæ, quæ præferunt duos tropicos, & in utraque extremâ parte duæ alæ protenduntur lineæ, quæ circulos polares repræsentant.

## DOCUMENTVM III.

*Terra diuiditur secunda diuisione, secundum longitudinem, & latitudinem, ut sit longitudo, quæ ab oriente sumitur distantia loci alicuius ab ortu à columnis Herculi, seu insulis fortunatis latitudo sit distantia loci à parte terre supposito æquatori*

*versus utrumque polum.*

**P**ariuntur Geographi ambitum terræ secundum longitudinem, quæ diuisio propterea ab Insulis fortunatis sumitur à columnis Herculis, quod antiqui sibi persuaderent ultra illam partem, terram non esse habitabilem. Hoc artificio notant Geographi distantiam locorum ab ortu solis, ut notent quoniam locus habeat citius orientem solem, quis verò tardius: nam locus terræ, qui habet prius orientem solem, non tantum distat ab ortu, nec habet tantam longitudinem, quantum habet alter locus, cui tardius sol oritur. Ad ignoscendum cuiusnam loci sit maior, minorue longitudo, sciendum quindecim gradus absoluerè horam integram, ac proinde hæc duo loca, in quorum vno sol oritur vna hora prius, in altero verò vna hora posterius, distant inter se quindecim gradibus secundum longitudinem terræ. Hæc longitudo non describitur in Mappa Cosmographica, nec in globo terrestri; tamen in mappa Cosmographica ponuntur gradus longitudinis à latere, & contra mappam. Latitudo terræ sumitur à lineâ  
LII æqui-

æquinoctiali versus vtrumque polum. Idem est lätitudo Ciuitatis, quod poli eleuatio, ita vt, sit tanta ciuitatis lätitudo, quanta sit poli eleuatio. Describuntur gradus lätitudinis in mappa Cosmographica, in linea transuersali, quæ interfecat æquatozem, & protenditur vsque ad vtrumque polum.

## DOCUMENTVM IV.

*Terra diuiditur tertia diuisione per parallelos, & climata.*

**N**Otarunt Cosmographi diuersas partes mundi habere dies longiores, aut breuiiores; hinc annotarunt quot horarum esset longissimus dies, qui est vigesimus quintus Iunij, & vbi repererant hunc diem longissimum esse dimidia hora longiorem, & breuiorem, ibi constituerunt terminos, quos vocant parallelos, idest æquidistantes, terram vero inclusam, & interceptam inter duos parallelos appellarunt clisma. Hi paralleli, & hæc clismata præcipuè notantur à terrestri globo, nam in mappa Cosmographica notantur in margine. De numero clismatum non consentiunt Geographi; nam anti-

quiores tantum decem, recentiores viginti duo, antiqui nouèdecim assignant, vndecim ab æquatore vsque ad polum arcticum, & vndecim ab eodem æquatore vsque ad polū antarcticū.

## DOCUMENTVM V.

*Vltima terra diuisio est, in Europam, Asiam, Africam, Americam. De his quatuor terra partibus consulendi sunt authores, qui mappas Geographicas & Topographicas vno in libro concludunt, vt fecit Tholonicus Rex Egipti, & alij plures.*

*Laus sit Deo optimo maximo;  
Et sicut nobis concessit à Cælis,  
In terram descendere:  
Ita, à terra in sublime Cælum  
Iterato descendere concedat  
Amen:*

**P**OST nostrum compendiosum tractatum de cælo, rectus expostulant, vt ad rerum materialium, & corporearum explicationem, descendamus. Dux nobis erit hoc in tractatu Moyse, qui ita legit In principio creauit Deus cælum, & terram, terra autem erat inanis, & vacua; & tenebræ erant super faciem abyssi, & spiritus

ritus domini ferebatur super aquas. Quem sensum habeant hæc Moyſis verba, docebunt, quæ ſequuntur proſitiones. Illarum prima ſit.

## PROPOSITIO L

*Sensus verborum Moyſis eſt, Deum creaffe, & ex nihilo feciſſe ante omnem diem terram cooper- tam aquis, & cælum tan- ſum Empireum An- gelis plenum.*

**F**Ateor hæc Moyſis verba, alias habere interpretatio- nes, quæ omnes non mihi videntur coherere litteræ, ſunt qui putant cœli nomine intelligendos eſſe Angelos, ſed ſine fundamēto: terræ verò nomine intelligi debere res omnes materiales, ſcū materiam ipſam, ex qua conſtant. Neſcio quo fato omnes nomine terræ intelligunt materiam illam, ex qua conſtant omnia, niſi fortè id fecerint diui Auguſtini authoritate ducti, qui cœlum, terramque putat, aliud nihil eſſe, quam materiam, quæ dicitur à Philoſophis prima, quæ & ſi in ſe nec cœlum, nec terra ſit, cœlum tamen & terra eſt in potentia, & in radice: cum omnes res creatæ materiales, eadem materia con-

ſtent. Alij aliter ſenſiunt, putantque cœli, & terræ nomine, intelligi debere materiam, ſed non nudam, & ſolam, vt ſuperiores interpretabantur, ſed habentem formam quamdam, quæ dici poſſet forma corporeitatis. Non eſt reiſcienda hec ſententia quod ex ea colligi videatur eandem eſſe cœli, rerumque ſublunarium materiam, quia probabilius eſt eandem eſſe, quam diuerſam, cœli, terræque materiam. Fateor materiam creati potuiſſe expoliatam omni forma. Non enim eſt am exigua materiæ entitas, quin terminus eſſe poſſit creationis: ſiquidem habet creatio terminum duplicem, à quo, & ad quem. Terminus à quo eſt merum nihil, terminus ad quem eſt omne id, quod eſt extra nihil. Materia non eſt nihil: vnde diuus Auguſtinus ait, Deum materiam feciſſe, quæ eſt propè nihil. Eo vſque ſe extendit diuina potentia, vt non ſolum ens, & quod eſt in actu, ſed etiam non ens, & nihil, ſint in potentia obedientiali illius, vt ex eo eliciat, & extrahat id non eſt nihil, aut non ens. Nemo dixerit materiam eſſe nihil, aut non ens, neque eſſe potentiam paſſiuam, dumtaxat obiectiuè, ſed etiam ſubiectiuè: vnde debet habere aliquem actum; non



quidem formalem, & specificum (hunc enim accipit à forma,) sed entitativum. Ex quo fit, vt terminus creationis esse possit si ex parte materiæ non est implicantiæ, constans ex parte Dei nullam esse contradictionem, nihilque impedire quo minus creetur à Deo materia prima sine vlla forma. Si quis plura desiderat de hac re consulat Scotum in 2. dist. 12. Mens ergo Moyſis est Deum in illo principio produxisse cœlum empireum, terram, & aqua; postea verò ex illa aqua facti fuerunt cœteri cœli, aer, ignis, & cœtera de quibus infra. Sunt multi Patres pro hac parte; inclinatur Scotus in 2. dist. 14. quæst. 25. secundum Theologos Doctores, ubi habet hæc verba. Secundum Theologos ponenda est materia ibi, quia illud Chaos quod ponitur ab eis, attingisse vsque ad cœlum empireum, & terram, fuit materia, vnde cœtera corpora fuerunt educta; ergo à principio non omnia corpora fuerunt creata. Adde quod idem Moyſes narrat secunda die Deum fecisse firmamentum, & quarta die posuisse in ipso solem, lunam, & stellas, ergo ante secundum, & quartum diem, huiusmodi cœli non erant, ergo solum empireum extabat, quod cœlos omnes no-

bilitate præcellit. De creatione verò Angelorum in empireo, non loquor, quia satis pro certo supponitur: eo quod Angeli, cum sint nobilissimæ creaturæ, in principio creari decens erat.

Spiritus ille, de quo dicit Moyſes: Spiritus Domini ferebatur super aquas, est Spiritus Sancti tertia in diuinitate persona. Eadem est in dictione hæbreæ, & latina æqui-uocatio: nam sicut hæc dictio, spiritus, aliquando ventum, aliquando Angelum, aliquando animam, aliquando aerem, aliquando Spiritum Sanctum significat, ita dictio hæbreæ (Roac) eadem significat. Hæc æqui-uocatio facit, vt in varias sententiâs abierint Interpretes huius loci; inde putant aliqui ventum, alij aerem, alij Angelum, alij Deum, ferri super aquas: præualeat tamen sententia, quæ de tertia Diuinitatis persona interpretatur. Fauent duo præcipue huic sententiæ, quorum primum est, quod phrasîs hæbraica habet verbum significans superferri; & incubare aquis, quomodo solent aues incubare auis, & pullis suis. Hac enim phrasîs, notat sacra pagina omnem virtutem in existentem creaturæ esse à Deo, & per appropriationem esse à Spiritu Sancto, cui bonitas tri-

tribuitur : hoc autem alteri non competit, quam Spiritui Sancto, nec potest nisi abusuè tribui vëto, aeri, aut Angelo. Secundum est quod expressit Moyses mundi creationem prout à Deo manat vno, & trino : Vndè posuit verbum singularis numeri, & dictionem Dei in plurali, hinc ita intelligi deberet, si latina lingua pateretur. In principio creauit Dij cælum, & terram; itaque ponitur ibi dictio Dei ad significandum Patrem. In principio notatur filius; ne ergo omittatur Spiritus Sanctus, necessum est ut spiritus Domini ille sit.

## PROPOSITIO II.

*Deus, non nisi per interualla, seu  
successionem temporis condidit  
cælum empireum, & terram  
coopertam aquis; cunctas  
alias res per ter dies  
naturales.*

**N**on omnia eodem momento creata fuisse, sed pedetentim successiuè, distinctisque diebus docet nostra propositio, comoque littera Geneseos significat, opera distinguens à duorum distinctione, in quibus separatim, & disinctim creata sunt. Hæc est communis; cuius funda-

menta sunt partim ex ipso textu, partim ex regula ab omnibus recepta, quæ monet sacrum textum ad litteram esse intelligendum, dūmodo ex eo litterarij sensu abfudi sequatur nihil; hanc si aptemus regulam negotio nostro, certum est nullum sequi absurdum, vel quod Diuinæ deroget Maestati, vel cum natura creaturarum pugnat. Ex ipso textu ostendamus res omnes distinctè fuisse creatas, distinctisq; temporibus. In primis habet sacer textus Genes. primo: terra autem erat inanis, & vacua, & tenebræ erant super faciem abyssi. Hæc verba iudicant per aliquod tempus terram vacuam mâsisse, scilicet herbis, arboribus, & animalibus destitutam, quia hæc non dum erant. Addit insuper, non dum vniuersum cælis, atque elementis constantè, quæ omnia ab ipsius nomine intelliguntur sine luce esse; non dum enim lux erat, cuius creatio in illum diem dilata est, qui primus nominatur. Deinde ibidem legitur luce creata diuidisse eam Deum à tenebris, quod certè fieri non potuit, nisi de nouo producta luce, quæ primo die creata est. Sequitur diuisio aquarum ab aquis, quam diuisionem à principio non fuisse constat. Non postea dicitur apparuisse

aridam ex congregatione aquarum certo in loco, satis indicat fuisse tempus in quo non apparebat arida, nempe terra, & quod tunc operiretur aquis, & postmodum apparuisse terram collectis in vnum aquis; certum autem est, toto eo tempore, quo terra aquis operiebatur, nullam fuisse plantam, nullamque arbo-rem in terra productam. Quod diximus de creatione aliarum; id ipsum de hominis creatione dicendum venit; nam oportuit ad hominis creationem ista successi-ue fieri. Primo debuit apparere terra reiectis aquis in alium lo-cum. Secundò formari corpus luteum, & terræ limo, sicut so-lent figuli. Tertio oportuit mu-tationem, & conuersionem fieri istius lutei corporis, & homoge-nei in corpus humanum, & e-therogeneum, habens non solum externas, sed etiam internas ad vitam partes necessarias. Quar-to animam oportuit creari, & in-fundi; hæc omnia indigere tem-pore, & successiue fieri debere, faciliè nobis persuadebimus, si subscribimus communi sententiæ affirmanti corpus humanum An-gelica manu compactum fuisse. Vltima, & solidissima ratio colli-gitur ex sanctificatione diei sep-timi, in quo dicitur Deus quie-

uisse, cum antea per dies sex la-borasset: siquidem, si omnia eo-dem momento creata sunt, appel-letur illud momentum dies pri-ma. cum nihil vltra Deus opera-tus fuerit, consequens est, vt se-cundus dies sit dies Sabbati, cum dies septima dicatur Sabbati dies quia vltra sextum non est opera-tus Deus. Totum senarium die-rum numerum se laborasse, Deus non poterat clarius ostendere, quam cum præcepit nos per sex dies operari, & septimo quiesce-re, idque ad sui exemplum, vt vi-deri est Exodi 20. Addimus pro-bari non debere illam sententiã, quæ docet omnia eodem momē-to creata fuisse, quamuis eam probabilem diuus Thomas, cer-tissimam diuus Augustinus, & Philope Iudæus putant. Author istius sententiæ, quæ docet om-nia eodem momento creata fuis-se, primus fuisse diuus Augusti-nus, qui libro primo de Genesi ad litteram interpretatur sex die-rum distinctionem à Moyse no-tatam, non de successiua earum cognitione in Angelis: vult enim diuus Augustinus eodem mo-mento omnia creata fuisse, sed ea ex tunc non esse Angelis cogni-ta; sed volente Deo, & permit-tente, quæ dicuntur creata primo die, primo cognouerunt Angelis;

cognouerunt autem secundo, & postea, quæ secundo die creata dicuntur . Vt ista distinctio dici in mane, & vespere impediret hanc interpretationem, reperit diuus Augustinus in Angelis duplicem cognitionem rerum; vnâ ex rebus ipsis, quæ, quia habet aliquid obscuri, dicitur vespertina; alteram, quæ habetur in visione essentiæ Diuinæ, quæ cognitio, quia tota lucida est appellatur matutina . In hoc itaque consistit sententia diui Augustini, vt quamuis omnia eodem momento creata fuerint, dicantur tamen à Moysè distinctis diebus, & successiue facta, vt indicaret Moyses, quo ordine voluerit Deus res à se creatas ab Angeli intelligi . Conuenit Philo iudæus cum diuo Augustino in sententia de creatione omnium in eodem momento, sed aliam affert rationem, quare Moyses per sex dies illam describat: ait enim Philo de allegorijs legis, id factum à Moyse, & vniuersi perfectionem demonstraret, quam senarius numerus indicat: quæ ratio ex Arithmetica petita, & numerorum perfectione, eo vsque secundum aliquos extenditur, vt mundi durationem notet, quem duraturum inde colligunt per sex annorum millia, quibus transa-

dis adueniet magnus Sabbati dies, in quo cœlorum motus cessantur, omnesque generationes, & corruptiones; quod argumentum tamen non est valdè solidum . Aliam affert Caetanus rationem de distinctioe sex dierum, quamuis velit eodem die, & momento condita esse omnia; vt videlicet, quem ordinem inter se creaturæ seruaturæ erant, aut Deus seruaturus in earum creatione, si naturalem dependentiam secundum prius, & posterius seruare voluisset; quo sensu Philosophi interpretantur Aristotilem, qui & si velit mundum ab æterno fuisse, quo posito sequitur motum solis caruisse principio, & inchoatione, vt assignari non possit locus, vnde coeperit motus, tamen docet solis motum coepisse in Oriente; scilicet, si coepisset motus solis in Oriente coepisset . Et si non probemus diui Augustini, suorumque sequacium sententiam, quia historica narratio non patitur huiusmodi allegoriam; tamen tanti viri autoritas impedit ne damnemus hanc sententiam .

Non sunt leuia argumenta, quibus fulgitur diui Augustini sententia de creatione omnium rerum eodem momento facta; nam Eccles. 18. dicitur: Qui vi-

uit in æternum creauit omnia simul; ad quæ verba alluxisse videntur Patres Romani Concilij sub Innocentio III. qui vt hominem extra de summa Trinitate, & fide Catholica, statuunt à principio temporis simul conditum esse creaturam spiritualem, & materialem. Si simul omnia creata sunt, ergo non successiue, vt videtur dicere Moyses. Vis argumenti consistit in dictione, simul, quæ varias patitur hic interpretationes: vel enim idem est, simul, quod eodem momento, & hoc sensu nil aliud notat, simul, quam omnia fuisse creata eodem momento, non quidem in se, sed in rationibus seminalibus, sui in radice, & materialiter: nam creatio cœli, & elementorum est hoc sensu omnium rerum creatio, quatenus reliqua facta sunt ex quatuor elementis tamquam materiali causa, & cœlorum influxu tamquam causa effetrice. Vnde præcedit creatio lucis primariæ productionem: hic autem sensus non impedit successiuam rerum omnium in re, & in actu productionem. Vel, simul, significat non coexistentiam instantaneam, sed temporis breuem: quo sensu dicunt Theologi debere proferri verba Sacramentorum simul cum applicatione

materiæ, & tamen certum est validum esse Sacramentum, & si aliqua morula intercesserit inter vtrumque; ita in mundi creatione, quia illa expedita fuit breuissimo tempore, dicuntur omnia facta fuisse simul. Vel hæc dictio, simul, non refertur ad omnia, sed ad verbum creauit, vt sit sensus, simul, scilicet pari, simili modo Deus creauit omnia, nempe quæ creata sunt. Hæc interpretatio nihil magis arridet: tollit enim omnem ambiguitatem. Argumentum quod desumitur ab omnipotentia Dei, nihil omnino concludit; nam, & si sua omnipotentia omnia creasset, potuerit eodem momento, non tamen sequitur hoc ipsum fecisse: nam non omnia facit Deus, quæ potest, sed tantum quæ vult.

### PROPOSITIO III.

*Lux, qua primo creatur die, alia non est, quam solis, sed valde remissa, & debilis.*

**L**oquens Moyses de opere primæ diei, ita scribit: dixitque Deus fiat lux: & facta est lux. Et vidit Deus lucem quod esset bona, & diuisit lucem à tenebris. Appellauitque lucem diem,

diem, & tenebras noctem; factumque est vespere, & mane dies vnus.

Qui lucem hanc dici primæ aliam putant fuisse à solis luce, in absurda incidunt, quæ nos retrahunt ab eorum sententia. Nam quomodo verum erit hanc lucem (vt aliqui putant) immateriale, & incorporeum quidquam fuisse, naturæque intellectualis, & tamen oculos illuminare corporeos? & si tanti ordinis hæc lux fuit, quomodo periit, & ad tam breue tempus, nempe ad quartum vsque diem dumtaxat produci debuit, vt nox extingueretur? si lux illa (vt aliqui autumant) fuit accidens sine subiecto cur tam grande miraculum, quod soli videtur reservato augustissimo Eucharistiæ Sacramento? Si lux illa (vt aliqui putant) fuit nebula quædam lucidissima, cuius tanta esset irradiatio, vt diem afferret; quare quarto die, aut reducta est in præiacentem materiam, aut annihilatione periit? Si (vt alij sentiunt) illa lux supra omnes cælos creata fuit, quomodo potuit auferri à conspectibus nostris solum cælorum interpositione, quæ non impedit aduentum lucis illarum stellarum ad nos? Hinc cogimur aliter sentire, docereque, primo die

lucem à Deo creatam, sed debilem, & tenuem satis, inhærentem corpori solis, donec adueniente quarto die, augeretur, & intenderetur lux illa ad modum, quo, iam videmus lucere solem: hæc namque sententia nihil habet absurdi, & libera est ab aliarum sententiarum angustijs. Nihil esse absurdi in eo, quod dicamus remissam esse creatam lucem, postea auctam, docet nos sacra pagina cum monet, post iudicium finale lucem lunæ augendam, ita vt sit futura similis luciditati solis, sicut solis splendor, & lux augebitur in septuplum. Secunda propositionis pars explicat quo sensu dixerit Moyse, hanc lucem fecisse diei, ac noctis distinctionem; prius tamen moneamus diem hunc, imò, & alios duos sequentes non fuisse illius splendoris, & luciditatis, cuius fuerunt subsequentes dies: nam cum causa remissior est, effectus quoque minor est. Erant itaque dies illi quantum ad splendorem & illuminationem similes auroræ, & crepusculo; imò qualis est sex mensium nox habitantibus sub vtroque polo. Duo sunt in præsentiarum in sole motus, quorum ille qui est ei naturalis denegatus fuit luci primæ diei; alter verò est à primo mobili, ap-



pellaturque diurnus : quia diem naturalem viginti quatuor horarum facit , & iste solus concessus fuit luci illi ; quam rem , mihi videtur insinuasse Moyses , dum dicit : factum est vespere , & mane dies vnus : prius meminit vespertioi , quam matutini temporis , vt vespere totum tempus significat , quod est ab ortu solis vsque ad vesperam , & mane totam noctem vsque ad solis ortum . Totā doctrina est ista desumpta ex littera Scoti . Legatur in 2. dist. 13. A. & B. Legatur & etiam S. ad argumenta , vbi habet hæc verba : Scriptura dicit . lucem factam fuisse prima die , non quod tunc fieret accidens sine subiecto , sed tunc fiebat corpus luminosum , cuius forma notior erat lux , & ideo describitur subiectum ignotum per terminum notioiorem . Legatur in Reportatis dist. 13. ad primum vbi declarans . quodnam fuerit corpus hoc luminosum prima die productum , sic ait : lux illa sit corpus luminosum denominatum à qualitate nobili in eo , & fortè fuit corpus illud , quod nunc dicitur sol , & si non fuit tunc lucens tanta luce , sicut nunc . Patet ergo . mens . Scoti . Minor . interpretes sudare tantum . vt explicent quare Moyses non dixerit dies primus , sed dies

vnus ; in eo namque nullum latet misterium , sed phrasis est hæbraicæ linguæ , quæ quod primū est , solet appellare vnum ; inde in Euangelio : Vna Sabbati , &c. & in actibus : cum conuenissemus vna Sabbatorum ad frangendum panem , scilicet prima die hebdomadæ .

#### PROPOSITIO IV.

*Firmamentum quod secundo die factum fuisse dicitur , sunt omnes & soli orbes à calo luna vsque ad decimam sphaeram inclusam .*

**S**ermonem faciens Moyses de opere secundæ diei . ita legit : dixitque quoque Deus fiat firmamentum in medio aquarum , & diuidat aquas ab aquis . & fecit Dominus firmamentum , diuisitque aquas quæ erant sub firmamento ab his , quæ erant super firmamentum . Et factum est ita . Vocauitque Deus firmamentum cælum , & factum est vespere , & mane dies secundus .

Docet nostra propositio , quod Deus in hac secunda die , ne dum produxerit septem Planetas , videlicet Lunam , Mercurium , Ve-

ne-

nerem, Solem, Martem, Iouem, & Saturnum; verum etiam ipsum cœlum stellatum, seu firmamentum, & denique cœlum cristallinum glaciale, seu aqueum appellatur, & primum mobile, lauet Scorius nostræ propositioni in 2. dist. 14. quæst. 2. §. ad argumenta, ubi habet hæc verba. Ad primum dico, quod scriptura accipit firmamentum pro toto cœlo inter empireum, & elementare. Accedunt rationes pro nostrâ propositione. Illud debet intelligi in hac die productum, quod diuidit aquas ab aquis, & in quo fuerunt poeta astra cum sole, & luna, sed hæc omnia de hoc aggregato inter empireum, & elementare rectè verificantur: ergo, &c. Tum quia hoc aggregatum est illud, quod propriè dicitur cœlum per proprietates à cœlando: ergo, &c. Præterea probatur excludendo cœteras opiniones: etenim nequit intelligi per solam octauam sphaeram, ut putabit Caterinus: quia non in octaua sphaera manent sol, & luna, nec sola octaua sphaera diuidit aquas ab aquis. Adde quod non potest intelligi per solum aerem, & quo ad partes densiores, & grassiores, ut aliqui voluerunt, quos non citò quia clarè habentur apud Recentiores,

qui etiam hanc opinionem sequuntur, esto adhuc litigant an sensus sit de toto elemento aeris, vel de suprema regione, vel media, vel potius infima. Tamen quid quid sit probatur non posse subsistere: quippè textus loquitur propriè de cœlo, aer verò solum dicitur cœlum per quamdam similitudinem, videlicet propter claritatem, & altitudinem, iuxta illud volucres cœli, &c. Cataractæ cœli apertæ sunt, &c. ergo si firmamentum est reuera cœlum, per hoc nomen non potest venire aer. Adde quod luminaria fuerunt posita in firmamento cœli, non autem in aere. Tum quia non potest intelligi nomine firmamenti octaua sola sphaera cum septem Planetis tantum, ut quibusdam Scotistis placuit; vel per omnes cœlos cum omnibus elementis iuxta sensum Beecani, & Molinae. Nam primum est directè contra Scotum, nec assignabunt Scotistæ quomodo deinde creatum fuit primum mobile cum cœlo cristallino, ut vult communis Astrologorum opinio; benè scio nonnullos Scotistas abstulisse de medio primum mobile, & cristallinum, velut cœlos superfluos.

## PROPOSITIO V.

*Aquæ, uniuersam terram opprimentes, collectæ sunt tertio die, & reductæ in congruum locum, ut reliqua terra pars produceret, non ætine, sed passiuè tantum omnes plantarum, & arborum species cum fructibus suis.*

**M**Oyses subsequens suum tractatum, de operè tertij dici ita scribit: Dixit verò Deus: congregentur aquæ quæ sub cœlo sunt in locum vnum, & appareat arida, & factum est ita. Et vocauit Deus aridam terram, cōgregationesque aquarum appellauit Maria. Et vidit Deus quod esset bonum, & ait: Germinet terra herbam virentem, & facientem semen, & lignum pomiferum faciens fructum iuxta genus suum, cuius semen in semetipso sit super terram. Et factum est ita, & protulit terra herbam virentem, & facientem semen &c. Et factum est vespere, & mane dies tertius.

Nostram propositionē vt plenè intelligatis, scitote quod in prima mundi constitutione, suum seruabant elementa locum secundum grauitatem, aut leuitatem, sicut credimus futurum post fi-

nale iudicium. Postulat hic ordo, vt quia aquæ leuiores terræ sunt, supernatent, & totam ambient terram, sicut suo ambitu aer, & terram, & aquam circumplectitur. Hoc posito, sub aquis tota sepulta erat terra vsque ad tertium creationis diem, in quo iubente Deo congregatæ sunt aquæ, & certum in locum reductæ, vt terra appareret, & habitationi nostræ postmodum deserviret. Quomodo autem collectio aquarum facta fuerit, & appareat terra varij varia sentiunt; sed ille modus, quem posuimus, & sensui patet, & rationi conformis est; oculus namque noster testis est in foueis inclusas esse aquas tantæ profunditatis, vt aliquando inuenire fundum sit impossibile; ratio autem sibi persuadere non potest aliam esse viam continendi aquas, quæ nisi cohiberentur, extra suos limites exirent, & inundarent terram. Stare non potest eorum sententia, qui extra foueas in superficie terræ instar montiū putant stare aquas: nam si ita res se haberet à portu nauigantes ascenderent perpetuò, & ad portum venientes descenderent. Fluxus autem ille aquas ex altissimis montibus ad mare vsque, ascensus dici deberet, non descensus, cum tamen ali-

aliter omnes sentiunt: nemo est enim qui non dicat aquas maris per subterranea loca, pedetem-  
tim ad montis verticem ascende-  
re, verum in mare descendere.  
Minus probabiliter alij putant,  
condensatas fuisse aquas, vt mi-  
norem occuparent locum. Vnde  
mirum non putant tam magnam  
aquæ molem, tam angusto coar-  
ctari loco per condensationem;  
optima sanè coniectura, si con-  
densatio, & rarefactio locum ha-  
berent in humidis, & fluentibus,  
quæ huiusmodi proprietates so-  
lidis relinquunt corporibus, vs-  
que nequaquam admittunt. Au-  
dax videbitur fortasse quipiam  
hæc nostra sententia, & longè à  
vero distare, nam visu cernitur  
rarefactio aquæ dum ebullit, ma-  
iorem namque locum occupat eo  
quem habebat ante abullitionē,  
qua ebullitione cessante conden-  
sari aquam necesse est, cum mi-  
norem occupet locum; & hæc  
condensatio clarè cernitur in gla-  
cie huiusmodi obiectiones veri-  
tatem nostræ sententiæ nequa-  
quam minuunt: siquidem in e-  
bullitione non rarefit aqua, ele-  
uatur enim, vt intumescat, &  
quasi in aere suspenditur vi ca-  
loris ignei, & locus, qui ab aqua  
deseritur, vento, fumo, aere re-  
pletur. Non condensatur aqua

cessante ebullitione, sed remoto  
prohibente suum repetit locum.  
Aquæ tantam esse soliditatem vt  
condensari non possit colligimus  
ex duobus. Primo ex eo quod  
omnes res solidæ, quæ sunt con-  
densationis capaces, pressæ, &  
compressæ minorem occupant  
locum: at verò aquæ nequaquam  
comprimi possunt, vt testis ex-  
perientia est; nam si vas aliquod  
repleatur aqua, nulla adhiberi  
potest compressio, qua detur ac-  
cessus vnica tantum guttæ. Se-  
cundo ex illis metamathicis in-  
strumentis, quibus attrahitur a-  
qua, cogiturque perpetuò fluere,  
ne detur vacuum in rerum natu-  
ra, prohibente soliditate aquæ ne  
aer subintrare possit. Si conden-  
sari aqua non potest, nisi in alic-  
nam vertatur naturam, nempè  
solidi corporis, vt videre est in  
glacie; constat aquas, quæ terram  
operiebant, nequaquam per con-  
densationem in certum locum  
esse congregatus. Non est men-  
titus Moyse enim dicit, iussu  
Domini omnes aquas congrega-  
tas in vnum, & si varia sint ma-  
ria, varia flumina, & aquæ sub-  
terraneæ; siquidem, eodem mo-  
do illæ aquæ sunt in vno loco, si-  
cut Hierographi dicunt vnicum  
esse ex omnibus aquis mare,  
quod varia tamen sortitur nomi-

na ex varijs locis in quibus est. Vnicum est mare propter continuationem vnius partis cum altera; eo modo quo corpus humanum dicitur vnum, quia nulla est illius pars, quantumvis distincta, & disparata, quæ non cohereat cum aliqua parte, & per illam cum toto corpore.

Congregatis aquis in vnum, visibilis facta est terra, & ab aque sepultura libera, eiq; dicit Moyses, tunc impositum est terræ nomen; ait enim apparuisse aridam, & appellatam esse terram. Verba ista Moysis ex eo obscura sunt, quod ab ipso principio mundi creasse terram: ergo ex tunc terra dicebatur, & antequam visibilis appareret, & ante tertium diem. Nulla erit in dictis Moysæ repugnantia, si dixerimus, terram à principio suæ formationis appellatam aridam, & tertiæ die acquisivisse novum terræ nomen; dici tamen à principio terram, non quod tunc tale ei nomen esset, sed per anticipationem, quomodo multi putant appellationem, & distinctionem animalium mundorum, & immundorum antelegem Moysis non fuisse, scilicet per bis mille annos, & plus à mundi creatione, tamen per anticipationem diluvij tempore, scilicet dum describitur di-

luvium, quædam animalia appellantur munda, alia vero immunda. Mox, ut apparuit terra negotiosa maneret, herbas, arboreseque produxit; hoc quidem dixit sacer textus, sed non explicat utrum in huiusmodi productione terra fuerit activa, vel passiva; tollitur tamen dubitatio si dixerimus eodem pacto se habuisse terram sicut ex tunc se habet in continuata productione earumdem rerum: non enim apparet ullæ disparitatis ratio, ex tunc autem, dumtaxat passiva est terra, materiam subministrans productionis, & augmenti, nullaque est in utroque eius actio; ergo similiter à principio fuit, & in hac primevæ productione supplebat Deus deficientis causæ efficientis secundariæ. Patet; quia brevissimo temporis spatio non solum arbores cum folijs, & floribus, sed etiam cum fructibus apparuerunt: sed huiusmodi accelerationem exposcebat divina providentia, nam parari debebat cibis animalibus infra paucos dies producendis. Hæc præmaturationa fructuum productio suavit quibusdam Autumni tempore mundum fuisse creatum, vel in æstate; prævaluit tamen communis sententia de mundi creatione in vere, seu in solstitio vernali, quod

quod tempus destinatum à Deo fuit generationi, & productioni, vt hoc ipso tempore putant omnia fuisse producta.

## PROPOSITIO VI.

*Non solum sol, sed etiam luna, reliquaque sidera dicuntur facta quarto die.*

**P**rosequitur Moyses. Dixit autem Deus fiant luminaria in firmamento cœli, & diuidant diem, ac noctem, & sint in signa, & tempora, & dies, & annos: vt luceant in firmamento cœli, & illuminent terram. Et factum est ita. Fecitque Deus duo luminaria magna. Luminare maius, vt præfset diei, & luminare minus vt præfset nocti, & stellis. Et posuit ex infirmamento cœli &c. Et factum est vespere, mane dies quartus.

Iure merito, astra & si præstantiora Planetis, existimantur in hac quarta die producta, ne occasione præbeant hominibus, dicendi astra esse primam causam lucis, & Planetarum, & inde mouerentur homines, idolatrandi. Hinc Deutheoronomij 4. Moyses alloquens hæbreis, ita dicit: ne fortè eleuatis oculis ad cœlum videns solem, & lunam, &

omnia astra cœli, & errore deceptus adores ei.

Dicuntur ergo non solum sol, sed etiam luna, reliquaque sidera quarto die facta. Monemus tamè non secundum omnes partes suas integrales, & essentielles, sed secundum aliquas, & accidentia quædam, præcipuè motus, & lucis influentis. diuersimodè. Si verum est quod diximus, solem non aliud esse quam lucem primariam cum augmento, non fuit sol de nouo productus quarto die, sed tunc solum accepit lucis incrementum, motum insuper sui orbis, & sibi peculiarem, quem trecentis sexaginta quinque diebus absoluit: nec non propriæ lucis, propriique luminis ad diuersas partes translationem cum peculiari influxu. Undè oritur effectuum varietas pro varietate aspectus solis, oritur etiam temporum distinctio. De luna, alijsque sideribus: maior est difficultas; quæ in lite illis subscribo, qui volunt nullas omnino fuisse stellas, ante quartum diem, nisi solummodo secundum partem materialem. Siquidem, stella, aut Planeta duabus constat partibus, scilicet materiali, quæ aliud nihil est quam pars densior sui orbis; altera verò formali, scilicet luce participata so-

lis.



lis: habuit sanè coelum à principio partes densiores; nam condensatio est cœli inimica, sicut & rarefactio, & illas respuit coelum; itaque tales sunt partes cœli secundum raritatem, & densitatem, quales fuerunt à principio. Tunc autem quartum diem caruisse luce, quæ est pars formalis stellæ; inde colligimus quod partes stellæ densiores non luceant, nisi tunc cum luminare aliquod ab illis distans, in illas transfundit lumen, quod repressum, & receptum stellam format. Lux die primo facta, propter debilitatem suam transfundere, & transmittere radios suos non potuit in tantam distantiam, quantum depræhendunt Astrologi à media aeris regione, in qua putant formatam esse lucem: vel certè à sole ipso vsque ad firmamentum, & stelliferum coelum. Quarto autem die auctus est sol in lumine, tuncque suos potuit vibrare radios vsque ad stelliferum coelum, & in illo stellas formare, sicut & in alijs cœlis Planetas. Ridiculi sunt iudiciarij Astrologi, qui putant suæ diuinationis firmissimum fundamentum; quod dicitur, luminaria cœli data esse in signa, siquidem significatio cœlestium luminum restringi ad diuina attributa, quæ in illis ma-

ximè significantur, & ad temporum varietatem, cuius efficacia signa sunt stellæ, reliquaque cœlestia lumina. Moysen in tota narratione Geneseos mundi accommodasse iudicio sensuum, & vulgi, præcipuè colligitur, cum appellat solem, & lunam luminaria magna: siquidem Astrologia inuitabili demonstratione ostendit lunam esse vnā ex minimis stellis, solem verò non esse ex maximis; sed hæc duo luminaria dicuntur magna, non habita ratione comparatione eorum cum alijs, sed respectu visus nostri propter suam propinquitatem: quæ enim viciniora sunt, maiora apparent. Notabis insuper hic appellari firmamentum cœli, nō solum stelliferum coelum, cum in eo nec sol, nec luna, sed etiam inferiores cœlos, quia sunt ei propinqui; vnde mirum non est si acroque dicatur firmamentum.



## PROPOSITIO VII.

*Ex aquis in unum collectis, tamquam ex parte materiali, quinto die produxit Deus reptilia, volatilia, atq; pisces.*

*Ita consequenter suam  
prosequitur historiã  
Moses.*

**Q**UOD pisces ex aqua in aqua producti sint, non est mirabile dictum; vnum tamen est, quod incredibile facit: nam si mixtum sequitur temperamentum prædominantis elementi, præcipuè tunc cum ex eodem nutritur elemento; & aqua fluida est; quomodo ex aqua fluida, solidi pisces sunt, & in aqua degentes non diffuuntur? Facilis est responsio. Vel enim tota ratio facti, vel facientis voluntas omnipotens, qua res sic perseuerant, quales à principio factæ sunt; vel non ex aqua pura, & limpida, sed lutosa, crassa, & spissa, qualis esse solet aqua maris, pisces facti sunt: vnde retinent soliditatem, non aquæ, sed terræ mixtæ. Humanam superat credulitatem, quod dicatur etiam aues, atque reptilia ex aqua traxisse originem; vnde aliqui putant non ex aqua, sed aliundè for-

mationem primam habuisse; suamque coniecturam probant ex eo, quod hæbreæ Biblia (auium, & reptilium) ad aquas non referent. Nos tamen communi hæremus sententiæ, tum quia versio latina rejici non potest; tum quia huiusmodi primarię originis exemplum quædam nobis reliquit Deus, cum plures auium, & reptilium species in aqua, & ex aqua nascantur.

## PROPOSITIO VIII.

*Et terra facta fuisse sexto die animalia, qua in superficie terre viuunt, atque in eius visceribus, nec non formatum fuisse hominis corpus, cui Deus indidit animam ratio-  
nalem, docet abundè  
Moses.*

**A**NIMALIA quædam, & si in terræ visceribus generentur, in eiusque nutriantur: tamen non ita abhorrent terræ superficiem, quin in illa aliquando delicientur, alia tamen in terræ superficie sunt, utrorumque generatio ex terra est tamquam à materiali causa; nam efficiens Deus fuit. Certè in animalium perfectione produktione mirabilis apparuit Deus; quia illa fuit mo-

mentanea, & instantanea. Qualia fuerint alia in prima productione non faciliè est diuinare: duo enim occurrunt dubia, quorum primū est de quantitate, aliud verò de numero. De quantitate dubitatur: hæc minutula producta fuerint, qualia videlicet nunc generatione vniuoca nascuntur, an verò tantæ molis tunc fuerint, quesitæ esse debent cum ad generationem apta sunt. Primum dici non potest: nam catuli producti fuissent cæci, & lacte egentes, quod ridiculum est putare; cumque Dei perfecta sunt opera, necessum est in perfecta corporis quantitate, & in statu perfecta fuisse animalia. Quantum ad numerum animalium. Putant aliqui, duo tantum indiuidua, masculum, & foeminam in qualibet speciem Deum produxisse; sed vix stare potest huiusmodi sententia: quia quædam cernimus animalia, quibus secunda generatio denegata est; vnde affirmât Naturalistæ, Leonem foeminam tantum semel parere, & tam matrem, quam foeminam viperarum in primo partu perire. Est alia ratio; Cultorem Dei fuisse Adā, nemo est qui dubitet, eique sacrificasse, quod si verum est, & sacrificium ad multum tempus differri non potuit, necessarium

est dicere, in eadem specie plura facta fuisse indiuidua. Missam facio rationem illam, quæ desumi posset ex tunicis pelliceis, quibus Adamum induit Deus post peccatum; nisi enim ad miraculosam productionem recurrere velimus, necessarium est concedere huiusmodi tunicas ex cuiuspiam animalis mortui pelle factas fuisse; quod si verum est, vel omnino periit species illa, vel plura in ea erant indiuidua. In animalium productione aduertere licet, ea sola facta fuisse, quæ nunc vniuocè generantur, non autem quæ equiuocè tantum generantur ex putrida materia: nam neque cimices, neque pediculos volumus esse opera manuum Dei. Non sunt quoque à Deo facta animalia, quæ ex diuersarum specierum mixtione generantur. Vnde mulus Deum non habet authorem. Est quidem humanum corpus per se sumptum, & animam destitutum opus die sextæ factum, imò totus homo secundum corpus, & animam sextæ die productus est; corpus quidem ex terra tamquam materiali parte, anima verò, quæ tota immaterialis est nullum habet cum terra commercium, & vnicam agnoscit causam, nempe Deum.

## PROPOSITIO IX.

*Ex lata productione utriusque creaturæ tam iacorporea, quam corporea, dicitur Deus quieuisse. Hinc Moyses. Igitur perfecti sunt cæli, & terra, & omnis ornatus eorum. Complevitque Deus die septimo opus suum quod fecerat: & requieuit die septimo ab universo opere quod patrarat, & benedixit diei septimæ: & sanctificans illum, quia in ipso cessauerat ab omni opere suo, quod creauit.*

**D**icitur Deus quieuisse die septimo, nō quidem quod ex tunc nihil agat, sed quia nihil ex tunc de nouo producit. Quies in Deo propriè non est, nam id quod quieti contrariatur, nempe motus, & labor in Deo locum non habet. Itaque quies in Deo, cessatio tantum est à noua rei alicuius productione. Nullum in Deo fuisse laborem, satis constat in productione mundi, cum solo imperio voluntatis omnia producta sint, vt audibili verbo opus non fuerit. Nam & si Moyses affirmat Deum dixisse; fiat lux, non tamen Deus loquutus est, sed dicere Dei respectu creature velle est efficax, vt talis creatura

fit. Operatur quidem Deus in cuiusque rei quotidiana productione; cum omnem effectum attingat immediatione actionis, & virtutis, & tantum dicitur Deus quieuisse, & cessasse ab omni opere, in quantum videlicet, quid quid iam producitur; fuerit in rebus productis senario dierum numero, vel tamquam in specie, vel tamquam in simile propter identitatem specificam earum, quæ tunc facta sunt, & nunc fiunt, &c.

Iam ergo prostratis in terra genibus, manus, corda, animasque erigamus in cœlos ad Dominum, & has præces ei humillimas offeramus.

## Oratio.

**I**esu Rex Regum, Domine dominantium, Iudex viuorum, & mortuorum, te suppliciter exoramus, & per sacra omnia obsecramus: ne reminiscaris delicta nostra, sed miserationum tuarum, quarum non est numerus. Non secundum peccata nostra, neque secundum iniquitates nostras retribuas nobis: sed propter merita laborum, lachrymarum, ieiuniorum, orationum, dolorumque passionis, & mortis suæ, ac propter gloriam nominis tui propiti-

tius esto peccatis nostris . Et si  
amiserimus vnde damnare potes:  
tu non amisisti vnde saluare so-  
les . Non sic attendendas scele-  
ra nostra, vt obliuiscaris bona  
tua . Domine Iesu esto nobis Ie-  
sus, idest Medicus, & Saluator .  
Libera nos de ore Leonis, ne  
quando rapiat, dum non sit, qui  
cripiat . Libera nos de morte  
æterna, in die illa tremenda,  
quando in vitimo aduentu tuo

planè mirabili, atque terribili,  
mouendi cœli, Angeli, elemen-  
ta, homines, mortui, viucentes,  
abyssi, demones, inferi . Placeat  
ergo, constituamur à dextris tuis  
vt audire mereamur illam dulcis-  
simam vocem tuam: venite bene-  
dicti Patris mei, possidete re-  
gnum paratum vobis à constitu-  
tione mundi . Quod tam felici-  
ter contingat, quam expetimus  
humiliter . Amen.

F I N I S.

# INDEX

Rerum notabilium , quæ in hoc  
opere continentur.

## A



*Abolutam* effectus sequitur immediate ad absolutum in causa. pag. 113. c. 1. et seq.

*Accidens* aliud proprium, aliud commune. p. 365. c. 1.

*Adæ* posterii quomodo iustitiam originalem acceperint, cum nondum existerent. p. 1. c. 2. & seq.

*Adæ* posterii exituri in statu innocentie, non fuissent impassibiles saltem remote, ab intrinseco. p. 251. c. 2. & seq.

*Adæ* prævaricatio quomodo fuerit causa nostræ prævaricationis. p. 13. c. 2.

*Adæ* posterorum voluntates in unicam *Adæ* voluntatem translata intentionalem existentiam acquisierunt. p. 96. c. 2. & seq.

*Adæ* filij non modò ratione naturalis, & physica, sed etiam, imò principalius, ratione moralis, & mysticæ filiationis ori-

ginale peccatum contrahunt. p. 100. c. 2. & seq.

*Adam* si peccasset contra aliud præceptum ab eo, quo ipsi fuit prohibitum comedere, de ligno &c. iustitiam originalem nobis non amisset. &c. p. 6. c. 1.

*Adam* interius consentiens operi peccaminoso, pro eo signo gratiam, non tamen iustitiã originalem amisit. p. 8. c. 2.

*Adam* perdidisse iustitiam sibi, & nobis, quomodo debeat intelligi. p. 23. c. 1. & seq. & p. 250. c. 1. & 2. & p. 261. c. 2. & seq.

*Adam* meruit iustitiam originalem, quantumvis sit ipsi composita, eamque non prius habuit, quàm præceptum de non comedendo &c. p. 24. c. 1. & seq.

*Adam* in puris naturalibus productum fuisse secundum Scotum probabile est. p. 26. c. 1.



&amp; 2.

Adam si in suis naturalibus creatus est absque gratia sanctificate, mediante auxilio supernaturali hâc meruit tantummodo de congruo p. 27. c. 1. & seq.

Adam infantibus amisit habitualem iustitiam; adultis verò actualem; & interutrâque amissionem duplex intercedit differentia. p. 31. c. 2. & seq. & p. 89. c. 1. & seq.

Adam ita fuit nostræ prævaricationis origo, sicut Christus nostræ iustificationis. p. 71. c. 2. & seq.

Adâ in transfudit in nos non solum effectum peccati, sed etiam ipsum peccatum. p. 80. c. 1.

Adam potuisse primò peccare venialiter, saltem ex obiecto, fusè probatur p. 238. c. 1. & seq.

Adâ in innocentia habuit plenitudinem omnis scientiæ, et virtutis. p. 292. c. 2. & seq. accepit etiam à Deo habitum fidei p. 293. c. 1. & 2. in eo statu eguit gratia auxiliante generali non autem speciali ad cognoscendas omnes veritates, etiam supernaturales p. 294. c. 1. habuit Angelum Custodem. p. 326. c. 1. habuit

dominium tam in actu primo, quàm in actu secundo super cuncta animalia. p. 321. c. 2. & seq.

Adam fuit immediatè à Deo productus ex terra; & aqua. p. 310. c. 1. & seq.

Adam habuit speciem infusam rerum naturalium in communi p. 338. c. 1. & seq.

Aduertere, & debere aduertere equiparantur, p. 200. c. 2. & seq.

Aequator quid sit, eiusque munera, & proprietates explicantur. p. 390. c. 1. & seq.

Agens liberum quid sit: p. 122. c. 2.

Amentes, & ebrij usu rationis omnino destituti possunt tempore interdicti interesse diuinis officijs. p. 217. c. 2.

Amentes, & infantes tempore interdicti non possunt in loco sacro sepelire ibidem.

Amentes possunt comedere cibos vetitos quocunque die tempore amentia, etiam si eorum amentia sit ad tempus. p. 218. c. 1.

Amentes & ebrij excusantur ab ab auditu missæ; non tamen si amens fuerit in aliqua particulari materia non pertinente ad missam. ibid. c. 2.

Andreas de Vega quid senserit, & in

& in quo errauerit circa amissionē iustitiæ originariis in a. dulti, p. 34.c.2. & p. 338.c.2.

*Angeli* etiam si non fuerint creati in gratia, non tamen pauciora obtinuerunt dona, quā Adam p. 160. c.2. & seq.

*Angeli* possunt assumere corpora. p. 359.c. 2. & seq.

*Angeli* non sunt quoad esse præsentēs cœlis, quos mouēt, sed Emphyreo. p. 386.c.1.

*Angeli* mouendo cœlos nō defatigantur. ibidem c.2.

*Anni* solares alij climaterici, alij periodiaci. p. 440. c.2. & seq.

*Annus* apud diuersos diuersum habet principium, eiusque diuersę partes, & tempora recensentur. pag. 439. c. 1. & seq.

*Aquarum* congregatio in vnum quomodo facta fuerit tertio die, vt appareret tellus. p. 460. c.1. & seq.

*Armenorum* error circa originale p. 60.c.1.

*Aspectus* Planetarum. vide Planetarum aspectus.

*Astrologia* circa quid versetur: quotuplex sit; quānam damnosa, & prohibita, ac quānā utilis, & proficua explicantur p. 344.c. 1. & 2.

*Auxilia*, administrationes &c. quæ præstāt captiui, aut serui

suis Dominis ad malè agendum, aut etiam ad pugnam contra Christianos sine ne peccaminosa. à p. 188.

*Auxilij* aduincendam tentationem efficacis denegatio non ponit in actu peccaminoso necessitatem tollentem, ab eo rationem demeriti. p. 38.c. 1.

*Auxilium* speciale, & priuilegium speciale non sunt idē. p. 34.c.2. & seq.

*Auxilium* præbens alicui, præstando ei rem indifferentem cum intensiōe, vt ea malè vtatur, & mortaliter peccet peccat mortaliter: sed si tamen si sine tali intensiōe. pag. 185, c.1. & 2. quod si res præstita ex se sit determinata ad malum vsum, est mortale peccatum, nisi sit aliqua causa excusans. ibidem, & seq.

*Axioma* illud: Qui per alium facit, per se ipsa facere videtur: in quo sensu verificetur p. 100.c.2.

*Axioma* illud: In quolibet genere causarum datur vna prima causa, ultra quam progredi non licet: in quo sensu verificetur. p. 350.c.2. & seq.

*Axioma* illud: Receptium debet esse denudatum à materia recepti: quo sensu verificetur. pag. 354.c.2.

**B**aptismus confert innocentiam tam habitalem, quā actuale. p. 41. c. 2. & seq.  
*Beati* in patria non merentur sibi, & bene tamen viatoribus. p. 271. c. 1.  
*Blasphemia* praeiussa ex ebrietate secutus imputantur culpae. p. 106. c. 2.  
*Bonum* naturae humanae potest tripliciter dici. p. 277. c. 2.

**C**arnes, & lacticia possunt infātib; & pueris atē vsū rationis porrigi quibusvis diebus, etiam sabbato Sancto. p. 217. c. 1.

*Caro* humana impassibilis per naturam hūc sit passibilis. p. 2. c. 2.

*Caro* humana potest licitē commedi ad tuendam vitam in casu necessitatis; nemo tamē tenetur eam comedere, etiā si aliās sit moriendum p. 210. c. 2, & seq.

*Caupones* ministrantes, sicut & famuli condientes cibos non ieiunantibus non peccant saltem moraliter. p. 193. c. 1.

*Circuli* coelorum decem. p. 388.

colon. 1.

*Circuli tropici*, & polares explicantur. p. 400. c. 2. & seq.

*Circulus lacteus*, seu via lactea est tantū vna infirmamento existens. p. 420. c. 2. & seq. in quo consistat. p. 421. c. 2. & seq.

*Coeli* non sunt animati. p. 358. c. 2. & seq.

*Coeli* sunt plures. p. 363. c. 1. & 2. nempe vndecim. p. 364. c. 2 specie inter se distincti. p. 365 c. 1. & seq.

*Coeli* omnes sunt densi, & duri, non tamen aequaliter ex omni parte. p. 373. c. 1. & seq.

*Coeli* neque sunt graues, neque leues. p. 374. c. 2. & seq. Neque visibiles, neque colorati. p. 375. c. 1. & 2. sed diaphani, & transparentes. ibidem.

*Coeli* agunt in omnia sublunaria directe, vel indirecte p. 376. c. 2. & seq. sua propria substantia luce, & calore cōcomitantibus. p. 377. c. 2. & seq.

*Coeli* omnes diuerso inter se motu mouentur ipsis communicato à primo mobili. p. 379. c. 2. & seq.

*Coeli* nec à se ipsis, nec immediate à Deo, sed à propria vnumquodque mouetur intelligentia. p. 382. c. 1. & seq.

*Coeli* ex sua circulatione nullū edunt

edunt sonum . p. 376. c. 1.  
 Coeli in toto rigore non sunt figuræ circularis . ibidem. c. 2.  
 Coeli decem habet circulos , quorum singuli explicantur . p. 388. c. 1. & 2.  
 Coelorum ordo, & dispositio explicatur . p. 366. c. 1. & seq.  
 Coelorum, & non alio motu mouentur stellæ tam fixæ, quam errantes . p. 378. c. 2. & seq.  
 Coelum triplicem habet significationem . p. 343. c. 1.  
 Coelum componitur ex partibus integrantibus . p. 345. c. 1.  
 Coelum simplex est possibile . ibidem. & seq.  
 Coelum habet materiam . p. 347. c. 1. & seq.  
 Eandem specie cum materia, sublunarium . p. 348. c. 2. & seq. probabiliter tamen diuersam . p. 349. c. 2. & seq.  
 Coelum habet formam physicā . p. 366. c. 1. & seq.  
 Coelum cur vnum alio tardiùs, aut velocius moueatur , pag. 367. c. 1.  
 Coelorum est figuræ circularis tum quoad partem concuā, tum quoad conuexam . pag. 369. c. 1. & seq.  
 Coelum non habet differentias situs, & positionis propriæ, sed tantum per dominationē extrinsecam . p. 371. c. 1. & seq.

Coelum Empyreum datur estq; sedes Angelorum, & Beatorum; secundum partem concuam est quadratum, secundum conuexam sphericum . p. 402. c. 1. & 2. agit in hac inferiora per suam substantiam, & innatas qualitates, & non per motum . p. 403. c. 1. extra ipsum aut supra ipsum non datur vllum spatium . ibidem. c. 2.  
 Coelum primum mobile quid sit, eiusque proprietates explicantur . p. 404. c. 2. & seq.  
 Coelum Christallinum quid, & quale sit explicatur . p. 406. c. 2. & seq.  
 Coelum stelliferum . Vide Firmamentum.  
 Coelum cuiuslibet Planetæ compactum est ex pluribus orbibus alijs cōcentricis, alijs excentricis . p. 423. c. 1. & 2.  
 Coelum mercurij constat ex quinque orbibus . p. 441. c. 1. & 2.  
 Coelum lunę habet quatuor orbis . p. 443. c. 1. & 2.  
 Coluri quid sint: vnde dicantur, & quanam eorum proprietates, p. 395. c. 1. & seq.  
 Consilium sumitur dupliciter . p. 139. c. 1.  
 Corpora gloriosa habent potentiam ad pati tantum remotissimam

simam.p.254.c.1.& seq.

Corpora primorum Parentum, si  
status innocentie durasset ;  
fuisent immortalia, non per  
aliquam qualitatem ipsis in-  
hærentem. p.255.c.2. & seq.  
Corporis nobilitas prouenit a  
forma.p.312.c.2.

## D

**D**æmon tribus modis ho-  
mines tentare aggreditur.  
p.326.c.1.& 2.

*Debitum* habendi iustitiam ori-  
ginalem in Adæ posteris est  
per se, & immediatum.p.9.c.  
1.& seq.

*Delectatio* de malo duplex. p.  
161.c.1.

*Delectatio* de pollutione secuta  
in somno potest non esse mor-  
taliter peccaminosa. p.166.c.  
1.& 2.

*Delectatio* sponsi de apprehen-  
sa copula futura num sit mor-  
taliter peccaminosa?ibidem.  
c.2.

*Delectatio* vidunt de præterito  
actu coniugij num sit mortali-  
ter peccaminosa? pag. 167.  
c.1.

*Delectatio* coniugis de imagi-  
noria copula in absentia co-  
niugis, si sit sine periculo pol-  
lutionis, non est moraliter

peccaminosa.ibid.c.1.

*Delectationes* morosæ quan-  
doham sint peccaminosæ, fu-  
sè declaratur. à p.160.Vid.  
*Voluntas.*

*Deus* cum Adâ non iniit pactum  
rigorosè dictum.p.25.c.1. &  
2.& p.99.c.2.

*Deus* quam legem statuerit de  
danda iustitia originali Adâ-  
mo, eiusque posteris, expli-  
catur. p.87.c.2.& seq.

*Deus* præcipiens attendit rerum  
naturas.p.143.c.2.

*Deus* cælum, & terram non vno  
momento, sed successiue pro-  
duxit.p.453.c.1.& seq.

*Deum* quieuisse die septimo,  
quomodo debeat intelligi.p.  
467.c.1.& seq.

*Dies* alius naturalis, alius artifi-  
cialis. p.436. c. 1. & 2.eius  
cum anno proportio.ibidem.

*Differentia* inter statum innocen-  
tiæ, & iustitiæ originalis.p.3.  
c.1.

*Differentia* inter statum iustitiæ  
originalis, et iustitiam ori-  
ginalem.ibidem. c.2.

*Differentia* inter iustitiam ori-  
ginalem, & gratiam sanctifi-  
cantem p.5.c.1.et seq.et pag.  
288.c.1.& seq.

*Differentia* inter meritum de-  
condigno, & de congruo. p.  
29.c.2.et seq.& p.267.c.1.&  
seq.

- seq. c. 2. & seq.
- Differentia duplex** inter omissionem iustitiæ habitualis in infantibus, et amissionem actualis in adultis ex originali peccato provenientes assignatur. p. 31. c. 2. et seq.
- Differentia** inter conceptionem et generationem. p. 108. c. 1.
- Differentia** inter voluntarium, et liberum. p. 123. c. 2.
- Differentia** inter peccatum mortale, et veniale. p. 134. c. 1. & seq. et p. 137. c. 2. et seq. et p. 149. c. 1. et 2.
- Differentia** inter impassibilitatē Beatorum. & eorum, qui extitissent in statu innocentiae, si perseverassent. pag. 358. c. 1.
- Differentia duplex** inter Deiparam, et exituros in statu innocentiae perseverante, quoad gratiam explicatur. p. 259. c. 2.
- Differentia** inter hominem attritum, & Angelum in puris naturalibus creatum. p. 265. c. 2. et seq.
- Differentia** inter statum puræ naturæ, et inter statum naturæ lapsæ. p. 277. c. 2.
- Differentia** inter vtrum speculativum, et morale. p. 307. c. 2. & seq.
- Differentia** inter causam peccandi, & causam tentandi p. 328
- Differentia** inter planetas, & stellas fixas p. 423. c. 1. et p. 425. c. 1.
- Differentia** quorundam planetarum inter se quoad traditatē. et velocitatem. p. 428. c. 2.
- Diligentia** quænam in quolibet viro requiratur ad excusandum a mortali propter ignorantiam iuri, vel facti. 203. c. 2. et seq.
- Dominium**, seu potestas aliud in actu primo, aliud in actu secundo. p. 321. c. 1. Aliud dispositivum, aliud civile. p. 324. c. 1. et 2.
- Dona**, et prærogatiuæ status innocentiae recesunt. p. 258. c. 1. et 2.
- Dubitans quis**: An mortaliter peccaverit, quam regulam servare debeat ad hoc dignoscendum. p. 154. c. 2. et seq.
- Dubitans quis**: an res indifferentes ab ipso exhibendæ in servitutē sint ad malum versus, si exhibeat, num peccet? p. 188. c. 1.
- Dubitans de viro timorato**, num eius ignorantia fuerit inuincibilis, debet præsumere fuisse inuincibilem. p. 202. c. 1.
- Dracandi** opinio circa peccatum originale a nobis contractum p. 66. c. 2. et seq.



**E** *Brj* in ebrietate malè a-  
gentes non peccant mor-  
taliter in tali opere, nisi  
priùs ante ebrietatem tale  
malum secuturum prævide-  
rint p. 205. c. 1. & 2;  
**E**brij vsu rationis omninò desti-  
tuti possunt tempore inter-  
dicti interfecisse diuinis officiis  
p. 217. c. 2;  
**E**brij non possunt comedere  
cibos vetitos. p. 218. c. 1.  
**E**clipsis quas condiciones requi-  
rat. p. 368. c. 1. quid sit, et vn-  
de proueniat p. 445. c. 2. et  
seq.  
**E**ffectus Iustitiæ originalis. Vide  
*Iustitia originalis.*  
**E**mpyreum. Vide *Cælum.*  
**E**picliscus quid sit. p. 425. c. 1. vni-  
uscuiusque Planetæ diuerso  
motu mouetur. ibidem c. 2. et  
seq.  
**E**rasmi error circa peccatum ori-  
ginale. p. 60. c. 1. et 2.  
**E**rrores Hæreticorum circa pec-  
catum originale enumeran-  
tur. ibid. et seq.  
**E**ua peccans ante Adamum gra-  
tiam sanctificantem, non iu-  
stitiam originalem pro instan-  
ti amisit. p. 8. c. 1.  
**E**ua congruè producta fuit ex

**Adæ** costa. p. 311. c. 2. et seq.  
**E**ua quomodò fuerit formata  
ex vna tantum **Adæ** costa. p.  
313. c. 1.

**E**ua probabilius est, quod fue-  
rit facta ex **Adæ** costa, tan-  
quam ex subiecto transmuta-  
tionis, quàm transsubstantia-  
tionis. ibid. c. 2. et seq.

**Excitatio** voluntatis. vide *Volun-  
tatis excitatio.*

**Excusatio** eius; qui præbet auxi-  
liam ad committendum pec-  
catum mortale contra iusti-  
tiam, requirit grauiorem cau-  
sam, siue necessitatem, quàm  
eius, qui præbet ad commit-  
tendum contra aliam virtutē.  
p. 186. c. 1. et 2.

**F** *Amuli* seruientes Dominis  
malè agentibus, aut mere-  
tricibus an peccent? a p. 192.

**F**irmamentum vnde dicatur tale;  
quid sit, quos motus, quosuz  
polos habeat, explicatur. p.  
407. c. 2. et seq. in eo sunt om-  
nes stellæ, exceptis septem  
Planetis. p. 409. c. 1. et seq.

**F**irmamentum secunda die con-  
ditum quos orbes contineat.  
p. 458. c. 2. et seq.

**F**emina scienter exponens se  
conspicui viri ipsam turpi-  
ter

ter amantis, non peccat mortaliter peccato scandali : nisi hoc faciat data opera absque vlla necessitate, vel vtilitate, aut commodo, pag. 184. c. 2. & seq.

*Fornicatio* præiusta ante somnum, vel ebrietate secutura in sono, vel ebrietate est imputabilis culpa. 206. c. 2.

G

*Generatio* fuisset in statu innocentie cum coitu, & delectatione. p. 333. c. 2. & seq.

*Glorians* de peccato mortali, peccat mortaliter : secus verò narrans suum peccatum mortale siue verum, siue falsum absque ipsius peccati approbatione, dummodò non adsit peccatum iactantie. p. 171. c. 1. & 2.

*Gratia* sanctificans distinguitur realiter à iustitia originali. p. 5. c. 1. & seq. & p. 288. c. 1. & seq. estque ea præstantior ibidem, c. 2. & seq.

*Gratia* præueniens, licet excludat omne meritum; non tamen omnem peccatoris adiuitatem. p. 45. c. 2. & seq.

*Gratia* voluntatem aliter præuenit, ac intellectum, & quo-

modò. p. 48. c. 1. & seq.

*Habitatio* naturalis cuius loci, cuiusque legibus subditus est ille, qui incipit ibi habitare cum animo ibi habitandi maiori parte anni etiam si postea mutet consilium. p. 227. c. 1. & 2.

*Habitus* existens in potentijs sensitivis ita valens supra ipsas, ut eas non permittat prurumpere in actus inordinatos, est impossibilis. p. 2. c. 1. & 2. *Habitus* iustitie originalis. *Vide Iustitia originalis.*

*Homo* in statu innocentie indigisset auxiliante gratia generali, non autem speciali ad cognoscendas omnes veritates, etiam supernaturales. p. 294. c. 1.

*Homo* in pura natura constitutus potest proprijs viribus acquirere veritates naturales rerum suo intellectui applicaturum. ibidem. c. 2. & seq.

*Homo* in statu naturæ lapsæ non potest omnes naturales veritates speculativas cognoscere. p. 296. c. 2. & seq.

*Homo* potest quamlibet veritatem naturalem diuinius cognoscere sine speciali Dei

auxilio p. 297. c. 2. & seq.  
 Homo in natura lapsa potest aliquas veritates practicas suis viribus cognoscere. p. 300. c. 1 & seq.

Homo pro statu naturæ lapsæ non potest sine noua gratia, & noua illustratione Dei habere certam, & constantem cognitionem omnium veritatum, quæ ad vitam studiosè dirigendam pertinent. p. 306. c. 2. & seq.

Homo cum cæteris animalibus sexta die conditus est. p. 465. c. 2. & seq.

*Horizon* alius reclus, alius obliquus; alius rationalis, alius sensibilis horum quilibet cum suis proprietatibus explicatur. p. 398. c. 2. & seq.

## I

**I**ntentia de peccato mortali est peccatum mortale, de veniali, veniali. p. 170. c. 2.

*Ieiunio* absolute iniuncto in confessione non satisfit per ieiunium aliàs debitū. p. 134. c. 1.

Ieiunium non obligat eum, qui potest ipsū seruare vsq; ad certā dici horā, & nō vltia 213. 1  
*Ignorantia* quid eiusque multiplex diuisio explicatur à p. 194. c. 2.

Ignorantia, & inaduertentia, inuincibilis excusant à mor-

tali p. 197. c. 2. etiāsi exorta sit ex mortali v. g. ex omissione missæ. p. 202. c. 1. & 2. & p. 205. c. 1.

Ignorantia concomitas excusat. p. 198. c. 1.

Ignorantia inuincibilis vnde dignoscantur à vincibili? p. 199. c. 1. & 2. & p. 201. c. 2. & p. 203. c. 1. & seq.

Ignorantia, vel inaduertentia, aut obliuio, adhuc vt sit vincibilis, & culpabilis, non sufficit cognitio virtualis, aut interpretatiua. p. 200. c. 1.

Ignorantia inuincibilis non potest dari circa prima iuris principia per se nota. p. 202. c. 2.

*Illuminatio* Spiritus Sancti. Vide *Gratia praueniens*.

*Immateriale* tripliciter sumi potest. p. 254. c. 1.

*Imperium* vnius hominis in actum adhuc fuisset in statu innocentiae p. 324. c. 1.

*Inaduertentia* quid eiusque multiplex diuisio explicatur à p. 196. c. 2.

*Increpatio* duplex, alia poenæ sensus, alia poenæ damni. p. 78. c. 2. & seq.

*Intellectus* in pura natura erraret, & talleretur sine Dei speciali auxilio sibi relictus. pag. 296. c. 1.

Intellectus noster minus potest viribus proprijs inquirere, veritates practicas quam speculativas, p.304.c.2.

*Iustificatio* ex parte adulti fuscipientis baptismum duo necessariò impprtat, alterum in genere causæ materialis, alterum in genere causæ formalis, & quænam hæc sint, p.43. c.1. & 2.

*Iustitia* originalis in quo consistat, p.1.c.1.

*Iustitia* originalis, & status iustitiæ originalis nō sunt idem p.3.c.2.

*Iustitia* originalis in quo sensu dicatur à Scoto perfectio naturalis, & in quo supernaturalis, p.4.c.1. & 2.

*Iustitia* originalis distinguitur realiter a gratia sanctificante. pag.5.c.1. & seq. & p.288.c.1. & seq.

*Iustitia* originalis secundum Suarez quænam dona includat, p.6.c.2.

*Iustitia* originalis quomodò fuerit exhibita Adæ posteris nō cum existentibus, p.11.c.2. & seq.

*Iustitiæ* originalis Adæ cecidit sub eius merito, pag.24.c.1. & seq.

*Iustitia* originalis Adæ, etiamsi fuerit ipsa comproducta, po-

tuit cadere sub eius merito, ibid. & c.2.

*Iustitia* originalis in Adamo nō præcessit præceptum de non comedendo de ligno. &c. ibi. & seq.

*Iustitiæ* originalis effectus quinam forent, perseverante statu innocentiae. p.1. c. 1. & p.290.c.1. & 2. ab ipsa non causarentur naturaliter, p.1.c.2. & seq.

*Iustitiæ* originalis habendæ debitum in Adæ posteris est per se, & immediatum p.9. c.1. & seq.

*Iustitiæ* originalis acceptio, cum vna numero sit, quomodò sit singulis Adæ posteris propria. p.15.c.15.1.2.

L

**L**eges diuersæ duarum Patriarchiarum æqualiter habitantem in vtraque obligant successivè, prout in vna, vel in altera reperiatut. p.226. c.2.

Legis veteris ad novam comparatio. p.65. c.2.

Lex, quam Deus statuit danda iustitia originali Adæ, eiusque posteris explicatur. p.87.c.2. & seq.

Lex sumitur dupliciter. p.138. c.2.

**Lex** nulla Ecclesiæ, sed tantum naturalis obligat infedele,  
& Cathecumenos. p. 116. c. 2.

**Libertas** formaliter est in voluntate, virtualiter, seu originaliter in intellectu. pag. 123. c. 1.

**Libertas** alia contradictionis, alia contrarietatis ibi. c. 1. & 2.

**Locatio** domus meretricibus, aut vfurarijs sit ne peccaminosa? p. 189. c. 2.

**Lumen** in quo consistat, p. 429. c. 2. & seq. Aliud est primum, aliud secundarium, p. 430. c. 2.

**Luna** quid sit eius quantitas, eiusque maculæ unde proueniant, explicatur. p. 442. c. 2. et seq. Eius coelum quatuor habet orbes, p. 443. c. 1. et 2. Coniuncta soli non facit Eclisim solis. ibide. Duplex eius motus secundum longitudinem, & latitudinem Zodiaci explicatur. ibidem, & seq. Cur aliquando non statim videatur post eius conjunctionem cum sole. p. 445. c. 1. Eius Eclipsis quid sit explicatur: ibid. & seq.

**Lux** est accidens de genere qualitatis. p. 429. c. 2.

**Lux** primæ diei est ipsamet lux solis, sed valde debilis, ac remissa. p. 457. c. 2. & seq.

**Materia** duplex alia partis, alia transmutationis, p. 313. c. 2.

**Materia** spiritualis est possibilis, p. 351. c. 2. et seq.

**Materia** sit ne gravis, aut levis, standum est arbitrio prudentis viri, p. 174. c. 1.

**Materiæ** paruitas excusat a mortali; sed huiusmodi paruitas non datur in omni generi materiæ puta in odio Dei, Iuramento assertoris, & in simonia. p. 172. c. 1. et 2.

**Materiæ** parvæ plures, si tales sint, ut coalescant in unam, possunt cōdevenire, ut faciāt unam gravem, secus verò non. p. 174. c. 2. & seq.

Deducuntur inde plura corollaria ad parvitatem materiæ spectantia. a p. 176.

**Mercurius** præter eos motus, qui communicantur ipsi a superioribus coelis, alium habet sibi specialē ab occasu in ortum. p. 442. c. 1.

**Meridianus** circulus quid, et quotuplex sit, eiusque proprietates explicantur. p. 197. c. 1. & seq.

**Meritum** de congruo, et de congruo in quo differant. p. 29. c. 2.

c. 2. & seq.

*Metus* duplex alius cadens in virum constantem, alius in inconstantem, p. 208. c. 2. Item alius incussus ab intrinsecis, alius ab extrinsecis; & ipse alius gratia extorquendi voti, alius ob aliam causam. p. 209. c. 1.

*Motu* coelorum, & non alio moventur stellæ tam fixæ, quam errantes. p. 378. c. 2. & seq.

*Motus* calorû suo inter se diuer si participati a primo mobili, p. 480. c. 2. & seq.

*Motus* coelorum alius diurnus, alius obliquus. ibidem; & hi Neque sunt sibi inuicem contrarij, neque naturales, neq; violenti, p. 381. c. 1. & 2.

*Moses* quid exprefferit per illa verba; *In principio creauit Deus calum, & terram, terra autem erat inanis, & tæna, & tenebra* &c. p. 451. c. 1. & seq.

*Munera* concubinae Iudicis deferentes, vt apud eum pro ip sis intercedat, peccant venialiter. p. 193. c. 2.

*Mutatio* ab vno domicilio ad aliud obligat ad obseruantium legum noui domiciliij. p. 219. c. 1.

**O** *Bedientia* animalinm erga Adam durante statu innocentiae vnde prouenit. pa-

gina. 312. c. 1. & seq.

*Obligatio* iustitiæ originalis cõsiderata vel in ordine ad Adã vel in ordine ad filios tunc existentes, si eos præhabuisset; vel in ordine ad posteros futuros, explicatur quomodò se habeat ad istorum singulos. p. 13. c. 1. & 2.

*Occasio*. Vide *Fericulum*.

*Opus* primæ diei explicatur. p. 456. c. 2. & seq.

*Opus* secundæ diei, p. 458. c. 2. & seq.

*Opus* tertiæ diei. pag. 460. c. 1. & seq.

*Opus* quartæ diei. p. 463. c. 1. & seq.

*Opus* quintæ diei. p. 465. c. 1.

*Opus* sextæ diei. ibidem c. 2. & seq.

*Orbes*, ex quibus conflatur, vnicum Planetæ cælum non eodem moventur motu. p. 425. c. 2. & seq.

*Orbis* cœlestis alius cõcetricus, alius excetricus, & quid utret. que, p. 423. c. 2.

*Ordo* seruandus in cognoscendis diuinis decretis. p. 334. c. 2. & seq.

*Originale peccatum*. Vide *Peccatû originale*.

*Ortus*, & occasus signorum Zodiaci explicantur, p. 418. c. 1. & seq.



## P

**P** Actum Dei cum Adamo nō fuit rigorosè dictum. p. 25. c. 2. p. 99. c. 2.

*Paradisus* potest tripliciter sumi, scilicet pro Anagogico, Allegorico, & Tropologico, p. 315. c. 2.

*Paradisus terrestris*, est locus corporeus, p. 316. c. 1. & 2. Vbinam sit vel fuerit. p. 218. c. 1

Quantum fuerit. p. 319. c. 1. Cur tam magnificè conditus fuerit, si homo eo adeò breui v-surus erat? ibid. c. 1. & 2. Cur sit inaccessibilis? ibidem, & seq.

*Pauitas* materix Vide *Materia pauitas*.

*Pater* volens generare, non per hoc vult peccatum originale nascituri. p. 83. c. 2.

*Peccati* originalis imputatio fa vni potest in alio riperiri, quē tamen non determinat sub ratio ne peccatoris. pag. 20. c. 2.

*Peccati* originalis permissio multorum bonorum fuit occasio. p. 81. c. 2.

*Peccati* originalis transfusio ex Adam in eius posteros reuocanda est ad horum in illo continentia moralem proue-

niētem ex solo Dei beneplacito, ipſique Adæ manifestatam. p. 98. c. 1. & seq.

*Peccati* originalis transfusio nō pronenit instrumentaliter ex sola propagatione ex Adā, sed etiam ex Eua. pag. 105. c. 1. & seq.

*Peccatum* originale est propriū singulis. p. 15. c. 2. & seq.

*Peccatum* originale sustulit iustitiam originalem paruulis, adultis verò etiam actualement. p. 39. c. 2. & seq.

*Peccatum* originale esse in nobis multipliciter ostenditur, idq; non per imitationem, vt falso putauit Pelagius, sed per transfusionem ab Adā. p. 62; c. 1, & seq. & pag. 70. c. 2. & seq.

*Peccatum* originale in Adā fuit personale, & naturæ. p. 64. c. 1.

*Peccatum* originale in nobis est verè, & propriè peccatum. p. 66, c. 2. & seq.

*Peccatum* originale importat maculam non physicam, sed moralem. p. 70. c. 1. & 2.

*Peccatum* originale quomodo sit voluntarium, p. 37. c. 2. & seq. & p. 80. c. 2. & seq. & p. 125. c. 1. & seq.

*Peccatū* originale fuit Adæ remissum, in quantum personale,

- le, non inquantum originale, seu naturale. p. 82. c. 1. & 2.
- Peccatum originale est causa moraliter influens in actuale, p. 86. c. 1.
- Peccatum originale contrahitur a pueris mere passivè se habentibus p. 92. c. 2. & seq.
- Peccatum originale transfunditur per generationem actinā. p. 112. c. 1. & seq.
- Peccatum originale non est voluntarium Adæ posteris, non obstante, quod voluntates horum moraliter contineantur involuntate illius. p. 129. c. 1. & seq.
- Peccatum originale non exco-  
luit transfusum in posteros Adæ, quia hic fuit eorum naturale, sed mortale. p. 122. c. 2. & seq.
- Peccatum originale vires humanas imminuit. p. 276. c. 2. & seq.
- Peccatum actuale, licet absolute; aut de possibili non habeat necessariam connexionem cum originali: in nobis tamē defacto eam habet. p. 84. c. 1. & seq.
- Peccatum actuale originale, & hoc etiam è contra potest in aliquo sensu illud inferre. p. 85. c. 2. & seq. & pag. 91. c. 1. & 2.
- Peccatum mortale unde dicatur tale p. 133. c. 1. & 2.
- Peccatum mortale, & veniale, quomodo distinguantur. pag. 134. c. 1. & seq. & p. 137. c. 1. & seq. & p. 139. c. 2.
- Peccatum mortale non differt à veniali per hoc, quod istud respicit immediate creaturas, illud verò Deum. p. 140. c. 2. nec per hoc, quod istud præter legem, illud verò contra legem. p. 141. c. 1. & 2.
- Differunt secundum proprias rationes genere proximo tanquam species subalternæ. p. 149. c. 1. & 2. Secundum eorum essentiam conveniunt univoce. p. 145. c. 1. & seq.
- Peccatum mortale in voluntate necessario præsupponit intellectum non tantum virtutalem, sed actualem cogitationem, vel dubitationem, aut scrupulum de ipsius malitia. p. 199. c. 2. & seq.
- Peccatum veniale unde dicatur tale. p. 133. c. 2.
- Peccatum per se veniale, quantumvis multiplicetur, nequit unquam attingere malitiam unius mortalis. p. 150. c. 1. & seq. secus tamen si incurratur periculum committendi mortale. p. 178. c. 2.
- Peccatum ex se veniale non fit mor-

mortale per nouo præceptum  
superioris illud prohibentis.  
p. 178. c. 1.

Peccatum aliàs veniale in san-  
ctissimo viro non redditur  
mortale, nisi inde scandalum  
oriatur. p. 179. c. 2. & seq.

Peccatum aliàs veniale potest  
fieri mortale ratione contem-  
ptus superioris illud prohi-  
bentis non tamen ratione in-  
dignationis, nisi ipsa indi-  
gnatio sit mortalis, ibidem. &  
seq.

Peccatum in somno, vel ebrie-  
tate commissum non est pec-  
catum in se, sed tantum in  
sua causa; p. 207. c. 1. & 2,

Peccatum in somno, vel ebrie-  
tate commissum non necessa-  
riò est in confessione expri-  
mendum, sed satis est, si eius  
occasionem datam, eiusque  
præuisi non impeditionem,  
exprimere, p. 207. c. 2.

Peccatum ante somnum, vel e-  
brietatem præuisum sufficit  
ad irregularitatem, & excō-  
municationem. p. 208. c. 1.

Peccatum aliud exeuentu aliud  
ex genere, seu ex obiecto. p.  
136. c. 2: & pag. 148. c. 1.  
& 2.

*Pelagij* error circa peccatum ori-  
ginale. p. 60. c. 1.

*Peregrini* extra proprium locum

existentes non tenentur legi-  
bus proprii domicilii, etiam si  
nocte sequenti sint ad ipsum  
reuersuri. p. 210. c. 2.

Peregrini non tenentur (cessate  
scandalo) seruare leges ob-  
ligantes in loco transiens, aut  
hospitij, dum in eo moran-  
tur, p. 214. c. 1. exceptis tamē  
ijs, quæ spectant ad contra-  
ctum, vel ad bonum commu-  
ne illius loci, aut quæ obli-  
gant ex inri communi tali lo-  
ci, 215. c. 1. & seq.

*Periculum* mortaliter peccandi.  
mutat opus ex se veniale, aut  
indifferens in mortale, sed  
non semper, pag. 194. c. 1.  
& 2.

*Periculum* mortis nequit facere  
licitam rem intrinsecè malā.  
p. 209. c. 1. & 2.

*Pisces* ex aqua in aqua producti  
fuerunt quinta die. p. 465. c.  
1.

*Planeta* quilibet suum habet ex-  
tram compactum ex pluribus  
orbibus alijs incentricis, alijs  
excentricis. pag. 423. c. 1. &  
seq.

planeta quilibet præter solem  
habet in suo orbe deferente,  
Epicyclum. p. 424. c. 2. & seq.  
& p. 428. c. 1.

Planetae diuersos habent polos  
à polis mundi. pag. 426.

c. 2. & seq.

Planetarum aspectus quotu-  
plex. p. 427. c. 2.

Polis planetarum sunt diuersi à  
polis mundi. pag. 426. c. 2.  
& seq.

Pollutio præuifa ante ebrietatē,  
vt secutura ex præcisa ebie-  
tate non imputatur culpæ  
mortali non autem si præui-  
deatur, vt ex actibus in ebie-  
tatis futuris prouocanda. pag.  
207. c. 1.

Potentia vitalis est producti-  
ua actus vitalis, eiusque re-  
ceptiua, & per ipsum opera-  
tiua in eodem temporis in-  
stanti, cum aliquo tamen or-  
dine naturæ. p. 46. c. 2.

Potentia vitalis siue cognotiua,  
siue appetitiua dicitur co-  
gnoscere, vel appetere, qua-  
tenus actū formaliter tendit  
in obiectum, eique vnitur. p.  
47. c. 2.

Potentia duplex per vnicum a-  
ctum in idem commune obie-  
ctum tendere potest nō adæ-  
quatē illud præcipiēdo; quod  
sit probabiliter dictum. p. 54.  
c. 1. & seq.

Potentia triplex ad pati, & cor-  
rumpi explicatur, p. 252. c. 1.  
& 2.

Præceptum, vnde dignoscatur,  
sit ne sub mortali, vel venia-

li ? p. 143. c. 2. & seq.

Præceptum humanum, cuius  
obseruantia per accidens co-  
niungitur cum periculo mor-  
tis, non obligat cum pericu-  
lo mortis. p. 209. c. 2. & seq.

Idipsum etiam verificatur de  
nonnullis alijs legibus, siue  
præceptis Iuri dipini positiui,  
& naturalis, p. 210. c. 1. se-  
cūs tamen si transgressio præ-  
ceptis intercedatur in contē-  
ptum &c. ibidem, & p. 211.  
c. 1.

Præceptum de ieiunio, auditio-  
ne missæ, & abstinentia ab o-  
pre seruili non obligāt cum  
periculo vitæ, p. 210. c. 1.

Præceptum de suspiciendo Ba-  
ptismo, vel Confessione non  
obligant ad ultimum cum peri-  
culo vitæ, p. 210. c. 2.

Præceptum aliud est, de re mo-  
raliter indiuisibili, aliud de  
diuisibili. p. 211. c. 2. & seq.

Præceptum de re moraliter in-  
diuisibili non obligat ad par-  
tem eum, qui non potest fa-  
cere totum, quod censetur  
integrè moraliter tale præce-  
ptum implere, p. 212. c. 2.

Præceptū de audienda missa eū  
qui non potest vsq; ad consec-  
rationē interesse nō obligat  
quoad eam partem, bene ta-  
men eum, qui potest mis-

ſæ intetefſe, quoad eam partem, quæ Præſationem ſubſequitur. p. 213. c. 2.

Præceptum de recitando officio non obligat eum, qui defectu Breuiarii poteſt recitare Pſalmos, & non nouem lectiones cum reſponſorijs; ſecus verò ſi officium fuerit tantum trium lectionum. p. 213. c. 2. & ſeq.

Præceptum de re moraliter diuiſibili eum, qui non poteſt implere quoad totum v. g. Officium obligat quoad aliquam certam partem, quam poteſt. v. g. ad Primam, Veſperas &c. p. 214. c. 2.

Præceptum de re moraliter diuiſibili impotentem ad maiorem partem non obligat ad minorem incertam per impotentem verò tantum ad minorem obligat ad maiorem p. 215. c. 1. potentem autem ad æqualem implendam obligat ad illam, ibidem. c. 2.

Præceptum ſiue diuinum, ſiue humanum non obligat infantes, & pueros ante uſum rationis; ſicut nec etiam amentes pro ſtatu amentię. p. 216. c. 1. & 2.

Præceptum, ſemel impletum in proprio domicilio non obligat peregrinum ad illud iterum ſeruandum, vbi eſt ho-

pes. o. 210. c. 1.

Præceptum de ieiunio, vel auditu miſſæ nõ obligat ſub mortali eum, qui data opera alio ſe confert, vbico die non habetur tale præceptum, 223. c. 2. & ſeq.

Præceptum ſiue diuinum, ſiue humanum, vt adimpleatur, requirit actione humanam, qua quis volens efficiat opus iniunctum, p. 227. c. 2.

Præceptum de recitando officio non adimpletur, recitando officium ſola legendi vel diſcendi voluntate. p. 228. c. 1.

Præceptum de auditu miſſæ nõ adimpletur per interuentum cauſalem, & per ſolam aſſiſtentiam abſque animo audiendi miſſam. ibidem c. 2.

Præceptum poteſt adimpleri abſque intentione ſatisfaciendi. p. 229. c. 2. & ſeq. imò etiã cum intentione non ſatisfaciendi. p. 330. c. 2. nec oportet, vt talem intentionem non ſatisfaciendi mox intra tempus obligationis deponat. p. 231. c. 1. & 2.

Præceptum poten aliquando adimpleri per actum, qui ſit peccatum. p. 233. c. 1.

Præceptum duplex poteſt adimpleri per vnicum actum qui

- qui sit peccatum. p. 233. c. 1.  
 Præceptum duplex potest adimpleri per vnicum actum, p. 234. c. 1. & 2.  
 Præceptum duplex omiffiū non ſemper infert duplex peccatum. 35. c. 1. 2.  
 Præceptum duplex vno, eodemque tempore per duplicem actum adimpleri. p. 235. c. 2. & ſeq.  
 Præceptū nullum datur obligās adultū ad ſe conuertendum, meritoriè in Deum vltium finem in primo instanti vſus rationis .p. 246. c. 1. & ſeq.  
 Preſentia obiecti alia in re, alia per imaginationem. p. 161. c. 1. & 2.  
 Primi parentes. Vide Adam.  
 Primum mobile. Vide Cælum.  
 Proportio diei, & anni. p. 436. c. 1. & 2.  
 Puncta orbium cæleſtium duo, ſcilicet Aux, & oppoſitum. Auguis. p. 424. c. 2.  
 R  
 Receptio ſecundū Tridentinum non ſignificat ſolā paſſiuitatem, ſed etiam actiuitatem. p. 44. c. 2. & ſeq.  
 Regula ſeruanda, vt quis dignoſcat peccauerit ne mortaliter. p. 154. c. 2. & ſeq.  
 Regula duplex ad dignoſcendā grauitatem, leuitatem, & paucitatem materiæ. p. 172. c. 2. & ſeq.  
 Regula ad dignoſcendā ignorantiam inuincibilē a vincibili p. 199. c. 1. & 2.  
 Regula ad dignoſcendum, quādonam peccet admittens impedimentum, quo præceptum impleri non poſſit. p. 237. c. 1.  
 Regula de obligatione præcepti de re moraliter diuiſibili reſpectu eius, quā vnā partem incertam, & non aliam poſteſt adimplere, d. 215. c. 1.  
 Regulæ ad dignoſcendum; quādo nam delectationes moroſæ ſint peccaminaſæ, ſuſè pro ponunter a p. 150.  
 Reprobi durante ſtatu innocentie nati non fuiſſent. p. 335. c. 1. & ſeq.  
 S  
 Sæctiſas non ſolū eicit for maliter iuſtitiam, ſed etiam eas continuationem. p. 249 c. 2. & ſeq.  
 Scandalum aliud paſſiūm, aliud actiūm; Actiūm aliud ſpecialē, aliud generale. p. 181. c. 1. & 2.  
 Scandalum præbens occaſionem peccati venialis eſt veniale, p. 102. c. 1. & 2, mortalis veromortale. p. 183. c. 1. & 2.  
 Scire, & debere ſcire æquiparant.



rantur. p. 200. c. 2. & seq.

*Semin alis ratio*, vt in exercitio non importat aliquid præter se ipsam in esse quieto, nisi solam absoluti effectus positionem in esse. p. 118. c. 1. & seq.

*Serpens*, qui nostros primos parentes decepit, fuit verus serpens à Dæmone assumptus, p. 330. c. 2. & seq.

*Signa considerabilia in diuina cognitione*, & nolitione. pag. 334. c. 2. & seq.

*Signa Zodiaci*, eorumque figuræ, & proprietates recensentur, p. 414. c. 2. & seq.

In ipsis quadrupliciter potest aliquid esse. p. 416. c. 1. & 2.

Cur dicantur domus detrimenta, exaltationes, & casus Planetarum? p. 417. c. 1. & 2. Eorum ortus, & occasus explicatur. p. 418. c. 1. & 2.

Eorum ortus, sicut & occasus est duplex. p. 419. c. 1. & 2.

*Sol* non sequitur immediatè Lunam. p. 367. c. 2. & seq.

*Sol* non habet Epiciclum. p. 425 c. 2. & 433. c. 1.

*Sol* conuenit in aliquo cum stellis. & in quo eius natura consistat. p. 429. c. 1. & 2.

*Sol* ceteris Planetis est maior, & actiuior. eiusque actiuitas in calore, & luce consistit.

p. 431. c. 2. & seq.

*Sol* habet suum cœlum compositum ex tribus orbibus simile aliis cœlis, & orbibus triūsuperiorū Planetarū excepto Epicyclo quo *Sol* caret. p. 433. 5. Cur tardius percurrat signa septentrinalia, quàm Australia, Ibid. c. 1. & seq.

*Sol* circulariter mouetur motu priui mobilis, eiusque altitudo est eleuatio supernostri horizontem, pag. 434. c. 2. & seq.

*Sol* motu diurno perficit horas alias æquales, alias inequales. p. 435. c. 2. Motu quoque diurno facit dies naturales, & artificiales, p. 436. c. 1. & 2. suo denique motu facit annum. p. 438. c. 1. & seq.

*Sol* quanto tempore perlustret totum Zodiacum, nunquam, ab Ecliptica linea recedens. p. 437. c. 1. & 2.

*Solis* Eclipsis, quid sit. p. 446. c. 2. & seq.

*Sol*, Luna, & sidera condita fuerunt quarto die non secundum omnes sua partes integrales, p. 463. c. 1.

*Sol*, & Luna dicuntur luminaria magna quia vt pote viciniore, videntur talia. p. 464. c. 2.

*Sphœra Astrologorum* cœlestes

stes circulos representās explicatur . p.388.c.1. & seq.  
*Sponsi* delectantes de copula futura apprehensa num peccēt. p.160. c. 2.  
*Status* iustitiæ originalis, & iustitia originalis nō sunt idem. p.3 c. 1.  
*Status* iustitiæ originalis, & iustitia originalis non sunt idē . ibidem.c.2.  
*Status* innocentiae nedūm rectitudinis continuationem, verū etiam infallibilitatem continuationis includit. p.41. c.1.  
*Status* innocentiae perfectio fusè declaratur. p.349.c.1. et seq.  
 Eius prerogativæ recensentur. p. 258.c.2. & seq.  
 Status hominis sex possunt considerari. p. 275.c.2. & seq.  
*Status* quid sit. p.276.c.1.  
*Status* puræ naturæ. & status naturæ lapsæ quomodo differant. p.277.c.2.  
*Status* innocentiae si durasset infantes in ipso animationis instanti vsum rationis habuissēt p.285.c.1. & seq.  
*Status* innocentiae admisisset generationem cum coitu, & delectatione. p. 333.c.2. & seq.  
*Status* innocentiae probabiliter tot habuisset viros quot fe-

minas. p. 324. c. 1.  
*Status* innocentie nullam habuisset verecundiam. p. 340. c.1. & 2.  
*Stelle* firmamenti cur dicatur fixæ? p.369.c.2. Omnes sunt in firmamento. p. 409.c.1. quid sint. ibidem.c.2. cur scintillare videantur. p.410.c. 2. sunt figuræ rotundæ, & sphaericæ, diversæque magnitudinis. p. 411. c. 1. earum numerus, & imagines explicantur ibidē . c.2. & seq. habent longitudinem, latitudinem, & declinationem. p.412. c. 1. & seq. quomodo ipse stellæ cognoscantur, p. 420.c. 1.  
*Superior* præcipiens sub mortali materiam, etiam consideratis circumstantijs leuem, non obligat ad mortale. p.174.c.1 & 2.

T

**T***Empus.* quo singuli Planetæ suum absoluunt motum explicatur. p. 367.c. 1.  
*Tentatio* externa adhuc fuisset in statu innocentiae. p.326. c. 1. & seq.  
*Tentatio* duplex alia probationis, alia seductionis. p. 327. c.1.  
*Terræ* ambitus quātus sit. p.448 c.2.

c.2. Primò diuiditur in quinque zonas. 448.c. 2. Secundò diuiditur secundum longitudinem, & latitudinem. p.449.c. 1. & 2. Tertiò diuiditur per parallelos, p. 450.c. 1. Quartò diuiditur in Europam, Asiam, Africam, & Americam. ibid. c.2.

*Testamentum* vetus cum nouo comparatur. p. 65.c.2.

*Tridentinum* definiens, Adam sibi, & nobis iustitiam amisisse, quomodo intelligendum p. 22.c. 1. & seq. & p. 261.c.2.

## V

**V** *Agi* tenentur legibus illius loci, in quo obiter reperiuntur. p. 219. c.2.

*Venditio* rei inferuentis ad malum, absque eo quod intendatur tale malum, non est peccatum mortale, nisi tamen talis venditio possit denegari absque vllò damno. p.187. c. 1. & 2.

*Venditio* veneni non potest licetè cuilibet fieri. p. 188.c. 1. & 2.

*Viatores* iusti merentur sibi de condigno, alijs verò de congruo. p.271.c.2. & seq.

*Vidua* delectans de praterito

actu coniugij num mortaliter peccet. p.167.c.1.

*Vocatio* tantum ad voluntatem formaliter spectat. p. 50.c. 1. Vmbra alia recta, alia versa, & quid vtraque sit? p. 431.c.1. & 2.

*Volens* transgredi præceptum sub ea conditione, nisi adesset timor Dei, vel nisi transgressio esset Deo iniuriosa, num mortaliter peccet? p.170.c.1 & 2.

*Voluntarium* alienum, quomodo insit alienæ voluntati, & sit ne sufficiens ad imputabilitatem. p.68.c.2. & seq.

*Voluntarium* non est formalis ratio peccati: sed tantum conditio. p.80.c.1.

*Voluntarium* diuersimodè requiritur ad peccatum originale, ac ad actuale. p. 73.c.2. & seq. & p.80.c.2. & p.125.c.1. & seq.

*Voluntarium* definitur, eiusque definitio explicatur p.121.c.1 & 2. Multipliciter diuiditur ibi. c.2. & seq. & p.124. c.1.

*Voluntarium*, & liberum non sunt idem. p.123. c.2.

*Voluntarij* ratio in peccato originali explicatur p.73.c.2. & seq.

*Voluntas* gratia præuenitur aliter, ac intellectus, & quomodo-

modo, p. 48. c. 1. & seq.  
 Voluntas nequit operari per actum intellectus, & quare. p. 52. c. 1. et seq.  
 Voluntas in tentationibus peccati mortalismultipliciter potest se habere: & ynde dignoscatur, quod mortaliter, aut venialiter peccat. p. 153. c. 1. et seq.  
 Voluntas quando nam teneatur sub mortali ad reprimendam delectationem, et motus prauos appetitus. p. 157. c. 1. et seq.  
 Voluntas non consentiens delectationi sensuali, nolens tamē eam impedire, aliquando mortaliter peccat, aliquando verò non. p. 159. c. 1. et seq.  
 Voluntas si morosè delectetur tantum de sibi proposito per apprehensionem, modo, de artificio rei malæ non peccat per se. sed per accidens. p. 162 et seq. secus tamen si de ipsamet substantia rei malæ. pag. 163. c. 1.  
 Voluntas vnde cognoscatur, quod morosè delectetur de modo rei malæ, aut de ipsa substantia rei malæ. ibi. c. 2.  
 Voluntas morosè delectans de actibus mortalibus, sed excusatis à culpa ratione somni, ebrietatis etc. quando nam, pec-

cat, et quando non. p. 165. c. 1. et seq.  
 Voluntas consentiens operi mortaliter peccaminoso sub hac conditione; hoc facerē, si mihi liceret, nisi esset peccatū &c. quando, et in quo sensu peccaret, & in quo non. p. 167. c. 2. et seq. id ipsum explicatur per varia Corollaria p. 169. c. 1. et seq.  
 Voluntatis excitatio intellectus illuminationem necessariò præsupponit. p. 51. c. 1. et seq.  
 Duplex est alia formalis, alia formalis, alia virtutis. p. 54. c. 2. et seq. facta per actum primo primum quomodo potest esse actus ad eò necessarius, ut sit moralitatis incapax. et omnem meriti, et demeriti rationem excludat. p. 55. c. 1. et seq.  
 Voluntatis, actus alius efficax, alius simplicis complacentiæ: et hic adhuc est duplex. p. 160. c. 1. et seq.  
 Votum, et Iuramentum possunt adimpleri absque eo quod habeatur intentio satisfaciendi. p. 232. c. 2.  
 Vfus rationis explicatur quid sit p. 246. c. 2.

Z

**Z** Odiacius quid sit, eiusque proprietates explicatur. p. 393.

p.393.c. 2. et seq. Diuiditur  
secundum longitudinem, et  
latitudinem, et quanta vtra-  
sit p.394.c.2. et seq. Diuidi-  
tur. in duodecim signa. pa-

gina413.c.2 quorum nomina  
figuræ,et proprietates recen-  
sentur, et explicantur.p.414.  
c.2.et seq.

Zona terræ quintuplex.p.448.

F I N I S











